

**CIHM
Microfiche
Series
(Monographs)**

**ICMH
Collection de
microfiches
(monographies)**



Canadian Institute for Historical Microreproductions/Institut canadien de microreproductions historiques

© 2000

Technical and Bibliographic Notes / Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming are checked below.

- Coloured covers /
Couverture de couleur
- Covers damaged /
Couverture endommagée
- Covers restored and/or laminated /
Couverture restaurée et/ou pelliculée
- Cover title missing / Le titre de couverture manque
- Coloured maps / Cartes géographiques en couleur
- Coloured ink (i.e. other than blue or black) /
Encre de couleur (i.e. autre que bleue ou noire)
- Coloured plates and/or illustrations /
Planches et/ou illustrations en couleur
- Bound with other material /
Relié avec d'autres documents
- Only edition available /
Seule édition disponible
- Tight binding may cause shadows or distortion along
interior margin / La reliure serrée peut causer de
l'ombre ou de la distorsion le long de la marge
intérieure.
- Blank leaves added during restorations may appear
within the text. Whenever possible, these have been
omitted from filming / Il se peut que certaines pages
blanches ajoutées lors d'une restauration
apparaissent dans le texte, mais, lorsque cela était
possible, ces pages n'ont pas été filmées.
- Additional comments /
Commentaires supplémentaires: Texte en latin et comprend du texte en français.
Cette copie a des annotations manuscrites.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured pages / Pages de couleur
- Pages damaged / Pages endommagées
- Pages restored and/or laminated /
Pages restaurées et/ou pelliculées
- Pages discoloured, stained or foxed /
Pages décolorées, tachetées ou piquées
- Pages detached / Pages détachées
- Showthrough / Transparence
- Quality of print varies /
Qualité inégale de l'impression
- Includes supplementary material /
Comprend du matériel supplémentaire
- Pages wholly or partially obscured by errata slips,
tissues, etc., have been refilmed to ensure the best
possible image / Les pages totalement ou
partiellement obscurcies par un feuillet d'errata, une
pelure, etc., ont été filmées à nouveau de façon à
obtenir la meilleure image possible.
- Opposing pages with varying colouration or
discolourations are filmed twice to ensure the best
possible image / Les pages s'opposant ayant des
colorations variables ou des décolorations sont
filmées deux fois afin d'obtenir la meilleure image
possible.

This item is filmed at the reduction ratio checked below /
Ce document est filmé au taux de réduction indiqué ci-dessous.

	10x		14x		18x		22x		26x		30x	
							✓					
	12x		16x		20x			24x		28x		32x

The copy filmed here has been reproduced thanks to the generosity of:



Université de Montréal

The images appearing here are the best quality possible considering the condition and legibility of the original copy and in keeping with the filming contract specifications.

Original copies in printed paper covers are filmed beginning with the front cover and ending on the last page with a printed or illustrated impression, or the back cover when appropriate. All other original copies are filmed beginning on the first page with a printed or illustrated impression, and ending on the last page with a printed or illustrated impression.

The last recorded frame on each microfiche shall contain the symbol \rightarrow (meaning "CONTINUED"), or the symbol ∇ (meaning "END"), whichever applies.

Maps, plates, charts, etc., may be filmed at different reduction ratios. Those too large to be entirely included in one exposure are filmed beginning in the upper left hand corner, left to right and top to bottom, as many frames as required. The following diagrams illustrate the method:



L'exemplaire filmé fut reproduit grâce à la générosité de:

Université de Montréal

Les images suivantes ont été reproduites avec le plus grand soin, compte tenu de la condition et de la netteté de l'exemplaire filmé, et en conformité avec les conditions du contrat de filmage.

Les exemplaires originaux dont la couverture en papier est imprimée sont filmés en commençant par le premier plat et en terminant soit par la dernière page qui comporte une empreinte d'impression ou d'illustration, soit par le second plat, selon le cas. Tous les autres exemplaires originaux sont filmés en commençant par la première page qui comporte une empreinte d'impression ou d'illustration et en terminant par la dernière page qui comporte une telle empreinte.

Un des symboles suivants apparaîtra sur la dernière image de chaque microfiche, selon le cas: le symbole \rightarrow signifie "A SUIVRE", le symbole ∇ signifie "FIN".

Les cartes, planches, tableaux, etc., peuvent être filmés à des taux de réduction différents. Lorsque le document est trop grand pour être reproduit en un seul cliché, il est filmé à partir de l'angle supérieur gauche, de gauche à droite, et de haut en bas, en prenant le nombre d'images nécessaire. Les diagrammes suivants illustrent la méthode.

MICROCOPY RESOLUTION TEST CHART

ANSI and ISO TEST CHART No. 2



APPLIED IMAGE Inc

1014 East Main Street
Rutherford, New Jersey 07070 USA
Tel: 201-982-3300 Phone
Tel: 201-982-5989 Fax

S.-A. LORTIE

ELEMENTA

PHILOSOPHIÆ CHRISTIANÆ

AD MENTEM

S. THOMÆ AQUINATIS EXPOSITA


I

LOGICA-ONTOLOGIA

1909

L'ACTION SOCIALE

QUÉBEC



✓ missa cor supra
unquam defectus sapientia? etc.

P

ELEMENTA
PHILOSOPHIAE CHRISTIANAE

AD MENTEM

S. THOMAE AQUINATIS EXPOSITA

100

1000

1000

1000

25 AOUT 1909

**ELEMENTA
PHILOSOPHIAE CHRISTIANAE**

AD MENTEM

S. THOMAE AQUINATIS EXPOSITA

AUCTORE

STANISLAO-A. LORTIE

SACRAE THEOLOGIAE DOCTORE ET PROFESSORE IN UNIVERSITATE
LAVALLENSI

TOMUS PRIMUS

LOGICA — ONTOLOGIA

QUEBECI

Ex typographia *L'Action Sociale Ltée*
103, via Sanctae-Annae, 103

—
1909

Imprimatur

† L.-N., Arch. Quebecen.

Quebeci, die 1^a Maii 1909.

Cum ex Seminarii Quebecensis praescripto recognitum fuerit opus cui titulus est *Elementa philosophiae christianae ad mentem S. Thomae Aquinatis exposita, auctore Stanislao-A. Lortie, Sacrae Theologiae doctore et professore in Universitate Lavallensi*, nihil obstat quin typis mandetur.

J.-Cl. K.-LAFLAMME, p^{ter}, P. A.

R. U. L.

Quebeci, die 2^a Maii 1909.

LETTRE-PRÉFACE

*Lettre adressée à l'auteur par Monseigneur O.-E. Mathieu,
doyen de la Faculté des Arts, professeur de philosophie
à l'Université Laval.*

QUÉBEC, 1 août, 1909.

M. l'abbé S.-A. Lortie,
Université Laval,
Québec.

Cher confrère,

Vous demandez au doyen de la Faculté des Arts, et à votre ancien professeur de philosophie de vouloir bien présenter au public l'ouvrage important que vous publiez. Je ne puis pas ne pas me rendre à votre désir, heureux que je suis de la publication de cet ouvrage qui vous fait grandement honneur, et dont la famille universitaire a droit d'être fière.

Le premier Manuel de Philosophie publié au Canada eut pour auteur l'abbé Jérôme Demers, un des prêtres les plus distingués qui ait travaillé à l'œuvre du vieux Séminaire de Québec. Ce volume vit le jour en 1835. Quand on songe qu'à cette époque les bibliothèques n'existaient presque pas au Canada, qu'il était à peu près impossible de se procurer les livres nécessaires à la composition d'un manuel de philosophie, ou peut se faire une juste idée du

travail qu'a dû s'imposer, de la force intellectuelle dont a fait preuve, de l'admiration que mérite l'abbé Demers.

Sans doute ce traité de philosophie était loin d'être parfait. Mais, durant de longues années, il rendit d'immenses services aux professeurs et aux élèves, qui y trouvaient un résumé clair et méthodique de toutes les questions importantes que doivent avoir étudiées les jeunes, avant de dire adieu aux études classiques.

Le livre de l'abbé Demers fut remplacé plus tard par les ouvrages du Père Tongiorgi et du Père San Severino ; et au Congrès des études, en 1880, il fut décidé que le manuel de Zigliara serait mis à l'avenir entre les mains de tous les élèves des maisons d'éducation affiliées à l'Université Laval. Le programme du Baccalauréat fut calqué sur cet ouvrage. Il y a trente ans, c'était certainement le manuel de philosophie qui convenait le mieux à notre cours d'étude.

Il renferme cependant des longueurs qui embarrassent et les professeurs et les élèves ; certaines thèses devenues plus importantes ne semblent pas suffisamment bien traitées, des questions discutées surtout depuis quelques années y sont omises ; il a vieilli. Votre manuel vient remédier à ces lacunes.

Vous avez conservé à peu près l'ordre suivi par Zigliara ; votre ouvrage est plus court, plus clair, plus facile à étudier. La doctrine que vous exposez, puisée à bonne source, est fondée sur des raisons solides, appuyée de l'assentiment des auteurs les plus compétents.

Vous développez certaines questions de droit public, devenues de nos jours plus importantes que jamais. Vous avez compris la nécessité d'éclairer la jeunesse sur ces questions, dans un siècle où la vérité est presque partout altérée par le mélange de tant d'erreurs. « *Diminutae sunt veritates a filiis hominum* »

Vous avez donné une attention spéciale aux thèses sur lesquelles les élèves doivent subir l'examen de la licence en philosophie ; et vous avez fait suivre ces thèses d'un grand nombre d'objections qui peuvent être posées aux élèves par les interrogateurs à l'examen oral.

Depuis plusieurs années, professeur de la Somme théologique de S. Thomas, au Grand Séminaire de Québec, personne ne sait mieux que vous que la philosophie est la base solide de la théologie. Aussi avez-vous traité avec un soin tout particulier les questions, surtout de Métaphysique, dont la connaissance est absolument requise en Théologie. Ceux qui se destinent à l'étude de la science sacrée, trouveront donc un grand avantage à bien étudier votre nouveau manuel de philosophie.

Ce que nous nous plaisons à louer dans cet ouvrage, c'est surtout l'ordre, la clarté, la mesure ; tout y est dit dans une langue simple, sans ornement, qui est le miroir d'une pensée en pleine possession de la vérité qu'elle fait transparaître et goûter.

Le soin apporté à l'exécution typographique du livre, la disposition matérielle des chapitres, des thèses, des paragraphes, rendent plus sensibles encore ces qualités d'ordre et de clarté que l'on retrouve à chaque page.

Votre ouvrage est surtout destiné aux élèves qui préparent le Baccalauréat ; il exclut les longs développements et il laisse aux professeurs la liberté de donner eux-mêmes ces développements, s'ils le jugent utiles, et de rendre ainsi leur enseignement plus personnel. Ils ne manqueront pas non plus de faire plus attrayante l'étude de la dialectique, en faisant faire tous les jours à leurs élèves des devoirs, qui leur fournissent l'occasion d'appliquer les règles si nombreuses et si importantes de cette première partie de la Logique, et de prouver qu'ils font plus un travail d'intelligence que de mémoire.

« La gloire, dit-on, est dans l'effort et non dans le succès. » La gloire de l'effort, vous est déjà acquise. Ces trois volumes supposent une somme de labeurs et de connaissances qui vous font grand honneur. Et la gloire du succès ne manquera pas non plus ; car votre ouvrage a tout ce qu'il faut pour donner entière satisfaction et aux professeurs et aux élèves qui, à l'avenir, seront heureux de s'en servir.

Daignez agréer, cher Confrère, avec mes félicitations, l'assurance de mes meilleurs sentiments.

O.-E. MATHIEU, p^{tr}e, P. A.

cès. »
umes
s qui
man-
faut
aux

ions,

PROLEGOMENA

DE PHILOSOPHIA IN GENERE

I. Philosophiae definitio.

Philosophia secundum vim vocis, φιλοσ, *amicus*, σοφία, *sapientia*, significat *amorem sapientiae*. Sapientis autem est considerare causas altiores ⁽¹⁾; unde philosophus dicitur qui altiores rerum causas inquit, ut de ipsis rectum valeat proferre iudicium.

Philosophia secundum rem definitur: *Scientia rerum per earum causas ultimas, naturali rationis lumine comparata*.

Dicitur 1° *scientia*, scilicet, *cognitio certa et evidens rerum per causas*. *Certa*, ut distinguatur ab *opinionem* et a *dubio*; *evidens*, ut distinguatur a *fide* quae est *argumentum non apparentium* ⁽²⁾; *per causas*, ut distinguatur a cognitione immediata primorum principiorum, et a cognitione pure empirica quae habetur per sola accidentia sensibilia externa.

2° *Rerum*, scilicet, omnium rerum, tum *sensibilium* et *corruptibiliū*, ut sunt mineralia, vegetalia, animalia bruta et ipse homo secundum partem sensibilem; tum *inmaterialium* et *incorruptibiliū*, ut sunt animae rationales, substantiae separatae et ipse Deus, rerum omnium causa efficiens per se.

(1) ARIST. *Metaph.*, lib. I.

(2) 1 Cor. XIII, 12

Heb. x 1, 1

113
263

et ultimus finis. Unde, dicente Tullio ⁽¹⁾, philosophia definitur : « *humanarum divinarumque rerum, causarumque quibus hae res continentur scientia* ».

3^o *Per earum causas.* — Causae dicuntur ea omnia ex quibus res dependet secundum *esse*, vel *fieri* ; unde sunt causae intrinsecae a quibus res pendet secundum suum *esse*, et causae extrinsecae a quibus res pendet secundum *fieri*. Philosophia igitur pertingit ad causas rerum tum intrinsecas, nempe materialem et formalem, quibus cognoscitur *quid* in seipsa res sit, tum extrinsecas, nempe efficientem et finalem, quibus cognoscitur *unde* et *cur* res sit.

4^o *Ultimas.* — Philosophus non quascumque rerum causas investigat sed supremas et ultimas. Unde philosophus distinguitur a scientiarum experimentalium cultoribus qui nonnisi de proximis rerum causis occupantur. ⁽²⁾

5^o *Naturali rationis lumine comparata.* — Hisce verbis distinguitur philosophia a theologia. Omnis enim scientia conclusiones deducit ex principiis : Theologia, ex veritatibus supernaturalibus lumine fidei cognitis, in suis conclusionibus procedit ; philosophia autem, a veritatibus naturalibus rationis naturali lumine comparatis.

II. Philosophiae objectum.

Cujuscumque scientiae objectum est materiale vel formale. *Objectum materiale* est illud circa quod scientia vel facultas versatur ; v. g. : res sensibiles constituunt objectum materiale visus. Res omnes materiales et immateriales circa quas

(1) *De Officiis*, lib. II, cap. II.

(2) « La science positive ne poursuit ni les causes premières, ni la fin des choses ; mais elle procède en établissant des faits, en les rattachant les uns aux autres, par des relations immédiates. »

BERTHELOT. Lettre à Renan. *La science idéale et la science positive.*

« La science expérimentale est essentiellement positiviste, en ce sens que, dans ses conceptions, jamais elle ne fait intervenir la considération de l'essence des choses, de l'origine du monde et de ses destinées. » PASTEUR.

philosophia versatur, constituunt igitur objectum ejus materiale.

Objectum formale est ratio sub qua scientia vel facultas objectum suum materiale respicit. Dicitur *objectum formale quod*, res ipsa quam scientia seu facultas immediate attingit in objecto suo materiali; v. g.: color respectu visus. Dicitur *objectum formale quo*, ipsum medium *quo*, vel ratio propter quam res ista attingitur; v. g.: lux respectu visus.

Objectum formale quod philosophiae sunt *causae ultimae rerum*, scilicet, id quod philosophia immediate in rebus attingit. *Objectum formale quo* sunt prima principia, quibus mediantibus philosophia ad conclusiones sibi proprias pervenit. « Principia, dicente S. Thoma, sunt veluti animi lux irradians conclusiones », unde dicuntur *lumen naturale rationis*. Constat igitur illud triplex objectum indicari dum definitur philosophia: scientia *rerum*, per *earum causas ultimas*, comparata *naturali rationis lumine*.

III. Philosophiae divisio.

Philosophia dividitur in *Rationalem*, *Realem*, et *Moralem*, seu in *Logicam*, *Metaphysicam* ⁽¹⁾ et *Moralem*.

Logica est illa pars philosophiae quae considerat *ens rationis* seu logicum, et dirigit mentis actus in cognoscenda veritate.

Metaphysica considerat *ens reale* seu existens in natura independenter ab intellectu nostro.


Moralis considerat *ens morale*, et dirigit actus voluntatis in ordine ad finem ultimum obtinendum.

Ens reale considerari potest vel in genere, in quantum est ens, vel in specie. *Metaphysica* igitur alia est *generalis*, quae dicitur etiam *Ontologia*, alia est *specialis*.

(1) Usque ad seculum XVIII, philosophia realis complectebatur *Physicam*, *Mathematicam* et *Metaphysicam*; decursu autem temporis, *Physica* et *Mathematica* factae sunt scientiae speciales, a *Philosophia* distinctae.

Ens in specie consideratum est vel mundus, vel anima rationalis, vel Deus; unde, metaphysica specialis subdividitur in *Cosmologiam*, *Psychologiam* et *Theologiam* seu *Theodiceam*.

Illarum partium ordo multiplici ratione considerari potest: sic, ratione *dignitatis*, praestet Theodicea, propter nobilitatem sui objecti; ratione *utilitatis*, Moralis, quae hominem dirigit ad finem ultimum, maxime necessarium; sed *in ordine disciplinae* priorem locum tenere debet Logica quae « tradit communem modum procedendi in omnibus aliis scientiis ». (1) Etenim in addiscendo necesse est incipere ab eo a cujus cognitione cognitio sequentium dependet. In philosophia addiscenda, incipiendum est igitur a Logica. Divisio philosophiae in sequenti schemate proponitur:



IV. Philosophiae utilitas.

Philosophia utilis est homini privato, societati, fidei christianae necnon omnibus aliis scientiis.

1^o *Homini privato*.—Id quod hominem perficit in suis nobilioribus facultatibus ipsi utile est. Atqui philosophia

(1) S. THOM. *In Metaph.* I. II, lect. V.

intellectum et voluntatem maxime perficit.—Intellectus enim a philosophia illuminatur cognitione veritatum altissimarum, et roboratus exercitiis veluti gymnasticis artem perdifficilem recte judicandi necnon et errorem detegendi consequitur. Voluntas autem in operatione boni perficitur. Homo enim, in scientia veritatis edoctus, melius cognoscit quæ Deo, sibi metipsi et aliis debet, et ideo, officia sua facilius adimplere potest, non praepeditus ignorantia, non territus obstaculis quæ saepe saepius homines retrahunt a virtute.

2° *Societati*.—Cum perfectio totius a perfectione partium pendeat, philosophia homines privatos perficiens, indirecte societati utilis est. Tranquillitati autem et felicitati reipublicae directe favet, cum omnibus civibus demonstrat has veritates quæ sunt fundamentum ordinis socialis, economici et politici.

3° *Fidei christianae*.—Triplex est utilitas philosophiae respectu fidei christianae :

a) *Demonstrat veritates quæ sunt praeambula fidei*. Etenim ad fidem complectendam homo scire debet: Deum esse, esse omniscium et veracissimum, providentem et justum, etc. animam humanam esse spiritualem et immortalem. Munus est autem philosophiae ista omnia demonstrare ac propugnare; unde, jure merito, Vaticanum Concilium dicit quod *recta ratio fidei fundamenta demonstrat*.

b) *Veritates supernaturales fidei per analogias et similitudines veritatum naturalium illustrat*. Illa illustratione homo in aliqualem mysteriorum intelligentiam ascendere potest, necnon et manifestam reddere harmoniam ordinem naturalem inter et supernaturalem.

c) *Veritates fidei contra impugnantes defendit*. Nulla vera dissensio inter fidem et rationem haberi potest, cum idem sit Deus qui mysteria revelat fidemque infundit, et lumen rationis animae humanae indidit. Deus sibi contradicere non potest. Munus est autem et officium philosophi christiani,

defendere veritatem revelatam contra impugnationes incredulorum, demonstrando ipsas adversari philosophicis veritatibus, vel non esse nisi meras hypotheses ex quibus nihil necessario concludi potest.

4° *Aliis scientiis.*—Aliae scientiae existere non possunt nisi praesupponatur certitudo cognitionis humanae, admittatur veritas quorundam principiorum, et sciatur methodus juxta quam a notis ad ignota procedere licet. Atqui haec tria suppeditantur a philosophia sive in Logica, sive in Metaphysica. Ergo philosophia aliis scientiis maxime utilis est.

LOGICA

SEU

PHILOSOPHIA RATIONALIS

PROLEGOMENA

I. **Logicae definitio.**—Secundum *nomen*, « Logica » significat *scientiam rationis* ; secundum *rem*, delinitur : *Ars seu scientia directiva rationis humanae in cognoscenda veritate.*

Dicitur 1^o ars, non quidem *proprie* et *stricte*, sed *analogice* : ars enim est recta ratio factibilium. Factio autem est actus transiens in exteriorem materiam. (1) Ars igitur proprie dicta est ordinatio actuum cadentium circa materiam sensibilem exteriorem. Logica autem est ordinatio ipsius actus rationis qui est interior et spiritualis, ideoque *proprie* non potest dici ars. Attamen logica potest dici *ars* propter similitudinem quam habet ad artes. Sicut enim ars proprie dicta ordinat actus exteriores ad debitos fines per diversas regulas, ita logica per determinatas leges dirigit actus rationis in debitum finem qui est assecutio veritatis.

Dicitur 2^o *scientia*, quia *proprie* est talis. Scientiae proprium est cognoscere res in suis causis. Logica autem non tantum tradit regulas directivas rationis, sed ipsas demonstrative probat, scilicet, has regulas scientifice deducit ex natura et causis ipsius rationis. Non solum docet modum recte ratiocinandi, sed etiam rationem tradit ejusdem modi

(1) S. THOM., I-II, q. 57, a. 4.

manière de faire les choses

derivatam ex subjecto, vel ex objecto, vel ex fine ratiocinationis. Unde logica dicitur *ars* quia mentem ad recte iudicandum per praecepta dirigit ; dicitur *scientia* quia haec praecepta per proprias earum rationes demonstrat.

Dicitur 3^o *directiva*, quia logica non est *scientia* pure *speculativa* sistens in contemplatione ordinis rationalis, sed est *scientia practica*, ordinem rationalem considerans ut applicetur et servetur in actibus rationis.

Dicitur 4^o *rationis humanae*, quia actus rationis constituunt objectum circa quod versatur logica. *Operationes mentis* in se igitur, sunt *objectum materiale* logicae ; ut *dirigibiles* in cognoscenda veritate, sunt *objectum formale* ipsius. Unde logica dicitur *scientia rationalis*, non quidem quia est secundum rationem, quod est omnibus scientiis commune, sed quia est circa ipsum actum rationis sicut circa proprium objectum.

Dicitur 5^o *in cognoscenda veritate*, et hisce verbis determinatur *finis* logicae qui est mentem expeditam facere ad veritatem certo attingendam.

II. Divisio logicae.—1^o Ratione principii a quo procedit, logica est *naturalis* et *artificialis* seu *scientifica*.

Logica naturalis est aptitudo a natura cuique menti indita, qua etiam rudes sine ullo magisterio nullaque doctrina de rebus obviis et necessariis recte iudicant. *Logica artificialis* est disciplina studio comparata, est logica naturalis magis evoluta, reflexione et studio perfecta.

2^o Ratione objecti logica dividitur in *Dialecticam* et *Criticam*

Dialectica est illa pars logicae quae agit de mentis operationibus, nempe de apprehensione, iudicio et ratiocinatione nec non et de regulis ipsarum directivis. Dicitur etiam *Logica pura, subjectiva, formalis*.

Critica est illa pars logicae quae agit de principiis supremis quibus nititur certitudo cognitionis nostrae ; investigat

enim utrum operationes mentis ad verum attingere possunt. Dicitur etiam *Logica applicata, objectiva, materialis*.

III. *Logicae inventor*.— Quae de logica et praesertim de Dialectica traduntur, primo scientifice exposita sunt ab Aristotele Stagyrta, qui in philosophiam rationalem, scripsit libros, quos *Categoriarum, Perihermeneias, Priorum et Posteriorum Analyticorum, Topicorum, Elenchorum*, titulis donavit, et quorum collectio *Organum* dicitur. Ita profunde praecepta logicae in his libris expendit, ut fatente ipso Kant, ⁽¹⁾ nihil addendum successoribus reliquerit. Barthelemy S. Hilaire, ⁽²⁾ qui recentissime Aristotelis opera de graeco sermone in gallicum convertit, haec de Logica Stagiritae scripsit : « S'il m'est permis, en terminant ce prodigieux tableau, de ramener un instant les regards sur celui qui a essayé de le tracer, je dirai qu'ébloui et comme accablé de ce magnifique spectacle d'une intelligence dont les lumières ont inondé et vivifié les âges, je ne puis trouver des mots pour égaler et rendre le sentiment d'admiration qui me pénètre. Je répète après Leibnitz : *profundissimus Aristoteles!* et considérant qu'avant le Stagirite la science n'est pas née, et qu'après lui elle est close, je me surprends quelquefois à croire, par un mélange du sacré au profane, que la Logique d'Aristote est une sorte de révélation. »

IV. *Logicae utilitas*. — Quanta sit Logicae utilitas et necessitas ad scientiam comparandam non utcumque, sicuti rudibus convenit, sed perfecte possidendam, nemo est qui non videat. Ut quis enim perfecte scientiam acquirat, debet sibi scientiae suae rationem reddere posse, scilicet, certo scire debet se scire. Hoc autem scire non potest nisi sciat, se recte processisse in veritate quaerenda. Se vero recte processisse

(1) « La logique ne s'est pas trouvée dans la nécessité de reculer d'un pas depuis Aristote : ce qu'il y a encore de remarquable, c'est qu'elle n'a rien à faire jusqu'ici un seul pas de plus. » *Critique de la raison pure*. Tom I, p. 2.

(2) *Logique d'Aristote*, t. II, p. 319.

non noverit, nisi sciat quomodo procedendum sit, nempe nisi naturam cognitionis humanae attentiore animo consideraverit, et cognoverit quomodo sit definiendum, dividendum, arguendum, ordinandum, quomodo inducenda principia, quomodo conclusiones ex ipsis deducendae. Haec autem omnia suppedilantur logica. Unde recte dicit S. Augustinus ⁽¹⁾: « Haec docet docere, haec docet discere; in hac re ipsa ratio demonstrat, atque aperit, quae sit, quid velit, quid valeat. Scit scire; sola scientes facere non solum vult, sed etiam potest. » ⁽²⁾

(1) *De ordine*, L. II, c. 13.

(2) « Mon père m'avait dressé à cette gymnastique intellectuelle où la logique de l'École, et les habitudes d'esprit qu'on acquiert en l'étudiant jouaient le principal rôle, Je suis convaincu que, dans l'éducation moderne, rien ne contribue plus, quand on en fait un usage judicieux, à former des penseurs exacts, fidèles au sens des mots et des propositions, et en garde contre les termes vagues, lâches et ambigus. On vante beaucoup l'étude des mathématiques pour atteindre ce résultat : elle n'est rien en comparaison de celle de la Logique... Grâce à cette étude, des élèves parviennent à débrouiller une idée confuse et contradictoire avant que leur propre faculté de penser ait atteint son plein développement, tandis que tant d'hommes capables d'ailleurs n'y peuvent parvenir, faute d'avoir été soumis à cette discipline. Quand ils veulent répondre à leurs adversaires, ils s'efforcent de soutenir l'opinion contraire sans même essayer de répondre aux arguments de leurs antagonistes. » STUART MILL, *Mémoires*, p. 18.

« L'étude de la Logique est un exercice éminemment propre à donner à l'esprit de la clarté, de la précision, de la rigueur... Elle force l'esprit à définir les mots avec précision; à voir sous le mot l'idée, dans l'idée les caractères contenus et la sphère d'application; à remarquer les rapports exacts des idées entre elles, comme aussi à s'enquérir de la portée exacte d'un jugement et des relations de plusieurs jugements entre eux... Ajoutons que la connaissance de la Logique, n'eût-elle aucun de ces résultats, n'en serait pas moins bonne et utile, en ce sens qu'il est toujours bon et utile de savoir. A quoi sert de connaître les lois du mouvement des planètes? Mais il semble que l'ignorance de ces lois diminuerait tout ensemble et l'univers et l'esprit de l'homme. L'ignorance des lois qui régissent la marche de la pensée ne serait pas moins dommageable. C'est pourquoi l'œuvre de Képler, qui nous a révélés les unes, et l'œuvre d'Aristote, qui nous a enseignés les autres, sont du même ordre et dignes au même titre de respect et d'admiration. » ELIE RABIER, *Logique*, 4^{ème} édit. p. 90-92.

LOGICAE PRIOR PARS

DIALECTICA

Dialectica regulas proponit quibus regitur intellectus in suis operationibus. Tres autem sunt intellectus operationes, tres igitur sunt dialecticae partes :

I^o De simplici apprehensione.

II^o De iudicio.

III^o De ratiocinio.

LIBER PRIMUS

DE SIMPLICI APPREHENSIONE

Simplex apprehensio terminatur ad *ideam*, exterius manifestatam *termino*, qui dicitur signum *ideae*. Illa autem prima mentis operatione, *quid sit res aliqua cognoscimus* ⁽¹⁾ : de re, quidem, cognoscitur quid sit, mediante *definitione et divisione*. Sequens igitur erit hujus primi libri dialecticae partitio :

1^o De ideis.

2^o De terminis,

3^o De primo modo sciendi, seu de definitione.

4^o De secundo modo sciendi, seu de divisione.

(1) ZIGLIARA, L. 1, III.

CAPUT PRIMUM

DE IDEIS

PROLOGUS. Quaerendum est de natura ideae necnon et de speciebus, inter quas eminent ideae quae praedicabiles, praedicamentales et postpraedicamentales dicuntur. Unde materia hujus capituli in quinque articulos distribuitur: 1^o De natura ideae, 2^o De divisione idearum, 3^o De praedicabilibus, 4^o De praedicamentis, 5^o De postpraedicamentis. En igitur schema totius capituli :

I. De natura ideae	{	Apprehensionis notio	
		Idea notio	
		Idearum comprehensio et extensio	
	Fontes divisionis idearum.		
	Ratione diversitatis objectorum	{	Positiva, negativa
			Abstracta, concreta
	Ratione comprehensionis: Simplex, composita	{	Logica, realis
1 ^o Singularis, particularis, universalis			
2 ^o Universalis est: distributiva, collectiva.			
Ratione extensionis	{	3 ^o Distribu-	
		tiva est { univoca: praedicabilia, praedicamenta analogica: transcendentalia	
Ratione subjecti	{	Intuitiva, abstractiva	
		Directa, reflexa	
Ratione perfectionis in repraesentando	{	Clara, obscura	
		Distincta, confusa	
		Completa, incompleta	
Ratione comparationis ad invicem	{	Adaequata, inadaequata	
		Identicae, diversae	
		Associatae, insociatae Sociabiles, insociabiles	

- | | | |
|---------------------------------|---|---|
| III. De praedica-
bilibus | { | Notio
Numerus : Genus, Species, Differentia, Proprium
Coordinatio. [Accidens. |
| IV. De praedica-
mentis : | { | Notio.
Numerus : Substantia, Quantitas, Qualitas, Relatio,
Actio, Passio, Ubi, Quando, Situs, Habitus
Oppositio : contradictoria, contraria, privativa, relativa.
Prioritas : temporis, naturae, consequentiae, ordinis,
dignitatis. |
| V. De postpraedi-
camentis : | { | Simultas : " " "
Motus : Generatio, Corruptio, Augmentatio, Diminutio,
Alteratio, Motus localis.
Modus habendi. |
-

ARTICULUS I

DE NATURA IDEAE

(1)

I. **Simplicis apprehensionis notio.**—*Simplex apprehensio est actus intellectus, quo cognoscitur quidditas seu essentia rei quin de ea aliquid affirmetur vel negetur.*

Dicitur 1^o *actus intellectus*, quia apprehendere est operatio intellectus non voluntatis.

Dicitur 2^o *quo cognoscitur*, quia simplex apprehensio est cognitio quaedam. Cognitio autem fit secundum quod cognitum est in cognoscente. Unde haec prima mentis operatio dicitur *apprehensio* quia res cognita quasi manu apprehenditur et quodammodo in mentem transfertur, et in ea incipit existere idealibus veluti coloribus depicta.

Dicitur 3^o *quidditas seu essentia rei*, quia objectum intellectus sunt naturae rerum universales, seu essentia. « Sensus est singularium ; intellectus autem universalium. » ⁽¹⁾

Dicitur 4^o *quin de ea aliquid affirmetur vel negetur*, quia simplici apprehensione simpliciter percipitur de objecto quid sit ; aliquid autem affirmare vel negare de ipso ad iudicium pertinet.

II. Ad simplicem apprehensionem reducuntur quidam actus qui denominant vel condiciones ejus vel operationes concomitantes. Tales sunt : *attentio, reflexio, abstractio, comparatio, analysis et synthesis.*

(1) *Sum. Theol.*, p. 1, q. 85, a. 3.

Attentio est mentis aversio a quocumque alio objecto ut obtutum suum in unum prae caeteris considerandum defigat.

Reflexio est reditus mentis in proprios actus considerandos.

Abstractio est actus mentis quo ex pluribus quae in objecto sunt unum separatim considerat et apprehendit; v. g. : in Deo consideratur justitia.

Comparatio est actus mentis plures ideas inter se conferentis ut mutuas earundem relationes inveniatur.

Analysis est operatio qua mens conceptum quemdam compositum in plures conceptus simpliciores resolvit; v. g. : conceptus hominis analysi resolvitur in conceptus animalitatis et rationalitatis.

Synthesis est operatio qua mens plures conceptus simplices in unum conjungit; v. g. : conceptus animalitatis et rationalitatis in unum hominis conceptum mens conjungit.

III. **Ideæ notio.**—*Idea* græce, latine *forma* dicitur. Est igitur idea : *forma alicujus rei præter ipsam rem existens* ⁽¹⁾. Omnis cognitio fit secundum quod cognitum est in cognoscente. Est autem cognitum in cognoscente non secundum suam entitatem physicam et realem, sed secundum sui similitudinem. Unde idea etiam definitur : *simplex rei repræsentatio in mente facta.* ⁽²⁾

Dicitur 1^o *Repraesentatio.*—Etenim non est idea ipsa res cognita, sed repræsentatio seu similitudo objecti cogniti.

2^o *Rei*, scilicet, objecti. Objectum ideæ est id quod per ideam repræsentatur. Objectum illud duplex est, materiale et formale. *Objectum materiale* est res ipsa quæ mentis actu attingitur, prout in seipsa est. *Objectum formale* est id quod de re per ideam repræsentatur. Una eademque realitas physica potest esse formaliter multiplex, prout plura objecta formalia menti offert. Sic. v. g., in Deo mens considerare potest vel honitatem, vel justitiam, vel sapientiam. Illæ diversæ formalitates quæ inveniuntur in uno objecto et quibus cognosci potest, dicuntur *notæ objecti intelligibilis*, et prout in ideis relucunt, *notæ idearum.*

(1) *Sum. Theol.* p. I. q. 15. a. 1.

(2) ZIGLIARA. *Logica* I. III.

3^o *Simplex*, ad excludendam affirmationem aut negationem quam continent mentales conceptus iudicii et ratiocinii.

4^o *In mente facta*, scilicet, in intellectu. Unde distinguatur idea a phantasmate oportet. *a)* Phantasma enim est opus imaginationis, idea autem ipsius intellectus. *b)* Phantasma commune est brutis et hominibus, non autem idea. *c)* Phantasma materialia modo materiali et sensibili representat; idea autem immaterialia vel materialia modo immateriali exhibet, scilicet, naturam rerum omni conditione materiali et sensibili expertem.

IV. Ideæ diversa nomina. Idea varia sortitur nomina :

Species vocatur, quia est similitudo vel imago objectum representans.

Conceptus dicitur, quia est partus quidam et opus mentis. Dicitur *conceptus formalis* prout denominat ipsam ideam, et *conceptus objectivus* prout significat ipsum objectum cuius idea est representatio seu similitudo.

Verbum mentis vocatur, quia illa similitudine res ipsa mente proferatur et mens sibi quodammodo loquitur.

Terminus mentalis tandem dicitur, quia est ultimus elementum in quod complexæ mentis operationes, nempe iudicium et ratiocinium, resolvuntur.

V. Idearum comprehensio et extensio. -- Omnis idea unam vel plures notas comprehendit, uni vel pluribus subjectis convenit. *Collectio notarum ideæ* dicitur **comprehensio ideæ**. **Extensio ideæ** est *collectio individuum quibus idea convenit*.

ARTICULUS II

DE DIVISIONE IDEARUM

(2)

I. Fontes divisionis idearum. Ideae possunt considerari absolute vel relative. *Absolute*, secundum *diversitatem* objectorum quae repraesentant, secundum *comprehensionem* vel *extensionem* ipsarum. *Relative*, secundum relationem ad subjectum in quo sunt, seu *ratione originis*, secundum relationem ad objecta rerepraesentata, seu *ratione perfectionis* in *repraesentando*, secundum relationem ad alias ideas, seu, *ratione comparationis idearum ad invicem*. Ideae igitur dividuntur :

- 1^o Ratione diversitatis objectorum ;
- 2^o Ratione comprehensionis ;
- 3^o Ratione extensionis ;
- 4^o Ratione subjecti seu originis ;
- 5^o Ratione perfectionis in repraesentando ;
- 6^o Ratione comparationis ad invicem.

II. Divisio idearum ratione diversitatis objectorum.

a) Idea est *positiva* vel *negativa*.

Idea *positiva* est illa quae exprimit entitatem aliquam ;
v. g. : lux, vita.

Idea *negativa* est illa quae entitatis carentiam exprimit ;
v. g. : tenebrae, mors, caecitas. Idea *negativa* supponit ideam *positivam* qua mediante concipitur, nam omnis *negatio*

supponit affirmationem ; v. g. : *visio* est entitas quaedam positiva, cujus negatio *caecitatem* constituit, et ipsa notio caecitatis non concipitur nisi notione visionis. Unde negativa per positiva intelliguntur.

b) *Idea est abstracta vel concreta.*

Idea abstracta est illa quae exprimit aliquam formalitatem praecisam a quocumque subjecto ; v. g. : *sanitas, humanitas.* — Formalitas est omnis notio seu ratio qua aliquid concipitur et denominatur. Subjectum est omne id cui aliquid tribuitur.

Idea concreta est illa quae exprimit aliquam formalitatem sed ut afficientem aliquod subjectum ; v. g. : *sanus, homo, doctus.*

Omne concretum componitur ex subjecto et ex aliqua formalitate ; v. g. : *sanus, ille* (subjectum) cui tribuitur *sanitas* (formalitas) ; *homo, ille* cui tribuitur *humanitas*, etc.

Concretum est triplex : *metaphysicum, physicum, logicum.*

Concretum metaphysicum est illud in quo formalitas intrinsece et essentialiter inhaeret subjecto ; v. g. : *homo, humanitas* intrinsece et essentialiter inest homini.

Concretum physicum est illud in quo formalitas intrinsece inhaeret subjecto, non autem essentialiter ; v. g. : *medicus, in medicina* (ars seu scientia) inhaeret intrinsece medico non autem essentialiter.

Concretum logicum est illud in quo formalitas neque essentialiter neque intrinsece inhaeret subjecto ; v. g. : *homo laudatus, laus* non est in ipso laudato, sed in ore laudantium.

c) *Idea est realis vel logica :*

Idea realis est illa quae exprimit objectum prout in se est, independentem a mentis consideratione ; v. g. : *angelus, homo, Deus.*

Idea logica est illa quae exprimit objectum secundum essendi modum quem habet a mente et in mente ; v. g. : *genus, species.*

Cum autem objectum primae mentis considerationi subest prout in se est, idea realis dicitur exprimere *objectum primae intentionis*; cum vero in secunda consideratione, objecta ordinem, vel dispositionem, vel essendi modum a mente accipiunt, idea logica dicitur repraesentare *objecta secundae intentionis*.

III. Divisio idearum ratione comprehensionis.—Ratione comprehensionis idea est *simplex* vel *composita*.

Idea *simplex* est illa quae ex pluribus notis non constat, ac proinde in plures resolvi non potest; v. g.: idea entis.

Idea *composita* est illa quae pluribus notis constat, et quae in plures resolvi potest; v. g.: idea hominis. ⁽¹⁾

IV. Divisio idearum ratione extensionis.

Ratione extensionis idea est *singularis* vel *universalis*.

Idea *singularis* est illa quae designat individuum, *objectum* scilicet ita determinatum ut pluribus convenire non possit; v. g.: Petrus, Roma. Individuum constituitur notis quae simul sumptae non nisi uni convenire possunt. Istae *notae* dicuntur *individuantes*, et sequenti versiculo continentur;

Forma, figura, locus, tempus, stirps, patria, nomen.

Idea *universalis* est illa quae significat aliquid unum commune pluribus aliqua saltem ratione; v. g.: homo, animal, substantia. Subjecta seu individua quibus idea universalis convenit dicuntur *inferiora* ideae.

Idea universalis vel sumitur secundum totam suam extensionem et dicitur *simpliciter* universalis, vel sumitur cum quadam restrictione et dicitur *idea particularis*; v. g.: aliqui homines.

(1) Zigliara definit *ideam simplicem*, quae unieam rei essentiam significat; *ideam compositam*, quae multiplicem rei essentiam exprimit. Recentiores tamen alteram definitionem amplexati sunt.

1^o *Idea universalis est distributiva vel collectiva :*

Idea distributiva est illa quae significat aliquid commune pluribus tum collectim tum divisim sumptis ; v. g. : homo, circulus.

Idea collectiva est illa quae significat aliquid commune pluribus non divisim sed simul sumptis ; v. g. : civitas, familia.

2^o *Idea universalis alia est univoca, alia analogica.*

Idea univoca est illa quae significat aliquid commune pluribus eadem ratione ; v. g. : homo.

Idea analogica est illa quae significat aliquid commune pluribus ratione partim eadem, partim diversa ; v. g. : visio quae communiter dicitur de cognitione tum sensitiva, tum intellectiva.

Objecta per ideas analogas repraesentata dicuntur *analogica* et definiuntur : illa quorum nomen commune est, res seu ratio per nomen significata partim eadem, partim diversa.

V. Analogiae notio et species. – *Analogia*, dicente Tullio ⁽¹⁾, ex voce graeca, latine comparatio aut proportio dici potest. Definitur : *habitus convenientiae plurium quae non involvunt puram similitudinem sed convenientiam simul cum discrepantia.* « L'analogie est une ressemblance mêlée de différence entre deux ou plusieurs choses. »

Analogia est duplex, attributionis et proportionis. ⁽²⁾

Analogia attributionis est *habitus similitudinis inter duo vel plura ex eo quod relationem dicunt ad eundem terminum sed diversimode.* Sic, animal, color, medicina, in hoc conveniunt quod relationem dicunt ad eundem terminum, nempe ad sanitatem a qua dicuntur sana ; sed diversa est habitudo seu relatio unius et alterius ad ipsam. Etenim

(1) *De Univers.* n. 107.

(2) Quidam distribuunt analogiam, in analogiam proportionis et proportionalitatis.

animal est subjectum sanitatis, color signum, medicina causa ipsius, unde relatio subjecti, signi et causae. Sed sanitas est in animali; color autem et medicina non dicuntur sana nisi per ordinem ad animal in quo est forma sanitatis: unde apparet ratio cur haec *analogia* dicitur *attributionis*, quia nimirum, ab uno principaliori derivatur communis denominatio vel attributio in alia minus principalia, propter dependentiam ab illo. Objectum cui forma inest dicitur *primum analogum*, cetera, *analogia secundaria*.

Analogia analogia attributionis sunt illa quorum nomen commune est, ratio autem per nomen significata, eadem secundum terminum, diversa autem secundum habitudines ad ipsum; v. g.: animal, color, medicina, cibus, in quantum dicuntur sana, sunt analogia secundum attributionem; animal est primum analogum, alia sunt secundaria.

Analogia proportionis est *habitus similitudinis duorum vel plurium quae conveniunt in ratione eadem secundum proportionem*. Proportio est aequalitas duorum respectuum: sicut se habent duo ad quatuor, ita quinque ad decem; ideo analogia proportionis est habitudo similitudinis plurium respectuum; v. g., habetur analogia proportionis inter cognitionem sensibilem visus et cognitionem intellectus, quia sicut se habet oculus ad sensibile, ita intellectus ad intelligibile, unde una et altera cognitio dicitur visio. Caput prout dicitur de corpore humano, de patre respectu familiae, de episcopo respectu diocesis, de magistratu respectu civitatis, dicit aliquid commune pluribus secundum proportionem; quia sicut se habet caput ad alias partes corporis humani, ita pater ad membra familiae, ita episcopus ad fideles diocesis ita magistratus ad cives; proinde caput exprimit ideam analogam analogia proportionis.

Analogia analogia proportionis sunt igitur illa quorum nomen commune est, ratio per nomen significata eadem sed secundum proportionem tantum.

VI. Transcendentalis idea. -- Idea universalis dividitur in ideam univocam vel analogam. Inter ideas univocas recensentur *prædicabilia* et *prædicamenta* de quibus proponitur quaestio in sequentibus articulis ; inter ideas analogas numerantur *transcendentalia*. **Idea transcendentalis** est id quod omnibus ac singulis rebus quae sunt aut esse possunt aliqua saltem ratione convenit. Transcendentalia sunt quinque numero : *ens, verum, bonum, aliquid, unum*. Dicuntur *transcendentalia* quia nullo rerum genere determinato continentur ; transcendunt omnia genera. Determinatur natura unius et alterius transcendentalis in *Metaphysica*.

VII. Divisio idearum ratione subjecti vel originis.

a) *Idea est intuitiva et abstractiva.*

Idea intuitiva est illa quae immediate accipitur a praesentia reali rei cognitae.

Idea abstractiva est illa quae non immediate accipitur ab ipsa re cognita, sed ab alia re prius nota in qua resultat ; v. g. : causa ex effectu.

b) *Idea est directa et reflexa.*

Idea directa est illa cujus objectum est res extra intellectum posita, prout primo menti subest ; v. g. : idea coloris, corporis.

Idea reflexa est illa cujus objectum est res jam directe cognita, prout mens sponte sua in ipsam redit reflexione ut melius consideretur. -- Reflexione autem mens redit ad considerandum : vel objectum jam directe cognitum, et illa reflexio dicitur *ontologica* seu simpliciter *recogitatio* ; vel proprios actus subjecti cogitantis, et reflexio dicitur *psychologica*, seu simpliciter *conscientia* ; sic, conscii sumus nos intelligere et velle.

VIII. Divisio idearum ratione perfectionis in repraesentando.

a) *Idea est clara vel obscura.*

Idea clara est illa cujus ope objectum a quolibet alio secernimus ; v. g., habetur idea clara leonis cujus ope leonem ab alio objecto distinguere possumus.

Idea obscura est illa cujus ope objectum ab aliis non satis discerni potest.

b) Idea est distincta vel confusa.

Idea distincta est illa quae exhibet notas quibus res aliqua constituitur ; v. g., idea distincta hominis est illa cujus ope non tantum distinguitur homo ab alio objecto sed qua cognoscitur homo esse compositum corporis organici et animae rationalis.

Idea confusa illa est quae non exhibet notas quibus res constituitur.

c) Idea est completa vel incompleta.

Idea completa est illa quae clare exhibet notas in quas resolvi possunt notae principiores quibus res constituitur ; v. g. : idea completa hominis non tantum exhibet hominem esse animal rationale, sed ut animal, esse substantiam corpoream, organicam, sensibilem.

Idea incompleta est illa quae non exhibet notas in quas resolvuntur notae principiores quibus res constituitur.

d) Idea est adaequata vel inadaequata.

Idea adaequata est illa quae omnes notas aut proprietates objecti complectitur et omnia quae in objecto sunt exhibet, ita ut idea ipsam rem adaequet ; v. g. : idea adaequata alicujus objecti possidetur, cum cognoscuntur non tantum notae essentiales, sed etiam notae individuantes, et omne id quod ad tale objectum pertinet quacumque ratione.

Idea inadaequata est illa quae partem tantum objecti exprimit, ideoque rem non adaequat.

IX. Divisio idearum ratione comparationis ad invicem.

a) Ideae sunt identicae vel diversae.

Ideae identicae sunt illae quae ex iisdem notis resultant ; v. g. : homo et animal rationale.

Ideae diversae sunt illae quae diversis notis coalescunt; v. g.: domus et arbor.

b) **Ideae sunt associatae vel insociatae.**

Ideae associatae sunt illae quae inter se ita mutuo nexu conjunguntur ut una habita aliam in mentem revocet; v. g.: fumus et ignis. ⁽¹⁾

Ideae insociatae sunt illae quae neque in se, neque respectu subjecti cogitantis ullo nexu tenentur.

Ideae ad invicem associari possunt duplici nexu, objectivo scilicet et subjectivo: nexus objectivus oritur ex natura ipsa vel conditionibus objectorum, nexus subjectivus, ex conditione subjecti cogitantis. — Nexus objectivus, — vel est naturalis, ut: 1° *relatio causae et effectus*, sic fumus evocat ideam ignis, Æneides, ideam Virgilio; 2° *relatio principii et consequentiae*, ut imputabilitas revocat ideas meriti et demeriti, fatalismus, ideas negationis imputabilitatis et moralitatis 3° *relatio medii et finis*, ut aratrum revocat ideam arationis, seminatio, ideam messionis; — vel est accidentalis, ut: 1° *relatio similitudinis et oppositionis*: mors Ludovici XVI, regis Galliae, revocat ideam mortis Caroli I, regis Angliae, et bellum, ideam pacis; 2° *relatio contiguitatis in loco et tempore*: Virgilius in mentem revocat sacculum Augusti, et Tiberinum flumen, Romam; 3° *relatio resultans inter plura ex moribus et iustitutione hominum*, sic vexillum revocat ideam patriae, et corona laurea ideam victoriae, divitiae ideam beatitudinis. Nexus autem subjectivus est etiam multiplex, sed difficilius enumerantur relationes ex quibus exurgit; tamen ad sequentia capita reduci possunt. Associatio enim subjectiva oritur: 1° vel ex eo quod illae ideae

(1) Nulle pensée en nous ne languit solitaire ;
L'une rappelle l'autre, et, grâce aux noeuds secrets
Par qui sont alliés les différents objets,
En images sans fin une image est féconde. DELILLE, *Imag.*, I.

quae associantur simul a nobis jam habitae sunt ; 2^o vel ex eo quod similes aut oppositas ideas jam experti sumus ; 3^o vel eo quod in similibus aut oppositis circumstantiis versati sumus.

Quantū momenti sit idearum associatio, facile apparet ex ejus influxu *in memoriam* cujus exercitium facilius reddit, *in phanta iam*, cujus *evagationes* explicat, *in litteras* quarum omnes *tere tropi*, *metaphora* scilicet, *allegoria*, *comparatio*, etc., *in ipsa* nituntur, *in ipsam vitae consuetudinem* ¹ cujus rectitudinem vel improbitatem demonstrat, errores enim et praejudicia falsas idearum associationes ut fundamentum habent.

c) *Idae sociabiles vel insociabiles :*

Idae sociabiles sunt illae quae convenire possunt simul in uno eodemque subjecto ; v. g.: *justitia* et *misericordia*, *virtus* et *scientia*.

Idae insociabiles sunt illae quae ad invicem sese excludunt ; v. g.: *materia* et *cogitatio*, *rotunditas* et *quadratura*, *ens* et *non ens*.

(1) Accoutumons-nous a joindre ces deux idées : gloire et plaisirs de la terre, éternelle confusion ; et encore ces deux-ci : eroix et mortifications, félicité éternelle. BOSSUET, *Méditations sur l'Evangile*.

DE PRAEDICABILIBUS

(3)

I. **Praedicabilium notio et numerus** :— *Praedicabilia* sunt diversi modi secundum quos idea universalis de suis inferioribus affirmari potest. *Praedicatio* enim est affirmatio vel negatio alicujus de aliquo.

Praedicabilia sunt quinque numero ; nam praedicatio quinque modis fieri potest. Etenim praedicatio est *essentialis* vel *accidentalis*, prout id quod praedicatur ad essentiam subjecti pertinet, vel non ; v. g. : Petrus est animal, — Petrus est justus. — *Praedicatio essentialis* est *quidditativa* vel *qualitativa* prout id quod ad essentiam subjecti pertinet, de ipso praedicatur modo substantivo vel adjectivo ; v. g. : Petrus est animal, — Petrus est rationalis. — Praedicatio essentialis quidditativa est *completa* vel *incompleta* prout de subjecto affirmatur tota essentia, vel pars essentiae ; v. g. : Petrus est homo, — Petrus est animal. — *Praedicatio accidentalis* est *necessaria* vel *contingens* prout de subjecto praedicatur vel id quod licet ad essentiam subjecti non pertineat, tamen ab ea naturaliter dimanat, ideoque necessario ipsi convenit, vel id quod potest subjecto convenire vel non, salva ejus essentia ; v. g. : Petrus est scientiae capax, — Petrus est justus. Praedicatio igitur quinque modis fit, et ideo quinque sunt praedicabilia : *Genus*,

species, differentia, proprium et accidens, quod sequenti schemate clarius apparebit. Praedicatio est :

Essentialis :	{	Quidditativa :	{	In quid complete : <i>Species</i> : Petrus est homo Completa
			}	In quid incomplete. <i>Genus</i> : Petrus est animal Incompleta.
		Qualitativa :	In quale quid. <i>Differentia</i> : Petrus est <i>rationalis</i>	
Accidentalis :	{	Necessaria :	In quale necessario. <i>Proprium</i> : Petrus est <i>scientiae capax</i>	
		Contingens :	In quale contingenter : <i>Accidens</i> : Petrus est <i>justus</i>	

II. Singulorum praedicabilium notio.

Species est unum aptum inesse pluribus, numero differentibus, et praedicari de illis *in quid complete*; v. g.: *Homo* praedicatur de Petro ut species.

Dicitur *a) Unum aptum inesse pluribus*; quod dicitur de singulis praedicabilibus, sunt enim ideae universales.

b) Numero differentibus:- numero differre est differre per unam vel alteram ex septem notis quae constituunt individuum. *Species* praedicatur de individuis, seu inferiora speciei sunt individua, quae quidem non differunt nisi notis individuantibus.

c) Et praedicari de illis, praedicabilis enim proprium est praedicari, affirmari de pluribus subjectis.

d) In quid, scilicet, sicut aliquid pertinens ad essentiam rei de qua praedicatur.

e) Complete, quia species est praedicatum dicens totam essentiam rei de qua affirmatur.

Genus est unum aptum inesse pluribus, specie differentibus, et praedicari de illis *in quid incomplete*; v. g.: *Animal* dicitur de homine ut genus.

Dicitur *a) specie differentibus* quia inferiora immediata generis sunt species; v. g.: *Homo* est animal.

b) *In quid incomplete*, quia genus est praedicatum quidditativum seu essenziale, dicens partem tantum nempe determinabilem essentiae subjecti de quo praedicatur.

Differentia est unum aptum inesse pluribus et praedicari de illis *in quale quid*; v. g.: *Rationale* affirmatur de homine ut differentia.

Dicitur *in quale*, scilicet, per modum qualitatis, *quid*, essentialis.

Proprium est unum aptum inesse pluribus et praedicari de illis *in quale necessario*; v. g.: *Risibilitas* dicitur proprium hominis.

In quale necessario, scilicet, per modum qualitatis necessariae. In quo differunt ad invicem *qualitas essentialis* et *qualitas necessaria*, ex hoc apparet quod qualitas essentialis est constitutiva essentiae, dum qualitas necessaria dimanat ab essentia jam constituta.

Accidens est unum aptum inesse pluribus et praedicari de illis *in quale contingenter*; v. g.: *Sedere* praedicatur de homine ut accidens.

In quale contingenter, scilicet, sicut qualitas quaedam contingens, quae potest esse vel non esse in subjecto.

III. **Generum, specierum et differentiarum coordinatio.** Genera, species et differentiae inter se coordinari possunt: nempe genus est *supremum*, *infimum* et *subalternum*.

Genus supremum est illud quod supra se non habet aliud genus, sed transcendentalia tantum; v. g.: substantia.—*Genus infimum* est illud quod infra se non habet aliud genus sed tantum species; v. g.: animal.—*Genus subalternum* est illud quod tum supra se, tum infra se habet alia genera; v. g.: vivens.

Eodem modo species dicitur suprema, infima et subalterna, ita etiam differentia. Coordinatio generum, specierum et differentiarum exhibetur in sequenti schemate, quod *Arbor*

porphyriana dicitur, a Porphyrio qui in sua *Isagoge* ipsum tradidit:

	Substantia	
corporea		incorporea (spiritus)
	Corpus	
organicum		inorganicum (minerale)
	Vivens	
sensibile		insensibile (planta)
	Animal	
rationale		irrationale (brutum)
	Homo	
	Paulus, Carolus, Henricus, etc.	

Toto genere differunt quae in nullo genere conveniunt, v. g.: piscis et voluntas.—*Genere* differunt quae in eodem genere proximo non continentur; v. g.: animalia et mineralia. *Genus autem proximum* est illud sub quo immediate continetur species de qua quaeritur; v. g.: animal respectu hominis.—*Specie* differunt quae continentur in eodem genere proximo sed non in eadem specie; v. g.: homo et brutum. Quae specie differunt, eodem genere proximo constant, sed non eadem differentia ultima. *Differentia ultima* est illa quae cum genere proximo constituit speciem. Genus proximum hominis et bruti est *animal*, sed differentia ultima hominis est *rationale*, bruti autem *irrationale*.

DE PRAEDICAMENTIS SEU CATEGORIIS

(4)

I. **Praedicamentorum notio.**—Praedicabilia sunt diversi modi praedicandi aliquid de aliquo; sed illa quae praedicantur sunt innumera et indigent ordinari. Omnia autem praedicata universalialia possunt in diversas classes distribui, ita ut sub supremo genere, naturali et ordinata serie, reliqua genera et species subalternae usque ad infimam et usque ad individua per gradus suos collocentur. Series ejusmodi a supremo genere descendens usque ad individua, vel ab individuis ascendens usque ad suprema genera, nomen habet *praedicamenti*. Etenim quae Aristoteles, *categorias*, latini, duce Boëtio, *praedicamenta* dixerunt, quo nomine significantur suprema genera ad quae universales rerum conceptus revocantur.

Definitur ergo *praedicamentum* logice acceptum: *naturalis dispositio seu series generum, specierum et individuorum quae sub genere supremo continentur.*—Haec ordinatio est opus rationis res a se conceptas ordinantis, ideoque praedicamentum logicum est formaliter *ens rationis*; sed fundatur in *ente reali*, quia mens ordinat rationes objectivas quas de rebus intelligit. Unde dicitur praedicamentum logicum *tota series ab individuo ad genus supremum*. Praedicamentum autem

metaphysicum est *modus essendi supremus* proprius *entis realis finiti*.⁽¹⁾

II. Praedicamentorum numerus.—Licet praedicamentum non sit *logice* genus generalissimum sed tota series praedicatorum sub supremo genere, tamen ab ipso denominatur, et praedicamenta dicuntur suprema genera rerum. Sunt autem decem suprema rerum genera. Ergo decem sunt praedicamenta.

Probatur.— Id quod de subjecto praedicatur, vel ad essentiam subjecti pertinet, vel est quid ipsi essentiae additum. Si primum, habetur praedicamentum *substantiae*, quae dicit ens per se subsistens; si secundum, habetur praedicamentum *accidentis*, quod dicit ens cui competit alteri inesse. Sed accidens est multiplex. Etenim, id quod essentiae subjecti additur, vel significat id quod ei intrinsece inhaeret, vel id quo extrinsece tantum subjectum determinatur. Si primum, vel extendit subjectum et habetur *quantitas*; vel ipsum modificat et disponit, et habetur *qualitas*; vel ipsum refert ad aliud, et habetur *relatio*. Si secundum, vel est effectus, et habetur *actio*; vel est causa, et habetur *passio*, vel est mensura durationis, et habetur *quando*; vel est mensura extensionis localis, habita ratione loci absolute, et habetur *ubi*, vel habita ratione ordinis partium in loco, et habetur *situs*; vel est merum adjacens per modum ornamenti, et habetur *habitus*. Decem sunt igitur praedicamenta seu categoriae quas Aristoteles enumeravit: Substantia, quantitas, relatio, qualitas, actio, passio, quando, ubi, situs, habitus. Memoriae juvandae causa his comprehunduntur versiculis:

Arbor	sex	servos	ardore	refrigerat	ustos;
<i>Substantia</i>	<i>Quantitas</i>	<i>Relatio</i>	<i>Qualitas</i>	<i>Actio</i>	<i>Passio</i>
Ruri	cras	stabo sed	tunicatus	ero	
<i>Ubi</i>	<i>Quando</i>	<i>Situs</i>	<i>Habitus</i>		

(1) LORENZELLI, *Philosophiae theoreticae Institutiones*, Vol. I, p. 36.

III. Discrimen inter praedicamentum et praedicabile.—

Praedicamenta sunt suprema genera rerum sub quibus ordinantur praedicata. Praedicabilia vero sunt diversi seu varii modi praedicandi aliquid de aliquo. Differunt igitur praedicamenta a praedicabilibus, sicut attributa a modo attributionis, sicut praedicata a modo praedicandi. Praedicamenta exhibent attributa ipsa quae praedicantur, praedicabilia exhibent modum quo praedicantur. Unde notio praedicamentalis exprimit aliquid absolutum, rem nempe prout in se est vel existit, exprimit modum essendi rei; praedicabilis notio exprimit aliquid relativum, rem prout refertur ad aliud, scilicet, ad subjectum de quo praedicatur, exprimit nempe modum praedicandi rem. In propositione: Petrus est homo, *homo* est praedicatum. Si consideratur praedicatum in se et modus essendi rei, *homo* est res cui competit esse per se, est *substantia*, seu in praedicamento substantiae; si consideratur praedicatum prout refertur ad subjectum de quo affirmatur, scilicet, modus praedicandi rem, *homo* affirmatur de Petro in quid complete, est nempe praedicatum dicens essentiam completam subjecti, est *species*.—Quia autem praedicamentum exprimit rem prout in se est et primae mentis considerationi subest, dicitur objectum primae intentionis.⁽¹⁾ Praedicabile vero exprimit rem prout subest secundae mentis considerationi in qua mens, reflexione in proprios conceptus, ipsos refert ad subjecta, ideo praedicabile est objectum secundae intentionis.

IV. Conditiones quae requiruntur ut res sit in praedicamento. — Ut res aliqua esse possit in praedicamento requiritur ut sit:

(1) Nihilominus praedicamentum logice spectatum est *secunda intentio*; nam dicit ordinem seu dispositionem praedicatorum sub uno genere, qui ordo est opus mentis, et ens rationis.

1° *Ens reale*, nam ens reale, non autem ens rationis, secundum diversos modos essendi in decem praedicamenta distribuitur.

2° *Ens per se*, id est unicam dicens essentiam; ens per accidens, multiplicem naturam complectens, secundum diversas essentias ad plura praedicamenta reduci debet.

3° *Ens finitum*, quia ens infinitum transcendit omnia genera.

4° *Ens completum*, quia partes non ratione sui, sed ratione totius ad praedicamentum reducuntur.

5° *Ens univocum*, quia praedicata essentialia univoce praedicantur de omnibus quae sub eodem genere continentur.

IV. De diversis modis quibus aliquid in categoria seu praedicamento poni potest. — Tribus modis aliquid in categoria poni potest: *directe, indirecte, reductive*. *Directe* in categoriis collocantur genera, species et individua, quia rationem totius habent. *Indirecte* ponuntur in categoriis differentiae quae sunt in linea laterali, et generibus adjacent ad constituendas species. *Reductive* omnia ea quae sunt principia illorum quae sub praedicamento sunt, ut partes essentielles, vel integrantes, etc.

VI. Singulorum praedicamentorum notio. — Determinare naturam praedicamentorum prout essendi modos reales significant ad metaphysicam pertinet; unde hic in logica unius et alterius praedicamenti definitionem et praecipuas ejus divisiones breviter tantum referemus.

Substantia quae nomen habet a *substando*, eo quod subsistat accidentibus, definitur: *res seu quidditas cui convenit esse per se et non in alio ut in subjecto*; v. g.: Homo, arbor, lapis, etc.

Substantia singularis et individua dicitur *substantia prima*; v. g.: Petrus, hic homo. — *Substantia specifica*, seu

generica, dicitur substantia *secunda*; v. g.: Homo, animal. Substantia prima est primum subjectum omnis praedicationis seu attributionis, ipsa autem de nullo subjecto proprie praedicari potest. Definitur ab Aristotele: *quae neque de subjecto aliquo dicitur, neque in subjecto aliquo est.*—Substantia secunda de prima praedicari potest, unde definitur a Philosopho: *quae non est in subjecto sed dicitur de subjecto*; v. g.: Petrus est homo. In illa propositione, *Petrus* non dicitur subjectum *inhaesivum* seu physicum, sed *attributionis* seu logicum. Homo enim Petro non inhaeret ut accidens, sed de eo dicitur ut praedicatum.

Accidens ⁽¹⁾ est *res seu quidditas cui non convenit esse per se sed in alio ut in subjecto.*—Accidens praedicamentale quod hic definitur dividitur contra substantiam, et distinguitur ab accidenti praedicabili quod non dividitur contra substantiam, sed accipitur pro eo quod praedicatur de altero in *quale contingenter*, sive sit substantia ut vestis, sive sit accidens ut albedo.

Quantitas est *accidens extensivum substantiae in partes.* Quantitas est *continua vel discreta.* Quantitas *continua* est *illa cujus partes communi nexu copulantur*; v. g.: Linea, superficies, tempus, locus.—Quantitas *discreta* est *illa cujus partes ad invicem nexu non copulantur*; v. g.: Numerus, oratio vocalis.

Quantitas est *permanens vel successiva.* Quantitas *permanens* est *illa cujus partes sunt simul actu*; v. g.: Linea, locus. Quantitas *successiva* est *illa cujus partes non sunt simul actu sed successive*; v. g.: Oratio, tempus.

Relatio est *ordo unius ad aliud*, seu accidens quo unum ad aliud refertur; v. g.: Filiatio, aequalitas.

(1) Accidens proprie non est praedicamentum sed quid commune novem praedicamentis.

Qualitas est *accidens modificativum vel dispositivum substantiae in seipsa vel in ordine ad operationem*; v. g. : *Scientia, sanitas.*

Qualitas dividitur in quatuor species: *habitus et dispositio, — potentia et impotentia, — passio et patibilis qualitas, — forma et figura.*

Habitus est *qualitas qua bene vel male disponitur subjectum aut in seipso aut in ordine ad operationem*; v. g. : *Sanitas, virtus, vitium.* Dicitur proprie *habitus* quando perfecte inest subjecto ita ut difficile amitti possit; dicitur autem *dispositio* quando de facili amittitur.

Potentia est *qualitas habilisans subjectum ad operandum*; v. g. : *Visus, intellectus, voluntas.* Haec qualitas si *fortem* ad agendum faciat substantiam, dicitur *potentia*, si debilis ac remissa, dicitur *impotentia*.

Passio est *qualitas quae inducit alterationem in sensu, vel ipsam alterationem consequitur*; v. g. : *Frigus, color, pallor ex metu.* — Si sit cito transiens ut rubor ex verecundia, dicitur *passio*; si sit diu permanens, dicitur *patibilis qualitas*.

Forma est *qualitas resultans in corpore ex terminatione quantitatis.* Dicitur *forma* in rebus artificialibus, *forma domus, cultelli*; dicitur *figura* in rebus naturalibus, *figura hominis.* Vulgo tamen promiscue accipiuntur.

Actio est *accidens quo causa constituitur actu aliquid efficiens.* Est *immanens*, illa cujus terminus recipitur in ipso agente et in ipsa potentia a qua elicitur, scilicet, quae manet in ipso principio a quo procedit; v. g. : *Sentire, intelligere, velle.* Est *transiens*, illa cujus terminus est extra agens vel extra potentiam a qua producitur; illa quae transit extra principium a quo producitur, v. g. : *Secare, verberare.*

Passio est *accidens quo subjectum constituitur actualiter recipiens actionem agentis*, v. gr. : *Uri, secari.*

Ubi est *determinatio in rem proveniens ex loco, vel est circumscriptio corporis a loci circumscriptione proveniens.*

Quando est *accidens in substantia derivans ex tempore quo mensuratur.*

Situs est *accidens resultans in substantia ex positione partium corporis in loco.*

Habitus est *accidens resultans in corpore ex superpositione vestium vel armorum.*

ARTICULUS V

DE POSTPRAEDICAMENTIS

(5)

I. Postpraedicamentorum notio et numerus.—Postpraedicamenta sunt diversi respectus qui praedicamenta consequuntur, quando non in seipsis sed ad invicem considerantur. Quinque sunt numero : *Oppositio, prioritas, simultas, motus, modus habendi.*

II. De oppositione.—*Oppositio est repugnantia duorum essendi simul et sub eodem respectu in uno eodemque subjecto.*—*Oppositio est relativa, contradictoria, privativa et contraria.* Etenim repugnantia hæc habetur vel ratione dependentiae seu ordinis, et habetur oppositio relativa ; vel ratione remotionis vi cuius unum excludit alterum, et in hoc casu, vel unum totaliter removet alterum, et habetur oppositio contradictoria ; vel relinquit subjectum, et oppositio est privativa ; vel tandem relinquit subjectum et etiam genus, et oppositio est contraria.

Oppositio relativa est repugnantia quae oritur ex mutuo respectu seu ordine duorum inter se ; v. g. : oppositio inter patrem et filium.

Oppositio contradictoria est repugnantia inter ens et non ens, inter rem et ejus negationem. Contradictoria sunt illa quorum unum est negatio totalis alterius ; v. g. : Homo et non homo, lapis et non lapis.

Oppositio privativa est repugnantia inter formam et ejus carentiam in proprio subjecto, scilicet, in subjecto capaci; v. g. inter caecitatem et visum in homine, inter scientiam et ignorantiam in intellectu.

Oppositio contraria est repugnantia duorum quae sub eodem genere ponuntur sed ab eodem subjecto mutuo sese excludunt: v. g. : Virtus et vitium, scientia et error, album et nigrum. Contraria igitur sunt illa quae in eodem genere sunt, sed quae simul in uno eodemque subjecto conjungi non possunt.—Contraria alia sunt *mediata*, alia *immediata*. *Mediata* sunt illa quae medium habent, quorum igitur neutrum necesse est inhaerere subjecto: v. g. : Album et nigrum.—*Immediata* sunt illa quae medium non habent et quorum unum necesse est inhaerere subjecto proprio aut de ipso praedicari: v. g. : Sanitas et morbus, respectu animalis; par et impar respectu numeri; honestas et inhonestas respectu actus liberi.

III. De prioritate.—*Prioritas* est *praecessio unius ad alterum*. Quia autem quinque modis unum potest praecedere alterum, quintuplex est prioritas: *temporis* seu durationis, *naturae*, *consequentiae*, *ordinis* et *dignitatis*.

Prioritas temporis est *praesistentia unius ad existentiam alterius*; v. g. : adolescentia praecedit virilitatem.

Prioritas naturae est *coexistentia duorum ita ut tamen unum esse accipiat ab altero*; v. g. : sol et lux sunt simul, sed quia lux est a sole, sol est prior natura luce.

Prioritas consequentiae est *praecessio unius ad alterum eo quod hoc secundum subaudit et includit primum*; v. g. : Est homo, ergo animal: animal habet prioritatem consequentiae respectu hominis.

Prioritas ordinis est *praecessio unius ad alterum in rerum dispositione*; v. g. : in philosophia, logica est prior metaphysica.

Prioritas dignitatis est praecessio unius ad alterum in ratione officii ; v. g. : rex est prior subditis.

IV. De simultate.—*Simultas est negatio praecedentiae unius ad alterum. Est temporis, naturae, ordinis, etc, secundum quod negatur praecessio temporis, vel naturae, vel ordinis, etc.*

V. De motu. *Motus late sumptus est transitus ab uno ad alium modum sese habendi. Sex species numerantur : generatio, corruptio, augmentatio, diminutio, alteratio, latio seu motus localis.*

Generatio est transitus a non esse ad esse substantiale ; v. g. : de non homine generatur homo.

Corruptio est transitus ab esse substantiali ad non esse ; v. g. : per ignem lignum corrumpitur.

Augmentatio est transitus a minori ad majorem quantitatem ; v. g. : homo nutritione augmentatur.

Diminutio est transitus a majori in miuorem quantitatem ; homo morbo vel senectute minuitur.

Alteratio est transitus subjecti ab una in aliam qualitatem ; v. g. : a sanitate ad aegritudinem.

Latio seu motus localis est transitus corporis ab uno in alium locum.

VI. De modo habendi.—*Modus habendi est determinata ratio qua una res alteram habere dicitur. Quinque recensentur : 1° Per inhaesionem, ut homo habet scientiam ; 2° Per continentiam, ut dolium habet vinum ; 3° Per possessionem, ut homo habet agrum ; 4° Per relationem, ut pater habet filium ; 5° Per juxtapositionem, ut homo habet vestem.*

CAPUT SECUNDUM

DE TERMINIS

Prologus.—Quae de terminis dicenda sunt, sub duobus articulis distribuuntur: de natura terminorum, et de proprietatibus. Tota materia capituli, sequenti schemate ordinata proponitur:

De terminis.

	Signi notio		
	Signi species	{	1 ^o Formale, instrumentale, arbitrarium. 2 ^o Speculativum, practicum.
I. De natura	Termini notio	{	Gestus
			Vocabulum
	Termini species	{	Scriptura
			1 ^o Categorematicus, syncategorematicus 2 ^o Simplex, complexus 3 ^o Univocus, analogus aequivocus 4 ^o Absolutus, connotativus 5 ^o Positivus, negativus 6 ^o Concretus, abstractus 7 ^o Singularis, particularis, universalis
II. De proprietatibus	Suppositio	}	natura
			species
	Appellatio	{	1 ^o materialis, formalis
			2 ^o formalis est: realis, logica
			3 ^o realis est: absoluta, personalis
			4 ^o personalis est: singularis, universalis, particularis
Ampliatio	{	5 ^o universalis est: distributiva, collectiva	
		6 ^o particularis est: disjunctiva, disjuncta	
Restrictio			leges
Alienatio			natura
			species: materialis, formalis
			leges

DE NATURA TERMINORUM

(6)

I. Signi notio.—Termini sunt signa idearum. **Signum** autem a S. Augustino definitur: *res quae, praeter speciem quam ingerit sensibus, aliud aliquid facit in cogitationem venire*; (1) v. g. : fumus est signum ignis. Signum igitur est omne id quod prius cognitum hoc ipso dicitur in cogitationem alterius. Signum proprie dictum est quid sensibile, unde dicit Augustinus: «*res quae praeter speciem quam ingerit sensibus*». — In signo tria considerari possunt: 1° res quae significat, et dicitur *signum*; 2° res quae significatur, et dicitur *signatum*; 3° vis significandi, seu nexus inter signum et signatum, et vocatur *significatio*.

II. Signi divisio.—*a)* Signum est *formale* vel *instrumentale*.

Signum formale est illud quod ducit in cogitationem alterius vi similitudinis; v. g. : statua, imago, sunt signa formalia personarum vel rerum quas repraesentant.

Signum instrumentale est illud quod ducit in cogitationem alterius vi cujuslibet alterius connexionis, scilicet, quia sit rei significatae similitudo; v. g. : fumus est signum instrumentale ignis.

b) Signum est *naturale* vel *arbitrarium*.

(1) *De doctrina christ.*, l. II, c. I, m. I.

Signum naturale est illud quod vim significandi *ex natura sua* habet, unde apud omnes idem significat ; v. g. : gemitus est signum naturale doloris, risus laetitiae, fumus ignis.

Signum arbitrarium, quod etiam dicitur *signum datum* vel *ad placitum*, est illud quod vim significandi habet *ex institutione* Dei vel hominum ; v. g. : laurus est signum victoriae, vexillum album signum pacis, sacramenta signum gratiae.

c) Signum est *speculativum* vel *practicum*.

Signum speculativum est illud quod non efficit quod significat ; v. g. : oliva est signum speculativum pacis, ipsam significat sed non facit.

Signum practicum est illud quod non tantum significat, sed causat seu efficit rem significatam ; v. g. : boreas est signum frigoris, Sacramenta N. L. sunt signa practica gratiae.

III. Termini notio. — **Terminus**, *quoad nomen*, idem est ac *limes*, *extremum*, et ab Aristotele definitur: *id in quo resolvitur propositio tauquau in praedicatum et subjectum.*⁽¹⁾ Etenim subjectum et praedicatum sunt extrema propositionis, sunt termini. Unde quemadmodum idea dicitur *terminus mentalis*, quia est ultimum elementum in quod resolvuntur iudicium et ratiocinium, ita vocabulum dicitur *terminus oralis*, quia est ultimum elementum in quod resolvuntur propositio et syllogismus.

Terminus, *quoad rem*, definitur: *signum ideae, et rei simplici apprehensione perceptae*. Vocatur etiam *signum logicum*.

Terminus est signum manifestativum ideae ; ideae vero manifestari possunt triplici modo : gestibus, vocabulis, et scriptura.

(1) *Prior Analyt.*, l. I, c. I.

Gestus sunt *quilibet motus corporis ordinati ad manifestandos internos animi sensus*; hujusmodi sunt vultus et oculorum motio, capitis, manuum brachiorumque motus ordinati, etc. Ad gestus reducuntur lacrymae, risus, vocesque inarticulatae, ut gemitus. Quamvis gestus adhibeantur ad manifestationem idearum, tamen exprimunt potius affectiones et animi sensus. Principem autem locum inter idearum signa obtinent vocabula et scriptura.

Vocabulum est *vox hominis articulata ex institutione conceptus mentis significans*. Dicitur *vox* quae est *sonus ab ore animalis prolatus, cum imaginatione quadam* ⁽¹⁾.

« Non omnis sonus animalis est vox, inquit S. Thomas.⁽²⁾ Contingit enim linguam facere aliquos sonos, qui tamen non sunt voces, sicut et tussientes faciunt sonum qui non est vox. Oportet enim ad hoc quod sit vox, quod verberans aerem sit animatum et cum imaginatione ad aliquid significandum. »

Dicitur *vox hominis*, quia brutorum voces non sunt vocabula.—*Articulata*, id est, variis litteris vocalibus et consonis ac syllabis diversimode per variam labiorum, linguae, dentium, palati, gutturisque actionem modificata et quasi totidem articulis distincta. Non omnis vox hominis est vocabulum, sed vox articulata.

Dicitur *conceptus mentis significans ex institutione*. Etenim vocabulum est signum arbitrarium: quamvis enim naturalis sit homini facult. loquendi, nulla est tamen vocabulorum cum certis conceptibus naturalis connexio. Quod quidem facile apparet ex tanta linguarum apud varias gentes diversitate. Electio igitur vocabulorum ad res constanter exprimendas ex institutione pendet.

Decem sunt, ut aiunt grammatici, vocabula quorum praecipua sunt nomen, verbum, et attributum quibus utuntur logici.

(1) ARISTOTELES, in II *de Anima* c. XVIII.

(2) *De Anima*, l. 2, lect. 18.

Scriptura est signum loquelaе seu vocabulorum, et defini potest, *collectio signorum quae ordinantur ad repraesentanda vocabula modo visibili et permanenti.*

IV. *Corollaria* : 1° *Vocabula primo mentis conceptus significant, deinde res ipsas quas conceptus repraesentant ; ex natura enim sua ordinantur ad exprimendas notiones internas.*

2° *Scriptura primo significat verbum orale, secundo verbum mentale et res ipsas.*

V. *Terminorum species* :— a) *Terminus est categorematicus et syncategorematicus.*—*Terminus categorematicus* est ille qui singillatim sumptus completam significationem habet ; v. g., homo, arbor.

Terminus syncategorematicus est ille qui solus completam significationem non habet sed tantummodo alteri adjectus : v. g. : omnis, aliquis.

b) *Terminus est simplex et complexus.*

Terminus simplex seu *incomplexus* est ille qui unico tantum vocabulo constat ; v. g., Deus, homo.

Terminus complexus est ille qui constat pluribus vocibus quarum unaquaque aliquid significat ; v. g., homo justus.

c) *Terminus est univocus, analogus, et aequivocus.*

Terminus univocus est ille qui plura significat secundum eandem rationem ; v. g., homo prout dicitur de Petro, Paulo, etc.

Terminus analogus est ille qui plura significat secundum rationem partim eandem, partim diversam ; v. g., visio prout significat cognitionem visus et intellectus.

Terminus aequivocus est ille qui plura significat secundum rationes formaliter diversas ; v. g., canis prout dicitur de certo animali terrestri, de pisce et de constellatione.

d) *Terminus est absolutus et connotativus.*

Terminus absolutus est ille qui aliquid significat ad modum per se stantis sive realiter per se stet, sive non ; v. g., homo, animal, virtus, dulcedo.

Terminus connotativus est ille qui aliquid significat ad modum alteri adjacentis sive realiter sit alteri adjacens, sive non ; v. g., justus, dulcis, vivens, pictor. Dicitur connotativus quia praeter formam quam significat, connotat subjectum de quo dicitur.

e) *Terminus est positivus et negativus.*

Terminus positivus est ille qui exprimit aliquam realitatem ; v. g., lux, justitia.

Terminus negativus est ille qui exprimit carentiam entitatis seu realitatis ; v. g., caecitas, mors, tenebrae. Quidam termini sunt *voce* positivi et *sensu* negativi, ut mors caecitas ; alii autem sunt *voce* negativi et *sensu* positivi, ut immortalitas, infinitum.

f) Dividuntur adhuc termini secundum ideas quas exprimunt, et dicuntur concreti vel abstracti ; singulares, particulares vel universales ; collectivi vel distributivi, etc.

DE PROPRIETATIBUS TERMINORUM

(7)

I. Terminorum proprietates.—Quinque sunt terminorum proprietates: *suppositio*, *appellatio*, *ampliatio*, *restrictio* et *alienatio*.

II. Suppositionis natura et species.—**Suppositio** est *usus termini pro re aliqua*. Utimur autem terminis in propositionibus; non fit igitur suppositio nisi in propositione.

1^o Dividitur suppositio in *formalem* et *materialem*.

Suppositio materialis est *usus termini pro seipso*; v. g.: Cicero est vox trium syllabarum;—Ubique est adverbium.

Suppositio formalis est *usus termini pro re significata*: v. g.: Cicero est orator;—Homo est animal.

2^o Suppositio formalis dividitur in *realem* et *logicam*.

Suppositio realis est *usus termini pro re significata secundum modum essendi quem habet extra mentem in seipsa*; v. g.: Homo est animal. Suppositio realis dicitur etiam suppositio *primae intentionis*.

Suppositio logica seu *secundae intentionis* est *usus termini pro re significata secundum modum essendi quem habet in mente et a mente*; v. g.: Homo est species.

3^o Suppositio realis dividitur in *absolutam* et *personalem*.

Suppositio absoluta est *usus termini pro natura absolute considerata*; v. g.: Homo est animal.

Suppositio personalis est usus termini pro individuis ; v. g. : Homo est musicus. Si absolute supponeret *homo* in illa propositione, propositio esset falsa.

4° **Suppositio personalis** dividitur in *singularem, universalem et particularem*.

Suppositio singularis est usus termini pro uno individuo determinato ; v. g. : *Socrates* est Homo,—*Hic homo* est justus.

Suppositio universalis est usus termini communis pro omnibus suis inferioribus ; v. g. : *Omnis homo* est animal.

Suppositio particularis est usus termini communis pro quibusdam e suis inferioribus ; v. g. : *Aliquis homo* est justus.

5° **Suppositio universalis** dividitur in *distributivam et collectivam*.

Suppositio distributiva est usus termini communis pro omnibus suis inferioribus seorsim sumptis, scilicet, pro omnibus et singulis inferioribus ; v. g. : *Omne corpus* est grave. *Corpus A* est grave, et *corpus B* est grave et *corpus C* est grave, etc. Haec successiva individuorum substitutio ideae universali sub qua continentur dicitur *descensus*. **Suppositio distributiva** dicitur *completa*, si terminus accipiatur pro singulis individuis, et *incompleta*, si accipiatur pro speciebus tantum. In propositione : *Omne corpus* est grave, *corpus* supponit *complete*, sed *animal* supponit *incomplete*, in propositione sequenti : *Omne animal* fuit in arca Noë.

Suppositio collectiva est usus termini pro omnibus suis inferioribus simul et non seorsim sumptis ; v. g. : *Omnes Apostoli* sunt duodecim ;—*Milites* constituunt exercitum.

6° **Suppositio particularis** dividitur in *disjunctivam et disjunctam*.

Suppositio disjunctiva est usus termini pro uno aut altero e suis inferioribus, eoque indeterminato, ita tamen ut de uno aliquo seorsim accepto verificari possit oratio ; v. g. : *Aliquis apostolus* fuit proditor.

Suppositio disjuncta est usus termini communis pro uno aut altero e suis inferioribus, eoque indeterminato, ita tamen ut de nullo seorsim accepto verificari possit oratio : v. g.: *Aliqua navis ad navigandum necessaria est.*

III. **Regulae suppositionis.**—1° **Suppositio** est formalis vel materialis, realis vel logica, absoluta vel personalis secundum exigentiam naturae subjecti et praedicati, modi eorum essendi et ipsius propositionis.

2° **Terminus** acceptus ad significandum individuum semper supponit singulariter.

3° **Terminus** communis affectus signo syncategorematico universali, *omnis, nullus*, supponit universaliter ; et suppositio est distributiva vel collectiva secundum exigentiam praedicati.

4° **Terminus** communis affectus signo syncategorematico particulari, *aliquis, nonnullus*, supponit particulariter ; suppositio autem est disjunctiva vel disjuncta secundum exigentiam praedicati.

5° **Terminus** communis *in sede subjecti* nullo signo syncategorematico affectus, supponit *universaliter* seu *distributive* ⁽¹⁾ si praedicatum necessario ipsi conveniat vel repugnet, *particulariter* seu *disjunctive* si praedicatum accidentaliter tantum ipsi conveniat aut repugnet. Ratio est quia si praedicatum necessario subjecto convenit vel repugnat, necessario etiam convenit vel repugnat omnibus inferioribus subjecti ; si autem praedicatum accidentaliter subjecto conveniat, convenit inferioribus secundum aliquam partem repugnat vero secundum aliam ; v. g. : *Homo est animal, Homo non est asinus ;—Homo est justus, Homo non est justus. Homo* in duabus primis propositionibus supponit distributive, in aliis particulariter seu disjunctive.

(1) Universaliter et distributive, particulariter et disjunctive, promiscue sumuntur.

6° Terminus communis *in sede praedicati* supponit universaliter si propositio est negativa, particulariter si propositio est affirmativa.—Etenim *vi negationis*, subjectum excluditur a totalitate extensionis praedicati, v. g., dum dicitur: *Homo non est angelus*, significatur hominem esse nullum angelum. *Vi affirmationis*, subjectum ponitur sub extensione praedicati, et praedicatum in subjectum fertur secundum partem tantum suae extensionis; v. g.: *Homo est animal rationale*, scilicet, homo est *aliquod* animal rationale.—Praedicatum in propositione affirmativa supponit particulariter etiamsi sit convertibile cum subjecto, ut in definitione. Etenim, ut dicit S. Thomas, ⁽¹⁾ affirmationes falsae sunt, si praedicatum universaliter praedicetur. Sic, in exemplo allato, si *animal rationale* universaliter supponeret, haberetur: *homo est omne animal rationale*. Cum autem *homo* supponit universaliter, praedicatum illud affirmari debet de singulis inferioribus quae continentur sub homine; et hoc autem fieri non potest, nam falso dicitur: *Petrus est omne animal rationale*. Ergo.

IV. Appellationis natura et species.—*Appellatio est applicatio unius termini supra alium*: Deus justus. Terminus qui applicatur dicitur *appellans*, et terminus cui applicatur dicitur *appellatus*. In exemplo allato *Deus justus*, Deus appellatur justus; *Deus* est terminus appellatus, et justus terminus appellans.

In terminis concretis appellatio est *formalis* vel *materialis*.—Concretum enim est compositum subjecti et alicujus formae, et terminus concretus significat et formam et subjectum. — *Appellatio formalis* est applicatio termini alicui concreto ratione formae; v. g.: *Medicus sanat*; *medicus*

(1) In 1. *Periher.*, Lect. X. Cf. LORENZELLI, *op. cit.*, vol. I, p. 55.

sanat ratione artis medicae a qua praecise dicitur in medicus, ipsi applicatur terminus *sanat* ratione formae, et medicus dicitur sumi formaliter.—*Appellatio materialis* est applicatio termini ratione subjecti; v. g.: Medicus cantat; medicus sumitur materialiter, scilicet, pro subjecto cui convenit ars medica.

Circa appellationem haec notanda sunt: 1° Terminus appellans semper sumitur formaliter. 2° Terminus concretus appellatus per se sumitur materialiter. Cum ergo dicitur, *Deus factus est homo*, significatur: id quod habet deitatem, scilicet, persona divina (Deus materialiter sumitur) assumpsit vel factus est habens naturam humanam (homo formaliter sumitur). 3° Ex his sequitur subjectum propositionis sumi materialiter, praedicatum vero formaliter, quia praedicatum appellat subjectum. 4° Tamen terminus abstractus formam aliquam tantum significans, non potest sumi nisi formaliter.

V. Reliquarum proprietatum notiones.—*Ampliatio* est extensio termini a minore ad majorem significationem; v. g.: Mansueti haereditabunt terram; quod verum est de praeterito et de praesenti.

Restrictio est contractio termini a majori ad minorem significationem; v. g.: Eva est mater omnium viventium. Terminus *viventium* restringitur ad significandum tantum homines.

Alienatio est translatio termini a sensu proprio ad sensum metaphoricum; v. g.: Christus est agnus.

CAPUT TERTIUM :

DE DEFINITIONE ET DIVISIONE

PROLOGUS.—Definitio et divisio ad primam mentis operationem pertinent, quia utraque est notio pluribus significata vocibus sine ulla mentali compositione. Una et altera recensentur inter modos sciendi. Modus enim sciendi definitur : *oratio manifestativa rei obscurae*. Definitio, rei essentiam, divisio partes ejus manifestant. Sermo instituetur de *natura, speciebus et legibus* tum definitionis, tum divisionis. Sequitur schema capituli tertii :

DE DEFINITIONE ET DIVISIONE

I. De definitione :

Natura

- Species { 1^o Nominalis, realis.
2^o Realis : intrinseca, extrinseca.
3^o Intrinseca : essentialis, descriptiva.
4^o Essentialis : physica, metaphysica.
5^o Descriptiva : propria, accidentalis, causalis, genetica.

- Leges { 1^o Definitio sit elarior re definita :—
Definitum excludi debet a definitione.
Definitio non sit metaphorica.
2^o Definitio constet genere proximo et ultima differentia.
3^o Definitio et definitum sint salva veritate convertibilia.
4^o Definitio non sit negativa.

II. De divisione :

Natura—Totius et partis.

Totius species :

- 1^o Totum actuale, potentiale.
2^o Actuale : essentialis, integrale.
3^o Essentialis : metaphysicum, physicum.
4^o Totum morale, artificiale, potestativum, accidentale.

Species—Divisio actualis, potentialis.
actualis : — essentialis, integralis, metaphysica, etc,
secundum totius species.

- Leges : I^o Divisio sit adaequata.
II^o Nullum membrum divisionis excedat aut adaequet totum.
III^o Membra divisionis sint opposita.
IV^o Divisio sit immediata.
V^o Divisio sit, ut fieri potest, brevis.

ARTICULUS I

DE DEFINITIONE

(8)

I. Definitionis notio. -- Secundum *nomen* definire idem est ac fines seu limites ponere ; sicut ager ab agro dividitur et distinguitur limitibus suis, ita res a re separatur et distinguitur definitione.

Secundum *rem* definitio est *oratio significans quid sit res*, seu *oratio qua respondetur interroganti quid sit res* ; v. g. : interroganti quid sit *homo*, respondetur, *animal rationale*. *Animal rationale* est definitio.

Definitio dicitur *oratio* quia pluribus constat vocibus. Cum enim munus sit definitionis clarius manifestare rem, ipsa declarat in quo res definita cum aliis convenit, et in quo ab ipsis distinguitur ; unde necesse est definitionem constare duobus saltem terminis, quorum unus convenientiae conceptum, alter differentiae exprimat.

II. Definitionis species. -- 1° Definitio alia est *nominis* et dicitur *nominalis*, alia est *rei* et dicitur *realis*.

Definitio *nominalis* est *oratio significativa ejus quod per nomen significatur* ; -- vel est mera explicatio etymologiae, seu originis nominis, v. g. : *philosophia est amor sapientiae* ; -- vel declarat significationem nominis secundum quod communiter intendunt homines ; v. g. : *Deus est prima causa omnium rerum*.

Definitio realis est *oratio explicativa naturae rei per nomen significatae*; v. g.: *Homo est animal rationale.*

2^o **Definitio realis** dividitur in *intrinsicam* et *extrinsicam*:

Definitio intrinseca est *illa quae explicat rem per principia ipsi inhaerentia*; v. g.: *Homo est compositum ex corpore organico et anima rationali.*

Definitio extrinseca est *illa quae explicat rem per principia ipsi non inhaerentia*; v. g.: *Anima est substantia a Deo creata ad imaginem et similitudinem suam.* Illa definitio fit per causam efficientem et causam exemplarem quae cum causa finali sunt principia rei extrinseca. Dicitur etiam *causalis*.

3^o **Definitio intrinseca** dividitur in *essentialem* et *descriptivam*.

Definitio essentialis est *illa quae rem explicat per principia quae essentiam rei constituunt.* Est autem duplex, *physica* scilicet et *metaphysica*.—*Definitio physica* est illa quae explicat rem per principia essentiae realiter inter se distincta; v. g.: *Homo est compositum ex corpore organico et anima rationali.*—*Definitio metaphysica* est illa quae explicat rem per constitutiva metaphysica, quae scilicet inter se realiter non distinguuntur, qualia sunt genus et differentia; v. g.: *Homo est animal rationale.*

Definitio descriptiva est *illa quae rem explicat vel per proprietates quae ab essentia dimanant, et dicitur propria, vel per accidentia ipsi rei inhaerentia quae collectim sumpta possunt rem determinare et ab aliis distinguere, et dicitur accidentalis*; v. g.: *Homo est animal scientiae capax (definitio propria)*; Polyphemus definitione descriptiva accidentali a Virgilio describitur:

Monstrum horrendum, informe, ingens, cui lumen ademptum
Trunca manum pinus regit, et vestigia firmat.

.*Eneid.* III, vv. 658–9.

Ad definitionem descriptivam reducuntur a quibusdam tum definitio *causalis* (extrinseca) tum definitio *genetica* quae rem explicat exponendo modum quo producitur ; v. g.: Eclipsis lunae est defectus lucis ex interpositione telluris inter ipsam et solem.

Ex hisce omnibus definitionibus apparet solam definitionem essentialem rei principia constitutiva seu essentialia declarare ; unde praestantissima est illa definitio et de ipsa praesertim verificandae sunt leges definitionis.

III. De legibus definitionis.—Regula prima. — *Definitio sit clarior re definita.* Definitio enim usurpatur ad rem declarandam et manifestandam, sed nisi clarior sit re definita, nihil declarat nec manifestat. Contra hanc legem peccant vel qui idem per idem explicant ; v. g.: *Logica est ars tradens regulas logicas* ; vel qui metaphoras adhibent ineptas ; v. g.: *Homo est arbor inversa* ; vel qui unum per aliud et vicissim definiunt ; v. g.: *Dies est tempus constans 24 horis* ; et *Hora est pars diei quarta et vigesima.* Unde ad modum corollarii hujus regulae dicitur :

a) *Definitum excludi debet a definitione.* Esset enim explicare idem per idem et definitio non esset clarior re definita.

b) *Definitio non sit metaphorica.* Metaphora enim trahit terminum a proprio suo sensu ad alienum, ideoque non potest ad claram et perspicuam rei notionem ducere. ⁽¹⁾

(1) «Une des principales causes, à notre avis, de l'obscurité qu'on reproche à la philosophie allemande, c'est la valeur trop métaphorique de son langage.»... «C'est à la scolastique et au bas latin, disons-le en passant, que le français doit l'incomparable netteté qu'il apporte dans la langue philosophique. Les termes sont presque tous abstraits (sauf dans la terminologie de la sensibilité) et ne donnent aucune prise à ces trahisons qu'entraînent les expressions métaphoriques.»

A. Darmesteter, *La vie des mots*, 5e édit. p.73

« La scolastique a amplement payé sa dette à la France qui l'avait produite ; et nous ne craignons pas d'affirmer que c'est à elle que la langue

Regula secunda.—*Definitio essentialis constet genere proximo et ultima differentia.*—Definitio enim essentialis est oratio manifestativa essentiae rei definitae. Differentia autem ultima cum genere proximo constituit speciem, et species est praedicatum dicens essentiam completam rei de qua praedicatur. Definitio igitur constans genere proximo et ultima differentia essentiam completam rei definitae explicat.—Homo est *substantia rationalis*,—substantia rationalis non est bona definitio, quia substantia non est genus proximum hominis, et ideo non explicat praecipuas notas hominis.—Illa lex verificatur proprie de definitione essentiali, tamen proportionem quadam servatur etiam in aliis definitionibus quando fiunt per aliquid quod locum tenet generis et differentiae.

Regula tertia.—*Definitio et definitum sint salva veritate convertibilia, seu definitio sit reciproca.*—Definitio enim debet esse res definita, omnis et sola, clarius tantum explicata. Unde dum definitio de definito affirmatur haberi debet adaequatio, ita ut unum pro altero sumi possit. Definitum ergo et definitio converti possunt. Rejicienda est sequens hominis definitio : Homo est animal mortale.

Regula quarta.—*Definitio non sit negativa.* Definitio enim respondet quaestioni quid sit, non autem, quid non sit res. Tamen de quibusdam rebus positive cognosci non potest quid in se sint, ut de Deo respectu intellectus nostri ; unde accipitur definitio negativa, vel cum conceptus distinctus non habetur nisi per negationem, sicuti fit in attributis divinis ; vel quum medium non datur inter duo quorum unum positive definitur ; sic simplex definitur per negationem partium, compositum autem per partium affirmationem.

française doit cette précision, cette clarté, qui en font le plus actif et le plus précieux instrument des idées dans les temps modernes. Sans les travaux de la scolastique, sans ses dissections logiques, notre langue n'aurait jamais atteint cette prodigieuse netteté qu'aucune autre n'égale.» (Barthélemy Saint-Hilaire.)

IV. Corollarium.—Cum res definitur per aliam notio-rem, et ista per alteram, facile apparet non omnes res definiri posse; aliter iretur in infinitum. Item cum vera et perfecta definitio sit essentialis, constans genere proximo et ultima differentia, quae quidem extra omne genus sunt, ut Deus, et transcendentalia, proprie definiri non possunt.

DE DIVISIONE

(9)

I. **Divisionis notio.** — Divisio cum sit *modus sciendi* est oratio manifestativa rei ; explicat enim rem enumeratione partium. Definitur : *oratio distribuens [totum in suas partes. Totum autem est omne id quod in plura resolvi potest ;—partes vero elementa ex quibus totum coalescit.*

II. **Totius species.**— Totum est duplex, *actuale et potentiale* :

Totum actuale vel reale, est illud quod partes distinctas ex quibus resultat actu in se includit ; v. g.: *Homo* est totum actuale resultans ex corpore organico et anima rationali.

Totum potentiale vel logicum est illud quod ratione suae extensionis plura tanquam partes sub se continet ; est nempe idea universalis quae ratione suae extensionis omnia sua inferiora tanquam partes includit ; v. g.: *Animal* sub se continet homines et bruta, unde dicitur rationale vel irrationale.

Plura sunt discrimina inter totum actuale et totum potentiale : 1° Ut vi denominationis apparet totum actuale *actu* habet partes suas ; totum potentiale, *potentia* tantum. 2° Totum actuale partes suas comprehendit et ratione hujus comprehensionis resultat ; totum potentiale ad partes extenditur, et ratione extensionis ut totum constituitur. 3° Totum actuale de singulis suis partibus affirmari non potest : nec anima, nec corpus dicitur homo ; totum potentiale de singulis suis partibus affirmatur.

Totum actuale est *essentiale* vel *integrale*.

Totum *essentiale* est illud quod resultat ex partibus quae *essentiam* constituunt. Est *physicum* vel *metaphysicum*.—

Totum *physicum* est illud quod coalescit ex partibus *realiter* ad invicem *distinctis*, quales sunt corpus et anima in homine.

Totum *metaphysicum* est illud quod coalescit ex partibus *sola* *mentis* *consideratione* *distinctis*, cujusmodi sunt in homine animalitas et rationalitas.

Totum *integrale* est illud quod resultat ex partibus quae *essentiam rei* non constituunt, sed eam *integram* et *completam* efficiunt, v. g., corpus humanum dicitur totum integrale in quantum resultat tanquam ex partibus, ex capite, manibus et aliis membris quae ad ejus integritatem naturalem pertinent.

Totum dicitur adhuc *morale*, *artificiale*, *potestativum*, et *accidentale*.

Totum *morale* est illud cujus partes sunt voluntates ad eundem finem conspirantes ; scilicet, est multitudo entium rationalium quae inter se ratione consequendi finem aliquem conjunguntur ; v. g. : familia, civitas, exercitus.

Totum *artificiale* est illud cujus partes industria humana uniuntur ; v. g. : domus.

Totum *potestativum* est illud quod coalescit ex pluribus virtutibus seu potentiis agendi ; v. g. : anima prout in se plures agendi virtutes complectitur.

Totum *accidentale* est illud quod ex pluribus resultat accidentibus simul unitis.

III. Divisionis species.— Tot sunt divisionis quot sunt totius species. Divisio igitur est : 1° *actualis* et *potentialis*.

Divisio *actualis* est distributio totius in partes diversas quibus actualiter componitur ; v. g. : arbor plures habet partes : truncum, ramos, folia, fructus.

Divisio *potentialis* est oratio distributiva universalis in sua inferiora ; v. g. : Animal est rationale et irrationale ; Homo est albus, niger, cupreus et flavus.

2^o Divisio actualis est *essentialis, integralis, metaphysica, physica, potestativa* et *accidentalis* secundum quod est distributio totius essentialis, integralis, metaphysici, physici, potestativi et accidentalis in suas partes essentielles, integrales, metaphysicas, physicas, potestativas et accidentales.

IV. Divisionis leges.—**Prima regula.**—*Divisio sit integra seu adaequata*, scilicet, membra dividenda simul sumpta adaequent totum divisum. Aliter enim divisio peccaret vel excessu vel defectu, et non esset amplius distributio totius in suas partes. Unde rejicienda est divisio viventis in hominem et brutum, quia vivens ad alia etiam sese extendit, ad plantas nempe, ad angelos et Deum.

Secunda regula.—*Nullum membrum divisionis excedat aut adaequet totum.*—Totum enim est majus sua parte; nulla pars igitur potest excedere vel adaequare totum. Vitiosa est divisio animalis in vivens, sensitivum et rationale. Vivens enim magis, et sensitivum aequae ac animal extenditur.

Regula tertia.—*Membra divisionis sint opposita*, scilicet, unum non includat sed excludat alterum: aliter idem bis repeteretur et multiplicarentur partes quae revera partes non sunt. Falso dividitur terra in Europam, Asiam, Africam, Americam, Oceaniam et Italiam. Italia enim in Europa continetur.

Regula quarta.—*Divisio sit immediata*, scilicet, totum dividatur prius in proximas partes, proximae in secundas, et ita deinceps. Secus enim divisio non esset completa, nec claritatem in ideis induceret sed confusionem. Confusa est divisio substantiae in viventem, sensibilem et rationalem. Substantia enim immediate dividitur in corpoream et incorpoream, corporea autem in organicam et inorganicam, etc.

Regula quinta.—*Divisio, ut fieri potest, sit brevis.* Aliter enim non claritatem sed confusionem afferret. « Confusum est, teste Seneca, quidquid usque ad pulverem sectum est. » « Idem vitii habet nimia, quod nulla divisio. » *Epist.* 89.

LIBER SECUNDUS

DE JUDICIO

PROLOGUS.—Prima operatione, nempe simplici apprehensione, intellectus essentiam, seu quidditatem rei in seipsa concipit, puta quid sit homo, quid sit album, etc.; pluribus autem habitis conceptibus mens inter ipsos comparationem instituit et convenientiam seu discrepantiam ipsorum affirmat vel negat. Affirmando autem unum apprehensum alteri componit, negando, unum ab altero dividit. Illa secunda operatio qua intellectus plures conceptus affirmando componit vel negando dividit, dicitur *judicium*. Sicut autem terminus est signum ideae, ita judicii signum externum est *propositio*. Unde hic secundus Dialecticae liber erit bipartitus: prima pars erit *de judicio*, secunda, *de propositione*.

CAPUT PRIMUM

DE JUDICIO

PROLOGUS.—Mediante propositione manifestatur iudicium, et cognoscuntur ea quae ad utrumque pertinent; propterea, sola quae sunt propria iudicii in hoc unico articulo declarantur, sequenti ordine disposita:

De iudicio	Notio	
	Materia et forma	
	Prærequisita ad iudicium	
	Varia nomina	{ Compositio vel divisio Affirmatio vel negatio Assensus vel dissensus
	Species	{ Ratione subjecti: prudens vel temerarium Ratione objecti: { Immediatum vel mediatum Analyticum vel syntheticum.

ARTICULUS UNICUS

DE NATURA ET SPECIEBUS JUDICII

(10)

I. **Judicii notio.**—Quoad *nomen*, secundum metaphoram, vox *judicium* ad secundam mentis operationem significandam adhibetur. Judicium enim proprie significat sententiam judicis controversiam dirimentis; sed quemadmodum judex de re sibi subjecta pro auctoritate fert sententiam, ita mens de objectiva idearum identitate seu diversitate discernit. Unde vox *judicii* ad significandum illum mentis actum translata est.

Quoad *rem*, a S. Thoma definitur: «Actio intellectus secundum quam componit et dividit affirmando et negando.»⁽¹⁾

Est igitur *judicium* actus intellectus a simplici apprehensione distinctus; simplex enim apprehensio nihil negat vel affirmat, dum *judicium* est *mentis actus quo aliquid esse affirmamus vel negamus.*⁽²⁾

Dum intellectus duos conceptus inter se comparat, tria contingere possunt: vel percipit illos conceptus inter se convenire, vel inter se differre, vel neutrum. Si neutrum perspiciat, intellectus in simplici apprehensione remanet, nihil affirmando, nihil negando. Si vero convenientiam seu disconvenientiam conceptuum perspiciat, novus exurgit actus

(1) *Quæst. disput. De veritate* q. 14. a. I.

(2) ZIGLIARA L. 18. I.

in mente a simplici apprehensione distinctus, quo intellectus componit et dividit affirmando vel negando duorum conceptuum convenientiam. Iste autem actus quo intellectus duos conceptus affirmando componit, vel negando separat est iudicium.

II. Iudicii materia et forma. — Duo conceptus vel duae res quae ab intellectu comparantur constituunt *materiam* iudicii, id nempe circa quod fertur iudicium. Illud de quo aliquid affirmatur vel negatur dicitur *subjectum*; illud vero quod de alio affirmatur vel negatur dicitur *attributum* vel *praedicatum*. — Id autem quod subjectum cum praedicato componit vel separat, dicitur *forma* iudicii. Actus mentis quo subjectum praedicato componit vel dividit, exprimitur verbo substantivo *esse* quod instar *copulae* inter praedicatum et subjectum explicite vel implicite habetur; unde copula est significat formam iudicii.

III. Ad iudicium praerequisita. — Tria ad iudicium praerequiruntur: 1^o apprehensio subjecti et praedicati; 2^o ipsorum comparatio; 3^o perspicientia seu apprehensio convenientiae vel discrepantiae inter utrumque. Etenim jam percepta convenientia vel discrepantia inter subjectum et praedicatum, intellectus potest unum de alio affirmare vel negare.

IV. Iudicii varia nomina. — Iudicium dicitur: 1^o *Compositio* vel *divisio*, quia conceptus conjungit vel separat; 2^o *Affirmatio* vel *negatio*, quia conceptuum identitatem affirmat vel negat; 3^o *Assensus* vel *dissensus* quia mens per actum iudicii conceptuum identitati annuit vel renuit.

V. Iudicii divisio. — 1^o Ratione subjecti iudicium est *prudens* vel *temerarium*.

Judicium prudens est illud quod fertur post attentam subjecti et praedicati comparisonem.

Judicium temerarium est illud quod fertur absque diligenti comparatione subjecti et praedicati.

2° Ratione objecti judicium est a) *immediatum* vel *mediatum*; b) *analyticum* vel *syntheticum*.

a) **Judicium immediatum** est illud in quo convenientia vel repugnantia subjecti et praedicati illico patet; v. g.: Totum est majus sua parte;—Charta haec candida est.

Judicium mediatum est illud in quo convenientia vel repugnantia subjecti et praedicati ope ratiocinii innotescit; v. g.: Anima humana est immortalis.

b) **Judicium analyticum** est illud in quo convenientia vel repugnantia subjecti et praedicati ex ipsorum analysi deprehenditur; v. g., lacta analysi totius et partis, apparet totum esse majus sua parte, unde illud judicium est analyticum: Totum est majus sua parte.—Ex analysi autem apparet convenientia vel discrepantia subjecti et praedicati, secundum quod praedicatum in ipsa notione subjecti continetur, scilicet, vel ut aliquid subjecto essentiale, vel ut aliquid proprium. Unde judicium analyticum definitur: *Illud cujus praedicatum continetur in notione subjecti*;—*Illud cujus praedicatum est aliquid subjecto essentiale vel proprium*. Homo est animal,—Homo est scientiae capax,—sunt judicia analytica.

Judicia analytica dicuntur 1° *absoluta*, quia a nulla conditione pendent; 2° *pura*, *rationalia*, *metaphysica*, quia in ordine ideali fundamenta sua habent, et omnem experientiam anteverunt; 3° *necessaria*, *in materia necessaria*, quia in ipsis praedicatum necessario convenit subjecto; 4° *a priori*, quia, juxta Aristotelem et veteres scholasticos, ex cognitio rei causis procedunt, juxta autem recentiores, quia logice antecedunt experientiam, *priora* sunt experientia.

b) **Judicium syntheticum** est illud in quo convenientia vel repugnantia subjecti et praedicati sola experientia sensus interni vel externi apparet; v. g.: Nix est alba.—Homo est aegrotus.

Judicia synthetica dicuntur 1° *synthetica*, e voce *synthesis*, quia praedicatum additur subjecto ut aliquid extrinsecum;

2^o *hypothetica*, quia in ipsis praedicatum non absolute et ex se subjecto convenit ; 3^o *empirica, experimentalia physica*, quia experientiam supponunt, et in ordine sensibili et physico fundamenta sua habent ; 4^o *contingentia, in materia contingenti*, quia in ipsis praedicatum contingenter tantum subjecto convenit ; 5^o *a posteriori*, quia, juxta veteres, ex effectibus cognitis procedunt, juxta recentiores, quia logice *posteriora* sunt experientia.

Kant, philosophus germanus, judicia distribuit in *analytica, synthetica* et *synthetica a priori*. *Judicia synthetica a priori* sunt illa in quibus praedicatum necessario convenit subjecto (unde *a priori*) quin tamen contineatur in notione ipsius (unde *synthetica*). Nullo modo existere possunt talia judicia. Etenim vel praedicatum continetur in notione subjecti, vel non continetur. Si primum, intellectus dum novit subjectum, praedicatum analysi subjecti deprehendens, affirmat convenientiam duorum terminorum, et judicium est analyticum, a priori. Si secundum, convenientia praedicati cum subjecto apprehendi non potest comparatione idearum, sed tantum ex experientia, et judicium est syntheticum et a posteriori.

Aliae autem judicii divisiones propositionibus et judiciis communes sunt, unde in sequenti capite proponuntur.

CAPUT SECUNDUM

DE PROPOSITIONE

PROLOGUS.—Propositio est signum iudicii externum, sicut terminus idearum; de propositione ergo erit sermo sicut de termino, scilicet, triplex erit consideratio: 1° de natura; 2° de speciebus; 3° de proprietatibus propositionis. Illorum autem trium articulorum materia sic distribuitur:

DE PROPOSITIONE

I. De natura	{	Notio nominis et verbi.			
		Notio orationis.			
		Propositionis definitio.			
		Materia et forma propositionis.			
		Elementa: materia, forma, quantitas et qualitas.			
II. De proprietatibus	{	Oppositio	{	Notio Fundamentum	
				Contradictoria: notio, veritas vel [falsitas	
				Contraria: " "	
				Subcontraria: " "	
		Species	{	Subalterna: " "	
				Diversi gradus	
				Equipollentia { Notio	
				Leges	
Conversio	{	Notio			
		Leges			

	Ratione materiae	{	Necessaria seu in materia necessaria.
			Impossibilis " " " impossibili.
			Contingens " " " contingenti.
	Ratione formae : Affirmativa, negativa.		
	Ratione qualitatis :—Vera, falsa.		
	Ratione quantitatis	{	Universalis { Metaphysica.
			Physica.
			Moralis.
			Particularis
			Singularis
			Indefinita
			Collectiva
III. De speciebus	Simplex	{	Incomplexa.
		{	Complexa { Principalis.
Ratione entis	Composita	{	Incidens : explicativa,
			restrictiva.
			Copulativa.
	Aperte	{	Causalis.
			Discretiva.
			Relativa.
Oculte exponibilis	{	Exclusiva.	
		Exceptiva.	
		Comparativa.	
			Reduplicativa.
	Categorica.		
	Hypothetica : conditionalis, disjunctiva, conjunctiva.		
Ratione modi	{	Absoluta.	
		Modalis : necessaria, contingens, possibilis, impossibilis.	

ARTICULUS I

DE NATURA PROPOSITIONIS

(11)

Nominis et verbi notio.—Nomen et verbum sunt principuae partes propositionis, quare ad determinandam enunciationis seu propositionis naturam prius definiendum est nomen necnon et verbum.

Nomen definitur ab Aristotele: *Vox significativa ex instituto, sine tempore, cujus nulla pars significat separata.*

a) *Vox significativa ex instituto*, scilicet, nomen est signum arbitrarium seu ad placitum.

b) *Sine tempore*, in hoc quidem nomen differt a verbo. Nomen enim rem significat per modum substantiae, seu quasi per se existentem, non autem per modum actionis vel passionis in quibus inest ratio motus et temporis, saltem secundum nostrum concipiendi modum. Potest quidem nomen significare tempus, ut *dies, mensis*, etc., vel connotare tempus, ut *coena, prandium*, sed non potest consignificare tempus seu significare cum tempore ita ut ipse modus significandi inducat rationem temporis sive praeteriti, sive praesentis, sive futuri.

c) *Cujus nulla pars significat separata*, quibus verbis distinguitur nomen ab oratione cujus pars significat separata, ut cum dicitur: *homo justus*. Nomina composita licet habeant partes quae separatim significant, ut *equiferus*, cum

tamen nihil significant separatae de eo quod conjunctae exprimunt, definitioni non contradicunt.

Verbum est *vox significativa ex instituto, cum tempore, cujus nulla pars significat separata, et semper signum est eorum quae de alio praedicantur.*

a) Verbum, sicut nomen, dicitur *vox significativa ex instituto, cujus nulla pars significat separata*, quia est signum arbitrarium et ut distinguatur ab oratione.

b) Dicitur *cum tempore*, quia verbum, in hoc a nomine distinguitur quod consignificat tempus, «Consignificare tempus est significare aliquid *in tempore mensuratum.*»⁽¹⁾ Sic *valetudo* est nomen, sed *valet* est verbum, significat enim quod *nunc* valetudo adest.

c) *Et semper est signum etc.*, quia verbum «exprimit actualem copulam seu compositionem praedicati cum subjecto.»⁽²⁾ Verbum significans actionem per modum actionis, de cujus ratione est ut inhaereat, semper ponitur ex parte praedicati, nunquam autem ex parte subjecti, nisi ponatur in vi nominis, sicut cum dicitur: *Errare humanum est*, in quo casu verbum habet rationem nominis.

Verbum est *substantivum* vel *adjectivum*.—*Verbum substantivum* est verbum *sum, es, est*, prout dicit actum essendi, prout equivalet verbo *existere*. Verbum vero *adjectivum* est quodlibet aliud verbum, v. g.: *amo, lego, curro*. Vocatur adjectivum non quia nomini adjacet, quod quidem verbo substantivo convenit, sed quia id quod significat connectitur et quasi adjacet verbo *est*: verbum quodlibet resolvitur in hoc verbum *est* et participium. Nihil enim differt dicere: *homo convalescens est* et *homo convalescit*, et sic de aliis.⁽³⁾

(1) S. T. *In Periherm*, lib. I., l. 5.

(2) *Ibid.*

(3) S. T. in *V. Met.* l. 9.

Orationis notio.—Oratio sese habet ut genus propositionis seu enunciationis, et definitur a Philosopho: *vox significativa ex instituto, cujus aliqua pars significat separata ut dictio, non autem ut affirmatio et negatio.*¹⁾

Quibus verbis apparet discrimen inter orationem et nomen seu verbum. Partes enim orationis— oratio constat pluribus vocibus saltem implicite— significant separatae ut dictiones, scilicet, ut nomen vel verbum, non autem ut affirmationes vel negationes, quae important complexum nominis et verbi.

Oratio est *perfecta* vel *imperfecta*;— *perfecta*, quae habet sensum completum, — *imperfecta*, quae sensum plenum et completum non habet; v. g.: *Homo est justus*, est oratio perfecta; — *homo justus*, est oratio imperfecta.

Quinque sunt orationis species: *enuntiativa*, *deprecativa*, *imperativa*, *interrogativa* et *vocativa*. Oratio enuntiativa tantum ad logicam pertinet, quia sola oratio enuntiativa significat verum et falsum, affirmando aliquid esse vel non esse; aliae autem ad grammaticam spectant.

II. Propositionis definitio:—Propositio est iudicii signum vel enuntiatio, unde definitur: *oratio aliquid affirmans aut negans de aliquo*. In hoc quod dicitur *oratio* convenit cum definitione et divisione, sed ab ipsis differt per verba addita, quia cum ad iudicium pertinet componere affirmando et dividere negando, solius propositionis est affirmare vel negare unum de alio. *Propositio* etiam definitur: *oratio enuntiativa veri vel falsi*, quia quemadmodum veritas logica est in rebus tanquam in *causa*, in mente tanquam in *subjecto*, in iudicio, tanquam in *signo immediato*, ita est in propositione tanquam in *signo mediato*.

III. Subjectum, praedicatum, copula in propositione.—Sicut in iudicio, id de quo aliquid affirmatur aut negatur dicitur

(1) *Periherm.* lib. I., c. IV.

subjectum propositionis; id quod affirmatur vel negatur, *praedicatum*; et *vocula est* vel *non est*, qua affirmatur vel negatur identitas subjecti et praedicati, dicitur *copula*.

IV. *Materia et forma propositionis*. — *Materia propositionis* sunt *subjectum* et *praedicatum*.

Forma propositionis seu *qualitas essentialis* est semper *copula* seu *verbum est* vel *non est*, in praesenti tempore modi indicativi positum. Quodlibet enim *verbum* resolvitur in *verbum est* et *participium*, ut diximus: et «propositio de praeterito fundatur super ordinem ejus ad praesens tempus, similiter propositio de futuro.»⁽¹⁾ Sic: *Senex fuit puer*—*Puer erit doctus*—reducuntur ad propositiones: *Senex est ille qui fuit puer*—*Puer est ille qui erit doctus*.

Subjectum, *praedicatum* et *copula esse* possunt in *propositione* explicite vel implicite: v. g.: *Deus est bonus*—*Deus creat*—*Lego*. *Propositio* in qua explicite sunt *subjectum* *praedicatum* et *copula*, dicitur *de tertio adjacente*. *Propositio* in qua explicite non sunt nisi duo termini, dicitur *de secundo adjacente*, v. g.: *Deus creat*=*Deus est creans*. *Propositio* tandem continens tantum unum terminum, dicitur *de primo adjacente*; v. g.: *Lego*=*ego sum legens*.

V. *Elementa propositionis*. *Elementa propositionis* sunt: *materia*, *forma*, *quantitas* et *qualitas*. Jam diximus in quo consistit *materia* et *forma propositionis*; *quantitas* est *subjecti extensio*, *qualitas* est *veritas* vel *falsitas propositionis*. *Veritas* et *falsitas* dicuntur *qualitas propositionis* quia non videntur pertinere ad *essentiam propositionis* sed potius de ipsa *praedicari* ad modum *proprietas* vel *qualitatis*.

(1) S. T. *Sent.* I., dist. 46, a. I, q. 5.

DE PROPOSITIONUM SPECIEBUS

(12)

I. **Divisio propositionum ratione materiae.**—Ratione materiae propositio dividitur in *necessariam, impossibilem et contingentem* seu *possibilem*.

Propositio necessaria seu *in materia necessaria* est illa *cujus praedicatum necessario vel naturaliter convenit subjecto* : v. g. : Homo est animal—Homo est risibilis.

Propositio impossibilis seu *in materia impossibili* est illa *cujus praedicatum necessario repugnat subjecto* ; v. g. : Homo est angelus.—Circulus est quadratus.

Propositio contingens seu *possibilis vel in materia contingenti* seu *possibili*, est illa *cujus praedicatum potest convenire et non convenire subjecto* : v. g. : Homo est justus—Homo non est justus.

II. **Divisio propositionum ratione formae.**—Ratione formae propositio dividitur in *affirmativam* et *negativam*.

Propositio affirmativa est illa *quae affirmat identitatem praedicali cum subjecto* ; v. g. : Homo est justus.

Propositio negativa est illa *quae negat identitatem praedicali cum subjecto* ; v. g. : Homo non est justus.—Ut propositio sit negativa, particula negans debet immediate afficere copulam ; si enim immediate afficeret subjectum vel praedicatum esset affirmativa ; v. g. : *non peccare* est bonum —

Surdus est *non audiens*. Istaе propositiones dicuntur *indefiniti subjecti*, vel *indefiniti praedicali*, prout particula negativa afficit subjectum vel praedictatum.

III. Divisio propositionum ratione qualitatis. Ratione qualitatis propositio est *vera* vel *falsa*.

Propositio vera est *illa quae enuntiat aliquid esse vel non esse secundum congruentiam rei*; (1) v. g.: Homo est mortalis, — Homo non est angelus.

Propositio falsa est *illa quae enuntiat aliquid esse vel non esse contra rei congruentiam*; v. g.: Corvus est albus — Homo non est animal.

IV. Divisio propositionum ratione quantitatis. — Ratione quantitatis propositio dividitur 1° in *universalem*, *particularem*, *singularem*, *indefinitam* et *collectivam*.

Propositio universalis est *illa cujus subjectum est terminus universalis*, scilicet *supponens universaliter* seu *distributive*; v. g.: Omnis planta est vivens — Animal sentit.

Propositio particularis est *illa cujus subjectum est terminus particularis*, scilicet, *supponens particulariter* seu *disjunctive*; v. g.: Aliquis apostolus fuit proditor, — Homo est justus.

Propositio singularis est *illa cujus subjectum est terminus singularis*, scilicet, *supponens singulariter*; v. g.: Socrates est philosophus — Hic homo est sapiens.

Propositio indefinita est *illa cujus subjectum est terminus communis nullo signo syncategorematico extensionis determinatus*; v. g.: Homo est mortalis — Homo est justus. Propositio indefinita est universalis in materia necessaria et impossibili, et particularis in materia contingenti. (Vide leges suppositionis, p. 48).

(1) S. T., *Periherm.*, l. 9.

Propositio collectiva est illa cujus subjectum est terminus supponens collective; v. g. : Sensus externi hominis sunt quinque.

2^o **Propositio universalis** dividitur in *metaphysicam, physicam, moralem*.

Propositio universalis metaphysica est illa cujus praedicatum singulis subjecti inferioribus convenit vi essentiae, ita ut nulla exceptio haberi possit; v. g. : Omnis circulus est rotundus—Homo est animal.

Propositio universalis physica est illa cujus praedicatum singulis subjecti inferioribus convenit, attentis legibus physicis, ita ut possibilis sit exceptio per miraculum; v. g. : Ignis comburit.

Propositio universalis moralis est illa cujus praedicatum, attentis legibus moralibus, ut plurimum inferioribus subjecti convenit, ita ut non desint exceptiones; v. g. : Matres diligunt pueros suos.

V. **Divisio propositionum ratione entis**.—Ratione entis propositio dividitur: 1^o in *simplicem et compositam*.

Propositio simplex est illa quae unum de uno enuntiat, vel est illa quae unico subjecto et unico praedicato constat; v. g. : Deus est aeternus—Socrates Atheniensis fuit philosophus moralis. Pluralitas vocum non aufert unitatem seu simplicitatem propositionis, dummodo non multiplicat subjectum vel praedicatum; v. g. : Plato est homo est propositio—est propositio simplex.

Propositio composita est illa quae plura enuntiat, scilicet, quae pluribus constat subjectis vel praedicatis, ideoque plures propositiones simplices explicite vel implicite continet; v. g. : Cicero fuit orator et philosophus—Obsequium amicos, veritas odium parit.

a) **Propositio simplex** dividitur in *incomplexam et complexam*.

Propositio incomplexa est illa cujus subjectum et praedicatum constant terminis incomplexis : v. g. : Homo est mortalus. Illa propositio dicitur re et apparentia simplex.

Propositio complexa est illa cujus subjectum vel praedicatum constant terminis complexis : v. g. : Deus bonus est diligendus.—Deus qui est omnipotens omnia creavit. Illa propositio dicitur apparenter composita sed re simplex.

Propositio complexa tandem aliquando habet subjectum vel praedicatum cui adnectitur alia propositio, ut in exemplo Deus etc. Illa propositio adnexa dicitur *incidens* respectu alterius qui dicitur *principalis*. **Propositio principalis** est illa cujus subjectum vel praedicatum vel utrumque adnexam habet aliam propositionem ; v. g. : in propositione : *Deus qui est omnipotens omnia creavit*, propositio principalis est : *Deus omnia creavit*.—**Propositio incidens** est illa quae adnectitur subjecto vel praedicato propositionis principalis ; v. g. : *Qui est omnipotens*, in propositione praecedenti.—**Propositio incidens** quae completum in se iudicium exprimit, dicitur *explicativa* : quae autem iudicium in se completum non exprimit dicitur *restrictiva* ; v. g. : in exemplo iam allato, *Qui est omnipotens*, est propositio incidens explicativa ; in sequenti propositione : *Omnes homines qui mortui sunt, rationem Deo reddiderunt*, propositio incidens, *qui mortui sunt*, est restrictiva.

b) **Propositio composita** est aperte vel occulte composita.

Propositio aperte composita est illa quae videtur et reapse est composita ; est multiplex, scilicet, *copulativa, causalis, discretiva* et *relativa*.

Propositio copulativa, est illa quae plura subjecta vel plura praedicata, ideoque plures propositiones coniungit ope particulae copulativae *et, atque, nec, neque*, etc, v. g. : Homo probus est simplex et prudens.—Ut propositio copulativa sit vera, requiritur : ut omnes simplices propositiones in quas resolvitur verae sint, aliter potest absolute dici falsa.

Propositio causalis est illa quae plures simplices propositiones conjungit ope particulae causalis, *quia, quoniam, ideo, enim*, etc. v. g.: Deus est patiens quia aeternus. Veritas propositionis causalis pendet a veritate nexus inter propositiones simplices, abstractione facta ab earum veritate, v. g. falsa sequens propositio: Homo est scientiae capax quia est animal bipes.

Propositio discretiva seu **adversativa** est illa quae plures propositiones simplices conjungit ope particulae discretivae seu adversativae, *sed, tamen, at*, etc. v. g.: Omnis homo est liber, sed non a Deo independens. Requiritur aliqua oppositio inter simplices propositiones quae particula discretiva conjunguntur, aliter non vitetur ridiculum.

Propositio relativa est illa quae plura membra in unam propositionem conjungit per particulas relativas sive qualitatis, ut *talis, qualis*, sive quantitatis, ut *tantum, quantum, tot, tot*, sive temporis, ut *tum, cum*, sive loci, ut *ubi, ibi*, sive modi, ut *sicut, ita*. v. g.: Qualis vita, talis mors—Tot capita, tot sensus.—Ubi thesaurus, ibi cor tuum. Homo toties moritur quoties amittit suos. Veritas propositionis relativae pendet a veritate relationis.

Propositio occulte composita est illa quae est apparenter simplex sed re composita; dicitur propositio *exponibilis* quia in ipsa includitur aliqua propositio necessario exponenda ut sensus integer propositionis manifestetur. v. g. Deus solus est aeternus. In ista propositione continentur sequentes propositiones *exponentes*: Deus est aeternus, Nullus alius a Deo est aeternus.





Propositio exponibilis est *exclusiva, exceptiva, comparativa* et *reduplicativa*.

Propositio exclusiva est illa cujus subjectum vel praedicatum afficitur particula exclusiva, *solus, tantum*, etc. v. g.: Solus Deus est omnipotens. Est *exclusivi subjecti* vel *exclusivi*



MICROCOPY RESOLUTION TEST CHART

ANSI and ISO TEST CHART No. 2



APPLIED IMAGE Inc

100 East Main Street
Rochester, New York 14609 USA
Tel: 716-243-7300 Phone
Tel: 716-243-5484 Fax

praedicati prout particula exclusiva subjectum vel praedicatum afficit.

Propositio exceptiva est illa cujus subjectum vel praedicatum afficitur particula exceptiva, *praeter, nisi, etc.* v. g. : Omnia praeter Deum sunt finita.

Propositio comparativa est illa cujus subjectum vel praedicatum afficitur particula comparativa implicite vel explicite expressa, v. g. : Petrus est doctior Paulo.

Propositio reduplicativa est illa cujus subjectum afficitur particula reduplicativa, *quatenus, ut, qua, etc.* v. g. : Homo ut homo est rationalis.

2^o. **Propositio** dividitur in *categoricam* et *hypotheticam*.

Propositio categorica est illa quae affirmat vel negat aliquid esse vel non esse simpliciter, independenter scilicet a determinata conditione ; v. g. : Anima est principium vitae.

Propositio hypothetica est illa quae aliquid affirmat esse vel non esse, non simpliciter, sed verificata aliqua conditione ; v. g. : Si Deus non est, nihil esse potest.

Propositio hypothetica est *conditionalis, disjunctiva, vel conjunctiva*.

Propositio conditionalis est illa quae plures simplices propositiones conjungit particula conditionali *si* ; v. g. : Si homo est animal est sensitivus. **Propositio** quae afficitur particula conditionali dicitur *conditio*, altera dicitur *conditionatum*, et veritas propositionis pendet a veritate nexus inter conditionem et conditionatum, abstractione facta a veritate vel falsitate propositionum simplicium ; sic, vera est propositio : Si Petrus immobile currit, immobile movetur.

Propositio disjunctiva est illa quae plures simplices propositiones conjungit particula disjunctiva *vel, aut, etc.* v. g. : Petrus aut major est Paulo, aut minor, aut aequalis.—Ut propositio disjunctiva vera sit requiritur ut omnia membra sint complete enumerata, neque omnia sint simul vera neque

omnia simul falsa. Igitur falsa est sequens propositio : Petrus aut sedet, aut scribit, aut loquitur.

Propositio disjunctiva est *proprie* disjunctiva vel *improprie*. Dicitur *improprie* disjunctiva quum adhibita particula *vel, aut*, indicatur saltem unam ex propositionis partibus esse veram ; v. g. : Vel Petrus, vel Paulus Romae mortui sunt. Dicitur *proprie* disjunctiva quum adhibita particula *vel, aut*, significatur exclusio, et indicatur unum ex enumeratis ut verum accipi, aliis exclusis ; v. g. : Corpus aut quiescit aut movetur.

Propositio conjunctiva est illa quae constat propositionibus simplicibus impossibilibus, scilicet, quae sese ad invicem excludunt ; v. g. : Homo non potest ~~sese~~ ^{esse} simul mortuus et vivens. Ad veritatem propositionis conjunctivae requiritur ut vera sit impossibilitas.

VI. Divisio propositionis ratione modi.—Ratione modi propositio dividitur in *absolutam* et *modalem*.

3 Propositio absoluta seu *de inesse* est illa quae simpliciter affirmat vel negat praedicatum de subjecto : v. g. : Petrus currit.

5 Propositio modalis seu *de modo* est illa quae non tantum enuntiat praedicatum convenire vel non convenire subjecto, sed exprimit modum hujus convenientiae vel disconvenientiae ; v. g. : Deus est necessario aeternus. In propositione modali, ipsa propositio praecisa a modo, dicitur *dictum* ; sic, in propositione : Deus est necessario aeternus, *Deus est aeternus* est *dictum*, et *necessario* est *modus*.

Cum praedicatum quadruplici modo potest subjecto convenire, nempe : necessario, contingenter, possibiliter et impossibiliter, quatuor sunt propositiones modales ; v. g. : Deum esse est necessarium.—Hominem esse est contingens—Hominem cantare est possibile—Hominem esse angelum est impossibile.

DE OPPOSITIONE PROPOSITIONUM

(13)

I. Propositionum proprietates:— Propositiones possunt ad invicem comparari, et ex illa comparatione proprietates exurgunt relativae, distinctae nempe a proprietatibus absolutis de quibus jam fuit sermo, et quae sunt quantitas, qualitas, etc. Illa autem comparatio fieri potest vel inter propositiones quae diversam materiam habent, diversum nempe subjectum vel praedicatum, et disparatae dicuntur, vel inter propositiones quae eadem materia constant. Primae, scilicet, propositiones disparatae, non possunt in aliqua proprietate una convenire, unde de ipsis hic non fit sermo. Aliae autem propositiones triplici modo comparari possunt: vel una opponitur alteri, vel ipsi aequivalet, vel in ipsam convertitur. Unde triplex propositionum proprietas relativa: *oppositio*, *aequipollentia*, et *conversio*. De prima autem proprietate instituitur sermo in praesenti articulo, de aliis vero in subsequenti.

II. Oppositionis propositionum notio.—Sicut *ens* et *non ens* sunt opposita, ita *affirmatio* et *negatio* opponuntur. Propositiones autem ratione *formae* seu *qualitatis essentialis* sunt affirmativae vel negativae ut dictum est; unde secundum

hanc differentiam dicuntur oppositae. Erit ergo oppositio propositionum: *affirmatio et negatio ejusdem praedicati de eodem subjecto.*

III. Oppositionis fundamentum. — Omnis oppositio in contradictione fundatur.

Contradictio autem est *oppositio affirmationis et negationis ejusdem praedicati de eodem subjecto secundum unitatem nominis et rei, secundum idem, respectu ejusdem, et eodem modo eodemque tempore.* ⁽¹⁾

Dicitur 1^o *oppositio affirmationis et negationis*, quia affirmatio et negatio sunt prima oppositionis constitutiva, et ubi desunt haberi possunt quidem propositiones de praedicato opposito, sicut: Petrus est justus, — Petrus est malefactor, non autem propositiones oppositae.

Dicitur 2^o *ejusdem praedicati*, quia affirmatio et negatio de praedicatis diversis constituunt distinctionem, non autem oppositionem; non sunt oppositae illae propositiones: Christus est Deus. — Christus non est homo.

Dicitur 3^o *de eodem subjecto*, eadem ratione. Non sunt oppositae: Sacramenta sunt septem. — Virtutes theologicae non sunt septem.

Dicitur 4^o *secundum unitatem nominis et rei*, quia ad oppositionem requiritur affirmatio et negatio ejusdem de eodem, unde non sufficit identitas materialis subjecti et praedicati secundum nomen, sed requiritur identitas formalis, ut nempe nomen secundum eandem significationem et suppositionem adhibeatur. Unde oppositae non sunt illae propositiones: Taurus est mons. — Taurus non est mons. Taurus enim in secunda propositione supponit pro animali.

Dicitur 5^o *secundum idem*, scilicet secundum eandem partem subjecti et praedicati. Ad contradictionem enim

(1) LORENZELLI. *Secunda logicae pars*, l. II, n. II.

requiritur ut affirmatio et negatio sint ejusdem praedicati de eodem subjecto non tantum secundum nomen et nominis significationem, sed etiam quod terminus supponat pro eisdem individuis seu inferioribus. Unde absolute non opponuntur illae duae propositiones : Aliquis homo est justus.—Aliquis homo non est justus ; quia *homo* supponit pro diversis individuis, et idem non affirmatur et negatur de eodem.

Dicitur 6^o *respectu ejusdem*, i. e. secundum comparisonem ad eundem terminum. Unde non sunt oppositae illae sententiae : Pauci sunt electi.—Non pauci sunt electi, si prima propositio numerum electorum considerat respectu majoris numeri reprobatorum, et secunda eundem numerum considerat absolute.

Dicitur 7^o *eodem modo eodemque tempore*, quia ubi variatur modus vel tempus non est amplius affirmatio et negatio ejusdem de eodem. Non possunt dici oppositae sequentes propositiones : Petrus currit tarde.—Petrus non currit velociter. Petrus venit (heri).—Petrus non venit (hodie).

IV. *Oppositionis species*.—Cum oppositio est affirmatio et negatio eju dem de eodem, una est vera et propria oppositio quae est contradictio, quia in contradictione tantum una propositio affirmat quod altera negat : tamen logici minus presse quatuor distinguunt in propositionibus oppositionis species, et oppositio dicitur *contradictoria*, *contraria*, *subcontraria*, et *subalterna*.—Etenim duae propositiones eodem subjecto eodemque praedicato constantes vel differunt *sola quantitate* et dicuntur *subalternae* ; vel *sola qualitate essentiali*, et sunt vel ambae universales et dicuntur *contrariae* ; vel ambae particulares et vocantur *subcontrariae* ; vel differunt *quantitate et qualitate* et vocantur *contradictoriae*.

Oppositio contradictoria est repugnantia inter duas propositiones eadem materia constantes quarum una est affirmativa,

altera negativa, una universalis, altera vero particularis, vel utraque singularis; v. g.: Omnis homo est justus;—Aliquis homo non est justus.—Petrus est sapiens.—Petrus non est sapiens.—**Oppositio contradictoria** etiam definitur: repugnantia duarum propositionum quarum una negat tum qualitatem, tum quantitatem alterius. Sed in propositione singulari non datur realiter extensio, et ideo sola negatione formae habetur contradictio. **Propositiones contradictoriae** definiuntur: *duae propositiones eadem materia constantes quarum una est universalis et altera particularis, vel utraque singularis, una tamen affirmans, altera negans.*


Oppositio contraria est repugnantia inter duas propositiones universales eadem materia constantes quarum una est affirmativa, altera negativa; v. g.: Omnis homo est justus;—Nullus homo est justus. **Propositiones contrariae** sunt igitur: *duae propositiones universales quae eodem subjecto eodemque praedicato constant, quarum una est affirmativa, altera negativa.*

Oppositio subcontraria est repugnantia duarum propositionum particularium eadem materia constantium quarum una est affirmativa, altera negativa; v. g.: Aliquis homo est justus;—Aliquis homo non est justus. **Propositiones subcontrariae** sunt igitur: *duae propositiones particulares ejusdem materiae quarum una est affirmativa, altera negativa.*

Oppositio subalternata est illa quae viget inter duas propositiones affirmativas, vel negativas idem subjectum et praedicatum habentes, quarum una est universalis, altera particularis; v. g.: Omnis homo est justus;—Aliquis homo est justus.—Nullus homo est justus;—Aliquis homo non est justus. **Propositiones subalternatae** sunt igitur: *duae propositiones affirmativae vel negativae, idem subjectum et praedicatum habentes, quarum una est universalis, altera particularis.* **Propositio universalis** dicitur *subalternans*, particularis autem *subalternata*.

V. Schema oppositionis propositionum.—Diversae oppositionis species quae inter propositiones existunt, hoc schemate simul continentur :

A Omnis homo est justus. **Contrariae** Nullus homo est justus. E



I Aliquis homo est justus. **Subcontrariae** Aliquis homo non est justus. O


Logici utuntur quatuor litteris A. E. I. O. ad designandas propositiones secundam earum qualitatem et quantitatem. A designat propositionem universalem affirmativam; E universalem negativam; I particularem affirmativam, O particularem negativam. Unde versiculi :

Assertit A, negat E, verum generaliter ambo;

Assertit I, negat O, sed particulariter ambo.

Propositiones autem modales opponuntur inter se sicut in sequenti schemate ostenditur :

Necesse est esse **Contrariae** Impossibile est esse



Possibile est esse **Subcontrariae** Possibile est non esse

VI. Veritas vel falsitas propositionum contradictoriarum.—*Duae propositiones contradictoriae nequeunt esse simul verae, nec simul falsae.* — Etenim in propositionibus contradictoriis

una propositio negat de aliquo subjecto idipsum quod altera affirmat de eodem subjecto. Atqui idem non potest esse simul et non esse, quidlibet enim aut est, aut non est. Ergo in contradictoriis necesse est unam propositionem esse veram et alteram falsam. Sint contradictoriae : Omnes homines sunt justus ;—Aliquis homo non est justus. In prima propositione affirmatur quod justitia inest omnibus et singulis hominibus ; in secunda negatur quod justitia inest omnibus et singulis hominibus. Admissa igitur veritate vel falsitate illarum propositionum, justitia simul inest et non inest singulis hominibus ; idem scilicet, simul est et non est, quod repugnat. Ex hac lege sequitur : *ex falsitate aut veritate unius propositionis contradictoriae infertur veritas vel falsitas alterius.*

VII. Veritas vel falsitas propositionum contrariarum.

Propositiones contrariae nequeunt esse simul verae ; possunt esse simul falsae in materia contingenti.

Prima pars:—Si enim illae duae propositiones universales sint verae, verae sunt etiam particulares propositiones subalternae. Atqui illae duae propositiones particulares contradictorie opponuntur respective contrariis diversae qualitatis. Ergo duae propositiones contradictoriae essent simul verae, quod est impossibile. Duae propositiones contrariae nequeunt igitur esse simul verae. Sit exemplum: *Omnis homo est justus ;—Nullus homo est justus ;* si duae istae contrariae essent verae, haec similiter subalternae : *Aliquis homo est justus ;—Aliquis homo non est justus.* Sed *Omnis homo est justus*, et, *Aliquis homo non est justus*, contradictorie opponuntur. Ergo duae contradictoriae essent simul verae.

Secunda pars:—In materia enim contingenti saepe accidit ut aliquod praedicatum neque omnibus inferioribus subjecti conveniat, neque de omnibus denegandum sit, sed

aliquibus conveniat, aliquibus non. Unde falsae sunt propositiones: *Omnis homo est justus;—Nullus homo est justus; habetur veritas in particularibus: Aliquis homo est justus;—Aliquis homo non est justus.* In materia autem necessaria seu impossibili, praedicatum necessario subjecto convenit vel necessario repugnat, unde non datur medium:—*In contrariis ergo, ex veritate unius propositionis infertur falsitas alterius, ex falsitate vero unius non infertur veritas alterius nisi sint propositiones in materia necessaria.*

VIII. Veritas vel falsitas propositionum subcontrariarum.

— *Propositiones subcontrariae nequeunt esse simul falsae: possunt tamen esse simul verae in materia contingenti.*

Prima pars.—Si duae subcontrariae essent simul falsae, verae essent earum contradictoriae quae tamen sunt inter se contrariae. Duae contrariae essent igitur simul verae, quod repugnat.

Secunda pars.—Duae propositiones contrariae possunt esse simul falsae in materia contingenti. Ergo verae sunt earum contradictoriae. Atqui illae contradictoriae sunt inter se subcontrariae. Ergo duae subcontrariae possunt esse simul verae in materia contingenti.—Cum autem duae contrariae non possunt esse simul falsae in materia necessaria, nec duae subcontrariae esse possunt verae in hac materia. *In subcontrariis igitur ex falsitate unius propositionis infertur veritas alterius; ex veritate unius non infertur falsitas alterius nisi propositiones sint in materia necessaria.*

IX. Veritas et falsitas propositionum subalternarum.--

*Propositiones subalternae possunt esse simul verae vel simul falsae: quod manifestum est. Si propositio subalternans superior vera sit; inferior subalternata est necessario vera. Si superior sit falsa in materia necessaria, inferior quoque falsa est; in materia contingenti potest esse vera. Sint exempla: si vera sit propositio: *Omnis homo est animal;**

Aliquis homo est animal, est pariter vera ; item si falsa : *Nullus homo est animal* ; falsa quoque, *Aliquis homo non est animal* ; sed si falsa propositio sequens in materia contingenti : *Omnis homo est doctus*, non sequitur falsam esse subalternatam, *Aliquis homo est doctus*, quae potest esse vera. Ergo in subalternis ex veritate subalternantis infertur veritas subalternatae ; sed ex falsitate subalternantis non infertur falsitas subalternatae nisi propositiones sint in materia necessaria seu impossibili.

X. Diversi gradus oppositionis. — In contradictoriis maxima est oppositio. Illae enim propositiones maxime opponuntur quae in nullo medio convenire possunt et quarum una totaliter destruit alteram. Atqui huiusmodi est in contradictoriis quae in nullo medio nec in quantitate, nec in qualitate, nec in veritate, nec in falsitate conveniunt, ita ut una alteram totaliter negare et destrucere dicatur. Aliae autem propositiones oppositae in aliquo medio conveniunt, in quantitate, ut contrariae et subcontrariae, in qualitate, ut subalternae, et in veritate vel falsitate. Maxima igitur oppositio est contradictoria, et ex illa tanquam ex principali oppositio derivatur ad alias propositiones, quae in tantum oppositionem habent in quantum aliquid de contradictione participant.

Secunda oppositio et minor est *contraria*, quia contrariae propositiones non ita opponuntur ut una negat idipsum quod altera affirmat, et ideo una non destruit totaliter alteram. Etenim in propositione contraria plus negatur quam id quod necessarium est ad destructionem alterius ; v. g., ad negandum id quod affirmatur in illa propositione : *Omnis homo est justus*, requiritur et sufficit, aliquem hominem non esse justum ; unde propositio contraria : *Nullus homo est justus*, plus negat quam requiritur, et ideo non destruit totaliter alteram propositionem quum relinquit universalitatem et falsitatem propositionis cui opponitur.

Tertio autem oppositio est subcontraria quae quidem minor est adhuc, quia illa oppositio est apparens tantum non autem realis : subjectum enim non est idem realiter in duabus propositionibus, cum supponat pro diversis individuis. Quando dicitur : *Aliqui homines sunt justi ; Aliqui homines non sunt justi*, justitia non affirmatur et negatur de eisdem hominibus.

Tandem quarta oppositio et minima omnium est subalterna, quae vel nullo modo, vel impropriissime dicitur oppositio, cum in subalternis non sit affirmatio et negatio, in qua praesertim invenitur vis oppositionis.

 DE AEQUIPOLLENTIA ET CONVERSIONE
 PROPOSITIONUM.

(14)

I. *Æquipollentia propositionum.*—*Æquipollentia est identitas significationis duarum propositionum quae prius erant oppositae* : ⁽¹⁾ v. g.: *Omnis homo est mortalis, et, Nullus homo non est mortalis, sunt propositiones aequipollentes. AEquipollentia fit per particulam negantem non, et ideo in fieri definitur : reductio duarum propositionum oppositarum ad eandem significationem ope particulae negantis.* ⁽²⁾

II. *Æquipollentiae leges.*—1° In contradictoriis una propositio fit alteri aequipollens praeponendo *non* subjecto : v.g.: *Omnis homo est justus ;—Aliquis homo non est justus.*—Prima fit aequipollens secundae hoc modo : *Non omnis homo est justus.* Particula *non* praeposita subjecto negat quantitatem et ideo : *Non omnis homo est justus=Aliquis homo non est justus.*

2° In contrariis una propositio fit alteri aequipollens postponendo *non* subjecto ; particula *non* postposita subjecto mutat qualitatem tantum propositionis ; v. g. *Omnis homo*

 (1) LORENZELLI.

(2) DE MARIA.

est justus, fit aequipollens suae contrariae Nullus homo est justus hoc modo, scilicet : Omnis homo non est justus.

3^o In subalternis una propositio fit alteri aequipollens praeponendo simul et postponendo *non* subjecto. Particula *non* praeposita simul et postposita subjecto mutat quantitatem tantum propositionis.

4^o In subcontrariis non datur proprie aequipollentia sed postponendo particulam *non* subjecto propositio restituitur eadem.—Hae leges in sequenti versiculo continentur :

PRAE *contradic*, POST *contra*, PRAEPOSTQUE *subalter*.

III. **Conversio propositionum.**—**Conversio est imversio seu mutatio terminorum propositionis de subjecto in praedicatum et de praedicato in subjectum servata veritate et qualitate :** v. g. : Nullus homo est planta, — convertitur hoc modo — Nulla planta est homo. Propositio cujus termini mutantur dicitur *conversa*, altera dicitur *convertens*.

Conversio autem est triplex : nempe *simplex, per accidens, per contrapositionem*.

Conversio simplex est illa in qua eadem manet quantitas propositionum ; v. g. : Nullus spiritus est corpus ; — Nullum corpus est spiritus.

Conversio per accidens est illa in qua propositionum quantitas mutatur ; v. g. : Omnis homo est animal ; — Aliquod animal est homo.

Conversio per contrapositionem est illa in qua remanet eadem quantitas, sed termini fiunt infiniti, idest negatione affecti ; v. g. : Omnis homo est justus ; — Omne non justum est non homo.

IV. **Leges conversionis.**—Universalis negativa et particularis affirmativa convertuntur simpliciter ; — Omnes universales tum affirmativae, tum negativae convertuntur per

accidens ;--Universalis affirmativa et particularis negativa convertuntur per contrapositionem. Illae leges sequentibus versiculis enuntiantur, in quibus vocales A. E. I. O. propositiones designant secundum quantitatem et qualitatem, ut jam explicavimus :

Simpliciter AEI convertitur ; EvA per accidens ;
AstO per contrap ; sic fit conversio tota.

Antequam fiat conversio prius resolvatur verbum adjectivum in copulam verbalem et praedicatum, et verbum alterius temporis reducatur ad tempus praesens ; v. g. *Petrus amat Paulum*, scilicet, *est amans Paulum* ; facilius postea fit conversio : *Amans Paulum est Petrus*.--*Hic senex fuit puer* scilicet, *Hic senex est aliquis qui fuit puer* ; unde conversio : *Aliquis qui fuit puer est hic senex*

LIBER TERTIUS

DE RATIOCINIO

Prologus.—Tres sunt mentis operationes : simplex apprehensio, iudicium, ratiocinium. Istae autem operationes ita ad invicem comparantur ut prima ad secundam, secunda ad tertiam ordinetur. Habitis enim pluribus apprehensis mens unum apprehensum alii componit et dividit, iudicium scilicet profert in quo formaliter veritas reperitur. Una autem veritate nota, mens procedit ad aliam ignotam cognoscendam quae in prima virtualiter continetur. Iste discursus mentis ab una veritate nota ad aliam ignotam dicitur *ratiocinium*. Operatione interna perfectum, ratiocinium voce et scripto exterius manifestatur *sylogismo*. Sylogismus autem ut omne opus artificiale forma constat et materia. Ratione formae, scilicet, ratione dispositionis terminorum et propositionum duplex est: *deductivus* et *inductivus*. Mens enim duplici via ab una veritate nota ad aliam procedere potest : nempe vel ab universalibus ad particularia descendit, vel a singularibus sufficienter consideratis ad universale concludit. Hinc duplex processus, deductionis et inductionis. Exinde etiam duplex syllogismus, nimirum syllogismus deductivus qui absolute dici solet *sylogismus*, et syllogismus inductivus qui proprio nomine *inductio* vocatur. Ratione vero materiae, scilicet

propositionum ex quibus constat, syllogismus est : *demonstrativus, probabilis et sophisticus*. Unde praesens liber tertius in quatuor capita dividitur : primum agit de ratiocinio ; secundum, de syllogismo deductivo ; tertium, de syllogismo inductivo seu de inductione ; quartum, de syllogismo demonstrativo, probabili et sophistico.

I. De ratiocinio.

II. De syllogismo deductivo.

III. De inductione, seu syllogismo inductivo.

IV. De syllogismo demonstrativo, probabili et sophistico.

CAPUT PRIMUM

DE RATIOCINIO

Prologus.—Cum plura eadem dicenda sunt de ratiocinio et de syllogismo qui est signum ejus, ea tantum quae speciali sermone de ratiocinio proponuntur sub hoc unico articulo continentur sequenti ordine.

DE RATIOCINIO.

Notio
Elementa { Termini { Major
 { { Minor
 { { Medius
 { Indicia { Antecedens
 { { Consequens

Leges { Ex vero antecedenti non potest sequi falsum consequens.
 { Ex falso antecedenti sequi potest tum verum, tum falsum consequens.
 { Antecedens sit quoad nos notius consequenti.

Principia { Identitatis: Quae sunt eadem uni tertio sunt eadem inter se.
 { Discrepantiae: Duo quorum unum est idem uni tertio, aliud
 { autem non est idem, non sunt eadem inter se.

Species { Deductivum
 { Inductivum

ARTICULUS UNICUS.

DE RATIOCINIO

(15)

I. Ratiocinii notio.—*Ratiocinium est mentis actus, seu discursus ab una veritate nota ad aliam ignotam.*

Dicitur 1° *Actus mentis*, scilicet, intellectus, unde, ratiocinium distinguitur a syllogismo seu ab argumentatione quibus exterius manifestatur.

Dicitur 2° *discursus*. Discursus autem potest esse duplex: «unum secundum successionem tantum, sicut cum postquam intelligimus aliquid in actu, convertimus nos in aliud; alius discursus est secundum causalitatem, sicut cum per principia pervenimus in cognitionem conclusionum.»¹ Ratiocinium autem est discursus secundum causalitatem et nonnisi ratione nexus inter veritatem notam et veritatem ignotam, ab una proceditur in alteram.

Dicitur 3° *ab una veritate nota ad aliam ignotam*. Etenim ratiocinium sese habet ut motus mentis cujus sunt duo termini, scilicet, veritas nota a qua procedit, et veritas ignota ad quam pervenit. Sed ab uno ad alium terminum non est transitus sine *medio*; et ideo ratiocinium est cognitio mediata. Intellectus enim duo apprehendens, vel statim eorum convenientiam aut discrepantiam percipit et *immediatum* profert

(1) S. T., *Smm. Theol.* I p., q. 14., a. 7.

judicium ; vel eorum convenientiam aut discrepantiam non percipit, et comparationem cum uno tertio magis noto instituit, quo mediante convenientia vel discrepantia eorum appareat, et *judicium* profert *mediatum* ope ratiocinii. Unde *ratiocinium* recte definiri potest : *actus quo intellectus, instituta comparatione duorum cum uno tertio, eorum ad invicem identitatem vel discrepantiam affirmat vel negat*, v. g. : Omne principium vitae est simplex ; Atqui anima humana est principium vitae ; Ergo anima humana est simplex.

II. **Corollarium.**—Ratiocinium necessario supponit judicia immediata, quae sine ullo ratiocinio a mente cognoscuntur. Etenim judicia ex quibus aliud inferitur possunt esse mediata, scilicet, ab aliis inferri possunt, sed deveniendum est tandem in quaedam judicia quae non ex aliis inferuntur sed immediate cognoscuntur ; aliter daretur progressio infinita. Sunt igitur judicia immediate cognita in quae ratiocinium revocatur. Illa judicia dicuntur *prima principia, primae veritates*.

Quaedam sunt *propria* singularum scientiarum et dicuntur *principia scientiarum* ; quaedam sunt *communis* omnibus scientiis, et dicuntur simpliciter *prima principia*, ut principia identitatis, contradictionis et medii exclusivi.

III. **Elementa ratiocinii.**—1° Ratiocinium tribus notionibus seu apprehensis componitur ; natura ejus consistit in comparatione duarum notionum cum una tertia ut inde inferatur earum convenientia vel discrepantia. Illae tres notiones dicuntur *termini* quia in ipsas tanquam in ultimum terminum resolvitur ratiocinium. Duae notiones quae cum tertia comparantur dicuntur *extrema*, tertia notio dicitur *terminus medius*. Tres termini *materialium remotam* ratiocinii constituunt.

2° Ratiocinium constat tribus judiciis : in duabus primis quae dicuntur *antecegens* duae notiones cum tertia, scilicet

extrema cum medio, comparantur ; in tertio, quod vocatur *consequens*, duae notiones inter se conferuntur et affirmatur earum identitas vel discrepantia. Illa tria iudicia constituunt *materiam proximam* ratiocinii.

3^o Ad ratiocinium habendum requiritur inter *antecedens* et *consequens nexus* qui dicitur *forma* ratiocinii, quia illud elementum ratiocinium constituit in suo esse, et ipsum distinguit a iudicio. Ratiocinium enim est discursus secundum causalitatem, unde causalitatis nexum exigit inter iudicia ex quibus constat, et ubi deest, habetur quidem iudicium, non autem ratiocinium. Iste nexus vocatur *consequentia*.

Multum discriminis est inter *consequens* et *consequentiam*, nec veritas vel falsitas consequentiae pendet a veritate vel falsitate consequentis. *Consequens* est iudicium quod infertur ex antecedente ; *consequentia* vero est nexus inter *consequens* et *antecedens*. *Consequens* potest esse verum, et falsa *consequentia*, et vice versa. Sint exempla : Omnis homo est vivens : Atqui Tullius est homo : Ergo Tullius est orator. Verum est *consequens* *Tullius est orator* ; sed falsa *consequentia* expressa particula *ergo*, quia non datur nexus inter *consequens* et *antecedens*.—Petrus immobile currit ; Atqui qui immobile currit immobile movetur ; Ergo Petrus immobile movetur. Falsum est *consequens*, sed vera *consequentia*.

Leges ratiocinii.—1^o *Ex vero antecedenti non potest sequi falsum consequens*.—Ratio est quia *consequens* in antecedenti continetur, est aliquid antecedentis. Ergo ponere antecedens verum et *consequens* falsum est ponere antecedens ex parte falsum. Quod autem ex parte est falsum, absolute non est verum. Antecedens ergo esset simul verum et non verum, quod est contradictorium.

2^o *Ex falso antecedenti sequi potest tum falsum tum verum consequens*. Hoc manifestum fit exemplis : Homo est lapis ;

Ergo est substantia.—Omne animal est nigrum ; Ergo corvus est niger. Quod falsum ex falso sequi possit, non indiget probatione. Cum enim falsum sequi non possit ex vero, et saepe saepius inferatur, jam fluere non potest nisi ex falso. Verum autem sequi potest ex falso, quia possunt in antecedenti conjungi quae jungenda non sunt, qua tamen connexionem posita, verum sequatur.

3^o *Antecedens sit notius quoad nos consequente.*—Ex cognitione enim antecedentis, mens transit ad cognitionem consequentis, tanquam a veritate nota ad veritatem ignotam.

V. *Ratiocinii principia.*—Ratiocinium duobus principiis proxime nititur, nempe *identitatis* et *discrepantiae* quae sic enuntiantur. Principium identitatis : *Quae sunt eadem uni tertio sunt eadem inter se.* Principium discrepantiae : *Duo quorum unum est idem uni tertio, aliud autem non est idem, non sunt eadem inter se.* In ratiocinio enim duo apprehensa cum tertio comparantur, et affirmatur vel negatur eorum identitas secundum quod conveniunt ambo cum tertio, vel unum cum ipso discrepat. Ratio est in promptu, si enim aliter fieret idem simul conveniret et non conveniret, esset simul et non esset ⁽¹⁾ Unde remote ratiocinium nititur in principio contradictionis . *Idem non non potest esse simul et non esse.*

VI. *Ratiocinii species.*—Ratiocinium infert iudicium ex aliis iudiciis in quibus logice continetur. Sed duplici modo aliquid in alio logice continetur : 1^o ut singulare in universali, 2^o ut universale in singularibus. Duplex igitur datur ratiocinium, *deductivum* et *inductivum*.

(1) Qui nie la conséquence tirée en bonne forme des prémisses accordées, dit que ce qui est n'est pas, et que ce qui n'est pas est ; en un mot, il ne sait ce qu'il dit. BOSSUET, *Logique*.

Ratiocinium deductivum quod per antonomasiam *sylogismus* dicitur, procedit ab universalioribus ad minus universale et particulare : Ex :

Omne animal est substantia.
Atqui omnis homo est animal.
Ergo omnis homo est substantia.

Ratiocinium inductivum, quod *inductio* dicitur, est illud quod procedit a singularibus ad universale : Ex. :

Prudentia, justitia, fortitudo, sunt amabiles ;
Atqui prudentia, justitia, fortitudo . . . sunt omnes virtutes.
Ergo omnes virtutes sunt amabiles.

CAPUT SECUNDUM

DE SYLLOGISMO

Prologus.—Syllogismus *in genere* est signum externum ratiocinii, unde definitur : *oratio constans pluribus propositionibus quarum una ex aliis inferitur*. Sicut ratiocinium, syllogismus dividitur in *deductivum* et *inductivum* ; tamen, *in specie* et simpliciter, accipitur pro syllogismo deductivo, et distinguitur contra *inductionem*. De syllogismo *in specie* nunc quaeritur, quamvis quaedam de syllogismo dicenda, de inductione etiam verificari possint. Sermo noster sic distribuitur :

DE SYLLOGISMO

- | | |
|-----------------------------|--|
| I ^o De natura | { Notio syllogismi
Elementa syllogismi
Principia syllogismi
Utilitas. |
| II ^o De legibus | { Leges terminorum declarantur et demonstrantur.
Leges propositionum declarantur et demonstrantur. |
| III ^o De figuris | { Notio
Numerus
Leges |
| IV ^o De modis | { Notio
Modi possibiles syllogismi
Modi utiles
Modorum utilium symbola
Modi perfecti
Reductio ad modos perfectos. |

V^o De speciebus { 1^o Syllogismus scholasticus et oratorius
 2^o Syllogismus simplex et compositus
 3^o Syllogismus absolutus, modalis et mixtus
 4^o Syllogismus categoricus et
 hypotheticus { conditionalis. Leges
 disjunctivus "
 conjunctivus "
 5^o Syllogismus expositivus.

VI^o De argumentandi formis quae ad syllogismum reducuntur { 1^o Enthymema
 2^o Epicheirema
 3^o Sorites—natura et leges
 4^o Dilemma "
 5^o Polysyllogismus.

DE NATURA SYLLOGISMI

(16)

I. **Syllogismi notio** :—Syllogismus est *oratio constans ex tribus propositionibus ita ad invicem ordinatis, ut ex duabus primis positis, tertia necessario sequatur* : v. g. :

Omne animal est substantia ;
Atqui omnis homo est animal ;
Ergo omnis homo est substantia.

Dicitur 1^o *oratio*, ut indicetur genus.

Dicitur 2^o *constans ex tribus propositionibus*, quia ratiocinium constare debet ex tribus judiciis, quae judicia tribus propositionibus exprimuntur.

Dicitur 3^o *ita ad invicem ordinatis*— ut tertia necessario sequatur, quia in syllogismo, sicut in ratiocinio, discursus habetur secundum causalitatem, ita ut nexus requiratur inter antecedens et consequens.

II. **Syllogismi elementa**.—Syllogismus constat tribus propositionibus quae constant tribus terminis ; in syllogismo enim duo comparantur uni tertio ut appareat eorum identitas vel discrepantia. Tres termini constituunt *materiam remotam* syllogismi, tres autem propositiones, *materiam proximam*.

Ex tribus propositionibus duae primae dicuntur *praemissae*, vel *antecedens*; tertia dicitur *conclusio* vel *consequens*.

Praemissae sunt duae propositiones, ex quibus positis, tertia sequatur.

Conclusio est illa tertia propositio quae ex duabus primis positis, necessario sequitur. Nexus inter conclusionem et praemissas dicitur consequentia et exprimitur particula *ergo*.

Ex tribus terminis unus dicitur *major*, alter *minor*, tertius *medius*.

Terminus major est praedicatum conclusionis; dicitur etiam *majus extremum*.

Terminus minor est subjectum conclusionis, vocatur etiam *minus extremum*.

Medius terminus est ille quocum comparantur extrema in praemissis.

Praedicatum conclusionis dicitur terminus *major*, et subjectum terminus *minor*, quia praedicatum *ex se* majorem extensionem habet quam subjectum.

Ex praemissis una propositio dicitur *major*, altera *minor*. Propositio *major* est illa in qua majus extremum comparatur cum medio termino.—Propositio *minor* est illa in qua minus extremum comparatur cum medio termino. In disputationibus tamen, propositio primo loco prolata dicitur *major*, et posterior dicitur *minor*.

Conclusio dicitur *directa* illa in qua termini eandem sedem retinent ac in praemissis; *indirecta*, illa in qua termini eandem sedem non habent ac in praemissis. In sequenti syllogismo:

10

Nullum animal est planta;
Atqui omnis homo est animal;
Ergo nullus homo est planta.

Planta est majus extremum ; homo, minus extremum ;— animal, medius terminus ;—Nullum animal est planta, propositio major ;—Omnis homo est animal, propositio minor ; Nullus homo est planta, conclusio directa, quia planta sedem praedicati habet in conclusione sicut in majori propositione, et homo sedem subjecti sicut in minori.

Praeter materiam aliud datur syllogismi elementum, nempe *forma*. *Forma syllogismi est illa propositionum et terminorum dispositio, vi cujus ex duabus praemissis necessario sequitur conclusio.* (1) Forma igitur afficit tum materiam proximam, tum materiam remotam syllogismi, scilicet, tum propositiones, tum terminos syllogismi. Prout autem afficit propositiones dicitur *modus* ; prout vero afficit terminos vocatur *figura*. De figuris et de modis syllogismi erit specialis sermo in sequentibus articulis.

III. **Principia syllogismi.**—Syllogismus nititur duplici principio : haec duo principia ab Aristotele enuntiantur : *Dictum de omni*, et *Dictum de nullo*. *Dictum de omni* sic declaratur : quidquid distributive affirmatur de subjecto universali, debet affirmari de omnibus contentis sub eo. *Dictum de nullo* significat : quidquid distributive negatur de subjecto universali, debet negari de omnibus contentis sub eo. Syllogismus enim deductivus est semper *de toto ad partes, de universali ad particulare, vel de universali ad minus universale* : ideoque syllogismus necessario non concludit nisi servantur praedicta principia.

IV. **Syllogismi utilitas.**—Quanti momenti sit syllogismus ad ingenium colendum, ad veritatem inveniendam, demonstrandam et docendam, necnon ad errores detegendos et confutandos, nemo est qui serio negat. Cum tamen syllogismus plures decursu temporum, praesertim saeculo XVII,

(1) LORENZELLI. *Tertia Logicae pars*, l. I.

nactus est adversarios, quædam testimonia referre de syllogismi utilitate juvabit.

«Le syllogisme régulier suppose une haute culture : il l'atteste et en même temps il l'augmente. . . . La rigueur de la forme se réfléchit sur l'opération de la pensée ; elle se communique à la langue du raisonnement, et bientôt à la langue générale elle-même. De là peu à peu des habitudes de sévérité et de précision, qui passent dans tous les ouvrages d'esprit et influent puissamment sur le développement de l'intelligence.» V. COUSIN. *Hist. de la philosophie.*

L'emploi de la forme syllogistique dans les écoles du moyen âge n'a pas été sans influence sur la formation et la perfection des langues modernes. Nulle cause n'a contribué d'une manière plus efficace à donner au français, en particulier, cette construction à la fois naturelle et sévère qui présente les mots dans l'ordre même où la raison les place. CH. BOURDAIN. *Notions de philosophie.*

«Je tiens que l'invention de la forme des syllogismes est une des plus belles et des plus considérables de l'esprit humain. C'est une espèce de mathématique universelle dont l'importance n'est pas assez reconnue.» LEHNITZ. *Nouveaux Essais*, l. IV, c. 17.

« Il est impossible que la forme de la pensée n'influe pas sur la pensée elle-même et que la décomposition du raisonnement dans les trois termes qui le constituent ne rendent pas plus distincte et plus sûre la perception des rapports de convenance qui les unissent ou les séparent. Amenées ainsi face à face, la majeure, la mineure et la conséquence manifestent d'elles-mêmes leur vrai rapport, et la seule vertu de leur énumération précise et de leur disposition régulière, s'impose à l'introduction de rapports chimériques, dissipe les à peu près et les fantômes, dont l'imagination remplit les intervalles du raisonnement.» V. COUSIN. *Hist. générale de la Phil.* 2^e leçon.

DE LEGIBUS SYLLOGISMI

(17)

I. Octo syllogismi leges. — Logici octo leges stabilierunt secundum quas legitimitas syllogismi facile dijudicatur ; quatuor priores ad *terminos* syllogismi spectant, aliae quatuor *propositiones* respiciunt. Sequentibus versiculis exprimi solent a philosophis :

Terminus esto triplex, *major, mediusque, minorque.*
Latius *hos* quam praemissae conclusio non vult.
Nequaquam *medium* capiat conclusio oportet.
Aut semel aut iterum *medius* generaliter esto.
Utraque si praemissa neget, nihil inde sequetur.
Ambae affirmantes nequeunt generare negantem.
Nil sequitur geminis ex particularibus unquam.
Pejorem sequitur semper conclusio partem.

II. Declarantur et demonstrantur leges terminorum.—

Prima lex: *Terminus esto triplex, major, mediusque, minorque.*—Prima haec regula statuit, ut in syllogismo tres tantum sint termini. Ratio hujus regulae in ipsa syllogismi essentia fundatur. Est enim syllogismus oratio in qua identitas vel discrepantia duorum terminorum infertur ex eorum comparatione cum tertio. Unde tres tantum termini, non plures,

nec pauciores, secundum nomen et secundum formalem suppositionem esse possunt in syllogismo. Dixi *secundum formalem suppositionem*, quia idem terminus, in duplici suppositione diversa acceptus, duobus aequivalet. Unde rejiciendus est sequens syllogismus :

Homo est animal ;
Atqui animal est genus ;
Ergo homo est genus.

Animal. enim cum diversa suppositione accipitur in majori et in minori : in majori supponit realiter, in minori logice. Quatuor igitur sunt termini.

Secunda lex.—*Latius hos quam praemissae conclusio non vult*, scilicet termini in conclusione non habeant majorem extensionem quam in praemissis.—Ratio est quia iidem termini ad invicem comparantur in conclusione, quia comparati fuerunt cum medio in praemissis, nam affirmatur vel negatur identitas extremorum in conclusione secundum quod exigit comparatio ipsorum cum medio. Ergo si terminus *major* vel *minor* particulariter comparatur cum medio in praemissis, particulariter comparari debet cum alio extremo in conclusione, aliter non est idem terminus, et quatuor sunt termini in syllogismo. Contra illam regulam peccat omnis syllogismus in quo unum extremum est praedicatum propositionis affirmativae in praemissis, et praedicatum conclusionis negativae : praedicatum enim propositionis affirmativae est terminus particularis, dum in negativa propositione praedicatum est terminus universalis. Illegitime igitur concludit sequens syllogismus :

Omnis homo est animal ;
Atqui nullus equus est homo ;
Ergo nullus equus est animal.

Majus extremum *animal* supponit particulariter in majori, et universaliter in conclusione.

Tertia lex.—*Nequaquam medium capiat conclusio oportet.* Secundum syllogismi naturam *medius terminus* adhibetur ut cum ipso extrema comparantur. Atqui illa comparatio fit in praemissis. Ergo *medius* non debet ingredi conclusionem in qua extremorum ad invicem fit comparatio.

Quarta lex.—*Aut semel aut iterum medius generaliter esto,* scilicet, saltem in una praemissa *medius* supponat *distributive* seu sumatur *universaliter*. Ratio est quia si *medius terminus* particulariter accipitur in utraque praemissa, cum diversa suppositione accipitur, et *logice* sunt quatuor termini. *Terminus* enim bis particulariter acceptus, pro diversis inferioribus accipitur, et duobus terminis aequivalet. Hac ratione rejicitur sequens syllogismus :

Omnis homo est animal ;
Atqui omne brutum est animal ;
Ergo omne brutum est homo.

Medius terminus animal bis praedicatum propositionis affirmativae, bis particulariter accipitur et pro diversis inferioribus seu secundum diversam partem suae extensionis, et quatuor sunt termini. *Terminus singularis* utpote indivisibilis aequiparatur, in *officio logico*, termino universali.

III. Declarantur et demonstrantur leges propositionum.

Quinta lex.—*Utraque si praemissa neget, nihil inde sequetur,* scilicet, ex duabus praemissis negativis nulla infertur conclusio. Etenim si ambae praemissae sunt negativae, neutrum extremorum convenit cum medio. Atqui ex non convenientia duorum cum tertio non possumus inferre nec eorum identitatem nec eorum discrepantiam ; nam principium identitatis, *quae sunt eadem uni tertio* etc., vi cujus infertur identitas duorum, exigit convenientiam extremorum cum medio, et principium discrepantiae, *Duo quorum unum non est idem* etc., vi cujus infertur discrepantia duorum, exigit convenientiam unius extremorum cum medio. Ergo ex

duabus praemissis negativis nihil inferitur. Illegitimus est igitur hic syllogismus :

Nullus lapis est animal ;
Atqui nullus homo est lapis ;
Ergo nullus homo est animal.

Oportet tamen ut praemissae sint vere et realiter negativae, ut scilicet, particula negans realiter afficiat ipsam copulam non autem subjectum vel praedicatum. Unde legitime concludit sequens syllogismus :

Id quod non habet partes nequit perire dissolutione partium :
Atqui anima humana non habet partes ;
Atqui anima humana nequit perire dissolutione partium.

In hoc enim syllogismo minor—*anima humana non habet partes* est propositio affirmativa. Etenim ratione dispositionis syllogisticae, praedicatum minoris est medius terminus, scilicet, ille ipse terminus qui est subjectum majoris. Sed medius terminus est.—*Id quod non habet partes*, seu quod idem est,—*non habens partes*. Ergo minor sic se habet : *Atqui anima humana est id quod non habet partes*, vel, *est non habens partes*. Particula negans afficit praedicatum non autem copulam, propositio est affirmativa.

Sexta lex.—*Ambae affirmantes nequeunt generare negativam*, scilicet, ex duabus praemissis affirmativis inferri non potest conclusio negativa. Ratio est quia, si ambae praemissae sunt affirmativae, duo extrema conveniunt cum medio, et vi principii identitatis : *quae sunt eadem uni tertio sunt eadem inter se*, necessario inferitur et affirmatur identitas extremorum in conclusione.

Septima lex.—*Nil sequitur geminis ex particularibus unquam*, scilicet, ex duabus praemissis particularibus nulla sequitur conclusio. Etenim vel *ambae praemissae sunt negativae*, et nulla inferitur conclusio juxta legem quintam ;—vel *ambae praemissae sunt affirmativae* et in hoc casu omnes

termini sunt particulares, (subjecta sunt particularia, propositiones enim sunt particulares ; praedicata particularia sunt etiam, quia propositiones sunt affirmativae). Ergo ille syllogismus necessario peccat contra quartam legem quae vult medium terminum saltem in una praemissa esse terminum universalem. Quod verificatur in sequenti syllogismo :

- I. Aliquis homo est *animal* ;
- I. Atqui aliquod *animal* est irrationale ;
- I. Ergo aliquis homo est irrationalis.

Medius terminus *animal* bis sumitur particulariter.

Vel tandem *una praemissa est affirmativa et altera negativa*, et tres sunt termini particulares, scilicet duo subjecta, et praedicatum propositionis affirmativae, et unus terminus universalis, scilicet, praedicatum propositionis negativae. Ille terminus universalis erit medius terminus, ut servetur regula quarta ; sed in hoc casu syllogismus peccat contra secundam regulam. Nam conclusio erit negativa, et majus extremum erit terminus universalis in conclusione, cum sit praedicatum propositionis negativae, sed in praemissis est terminus particularis, in conclusione igitur majorem habet extensionem ac in praemissis contra secundam regulam. Sit exemplum :

- I. Aliquis *homo* est doctus ;
- O. Atqui aliquis sapiens non est doctus ;
- O. Ergo aliquis sapiens non est *homo*.

Homo majus extremum est terminus universalis in conclusione, et terminus particularis in majori.—Praedicatum praemissae negativae potest esse majus extremum, et in hoc casu, syllogismus non peccat contra secundam regulam, sed peccat contra quartam, medius terminus bis sumitur particulariter, ut apparet in sequenti syllogismo :

- Aliquis *doctus* non est sapiens ;
- Atqui aliquis homo est *doctus* ;
- Ergo aliquis homo non est sapiens.

Nulla ergo legitima conclusio inferri potest ex duabus praemissis particularibus.

Octava lex.—*Pejorem sequitur semper conclusio partem.* Pars pejor est *negativa* respectu *affirmativae*, et *particularis* respectu *universalis*. Illa lex duplicem igitur continet partem.

1° *Si una praemissa est negativa, altera affirmativa, conclusio erit negativa.* Cum enim una praemissa est negativa et altera affirmativa, unum extremum cum medio convenit, alterum autem repugnat. Ergo inferitur conclusio negativa vi principii discrepantiae: *duo quorum unum est idem uni tertio, alterum non est idem, non sunt eadem inter se.*

2° *Si una praemissa est particularis, altera universalis, conclusio erit particularis.* Etenim vel *ambae praemissae sunt negativae*, vel *ambae affirmativae*, vel *una affirmativa et altera negativa*.

Si primum, nulla sequitur conclusio.

Si secundum, unicus datur in praemissis terminus universalis, scilicet, subjectum propositionis universalis; ille terminus erit medius terminus ut servetur regula quarta, et ideo minus extremum est terminus particularis in praemissis. Nisi ergo conclusio sit particularis, erit terminus universalis in conclusione contra secundam legem. Sic :

Aliquis homo est doctus ;
Atqui omnis homo est *animal* ;
Ergo aliquod *animal* est doctum.

Si conclusio esset universalis (omne animal est doctum) foret illegitima, quia *animal* terminus, particularis in praemissis, esset universalis in conclusione.

Si tertium, scilicet, si una praemissa est affirmativa et altera negativa, duo sunt termini universales in praemissis : subjectum propositionis universalis, et praedieatum propositionis negativae. Unus erit medius terminus, ut servetur lex quarta ; alter erit majus extremum ut servetur lex

secunda : nam conclusio erit negativa et majus extremum utpote praedicatum conclusionis negativae, erit terminus universalis, unde ne violetur secunda regula debet esse etiam universalis in praemissis. Minus extremum igitur in hac hypothesis erit terminus particularis in praemissis, et conclusio erit particularis, ut minus extremum non habeat majorem extensionem in conclusione ac in praemissis juxta secundam regulam. Unde dici nequit :

Aliquis homo non est doctus ;
Atqui omnis homo est *animal* ;
Ergo nullum *animal* est doctum.

Sed recte concluditur : *Ergo aliquod animal non est doctum.*

DE FIGURIS SYLLOGISMI

(18)

I. *Figurae syllogisticae notio.*—Forma syllogismi, ut diximus, est illa propositionum et terminorum dispositio, vi cujus ex duabus praemissis necessario sequitur conclusio ; unde forma afficit tum *materiam remotam* syllogismi, tum *materiam proximam*. Prout afficit materiam remotam, nempe terminos syllogismi, dicitur *figura* et definitur : *dispositio terminorum secundum subjectionem et praedicationem apta ad inducendam necessario conclusionem*. Cum autem disponuntur termini in praemissis secundum quod comparantur extrema cum medio, simplicius definiri potest figura syllogismi ita ut sit : *dispositio extremorum cum medio apta ad inducendam necessario conclusionem*.

II. *Figurarum numerus.*—Tres sunt figurae syllogismi : medius terminus enim tripliciter variari potest in sua dispositione cum extremis : 1^o aut est *subjectum* in majori et *praedicatum* in minori ; 2^o aut est bis *praedicatum* ; 3^o aut est bis *subjectum*. Unde triplex figura. « Si enim medium, inquit S. Thomas, in una propositione subicitur et in altera praedicatur dicitur esse prima figura ; et merito, quia tunc medium vere est medium, quia sapit naturam utriusque extremi.

scilicet subjecti et praedicati. Si vero medium in utraque propositione praedicatur, dicitur esse secunda figura; quia licet medium non sit vere medium, tamen quia dignius est praedicari quam subjeci, ideo haec figura secundum locum tenet. Si vero medium in intraque propositione subjicitur, dicitur tertia figura et ultima. » Illae tres figurae versiculo sequenti exprimuntur :

Sub. prae. prima; sed altera bis prae.; tertia bis sub.

Prima figura tamen potest habere conclusionem directam vel indirectam, et secundum quod indirecte concludit, variari videtur positio medii termini in praemissis, ita ut fiat praedicatum majoris et subjectum minoris. Unde quartam figuram introducunt plures logici. Juxta scholasticos, illa quarta figura essentialiter non distinguitur a prima, cujus essentia in hoc sistit quod medius terminus subjiciatur in una praemissa et praedicetur in altera. Unde dicendum est quod tres sunt syllogismi figurae quarum prima conclusiones habet tum directas, tum indirectas.

III. Singularum figurarum leges.—Prima figura : *Sit minor affirmans, major vero generalis.*

1^o *Sit minor affirmans.*—Etenim si minor sit negativa, conclusio erit negativa et major affirmativa; majus extremum praedicatum majoris, erit terminus particularis in praemissis, et terminus universalis in conclusione, contra 2^{am} legem syllogismi.

2^o *Major vero generalis.* Aliter enim medius terminus, jam terminus particularis in minori, ut praedicatum propositionis affirmativae, erit particularis etiam in majori, ut subjectum propositionis particularis, scilicet bis sumetur particulariter contra 4^{am} legem syllogismi.

Secunda figura.—*Una negans esto, nec major sit specialis.*

1^o *Una negans esto.* In secunda figura medius terminus est bis praedicatum, unde nisi sit una praemissa negativa, bis sumitur particulariter.

2^o *Nec major sit specialis.* Cum una praemissa sit negativa, conclusio erit negativa et majus extremum terminus universalis in ipsa. Ergo, ut servetur secunda regula syllogismi, majus extremum debet esse terminus universalis in majori. Atqui majus extremum in secunda figura est subjectum majoris. Ergo major esse debet universalis.

Tertia figura. — *Sit minor affirmans, conclusio particularis.*

1^o *Sit minor affirmans.* Sicut pro prima figura.

2^o *Conclusio particularis.* Minus extremum, subjectum conclusionis, est praedicatum minoris affirmativae, scilicet, terminus particularis in praemissis. Nisi igitur conclusio sit particularis, minus extremum erit terminus universalis in conclusione, contra 2^{am} legem syllogismi.

Prima figura indirecte concludens sequentibus legibus regitur :

Si major affirmet, sit minor generalis.

Si minor affirmet, sit conclusio particularis.

Si una praemissa neget, sit major generalis.

Cum prima figura indirecte concludit, medius terminus est praedicatum in majori et subjectum in minori. Unde cum major est affirmativa, medius terminus est particularis in majori, et nisi sit minor universalis, melius bis particulariter sumitur. Ita, si minor sit affirmativa, minus extremum, praedicatum minoris, est terminus particularis in praemissis, et ut servetur secunda regula syllogismi, erit terminus particularis in conclusione, et ipsa conclusio erit particularis.—Si una praemissa neget, conclusio erit negativa, majus extremum in conclusione erit terminus universalis. Ergo ut syllogismus sit legitimus, majus extremum debet esse terminus universalis in praemissis. Atqui majus extremum in hypothesi est subjectum majoris. Ergo major esse debet universalis.

DE MODIS SYLLOGISMI.

(19)

I. **Modi syllogismi notio.**—Forma syllogismi, prout allicet materiam proximam seu propositiones ex quibus syllogismus constat, dicitur *modus* syllogismi. *Modus* definitur : *dispositio propositionum secundum qualitatem et quantitatem apta ad inducendam necessario conclusionem.*

II. **Modi possibiles syllogismi.** Tot sunt modi possibiles syllogismi, quot sunt possibiles propositionum dispositiones aptae ad inducendam necessario conclusionem. Porro quatuor possunt fieri praemissarum dispositiones secundum quantitatem : praemissae enim sunt : 1^o vel *ambae universales* ; 2^o vel *ambae particulares* ; 3^o vel *major est universalis et minor particularis* ; 4^o vel *major est particularis et minor universalis*. Secundum vero qualitatem, sunt etiam quatuor possibiles praemissarum dispositiones ita ut sint : 1^o vel *ambae affirmativae*, 2^o vel *ambae negativae*, 3^o vel *major affirmativa et minor negativa*, 4^o vel *major negativa et minor affirmativa*. Quaelibet autem dispositio praemissarum secundum qualitatem potest fieri in qualibet ex quatuor dispositionibus secundum quantitatem. Igitur sunt sexdecim modi possibiles in quacumque figura. Tres autem sunt figurae ; ergo, in tribus figuris sunt *quadraginta et octo* modi possibiles.

Insuper secundum quod prima figura conclusionem indirectam habet, alii sexdecim modi sunt possibili. Ergo, absolute loquendo, *modi possibili* syllogismi sunt *sexaginta quatuor*.

III. Modi syllogistici utiles.— Cum qualitas et quantitas in propositionibus litteris vocalibus A, E, I, O, significantur, sexdecim modi occurrentes in qualibet figura sic exprimentur :

AAA — AEE — AII — AOO
 EEE — EAE — EIO — EOO
 III — IAI — IEO — IOO
 OOO — OAO — OEO — OIO

Ut modus sit utilis nihil importare debet contra leges syllogismi ; sed nulla legitima conclusio sequitur ex duabus praemissis negativis (reg. 5^a), nec ex duabus praemissis particularibus (reg. 7^a). Ergo ratione regulae quintae, inutiles sunt modi : EEE, EOO, OOO, et OEO ; ratione regulae septimae inutiles etiam : III, IOO, OIO, et OOO jam inutilis ratione regulae quintae. A quacunque figura excludendi sunt septem modi ut inutiles, ita ut novem modi in singulis remaneant. Jamvero illi novem modi non possunt dici utiles in figuris nisi de ipsis leges figurarum verificentur. Porro applicatis figurarum legibus, apparet novemdecim modos tantum esse utiles, nempe :

In prima figura prout directe concludit :

4 AAA, EAE, AII, EIO.

In prima figura prout indirecte concludit :

5 AAI, EAE, AII, AEO, IEO.

In secunda figura :

4 EAE, AEE, EIO, AOO.

In tertia figura :

6 AAI, EAO, IAI, AII, OAO, EIO.

IV. **Modorum utilium symbola:**—Antiquissimi scolastici excogitarunt voces quibus aptissime indicantur modi utiles syllogismi; haec sunt:

- (I fig. dir.) Barbara, Celarent, Darii, Ferio, (Indir.) Baralipon,
Celantes, Dabitis, Fapesmo, Frisesomorum.
(II fig.) Cesare, Camestres, Festino, Baroco. (III fig.) Darapti,
Felapton, Disamis, Datisi, Bocardo, Ferison.

V. **Modi syllogistici perfecti:** *Modi perfecti* dicuntur illi quorum consequentia manifestius apparet, quia syllogismus directe et clare concludit. *Modi imperfecti* dicuntur illi quorum consequentia non adeo est manifesta, quia syllogismus indirecte tantum concludit. Porro jam diximus primam figuram tantum directe concludere: secundum quod enim medius terminus est subjectum majoris et praedicatum minoris, majus extremum est praedicatum majoris et minus extremum subjectum minoris, extrema eandem sedem habent in praemissis et in conclusione. Quatuor modi primae figurae directe concludentis sunt igitur modi perfecti, alii autem sunt imperfecti.

VI. **Reductio modorum imperfectorum ad perfectos.**—Barbara, Celarent, Darii, Ferio, sunt modi perfecti syllogismi; cum autem imperfectum in quolibet genere ad perfectum revocatur, Aristoteles, et post eum scolastici, leges tradiderunt quibus mediantibus modi imperfecti ad perfectos reducuntur. Illae leges in symbolis cujusque modi imperfecti indicantur. Quilibet modus imperfectus reduci debet ad illum modum perfectum primae figurae, qui ab eadem consonante incipit. Sic *Celantes*, *Cesare* et *Camestres* reducuntur ad *Celarent*; *Fapesmo* et *Festino* ad *Ferio*. Tres consonantes s. p. m., quae sequuntur tres primas vocales, quibus significantur tres propositiones syllogismi, indicant modum reductionem faciendi. Littera (s) indicat propositionem a praecedenti vocali significatam, convertendam esse *simpliciter*;

(p) esse convertendam *per accidens* ; (m), declarat praemissas esse loco mutandas, scilicet, majorem fieri minorem, et minorem majorem. Sit exemplum :

	Omnis fortitudo est <i>virtus</i> ;	A	Ca
2 ^a fig.	Atqui nulla temeritas est <i>virtus</i> ;	E	mes
	Ergo nulla temeritas est fortitudo.	E	tres

Ille syllogismus secundae figurae est in modo «Camestres» ; C indicat modum hunc reducendum esse in «Celarent», quod fiet mutando sedem praemissarum propter litteram M, et convertendo simpliciter minorem et conclusionem. Sit igitur :

	Nulla <i>virtus</i> est temeritas ;	E	Ce
1 ^a fig. dir.	Atqui omnis fortitudo est <i>virtus</i> ;	A	la
	Ergo nulla fortitudo est temeritas.	E	rent

Si in mediis vel postremis syllabis littera C reperiatur, ut in Baroco et Boecardo, significatur hunc modum reducendum esse *per impossibile*. Sequentes versiculi litterarum S. P. M. C. significationem in symbolis modorum exprimunt :

S vult simpliciter verti ; P vero per accid.
M vult transponi ; C per impossibile duci.

Reliquae litterae nihil significant.

VII. *Reductio per impossibile*. Reductione ad modos perfectos primae figurae, apparet manifestius legitimitas consequentiae in syllogismis modorum imperfectorum. Sed reductio est duplex : una *directa* seu *ostensiva*, quae fit conversione propositionum, et nonnunquam, earum transpositione, (de ipsa factus est sermo in praecedenti paragrapho) ; alia quae dicitur *indirecta* seu *per impossibile*, qua adducitur adversarius negans conclusionem, ad admittendum duas contradictorias simul veras, quod est impossibile. Reductio per impossibile hoc modo fit : negatae conclusionis assumitur propositio contradictoria, et adjuncta altera praemissarum concessa, concluditur contradictoria alterius praemissae,

ideoque infertur duo contradictoria esse simul vera. Qui igitur, concessis praemissis, consequentiam et conclusionem negat, cogitur admittere vel duo contradictoria esse simul vera, vel consequentiam esse manifestam.

Ad conficiendum syllogismum cum contradictoria conclusionis non semper eadem praemissa adhibetur sed aliquando major, aliquando minor: scilicet, in Baroco, major; in Boardo, minor. Sit exemplum.

	Omnis virtus est <i>Deo grata</i> ;	A Ba
2 ^a fig.	Atqui quaedam aemulatio non est <i>Deo grata</i> ;	O ro
	Ergo quaedam aemulatio non est virtus.	O co

Ut fiat reductio retinetur major, et minor mutatur in contradictoriam negatae conclusionis, hoc modo:

	Omnis <i>virtus</i> est <i>Deo grata</i> ;	A Bar
1 ^a fig	Atqui omnis aemulatio est <i>virtus</i> ;	A ba
	Ergo omnis aemulatio est <i>Deo grata</i> .	A ra

Conclusio autem est contradictoria minoris prioris syllogismi quae fuerat concessa.

Ut fiat reductio syllogismi in Boardo ponitur ut major contradictoria conclusionis et retinetur minor. Leges reductionis ad impossibile continentur in sequentibus versibus :

Majorem servat, mutatque secunda minorem.
Tertia majorem mutat servatque minorem.

scilicet: secunda figura (Baroco) majorem servat et mutat minorem, tertia figura (Boardo) majorem mutat servatque minorem.

DE SPECIEBUS SYLLOGISMI.

(20)

I. Syllogismus scholasticus et oratorius.—*Syllogismus scholasticus* seu *formatus* est ille in quo servatur forma dialectica, scilicet, exponitur syllogismus cum suis tribus propositionibus ita dispositis, ut ex duabus primis positis tertia necessario sequatur.—*Syllogismus oratorius* seu *informis* est ille in quo retenta vi argumenti, forma dialectica non servatur : v. g. : Cum lectionibus animo non attendas, non potes ex ipsis fructus decerpere. Quibus verbis sequens syllogismus exprimitur : Qui lectionibus animo non attendit, non potest ex ipsis decerpere fructus. Atqui lectionibus non attendis animo. Ergo non potes ex ipsis decerpere fructus. Iste syllogismus *oratorius* dicitur, quia oratores ipsum prae-sertim adhibent.

II. Syllogismus simplex et compositus. — *Syllogismus simplex* est ille qui constat propositionibus simplicibus.—*Syllogismus compositus* est ille qui constat propositionibus compositis : e. g. :

Herba et arbor sunt viventia ;
Atqui trifolium et quercus sunt herba et arbor ;
Ergo trifolium et quercus sunt viventia.

III. *Syllogismus absolutus, modalis et mixtus.*—*Syllogismus absolutus* seu *de inesse* ille est qui constat ex propositionibus absolutis.—*Syllogismus modalis* ille est qui ex propositionibus modalibus constat ; v. g. :

Necesse est animal esse sensitivum ;
Atqui necesse est hominem esse animal ;
Ergo necesse est hominem esse sensitivum.

Syllogismus mixtus ille est qui constat ex una praemissa modali, et altera absoluta : v. g. :

Impossibile est animal esse plantam ;
Atqui equus est animal ;
Ergo impossibile est equum esse plantam.

IV. *Syllogismus categoricus et hypotheticus.*—*Syllogismus categoricus* est ille cujus major est propositio categorica.—*Syllogismus hypotheticus* ille est cujus major est propositio hypothetica, v. g. :

Si Petrus currit, Petrus movetur ;
Atqui Petrus non movetur ;
Ergo Petrus non currit.

Syllogismus hypotheticus est conditionalis, disjunctivus vel conjunctivus prout major est propositio conditionalis, disjunctiva vel conjunctiva.

V. *Leges syllogismi conditionalis.*—*Prima lex* : *Affirmata conditione, affirmari debet conditionatum, sed ex affirmatione conditionati, affirmari non potest conditio* : v. g., recte dicitur :

Si Petrus currit, Petrus movetur ;
Atqui Petrus currit ;
Ergo Petrus movetur.

Sed dici non potest :

Atqui Petrus movetur ;
Ergo Petrus currit.

Secunda lex : *Negato conditionato negari debet conditio, sed ex negatione conditionis inferri non potest negatio conditionati. Sic :*

Si Petrus currit, Petrus movetur ;
Atqui Petrus non movetur ;
Ergo Petrus non currit.

recte concludit ; sed dici non potest :

Atqui Petrus non currit ;
Ergo Petrus non movetur.

Ratio illarum *legum* fundatur in principiis consequentiarum : *Ex vero antecedenti non sequitur nisi verum consequens ; Ex falso antecedenti sequi potest tum falsum tum verum consequens.* (Cf. p. 98). Conditio enim sese habet ad conditionatum sicut antecedens ad consequens : verificata igitur conditio, affirmatur conditionatum, et negato conditionato non verificatur conditio. Sed quemadmodum ex veritate consequentis non potest inferri veritas antecedentis, et ex falsitate antecedentis non inferitur falsitas consequentis, quia verum sequi potest ex falso, ita ex affirmatione conditionati non potest affirmari conditio, et, ex negatione conditionis, inferri non potest negatio conditionati.

Syllogismus conditionalis ad syllogismum categoricum, facili negotio reducitur : v. g. :

Si Petrus currit, Petrus movetur ;
Atqui Petrus currit ;
Ergo Petrus movetur.

Conditionalis ille syllogismus ad sequentem categoricum reducitur :

Omnis qui currit, movetur ;
Atqui Petrus currit ;
Ergo Petrus movetur.

VI. Leges syllogismi disjunctivi.—Prima lex: *Propositio disjunctiva sit vera*, scilicet, membra ejus sint complete enumerata, neque omnia sint simul vera, neque omnia simul falsa. (Cf. p. 78). Hinc peccat sequens syllogismus :

Petrus aut est catholicus, aut paganus ;
Atqui Petrus non est catholicus ;
Ergo Petrus est paganus.

Propositio enim disjunctiva non est vera, cum Petrus esse potest hereticus vel schismaticus.

Secunda lex.— *a'* Si propositio sit *proprie* disjunctiva (cf. p. 79) et bimembris, *ex affirmatione unius membri infertur negatio alterius, et ex negatione unius, infertur affirmatio alterius* ; v. g. :

Petrus aut quiescit aut movetur ;
Atqui Petrus quiescit.
Ergo Petrus non movetur.

vel :

Atqui Petrus non quiescit.
Ergo Petrus movetur.

b' Si membra disjunctivae sint plura quam duo, 1^o vel uno *negato, alia disjunctive affirmantur* ; v. g. :

Domus Petri aut major, aut minor, aut aequalis est domui
[Pauli].
Atqui non est aequalis ;
Ergo est major, aut minor ;

2^o vel *affirmato uno, alia negantur* : v. g. :

Atqui domus Petri est major ;
Ergo nec minor, nec aequalis ;

3^o vel *omnibus negatis praeter unum, illud unum in conclusione affirmatur* ; v. g. :

Atqui nec est major, nec est minor ;
Ergo est aequalis.

c) Si propositio sit *improprie* disjunctiva (cf. p. 79) et bimembris, enim sensus hujus propositionis sit unum saltem membrum esse verum, ex negatione unius membri, infertur

affirmatio alterius, sed ex affirmatione unius non infertur negatio alterius; sic peccat sequens syllogismus :

Vel Petrus vel Paulus Romae mortuus est ;
Atqui Paulus Romae mortuus est ;
Ergo Petrus Romae non est mortuus.

Syllogismus disjunctivus facile reduci potest ad conditionalem vel ad categoricum; v. g. : praecedentes syllogismi sic ad categoricos reducuntur :—

Qui quiescit, non movetur,
Atqui Petrus quiescit.
Ergo Petrus non movetur.

vel :

Qui non quiescit, movetur.
Atqui Petrus non quiescit.
Ergo Petrus movetur.

VII. Leges syllogismi conjunctivi. — **Prima lex :** Ex affirmatione unius membri, infertur negatio alterius; v. g. : Petrus non est Lugduni et Romae : Atqui est Lugduni ; Ergo non est Romae.

Secunda lex : Ex negatione unius membri non infertur affirmatio alterius, nisi sit oppositio contradictoria inter utrumque ; hinc falsus sequens syllogismus :—Petrus non est Lugduni et Romae ; Atqui non est Romae ; Ergo est Lugduni. Sed quia materiale et immateriale contradictorie opponuntur, recte concludit sequens syllogismus : Anima humana non est materialis et immaterialis ; Atqui anima humana non est materialis. Ergo est immaterialis.

Ad syllogismum categoricum reducitur sequenti modo : Quod non est materiale est immateriale ; Atqui anima humana non est materialis. Ergo anima humana est immaterialis.

VIII Syllogismus expositivus.—Syllogismus expositivus est ille qui constat propositionibus singularibus ; v. g. : Petrus fuit Apostolus ; Atqui Petrus fuit piscator ; Ergo piscator fuit Apostolus.

DE ARGUMENTANDI FORMIS QUAE AD SYLLOGISMUM REDUCUNTUR

(21)

I. **Enthymema.**—*Enthymema est illa argumentandi forma in qua ex duabus praemissis una exprimitur et altera praetermittitur; v. g. : Deus est summum bonum ; Ergo Deus est amandus. Retinetur major : Summum bonum est amandum.*

II. **Epicherema.**—*Epicherema est illa argumentandi forma in qua vel alterutri vel utrique praemissae adjungitur probatio ; v. g. : Substantia spiritualis est incorruptibilis ; quia simplex et independens a materia. Atqui anima humana est substantia spiritualis ; Ergo anima humana est incorruptibilis.—Epicherema subest legibus omni syllogismo communibus.*

III. **Sorites.**—*Sorites est argumentatio pluribus constans propositionibus ita connexis, ut praedicatum praecedentis fiat subjectum sequentis, donec formetur conclusio constans subjecto primae propositionis et praedicato ultimae ; v. g. : Avarus multa desiderat ; Qui multa desiderat, multis indiget ; Qui multis indiget non est beatus ; Ergo avarus non est beatus.*

Sorites, qui a Tullio¹ ratiocinium *captiosissimum* dicitur, argumentationem legitimam constituere non potest nisi sequentibus legibus subjiatur :

(1) *De divinatione*, l. II, c. IV.

1^o *Singulae propositiones sint verae simpliciter et absolute* : si enim una propositio sit falsa, falsa necessario erit conclusio, si autem sint verae tantum *secundum quid* aut *relative* facile sophisticum fiet argumentum.

2^o *Termini qui soritem ingrediuntur eandem omnino retineant, cum repetuntur, suppositionem* ; aliter enim variata suppositione ad falsum concludendum arguens facile ducitur.

3^o *Sorites in syllogismos simplices resolvatur*. Tot erunt syllogismi simplices, quot sunt praemissae una dempta, et error, si quis est, statim patebit.

IV. *Dilemma*.—*Dilemma est argumentatio in qua ex duobus membris disjunctive propositis, utrumque assumitur ad concludendum contra adversarium*. Notissimum est exemplum illud Tertuliani arguentis contra decretum Trajani : Aut nocentes sunt christiani, aut innocentes ; Si nocentes, cur inquiri prohibes ? Si innocentes, cur delatis poenam irrogas ? —Major dilemmatis est igitur propositio disjunctiva bimembris : si major tria membra habeat, argumentum dicitur *trilemma* : si quatuor, *quadrilemma* vocatur.

V. *Leges dilemmatis*.—*Prima lex* : *Non detur medium inter membra^a disjunctionis*, scilicet, membra disjunctivae propositionis sint complete enumerata. Ratio est quia si sit aliud membrum medium, per illud effugiet adversarius. Unde contra hanc legem peccat dilemma quo Socrates intendebat iudicibus suis probare se non timere mortem : *Mors aut est finis totius hominis, aut est migratio animae in vitam beatam : si primum suaviter quiescam ; si secundum, feliciter vivam cum Orpheo*. Mors enim potest esse migratio animae in vitam miserissimam.

Secunda lex.—*Ut ex utroque membro concludatur certo et necessario*. Aliter enim illatio erit illegitima et ab adversario negari poterit. Quod vitium invenitur in dilemmate pro lato ab Omar califa : Libri bibliothecae Alexandriae aut

continent doctrinam *Corano* conformem, aut contrariam ; si primum, inutiles sunt ; si secundum, sunt noxii. Ergo omnes isti libri sunt flammis tradendi. Etenim ex eo quod isti libri sunt *Corano* conformes vel contrarii, non necessario sequitur ipsos esse inutiles vel noxios.

Tertia lex.—*Dilemma ita concludat, ut contra auctorem retorqueri non possit.* Contra hanc legem peccat sequens dilemma alicui propositum ut rempublicam admistrandam non susceperet.—Vel bene, vel male administrabis ; si bene, displicebis hominibus ; si male diis. Ergo. Cui sic alter retorquendo respondit : Vel bene, vel male rempublicam administrabo : Si bene, placebo diis : Si male, hominibus.

VI. Polysyllogismus.—*Polysyllogismus est argumentatio in qua plures syllogismi inter se ita connectuntur ut conclusio primi syllogismi fiat praemissa sequentis : v. g. Substantia cogitans est spiritualis ; Atqui anima humana est substantia cogitans ; Ergo anima humana est substantia spiritualis. Atqui substantia spiritualis est immortalis. Ergo anima humana est immortalis.*

CAPUT TERTIUM

DE INDUCTIONE

Prologus.—Duplex est processus quo mens nostra ratiocinando unam veritatem ab alia infert: processus *deductivus* et processus *inductivus*, syllogismus scilicet et inductio. Jam satis diximus de syllogismo; nunc autem agitur de inductione, de ejus natura, speciebus et legibus. Cum vero inductio scientifica magni momenti locum obtineat nostris temporibus, propter maximum scientiarum experimentalium incrementum, de ipsa praesertim erit sermo.

DE INDUCTIONE

Inductionis notio			
Inductionis divisio	{	Inductio completa	
		Inductio incompleta	{ Vulgaris
			Scientifica
		Exploratio factorum	
Inductionis scienti- ficae processus describitur	{	Determinatio cau- sarum	{ 1 ^o Methodus concordantiae
			2 ^o " differentiae
			3 ^o " variationum con- comitantium
			4 ^o " residuorum
			5 ^o " mixta seu composita
		Inductio legum	
Inductionis fundamentum			
Inductionis leges	{	Serupulosa, exacta et methodica sit factorum observatio.	
		Hypothesis sit possibilis, in realitate fundata, simplex et fecunda.	
		Multiplianda et varianda sunt experimenta	
Inductio et syllogismus comparantur			
Inductio scientifica apud Aristotelem et S. Thomam.			

ARTICULUS UNICUS

DE INDUCTIONE

I. Inductionis notio.—*Inductio* definitur ab Aristotele, progressio a singulis ad universale ; seu, argumentatio procedens a singularibus ad universale ; v. g. Petrus, Paulus, Henricus sunt mortales. Ergo omnis homo est mortalis.—Hoc hydrogenium, et hoc oxygenium in proportione ponderali unies ad octo producent aquam. Ergo omne hydrogenium et oxygenium in ista proportione ponderali aquam producent.

Omnis cognitio nostra incipit a sensibilibus quae singularia sunt, et intellectus a singularibus sensibus perceptis universalia abstrahit ; unde processus habetur a singulis ad universale. Iste autem processus, quamvis sensu quodam latiori inductio dici possit, tamen non est inductio proprie dicta de qua nunc fit sermo, nam iste processus non est mediate illativus, non est ratiocinium.

II. Inductionis divisio.—*a*) *Inductio est completa et incompleta.*

Inductio completa est illa quae ad universale concludit post completam enumerationem singularium ; v. g. : Sensus visus, auditus, olfactus, gustus et tactus ordinantur ad conservationem animalis perfecti. Ergo omnis sensus externi ad conservationem animalis perfecti ordinantur. De ista inductione loquitur Aristoteles, *Anal. pr.*, II, 23.

Inductio incompleta est illa quae ad universale concludit post incompletam singularium enumerationem, scilicet, quae ex singulis sufficienter enumeratis universale concludit ; v.g.: Petrus, Carolus... sunt mortales. Ergo omnis homo est mortalis.

b) Inductio incompleta est *vulgaris* vel *scientificae*.

Inductio vulgaris est illa quae a singulis secundum accidentia, vel non certe secundum essentiam consideratis ad universale concludit ; v. g. : Petrus, Carolus, Henricus sunt albi. Ergo omnis homo est albus.

Inductio scientifica est illa quae a singularibus secundum sua essentialia consideratis, scilicet, in sua essentia vel in essentiali agendi vel patendi modo inspectis, ad universale concludit ; seu, ut dicant scientiarum experimentalium cultores, est *illa quae ex phenomenis diligentissima experientia cogitis, leges quibus explicantur colligit* ; v. g. : Hoc hydrogenium et hoc oxygenium in proportione ponderali unius ad octo producent aquam. Ergo omne hydrogenium et oxygenium in simili proportione aquam producent.

III. Inductionis scientificae processus describitur.— Inductio scientifica a phenomenis particularibus leges infert generales quibus ipsa phenomena explicantur ; ad talem inductionem ergo duo requiruntur : cognitio accurata et certa phenomenorum, et transitus legitimus a phenomenis ad leges. Primum experientia, secundum ratione praesertim sappeditantur. Mediante enim experientia cognoscuntur phenomena, et mediante ratione determinantur phenomenorum causae et inferuntur leges. In processu inductivo sunt igitur veluti tria momenta : *exploratio factorum* ab experientia ; *determinatio causarum* ab intellectu, adhibita experientia ; et *inductio legum* a sola ratione perfecta.

Exploratio factorum.—*Experientia* est omnis cognitio ope sensuum vel conscientiae habita. Dividitur autem in *observationem* et *experimentum*.—*Observatio* est attentio praestita

factis quae sponte se nobis exhibent et a nostra industria non pendent.—*Experimentum* est attentio praestita factis quae nobis nostra industria procuramus.

Facta seu phenomena ex quibus, determinata ipsorum causa, leges inferimus, primo *observatione* percipiuntur. — Facta percepta admirationem gignunt in mente sapientis qui statim de eorum causa inquit, et *hypotheses* fingit quibus possent facta explicari.—Proposita autem aliqua hypothesi, sapiens consequentias ex ipsa deducit et verificationem ipsarum intendit *experimentis* quibus scilicet, facta seu phenomena in diversis circumstantiis producantur, ut melius observentur et cognoscantur. ⁽¹⁾

Determinatio causarum. ⁽²⁾ — Experimentum adhibetur non tantum ad explorationem factorum, sed etiam ad determinationem causae ipsorum; tamen cum percipere relationes causalitatis superat sensum, et ad intellectum pertineat, illa determinatio causae est praesertim opus intellectus. In inductione scientifica referuntur facta ad causas suas necessarias; igitur determinare causam alicujus facti, est demonstrare relationem necessariam causalitatis inter factum et agens cui tribuitur tanquam causae. Ad hanc autem relationem manifestandam ordinantur diversae methodi quae a Stuart-Mill ⁽³⁾ nomina acceperunt.

(1) « Des fontainiers de Florence constatent que dans les corps de pompe où l'on a fait le vide, l'eau ne monte pas plus haut que dix mètres.—Torricelli suppose que l'ascension de l'eau est due au poids de l'atmosphère qui ne peut faire équilibre qu'à une colonne d'eau de dix mètres.—Pascal déduit de cette hypothèse deux conséquences : la pression atmosphérique restant la même, la hauteur de la colonne doit varier en raison de la densité du liquide ; la densité du liquide restant la même, la hauteur de la colonne doit varier en raison de la pression atmosphérique.—Ces deux conséquences sont vérifiées à Rouen et à Paris. » SORBAIS, *Traité de philosophie*, t. II, p. 171.

(2) « Le caractère essentiel de tout fait scientifique est d'être déterminé ou du moins déterminable. Déterminer un fait c'est le rattacher à sa cause immédiate et l'expliquer par elle. » CL. BERNARD.

(3) *Système de Logique, etc.* Edit. franc. Paris 1866, t. II, p. 425-478.

Quinque sunt numero : *methodus concordantiae*, *methodus differentiae*, *methodus variationum concomitantium*, *methodus residuorum*, et *methodus mixta seu composita*.

Methodus concordantiae est illa quae causam alicujus effectus determinat ex concordantia plurium, in quibus iste effectus apparet, in unica circumstantia. Cum enim determinatus effectus reperitur in multis et diversis casibus qui non habent nisi unicum elementum commune, illud elementum est causa effectus. *Posita causa, ponitur effectus.* ⁽¹⁾

Methodus differentiae consistit in recognoscenda ut causa vel conditio necessaria alicujus effectus, illud, quo posito habetur effectus, quo sublato, effectus non habetur. Quando enim duo casus, unus autem in quo determinatus effectus producitur, alter vero in quo non producitur, haec ratione tantum differunt quod unica circumstantia, praesens in primo, sit absens in secundo, haec est causa effectus. *Sublata causa, tollitur effectus.*

Methodus variationum concomitantium est illa quae determinat causam alicujus effectus investigando an *variationes agentis* cui tribuitur, secumferant variationes correspondentes in ipso effectu. *Variata causa, variatur effectus.* ⁽²⁾

(1) « Si plusieurs cas de la production d'un phénomène ne concordent qu'en une circonstance, toutes les circonstances, variables d'un cas à l'autre devant être exclues, la circonstance qui demeure est nécessairement la cause cherchée. Quelle est la cause de la sensation de son ? Le son est produit par une cloche, par une corde qu'on pince ou que frotte un arcet, par un tambour que l'on frappe, par un clairon où l'on soufflé, par la voix humaine, etc. Tous ces cas si différents s'accordent en un seul point, qui est la présence d'une vibration du corps sonore propagée à travers un milieu jusqu'à l'organe auditif. Cette vibration transmise est la cause cherchée ». Cf. RAMEN, *Logique*, p. 130.

(2) « Un exemple remarquable et lumineux de l'emploi de ces trois méthodes nous est fourni par les expériences célèbres de Pasteur sur la génération spontanée.

Supposons que l'on parte de cette hypothèse, que la production spontanée d'organismes vivants a pour cause la présence de germes en suspension dans l'air, qui viennent à rencontrer dans un liquide fermentescible un milieu favorable à leur éclosion. Que fera-t-on pour vérifier cette hypothèse ? 1^o) On exposera à l'air libre des vases remplis de différents liquides fermentescibles, et on trouvera que partout où des germes supposés auront pu tomber sur ces liquides, les productions dites spontanées auront lieu : *Méthode de concordance*.—2^o) On pratiquera la contre-épreuve, en soustrayant au contraire ces liquides à l'action de l'air extérieur et en prouvant que des vases fermés, où l'air ne peut pénétrer, restent indéfiniment exempts de tout organisme : *Méthode de différence*.—3^o) On montrera que le nombre des organismes produits est proportionnel au nombre de germes que l'on peut supposer dans l'air. Par exemple dans les caves, où l'air est immobile et où les germes doivent être depuis longtemps tombés sur le sol, on pourra exposer des vases ouverts à l'air libre,

Methodus residuorum consistit in removenda parte phenomeni jam cognita sicut effectus aliquarum causarum, ut reliqua pars agnoscat et sic novae causae inveniantur. Analyti metallorum, chimici mediante methodo residuorum plura simplicia corpora cognoverunt.

Methodus mixta seu *composita* consistit in unione praecedentium ad confirmandam vel ad melius determinandam causam phenomenorum.

Inductio legum. Phenomena experientia cognoscuntur ; mediantibus diversis methodis experimentabilibus intellectus determinat ipsorum causas, et, determinatis causis, mens nostra a particularibus ad universale procedens leges infert universales. In illo igitur tertio momento habetur inductio proprie dicta. Tota difficultas in isto processu est in determinatione causarum, quia determinata causa, facili negotio infertur lex universalis. Sic jam determinato, mediantibus methodis experimentalibus, generationem quam vocant spontaneam ut causam habere germina viventia in aere suspensa, statim infertur lex universalis : omne vivens est a vivente.

IV. Inductionis fundamentum. — Quanam ratione ex *particularibus* factis mens infert legem universalem ? quanam principio nititur talis processus, quomodo justificatur ? — Inductio tanquam fundamento nititur principio *uniformitatis naturae* quod diversis verbis enuntiatur : *EAEdem causae in eisdem circumstantiis eosdem produciunt effectus.* — *Natura determinata est ad unum.* — *Natura eodem modo operatur nisi impediatur.* — *Leges naturae sunt constantes.* — *Cursus naturae est uniformis, etc.*

Experientia constat, variatis circumstantiis fortuitis, aliquod phenomenon rem constanter comitari, ita ut ipsa re

sans que les organismes se produisent ; et si l'on gravit les montagnes où les germes doivent devenir de moins en moins fréquents en proportion de la hauteur, le nombre des organismes doit décroître proportionnellement. Or tous ces faits sont vérifiés. C'est la *méthode des variations concomitantes.*» P. Janet, *Traité élémentaire de philosophie*, n. 416. Cf. Rabier. *Logique*, p. 130-141. — Sortais, *Traité de philosophie*, t. II, p. 189-192

posita ipsum phenomenon habetur, ipsa sublata phenomenon tollitur, ipsa variata ipsum variatur; jure infertur rem ipsam esse causam phenomeni. Effectus autem constans et uniformis causam postulat constantem et uniformem. Atqui causa constans et uniformis esse nequit nisi natura ipsa individuorum vel lex stabilis ab auctore naturae instituta. Ergo natura rei seu proprietas necessario ab ipsa dimanans est causa ipsius phenomeni. Sed natura seu proprietas ab ipsa necessario dimanans omnibus inest individuis ejusdem speciei, etiam, illis de quibus nondum instituta est experientia. Ergo illud phenomenon non modo verificatur in illis individuis de quibus habita est experientia, sed etiam de aliis non exploratis quae in eadem natura continentur. Vi igitur uniformitatis naturae, ex quibusdam individuis sufficienter consideratis, legitime infertur lex universalis quae necessario verificatur de omnibus individuis ejusdem naturae.

V. Inductionis leges.—Difficultas bonae inductionis non invenitur in illatione legis universalis, sed tota sistit in observatione factorum et in determinatione causae ipsorum, mediante methodis experimentalibus. Unde leges inductionis ad experientiam spectant in qua quatuor distinguere possimus: factorum observationem, hypothesis qua explicantur excogitationem, ipsius hypothesis verificationem, et causae determinationem. Verificatio autem hypothesis et causae determinatio mediante experimentis obtinentur; leges igitur sunt tum de observatione, tum de hypothesis, tum de experimentis.

Prima lex. *Scrupulosa, exacta et methodica sit factorum observatio.* In hoc enim differt inductio scientifica a vulgari, quod a factis secundum accuratam methodum et disciplinam observatis, procedat ad inferendas leges universales. Sit igitur naturae speculator curiosus in investigandum, attentus in observandum, sagax in conjecturis, pari studio et aequa

aestimatione omnia dijudicans, tandem in exitu expectatione patiens. ⁽¹⁾

Secunda lex. *Hypothesis sit possibilis, in realitate fundata, simplex et fecunda.* Hypothesis debet esse possibilis, quia cum sit *praesumpta factorum explicatio*, requiritur ut non sit principiis et legibus certis opposita; — *in realitate fundata*, quia aliter esset inanis et cassa; *simplex*, quia natura maxima simplicitate semper operatur; — *fecunda* scilicet, explicativa phenomenorum.

Tertia lex.—*Multiplicanda et varianda sunt experimenta ut certo constet facta non ex fortuitis circumstantiis, sed ex individuorum natura constanter profluere, ideoque jus habeatur inferendi legem universalem.* Haec lex in prudentia scientifica fundatur.—Experimentis verificantur hypotheses et determinantur factorum causae: *notetur tamen quod ex verificatione consequentiarum suarum hypothesis possibilis apparet tantum et probabilis, nec evadit veritas certa nisi dum demonstretur ipsam omnium phenomenorum rationem reddere, et nullam aliam legem praeter praesumptam facta explicare posse.* ⁽²⁾

VI. Inductio et syllogismus comparantur.—Multi sunt, praesertim moderni, qui cum Bacone a Verulamo ⁽³⁾ inductionem contra syllogismum magnopere extulerunt; sed ex his quae dicta sunt de processu inductivo, nemo est qui non videt quanti momenti sint et inductio et deductio. ⁽⁴⁾ Syllogismus et inductio non ita differunt ut unum excludat alterum, sed

(1) Le génie est une longue patience. (Buffon.)

(2) « Croire que l'on a trouvé un fait scientifique important, avoir la fièvre de l'annoncer et se contraindre des journées, des semaines, parfois des années à se combattre soi-même, à s'efforcer de ruiner ses propres expériences, et ne proclamer sa découverte que lorsque l'on a épuisé toutes les hypothèses contraires, oui, c'est une tâche ardue. » PASTEUR, *Discours prononcé à l'inauguration de l'Institut Pasteur*, 14 nov. 1888.

(3) Baco a Verulamo, (1560-1616) philosophus Angliae, librum scripsit cui titulus: *Novum Organum*, quem *Organo* Aristotelis opposuit.

(4) L'induction et la déduction sont inséparables dans les sciences physiques et naturelles. " CLAUDE BERNARD.

potius ad invicem mutuo ordine referuntur. In inventione eminent inductio, in expositione et disciplina, deductio ; per inductionem materia et corpus scientiae obtinetur, per deductionem forma scientiae acquiritur. Scientia enim cum sit cognitio certa rerum per causas, facta explicat legibus ; unde omnis scientia etiam inductiva progrediendo fit deductiva.—En sunt praecipua discrimina inter inductionem et syllogismum : 1° Inductio a phenomenis particularibus, ad universalem legem procedit ; syllogismus a principio universali, ad conclusionem particularem vel minus universalem pertingit. — 2° Syllogismus est processus generalis scientiarum rationalium ; inductio in usu est praesertim in scientiis physicis et experimentalibus.—3° Syllogismus tanquam in principio proximo fundatur in : *dictum de omni, dictum de nullo* ; inductio nititur principio *uniformitatis naturae : eaedem causae, in eisdem circumstantiis, eosdem effectus producant.*

VII. Inductio scientifica apud Aristotelem et S. Thomam.

—Inductio scientifica cujus processum descripsimus suam perfectionem obtinuit nostris temporibus, non fuit tamen ignota apud antiquos, praesertim apud Aristotelem ⁽¹⁾ et S. Thomam. Doctor Angelicus, in suis commentariis in II *Posteriorum Aristotricorum*, l. 20, cum Aristotele processum inductioni sic describit : « Ex sensu fit memoria in illis animalibus in quibus remanet impressio sensibilis. Ex memoria autem multoties facta circa eandem rem, in diversis tamen singularibus, fit experimentum, quia experimentum nihil aliud esse videtur quam accipere aliquid ex multis in memoria retentis. Sed tamen experimentum indiget aliqua

(1) « Le philosophe grec l'avait (l'induction) admirablement pratiquée, et ses œuvres d'Histoire naturelle, de Politique, de Météorologie, de Logique même l'attestaient assez. » Barthelemy Saint-Hilaire, *Logique d'Aristote*, tome I, préface, p. VIII.

rationatione circa particularia, per quam confertur unum ad aliud, quod est proprium rationis.—Ratio autem non sistit in experimento particularium ; sed ex multis particularibus in quibus experta est, accipit unum commune quod firmatur in anima et considerat illud absque consideratione alicujus singularium ; et hoc accipit ut principium artis et scientiae. Puta, diu medicus consideravit hanc herbam sanasse Socratem febrientem, et Platonem, et multos alios singulares homines : cum autem sua consideratio ad hoc ascendit quod talis species herbae sanat febrientem simpliciter, hoc accipitur ut quaedam regula artis medicinae. . . . Tunc quidem considerat intellectus naturam aliquam, puta hominis, non respiciendo ad Socratem et Platonem. Quae natura, etsi secundum considerationem intellectus est unum praeter multa, tamen secundum esse est in omnibus singularibus unum et idem, non quidem numero, sed secundum rationem speciei. »

CAPUT QUARTUM

DE SYLLOGISMO DEMONSTRATIVO, PROBABI BILI ET SOPHISTICO

Prologus. — Syllogismum hucusque consideravimus *ratione formae*, scilicet, ratione dispositionis terminorum et propositionum aptae ad inducendam necessario conclusionem. Nunc autem considerandus est *ratione materiae*, scilicet, ratione veritatis propositionum ex quibus constat. Propositiones istae vel verae sunt et certae, vel probabiles tantum, vel erroneae ; unde syllogismus demonstrativus qui *scientiam* parit, syllogismus probabilis qui *opinionem* gignit, et syllogismus sophisticus qui *errorem* producit. Igitur hujus quarti capitis tres erunt articuli : primus, de syllogismo demonstrativo: secundus, de syllogismo probabili; tertius, de syllogismo sophistico. Sit schema totius materiae.

DE SYLLOGISMO DEMONSTRATIVO, PROBABI ET SOPHISTICO

I De syllogismo demonstrativo	Demonstrationis notio	{	<i>propter quid et quia</i> <i>a priori, a posteriori</i> directa et indirecta absoluta et relativa (<i>ad hominem</i>) pura, empirica et mixta.
	Demonstrationis praecognita et praecognitiones.		
	Demonstrationis principia.		
Demonstrationis effectus : scientia			

II De syllogismo probabili	{	Syllogismi probabilis notio	{	Analogia	{	Notio
		Loci dialectici				Principia
III De syllogismo sophistico	{	Sophismatis notio	{	In dictione	{	Effectus
						Utilitas et abusus.
III De syllogismo sophistico	{	Sophismatis divisio	{	Exemplum	{	Argumentum <i>a pari, a fortiori,</i> <i>a contrario.</i>
						Statistica
						Notio
						Principium
						Utilitas
						Effectus
						Leges
						Acquivocationis, Amphibologiae
						Compositionis
						Divisionis
						Accentus
						Figurae dictionis
						Accidentis,
						A simpliciter ad secundum quid
						Ignorantiae elenchi
						Petitionis principii
						Consequentis
						Non causae ut causae
						Interrogationis

ARTICULUS I

DE SYLLOGISMO DEMONSTRATIVO

I. **Demonstrationis notio.**—*Demonstratio* quae vocatur etiam *sylogismus apodicticus* definitur ab Aristotele ⁽¹⁾ : *sylogismus faciens scire*. Haec autem definitio, ex causa finali petita, est extrinseca ; unde Philosophus aliam infert definitionem intrinsecam per causam materialem ita ut demonstratio sit : ⁽²⁾ *sylogismus procedens ex veris, primis et immediatis, notioribus prioribus causisque conclusionis*.

1^o Dicitur demonstratio procedere ex *veris*, scilicet, ex praemissis *certis*, quia demonstratio ab aliis argumentationibus formaliter non differt, sed ratione materiae tantum : infert enim veritatem et certitudinem praemissarum a quibus syllogismus vel argumentatio secundum se abstrahit.

2^o Demonstratio procedere debet ex *primis* et *immediatis*, scilicet, omnis demonstratio semper et necessario procedit a principiis indemonstrabilibus, non quod nulla possit esse demonstratio quae fiat per praemissas ulterius demonstrabiles, nam saepe instituuntur hujusmodi demonstrationes in scientiis ; sed quia demonstratio perfecta nequit esse, donec ad prima et immediata seu indemonstrabilia principia deveniatur.

(1) Lib I. *Poster Analytic.*

(2) *Ibid.*

3^o Ergo necessario existunt principia indemonstrabilia quorum veritas menti apparet ex sola idearum comparatione, vel ex sola terminorum inspectione. Quando enim quis veritatem aliquam demonstrat, *vel premissarum demonstrationem habet aut non habet. Si non habet, ergo non scit praemissa, nec conclusionem propter praemissa. Si autem habet cum in demonstrationibus non sit abire in infinitum, tandem erit devenire ad aliqua immediata et indemonstrabilia.* (1)

4^o Demonstratio dicitur fieri ex *notioribus*; etenim id unde aliquid suam participat cognoscibilitatem notius illo est. Atqui conclusio suam cognoscibilitatem participat a praemissis. Ergo praemissae notiores esse debent conclusionem.—Item dicitur fieri ex *prioribus*: cum enim causa sit prior effectu, et praemissae sint causae conclusionis, praemissas esse priores conclusionem oportet.

Priora et notiora dicuntur dupliciter: *simpliciter* scilicet vel *quoad se*, et *secundum quid* vel *quoad nos*. Priora et notiora *quoad se* sunt illa quae revera modo aliquo praecedunt; v. g. causa est prior effectu, essentia proprietatibus, substantia accidentibus. Priora et notiora *quoad nos* ea sunt quae ad experientiam sensibilem magis accedunt, ideoque prius et facilius a nobis cognoscuntur; v. g. ut plurimum effectus priores et notiores quoad nos sunt causas, et proprietates essentiae, et accidentia substantiae. Ex hoc modo saltem praemissae demonstrationis debent esse conclusionem notiores et priores.

5^o Praemissae sunt *causae* conclusionis, quia finis demonstrationis est scire, non autem res scitur donec causae ejus sciantur.

Aliquid potest esse causa alterius vel in ordine logico, vel in ordine ontologico. Illud autem est causa alterius in *ordine logico* seu in *cognoscendo* quod prius cognitum est ratio cur cognoscatur alterum.—Illud vero est causa alterius in *ordine ontologico* seu in *essendo* quod est ratio cur habeatur alterum.

Distinguitur duplex ratio cur habeatur alterum: nimirum ratio *physica* et *metaphysica*.—Id quod *independenter a mente cogitante* est

(1) S. THOMAS, in Lib. I. *Poster. Analytic.*

ratio cur alterum sit, dicitur ejus *ratio physica* et *causa* formaliter accepta. Id quod *concepitur a solo intellectu* ut ratio cur alterum sit, dicitur ejus *ratio metaphysica*, vel simpliciter *ratio*, vel *causa* virtualiter accepta : sic *essentia* dicitur ratio proprietatum. Praemissae quidem sunt *causa conclusionis* saltem in cognoscendo, non tamen semper in essendo.

II. *Demonstrationis divisio*.—1^o *Demonstratio est propter quid vel quia*.

Demonstratio propter quid est illa quae assignat causam proximam et immediatam conclusionis, seu est «*illa in qua manifestatur causa immediata cur praedicatum inest subjecto in conclusione.*» ⁽¹⁾ v. g. : *Anima humana est spiritualis*. Ergo *anima humana est immortalis*. Ratio enim *immediata immortalitatis aeternae*, est ejus *spiritualitas*.

Demonstratio quia est illa quae non est per causam proximam, sed vel per effectum, vel per causam remotam; v. g. : *Ex existentia creaturarum demonstratur existentia Dei*. *Demonstratio propter quid est potissima*, et gignit scientiam proprie dictam.

2^o *Demonstratio est a priori vel a posteriori*.

Demonstratio a priori est illa quae procedit ex prioribus simpliciter, scilicet, (ex effectibus ad causas, ex proprietatibus ad essentias, ex particularibus ad universalibus) v. g. : *Deus est sapiens* : Ergo *ordo existit in mundo*.

Demonstratio a posteriori est illa quae procedit a posterioribus simpliciter, scilicet, ex effectibus ad causas, ex proprietatibus ad essentias, ex particularibus ad universalibus : v. g. : *Ex ordine mundi demonstratur sapientia divina* : *Ordo existit in mundo* ; Ergo *Deus est sapiens*.

In *demonstratione a priori*, praemissae sunt *causa conclusionis in essendo*, in *demonstratione vero a posteriori*, in *cognoscendo tantum*.

3^o *Demonstratio est directa vel indirecta*.

(1) S. THOMAS, Opus. Tractatus de syl. demonstra., c. XI.

* Ex causis ad effectus, et essentias ad proprietates, ex universalibus ad particularia.

Demonstratio directa, quae dicitur etiam *ostensiva*, est illa quae rem esse vel non esse demonstrat ex principiis positivis cum ipsa connexis ; v. g. : Ex immutabilitate Dei demonstratur ejus aeternitas.

Demonstratio indirecta, quae vocatur etiam *apogogica*, ad absurdum et ad impossibile, est illa quae demonstrat veritatem alicujus propositionis ex falsitate propositionis contradictoriae, vel quae demonstrat rem ita esse vel non esse quia secus sequerentur absurda. Ex duabus contradictoriis, altera est necessario vera, altera necessario falsa. Igitur qui demonstrat falsitatem unius contradictoriae, jure meritoque veritatem alterius colligit. Sic v. g. : demonstratur animam humanam esse immortalem, quia secus Deus esset injustus.

Ad demonstrationem indirectam reducuntur demonstratio negativa et retorsio argumenti :

Demonstratio negativa est illa quae ostendit oppositam sententiam nullo idoneo fulciri argumento.

Retorsio argumenti est sumptio argumenti adversarii ad demonstrandum contrarium ejus quod ab ipso demonstratum fuerat.

Demonstratio directa melior est quam indirecta : illa enim probat rem esse, immo etiam cur ita sit, si demonstratio a priori habeatur ; indirecta autem probat oppositum teneri non posse.

3^o Demonstratio est *absoluta* vel *relativa* :

Demonstratio absoluta est illa quae conclusionem deducit ex principiis quorum veritas a nobis admittitur et assumitur ad aliquid absolute inferendum ; v. g. : Existentia Dei ex contingentia rerum demonstratur.

Demonstratio relativa seu *ad hominem* est illa quae conclusionem deducit ex principiis admissis ab adversario et ad ipsum refutandum assumptis, abstractione facta ab eorum veritate.

5° Demonstratio est *pura, empirica et mixta* :

Demonstratio pura est illa quae solis praemissis rationalibus constat, ut sunt demonstrationes mathematicae.

Demonstratio empirica est illa quae constat ex praemis. is ex sola experientia desumptis.

Demonstratio mixta est illa quae constat ex praemissis quarum una est rationalis, alia experimentalis ; v. g: Ens contingens existere non potest nisi mediate vel immediate ab ente necessario producat. Atqui existunt entia contingentia. Ergo et ens necessarium existit.

III. Demonstrationis praecognita et praecognitiones.

Omnis doctrina, inquit Aristoteles, (1) omnis disciplina ex praecedenti fit cognitione ; quod maxime quidem verificatur de demonstratione.—Praecognita demonstrationis sunt illa quorum praevia cognitio necessaria est ipsi demonstrationi ita ut demonstratio absque eorum cognitione fieri non possit. Modus autem cognitionis quo ista praecognoscere necesse est, praecognitio dicitur.

Praecognita quidem tria recensentur, *subjectum, praedicatum et principia*. *Subjectum* est id de quo aliquid demonstrare intendimus ; *praedicatum* est id quod de subjecto demonstrandum assumitur ; *principia* sunt praemissae ex quibus colligitur in conclusione praedicatum subjecto convenire. Quod autem illa tria praecognosci debeant apparet ex eo quod de subjecto quod ignoratur nihil demonstrari potest ; nec de ipso demonstrari potest praedicatum cujus notitia non habeatur ; nec tandem ex praemissis ignotis conclusionem deducere est. Tria igitur sunt praecognita.

Praecognitiones, seu modi quibus praecognita cognosci debent, sunt duae *an sit et quid sit*. Praecognitio *an sit* est duplex : vel enim versatur circa existentiam rei, prout

Lib. I. *Poster.*, cap. I.

cognoscitur rem existere vel saltem esse possibilem ; vel versatur circa veritatem propositionis, prout cognoscitur propositionem aliquam esse veram. Similiter praecognitio *quid sit* est duplex, prout cognoscitur *quid nominis*, scilicet, nominis significatio, vel *quid rei* nempe natura rei per nomen significatae. «Antequam sciatur de aliquo *an sit* ; non potest sciri proprie de eo *quid sit* ; non entium enim non sunt definitones. Unde quaestio *an est* praecedit quaestionem *quid est*. Sed non potest ostendi de aliquo *an est*, nisi prius intelligatur *quid significatur* per nomen.»⁽¹⁾

De uno autem et altero praecognito non idem praenosendum est. Imprimis certum est, de nullo praecognito praenosendum esse id, quod de eo est probandum : id enim si jam cognosceretur, demonstratione non indigeret. Verum de unoquoque praecognito accurate praecognosci debet *quid nominis*, ut sciatur de quo agitur.

De *subjecto* praeterea praecognosci debet *an sit* saltem possibile, (nisi quaeratur de ipsa subjecti possibilitate, quo in casu, satis est praenoscere *quid nominis*). Etenim de re impossibili non demonstratur in scientiis praedicatum. Necessesse non est praenoscere *an actu* existat, quia convenientia praedicati cum *subjecto* abstrahit ab actuali existentia ejus.

De *praedicato* praeter *quid nominis* nihil requiritur.

De *principiis* vero praenosci debet *an sint*, scilicet, *an sint verae* ; esse enim propositionis est ejus veritas. Conclusionis veritas praesupponit veritatem praemissarum.

Demonstrationis principia. — Demonstrationis *principia* sunt «illa, quae quum sint vera, tamen non convenit demonstrare in illa scientia in qua sunt principia.»⁽²⁾ «Ea in quocumque genere principia dico, de quibus, quod sint, demonstrari non oportet.»⁽³⁾ Principia demonstrationis sunt igitur

(1) S. THOMAS, in Lib. I. *Poster.*, Lect. 2.

(2) S. THOMAS, in L. I. *Poster.*, Lect. I.

(3) ARISTOT., L. I. *Poster.*, C. 8.

illa principia indemonstrabilia quae, ut jam vidimus, omnis demonstratio praesupponit.

Principia autem indemonstrabilia sunt vel *simpliciter*, vel *secundum quid*.—Principia indemonstrabilia *simpliciter* sunt illa, quae cum medio careant, nequeunt demonstrari a priori, ideoque dicuntur *immediata* et *per se nota*. Dicitur *a priori*, quia non repugnat quod demonstrantur *a posteriori* et *indirecte*. Etenim cognoscibilitas intrinseca quam habet principium aliquod ex propria natura, non excludit cognoscibilitatem extrinsecam ex effectibus et per argumenta indirecta. Et sic nullum est principium tam evidens quod nequeat declarari etiam ex absurdis quae consequerentur, nisi illud tanquam verissimum haberetur.

Indemonstrabilia *secundum quid* sunt illa quae supponuntur ut vera et non demonstrantur in scientia in qua sumuntur ut principia, sed demonstrari possunt in alia scientia; talia sunt principia scientiarum subalternarum quae accipiuntur ex metaphysica in qua demonstrantur.

Principiorum indemonstrabilium simpliciter duo sunt genera, alia quae vocantur *dignitates* seu *axiomata*, alia quae dicuntur *positiones*. *Axiomata* sunt illa principia seu propositiones immediatae quae omnibus per se patent, quia nemo est, qui eorum terminos non clare percipiat ⁽¹⁾, v. g. : Idem non potest esse simul et non esse.—*Positiones* vero sunt illa principia immediata quae omnibus nota non sunt, quia pertinent ad materiam peculiarem alicujus scientiae, v. g. : Omnes anguli recti sunt aequales.

Principiorum indemonstrabilium *secundum quid* duo sunt genera, *suppositiones* et *postulata*. *Suppositiones* sunt illa principia indemonstrabilia in aliqua scientia sed demonstrabilia in

(1) « Un axiome doit frapper notre esprit et entraîner notre adhésion, comme les rayons du soleil frappent nos yeux et nous font croire à la lumière. » BALMÈS.

alia, quae ut vera supponuntur in illa scientia cujus sunt principia.—*Postulata* sunt principia quae demonstrator *postulat* ut sibi concedantur sine demonstratione.

Principia dividuntur in *communia* et *propria* :—Principia communia sunt illa quae accipiuntur in quacumque scientia ; sunt *communia* omnibus scientiis : v. g. : principia contradictionis, identitatis, etc.—Principia propria sunt illa quae ad speciale objectum alicujus scientiae pertinent, sunt *propria* unius scientiae, v. g. : definitiones quae essentiam rei explicant.

Dividuntur quoque principia in *analytica* et *synthetica* :—Principium analyticum est illud cujus praedicatum continetur in notione subjecti, unde ex *analysis* subjecti deprehenditur praedicatum subjecto convenire. — Principium syntheticum est illud in quo praedicatum deprehenditur convenire subjecto non ex *analysis* subjecti, sed ex experientia. (v. p. 65 et seq.) Illa principia sunt immediata vel mediata prout veritas ipsorum illico apparet absque demonstratione, vel ex medio demonstratur.

Principia immediata dicuntur per se nota, unde propositiones quibus enuntiantur dicuntur *per se notae*. Propositio *per se nota* quae distinguitur contra propositionem *per aliud notam* definitur : *illa quae statim, notis terminis, cognoscitur*, seu, illa cujus praedicatum continetur in notione subjecti.—Propositio *per se nota* potest esse talis vel *quoad se* tantum vel etiam *quoad nos*. *Propositio per se nota quoad se* tantum est illa cujus quidem praedicatum in notione subjecti continetur, tamen id a nobis non cognoscitur, quia notio subjecti nobis non innotescit ; v. g. : *Omnes anguli recti sunt aequales*, est propositio per se nota *quoad se*, non tamen quod eos qui notionem anguli recti non habent.—*Propositio per se nota* etiam *quoad nos*, est illa in qua nos cognoscimus praedicatum contineri in notione subjecti ; v. g. : Totum est majus sua parte.

V. *Demonstrationis effectus seu scientia.*—Variae sunt scientiae acceptiones. *Latiore sensu* scientia accipitur pro quacumque cognitione certa et evidenti ; *stricto sensu* est *cognitio certa et evidens rerum per causas, seu per demonstrationem habita.*

Dicitur *cognitio certa*, ut distinguatur ab *errore*, a *dubio*, a *suspensione*, ab *opinionem*, quae quidem non sunt cognitiones certae.—Dicitur *cognitio evidens*, ut distinguatur a *fide* quae cognitionem certam admittit, non autem evidentem.—Tandem dicitur *per causas* ⁽¹⁾ seu *per demonstrationem habita*, quia scientia est cognitio mediata ; est enim cognitio conclusionum, non autem principiorum quorum notitia *intelligentia* dicitur. Conclusiones vero cognoscuntur mediantibus praemissis quae sunt causae conclusionum. « Scire arbitramur unumquodque simpliciter . . . cum causam arbitramur cognoscere propter quam res est, et quoniam illius causa est, et non est contingere hoc aliter se habere. » ⁽²⁾

Cum scientia sit *cognitio certa* non potest esse nisi de necessario et universalibus. « Quod contingit aliter se habere, non potest quis per certitudinem cognoscere. » ⁽³⁾ Certitudo enim est *firmus* assensus mentis alicui cognoscibili ; unde certitudo supponit objectum *firmum* quod aliter esse non potest. Contingentia igitur et singularia, quae sunt in perpetuo motu, non possunt esse objectum firmi assensus ut sic, sed tantum secundum quod subsunt rationibus ex se universalibus. De singularibus ergo non est scientia proprie dicta, seu, *non datur scientia de individuo.* ⁽⁴⁾

(1) « On ne sait vraiment, que si l'on connaît les causes. » BACON.

(2) « Nous savons une chose d'une manière absolue, quand nous savons quelle est la cause qui la produit, et pourquoi cette chose ne saurait être autrement ; c'est là savoir par démonstration ; aussi la science se ramène-t-elle, à la démonstration. » ARISTOT., L. I. *Poster. Analytic.*, C. 2. initio.

« Sçavoir par cœur, n'est pas sçavoir. » MONTAIGNE.

(3) S. THOMAS, in L. I. *Poster. Analytic.*, Cd. IV.

(4) « L'individu ne saurait être l'objet de la science ; sa multiplicité infinie, sa complexité extrême, sa mobilité perpétuelle s'y opposent absolument. » CHS. LAHR.

DE SYLLOGISMO PROBABILI

(24)

I. *Syllogismi probabilis notio.*—*Syllogismus probabilis* (1) qui *demonstratio dialectica* etiam vocatur, est ille *cujus una vel utraque praemissa sunt propositiones probabiles.*—Propositio autem probabilis est illa in qua connexio praedicati cum subjecto suadet ex motivo quod omnem oppositi formidinem non excludit. In hoc enim differt essentialiter propositio probabilis a propositione certa, quod secunda excludit omnem errandi formidinem, quam prima expellere non potest.

Motivum illud quo nititur affirmatio vel negatio praedicati de subjecto potest esse rei intrinsecum, ut ipsa natura rei vel ejus causa, et propositio dicitur *intrinsece probabilis*; si autem illud motivum sit rei extrinsecum ut auctoritas doctorum qui sententiam aliquam profitentur, propositio dicitur *extrinsece probabilis*.

Cum una saltem praemissa probabilis sit, sequitur conclusionem esse tantum probabilem : *Pejorem semper sequitur conclusio partem.*

Loci dialectici.—Fontes communes e quibus argumentum probabile trahitur, *loci dialectici* dicuntur. Permulti autem

(1) « Ce genre d'argument est le plus fréquent dans la vie ; car les pures démonstrations ne regardent que les sciences. L'argument vraisemblable ou conjectural est celui qui décide les affaires, qui préside, pour ainsi parler, à toutes les délibérations. » BOSSUET, *Logique* III, c. 17.

hujusmodi fontes tum a philosophis, tum a rhetoribus enumerantur : definitio, causae, effectus, totum, partes, accidentia, consequentia, circumstantiae, similitudo, paritas, dissimilitudo, oppositio, auctoritas, etc. De hisce omnibus propositiones reperiuntur quae *maximae* vocantur et tanquam principia ad arguendum sumuntur

Maxima est propositio quam homines ut veram admittere solent. Hujusmodi sunt propositiones omnes, quae summa probabilitate sunt verae, v. g. : Id quod plurimi eorum, qui in aliqua arte seu scientia periti sunt, pro re vera et certa habent, id verum et certum esse debet ;—Quidquid convenit definitioni, convenit definito ;—Qualis causa, talis effectus ;—Quod de uno similium valet, valet de caeteris ;—Dissimilibus dissimilia conveniunt ;—In usu verborum sequenda est vulgi consuetudo ;—In sententia de rebus ferenda iudicium sapientum est sequendum ; etc. Ex hisce maximis et aliis similibus desumuntur argumentationes probabiles. ⁽¹⁾

III. *Argumenta probabilia.*—Ad argumentationem probabilem reducuntur analogia et exemplum, hypothesis et argumentum auctoritatis. De auctoritatis argumento infra dicetur, nunc quidem de analogia, de exemplo et hypothesis, quibus recentes maxime utuntur, in specie agendum est.

IV. *De analogia.*—*a) Notio.*—Analogia, prout hic accipitur, est argumentatio in qua affirmatur vel negatur de re aliqua, id quod de aliis rebus similibus aut dissimilibus affirmatum est vel negatum. Ex. gr. : Ex eo quod undae vibrantes sonus, caloris, lucis et *electricitatis* eodem modo sese habent in diversis phenomenis propagationis, reflexionis, refractionis, etc., concluditur ad identitatem naturae ipsorum.

b) Principia quibus nititur analogia.—Analogia fundatur in habitudine similitudinis vel dissimilitudinis rerum inter se : ex similitudine effectuum concluditur ad similitudinem finium et viceversa, ex similitudine secundum quosdam respectu ; ad similitudinem secundum alios. Principia quibus

(1) Cf. PESCH, *Institutiones logicales*, vol. I, numeris 419-427

nitur talis argumentatio haec sunt : *Quod in uno similium valet, valet de caeteris ;—Quod non valet in uno similium, de caeteris non valet ;—Res similes effectus similes producut ;—Res similes—proprietas similibus instructae sunt,—secundum similes typos conditae sunt,—similes fines habent,—similibus legibus gubernantur, etc. ;—Dissimilibus dissimilia conveniunt ;—Contrariis contraria conveniunt.*

c) **Analogia effectus.**—Analogia per se certitudinem et scientiam in mente efficere non valet, sed opinionem magis vel minus probabilem secundum pluralitatem et gravitatem eorum quibus res inter se conveniunt : ⁽¹⁾ Accidere autem potest, ut mens ex analogia de aliqua re probabilitatem habuerit, deinde aliis argumentis de eadem re certitudinem habeat ; attamen, conclusiones ex analogia deductae probabiles tantum remanent dummodo accedant illa argumenta quae certitudinem efficere possunt.

d) **Analogiae utilitas et abusus.**—Licet analogia absolute certitudinem gignere non possit, tamen maximum affert commodum in scientiis praesertim physicis. Ex analogia enim deducuntur hypotheses ⁽²⁾ ex quarum verificatione deducuntur leges physicae. Ex altera parte periculum quoque est ne mens certum putet, id quod est tantum probabile, vel nimis concludat ex similitudine observata. In tota enim scientiae historia vix ullus error reperitur qui in analogia

(1) « Les conclusions de l'Analogie sont d'autant plus probables : 1^o Qu'elles se fondent sur un plus grand nombre de ressemblances constatées et que ces ressemblances sont plus importantes ; 2^o Que les différences inconnues, sont moins nombreuses et moins importantes. » E. BOIRAC, *Cours de philosophie*.

(2) « L'analogie est un raisonnement très fréquent dans la vie ordinaire. Dans les sciences physiques, il fait le fond de la plupart des hypothèses. (Franklin suppose l'identité de la foudre et de l'électricité en raison de l'analogie de leurs effets ; l'éther est conçu par analogie avec les fluides pondérables en raison de l'analogie des phénomènes de lumière et d'électricité avec les phénomènes d'acoustique, d'hydrostatique, etc. » E. Boirac, op. cit.

quadam male intellecta non fundatur. Unde nimia analogiae aestimatio eodem defectu laborat ac analogiae contemptio. ⁽¹⁾

V. De exemplo.—Exemplum est argumentatio, qua ex uno vel pluribus singularibus aliud singulare infertur, v. gr. Salomon non invenit felicitatem in honoribus, divitiis ac voluptatibus hujus vitae. Ergo neque tu invenies. Exemplum ducitur non tantum a facto historico sed etiam a parabola vel apologo seu fabula.

Ad exemplum revocari possunt argumentationes *a pari*, *a fortiori*, *a contrario*, quae concludunt ex paritate rationis, a fortiori ratione, et a contraria ratione. Quemadmodum legibus physicis Deus creaturas irracionales gubernat, ita lege morali creaturas racionales ad finem dirigit.—Qui providet de liliis camporum, a fortiori, de homini curam habet.—Si otiositas mater est vitiorum, studiositas mater est virtutum.

Ad exemplum adhuc reducitur *statistica* ⁽²⁾, quae est congregatio methodica et numerica factorum ex qua veritas

(1) « Le sentiment juste de l'analogie distingue le vrai savant de celui qui ne l'est pas : celui-ci remplace par de l'imagination la comparaison précise et légitime. C'est par exemple une fausse analogie qui a conduit un utopiste moderne, Fourier, à supposer que le monde moral est gouverné par l'*attraction*, comme le monde physique, et à imaginer une *attraction* personnelle, semblable à l'*attraction* des corps célestes. C'est prendre une métaphore pour une cause ; rien ne se ressemble moins que l'impulsion des passions et la chute des corps. » P. JANET.

(2) « La statistique est la science des faits sociaux exprimés par des termes numériques. » MOREAU DE JONNÉS. « La statistique est la science qui enseigne à déduire des termes numériques analogues les lois de la succession des faits sociaux. » M. DEFOER. « Elle (la statistique) procède constamment par des nombres, ce qui lui donne le caractère de précision et de certitude des sciences exactes. » MOREAU DE JONNÉS. « Voilà précisément une qualité qu'on ne se fatigue pas de lui contester. A tort ou à raison ?—A tort et à raison. »

« En effet, les nombres sont toujours précis, mais ils ne sont pas toujours exacts. Il n'est cependant pas difficile de savoir quels chiffres sont exacts, et lesquels ne le sont pas, on n'a qu'à s'informer comment ils ont été obtenus. C'est là tout le secret. Si la constatation a pu se faire d'une manière positive, matérielle, en comptant, en mesurant, en pesant, l'exactitude est rigoureuse, et personne n'a le droit d'attaquer de pareils chiffres, si ce n'est pour cause de faux en écriture publique... »

quaedam ordinis politici vel moralis infertur. Statistica maxime utuntur scientiae sociologicae quae recentioribus temporibus tantum increverunt. Maxima quidem prudentia requiritur in usu statisticae, nam nisi summa adhibeatur diligentia in collectione factorum et minutior cura, statistica solidae argumentationis fundamentum exhibere non valet.

« Toutefois, il y a deux sortes d'exactitude : l'une est rigoureuse, l'autre approximative... Tout le monde comprend que l'approximation suffit pour bien des usages, même lorsqu'il s'agit de renseignements qu'on peut avoir avec une grande rigueur... La rigueur mathématique n'est indispensable que lorsqu'on tend à dégager des lois. Au reste il faut se défier de la tendance malade de certains auteurs à poser des lois statistiques et avoir bien présent à l'esprit qu'une *moyenne* n'est pas une *loi*.

« Ainsi donc, abstraction faite de toute mauvaise foi, il y a des statistiques naturellement exactes, et d'autres qui le sont plus ou moins selon 1^o que les signes extérieurs des faits à recueillir sont plus ou moins évidents ; 2^o que les particuliers sont plus ou moins intéressés à dissimuler ; 3^o que les agents mettent plus d'habileté, de savoir ou de conscience dans leurs relevés ; 4^o que ces relevés portent sur un objet absolument déterminé et à l'abri de tout équivoque...

« On reproche souvent à la statistique de fournir des armes à la fois pour et contre une thèse ou une proposition. Ceci s'explique. Il y a d'abord l'*art de grouper les chiffres* qui n'est qu'une branche de l'art de soutenir toutes les thèses, d'avoir des arguments pour tous les paradoxes, tous les sophismes. Lorsqu'on veut défendre sa manière de voir à tout prix, on choisit les chiffres, ou, l'on fait ressortir les uns et met les autres dans l'ombre. L'homme passionné peut quelquefois procéder ainsi de la meilleure foi du monde : la passion aveugle. En dehors de cet art de grouper les chiffres, il reste encore, pour justifier la divergence des conclusions, la possibilité d'interpréter le même acte de différentes manières. C'est par erreur qu'on a dit d'un fait ou d'un chiffre qu'il est brutal.—En résumé, si la statistique donne des armes pour et contre, cela ne tient pas à la nature de la statistique, mais à la nature de notre esprit ; car le même reproche s'applique à toutes les sciences morales et politiques, et, dans une mesure moindre, même aux sciences dites exactes.

« La statistique doit avoir une utilité bien certaine, si elle a pu résister à toutes les attaques dont elle a été l'objet. En effet, il reste toujours vrai, que la statistique est le budget des choses, cet inventaire dont aucun gouvernement ne peut se passer. Il est non moins vrai, que la comparaison de plusieurs faits bien constatés nous fait trouver ou du moins entrevoir des vérités qui auraient pu nous échapper. Les défauts de l'instrument nous imposent une prudence qui n'est déplacée nulle part, mais ne nous obligent pas à renoncer à son emploi. »

MAURICE BLOCK. *Dict. de la politique*, pp. 942-943-944, *passim*.

VI. De hypothesi.—*a) Notio.*—Hypothesis est praesumpta factorum explicatio, ⁽¹⁾ seu propositio cujus veritas nondum demonstrata est, quae tamen accipitur ut vera, quia aliqua facta commode explicat.

b) Hypothesis principium.—Facta observatione percepta admirationem gignunt in mente sapientum qui statim de eorum causa inquirunt, ⁽²⁾ et hypotheses fingunt quibus possunt facta explicari. Hypothesis ergo in principio causalitatis vel rationis sufficientis fundatur.

c) Hypothesis utilitas.—Magnam utilitatem ⁽³⁾ sibi vindicat hypothesis praesertim in scientiis naturalibus. Saepe saepius docti homines, adhibitis hypothesis, ad veram factorum causam cognoscendam, ad praeclara inventa pervenerunt, necnon leges quibus mirabilis rerum ordo explicatur detegerunt.

d) Hypothesis effectus.—Hypothesis ex se solam dumtaxat probabilitatem gignere potest. «Argumenta omnia quibus hypotheses probamus, his praemissis constant. Si *existeret haec causa, talia facta nobis exhiberentur. Sed talia facta nobis exhibentur. Ergo? An deduces abrupte causam,*

(1) « L'hypothèse est une tentative d'explication scientifique. » MERCIER, *Logique*, p. 276.

(2) « Voici ce qui se passe : l'observation met en jeu l'association des idées. L'association des idées rapproche tout à coup de l'objet observé un objet qui, sous quelque rapport, lui ressemble, et qui est en outre mieux connu que le premier, précisément sous le point de vue qui fait l'objet de notre recherche. Nous constatons l'analogie ; puis en raison de cette analogie constatée, nous supposons que l'analogie se continue sur les points qui font l'objet de notre recherche. » ELIE RABIER, *Logique*, p. 244.

(3) « Une idée anticipée ou une hypothèse est le point de départ nécessaire de tout raisonnement expérimental. Sans cela on ne saurait faire aucune investigation, ni s'instruire ; on ne pourrait qu'entasser des faits stériles. Si l'on expérimentait sans idée préconçue on irait à l'aventure. » CL. BERNARD.

« L'hypothèse est le facteur essentiel des sciences. Toute vérité est, sous sa forme première, une hypothèse qui n'a de valeur que lorsqu'elle est vérifiée, et qui, lorsqu'elle est vérifiée, devient soit un théorème, soit une loi. » C. MAVILLE, *Logique de l'hypothèse*.

quam assignas existere? At id vetat conditionalis syllogismi natura. Quid igitur inde concludere licebit? Hoc profecto, et nihil aliud, videlicet: *Fieri potest, ut haec causa existat.* » (1) Verumtamen si demonstratur omnes hypotheses quae fieri possunt rejiciendas esse praeter unam quae factis respondeat, tum profecto concludere licet: *Haec causa certe existit, sed tunc hypothesis in thesini mutabitur.* Antequam igitur fiat talis demonstratio, cavendum est ne pro re certa adhibeatur. (Cf. p. 136.)

e) *Hypothesis leges.*—1° *Sit hypothesis possibilis*; quod enim in se impossibile est, non potest esse causa factorum.

2° *Hypothesis*, et ea quae ipsam legitime consequuntur, nulli observationi vel experimento certo contradicat.

3° *Sit hypothesis explicativa factorum ad quorum explanationem assumitur.*

4° *Sit hypothesis simplex.* Natura maxima simplicitate operatur, et simplex est sigillum veri. (Cf. p. 136.)

(1) TONGIORGI, *Instit. dialect.*, n. 327.

ARTICULUS III

DE SYLLOGISMO SOPHISTICO.

(25)

I. **Sophismatis natura.**—Syllogismus sophisticus seu *sophisma* est *argumentatio quae sub specie veri falsum concludit*. Sophisma falsum concludit quia peccat vel ratione materiae, assumens nempe principia falsa, licet juxta leges syllogismi concludat, vel ratione formae, assumens forte principia vera sed contra leges syllogismi concludens, vel ratione utriusque. « Differentia est inter hos modos, quia ille qui peccat in materia syllogismus est, cum observentur omnia quae ad formam syllogismi pertinent. Ille autem qui peccat in forma, syllogismus quidem non est, sed *paralogismus*, id est, apparens syllogismus. ¹⁾

II. **Sophismatum divisio.**—Sophismata alia sunt *in voce* seu *in dictione*, alia sunt *in re* seu *extra dictionem*, secundum quod falsum concludunt vel ex terminorum abusu, vel ex rebus ipsis. Sex sophismata *in dictione*, et septem *extra dictionem* ab Aristotele numerantur.

III. **Sophismata in dictione.**—Sophismata in dictione sunt; *sophismata aequivocationis, amphibologiae, compositionis, divisionis, accentus, et figurae dictionis*.

1^o Sophisma *aequivocationis* est *deceptio* proveniens ex eo quod unum idemque nomen in diverso sensu sumitur, v. g. : Taurus mugit ; sed Taurus est mons ; Ergo mons mugit. Terminus *Taurus* in duplici significatione assumitur. Solvitur hujusmodi sophisma distinguendo sensus termini aequivoci, concedendo verum, negando falsum.

(1) S. Тром., in I. Poster., Lect. 22.

2^o Sophisma *amphibologiae*, est deceptio proveniens ex acceptione orationis penitus ejusdem plura significantis, quasi unum tantum significaret; v. g. : Quidquid est Aristotelis possidetur ab Aristotele; Atqui hic liber est Aristotelis; Ergo hic liber possidetur ab Aristotele. Prima propositio hujus syllogismi potest duo significare, scilicet, habitudinem libri ad Aristotelem ut effectus ad causam, vel ut possessi ad possessorem. Solvitur illud sophisma sicut primum distinctione.

3^o Sophisma *compositionis* seu *sensus compositi* est deceptio proveniens ex acceptione propositionis verae in sensu diviso ut verae in sensu composito: v. g. : Caeci vident, dixit Christus; Atqui Paulus est caecus; Ergo Paulus videt. *Caecus* est concretum compositum ex subjecto et privatione visus; illa propositio *caeci vident* est vera, si intelligatur de subjecto tantum, nempe in *sensu diviso*, non autem si intelligatur de composito, seu in *sensu composito*.

4^o Sophisma *divisionis* seu *sensus divisi* est deceptio proveniens ex acceptione propositionis verae in sensu composito ut verae in sensu diviso: v. g. : Sanus nequit esse infirmus; Atqui Petrus est sanus; Ergo Petrus nequit esse infirmus; Sanus est concretum compositum ex aliquo subjecto et sanitate: *sanus nequit esse infirmus* est propositio vera, si intelligatur de composito, sed falsa si intelligatur de subjecto tantum, scilicet in sensu diviso. Solvuntur sophismata sensus compositi et sensus divisi distinguendo unum et alterum sensum.

5^o Sophisma *accentus* est deceptio proveniens ex eo quod una vox sumitur cum vario *accentu*, ideoque cum diversa significatione: v. g.: Qui lepores quaerit, canibus indiget; Atqui oratores lepores quaerunt; Ergo oratores canibus indigent. *Lepus, leporis*, accentum habet in prima syllaba, *lepor, lepōris*, accentum in secunda syllaba requirit. Haec puerilis et ridicula fallacia distinguendo varium sensum vocis secundum veritatem accentus solvitur.

6° Sophisma *figuræ dictionis*, est deceptio proveniens ex eo quod aliqua dictio similis alteri videtur eundem modum significandi habere, cum tamen non habeat; v. g.: Non ridet nisi homo; Atqui pratum ridet; Ergo pratum est homo. Illa sophismata quæ vix memorari debent, facili negotio solvuntur distinctione sensus.

IV. Sophismata extra dictionem.—Septem numerantur, nempe: sophisma *accidentis*, *a simpliciter ad secundum quid*, *ignorantiæ elenchi*, *petitionis principii*, *consequentis*, *non causæ ut causæ*, *interrogationis*.

1° Sophisma *accidentis* est deceptio proveniens ex eo quod proprietas quaedam accidentalis, ac sibi non tributa assumitur quasi ipsi essentialiter conveniat; v. g.: Homo currit; Atqui Socrates est homo; Ergo Socrates currit.

2° Sophisma *a simpliciter ad secundum quid* est deceptio proveniens ex eo quod aliquid quod est verum *simpliciter* assumitur ut verum *secundum quid*, vel vice versa: aliquid verum *secundum quid* assumitur ut verum *simpliciter*; v. g.: Arma sunt domino restituenda; Atqui Carolus furibundus est horum armorum dominus; Ergo arma sunt Carolo furibundo restituenda.

3° Sophisma *ignorantiæ elenchi* est 1° deceptio proveniens ex eo quod quis ignorans quæ sunt necessaria ad contradictionem, videtur adversarium cogere ad sibi met contradicendum cum vero non cogat; v. g.: Qui dicunt evangelistas sibi ipsis contradicere dum unus dicit: *Christus non ascendit Hierosolymam*, et alter: *Christus ascendit Hierosolymam*. Contradictio non datur quia de diverso modo ascensionis loquuntur: primus affirmat Christum non ascendisse *publice* Hierosolymam, secundus, Christum *occulte* ascendisse. Est etiam 2°, deceptio proveniens ex eo quod dolose vel ex defectu definitionis puncti quaestionis in alienam interpretationem torquetur sententia de qua quaeritur;

v. g. : Qui dicunt infallibilitatem Summi Pontificis importare impeccabilitatem ejus, ideoque admitti non posse.

4° Sophisma *petitionis principii* est deceptio proveniens ex eo quod idem assumitur ad probationem sui ipsius sub alio vocabulo ; vel assumitur ut principium demonstrationis id quod est probandum ; v. g. : Ego volo probare quod homo est mortalis, et dico : Animal rationale est mortale ; Atqui homo est animal rationale ; Ergo homo est mortalis.—Ad sophisma petitionis principii reducitur *circulus vitiosus* qui definitur : deceptio proveniens ex eo quod unum per aliud vicissim probatur ; v. g. : Anima humana est immortalis quia est spiritualis ;—Anima humana est spiritualis quia est immortalis.

5° Sophisma *consequentis* est deceptio proveniens ex eo quod assumuntur antecedens et consequens ut convertibilia dum convertibilia non sunt ; v. g. : Qui currit, movetur ; Atqui Petrus movetur ; Ergo Petrus currit.

6° Sophisma *non causae ut causae* est deceptio proveniens ex eo quod aliquid assignatur causa alicujus effectus, dum causa revera non est ; v. g. : Inebriari est malum ; Atqui vinum inebriat ; Ergo vinum est malum. Non enim vinum, sed abusus vini inebriat. Distinctione diluitur hoc sophisma.

7° Sophisma *interrogationis* est deceptio proveniens ex eo quod unica interrogatione quis plures complectitur, ita ut qui unicam responsionem affert, erroris arguatur ; v. g. : Vitium et virtus sunt ne vitanda vel non ?—Habita responsione : sunt vitanda, arguitur : ergo virtus est vitanda ;—habita responsione altera ; non sunt vitanda, arguitur : ergo vitium non est vitandum. Solvitur sophisma distinguendo interrogationes et multiplicando responsiones : vitium est vitandum, non autem virtus.

LOGICAE SECUNDA PARS

CRITICA

Prologus.— In Dialectica actum est de operationibus quibus intellectus res cognoscit, et de legibus quibus hi actus reguntur ut sint conformes naturae mentis nostrae. Actus mentis igitur in dialectica considerantur in ordine ad se ; nunc autem in critica, in ordine ad veritatem seu ad certitudinem qua veritas possidetur. Etenim critica quaerit utrum intellectus, operando secundum leges dilectivae, res cum certitudine cognoscere possit : unde definivimus criticam ita ut sit : *illa pars logicae quae agit de supremis principiis quibus nititur certitudo cognitionis nostrae.*

Haec secunda pars logicae trifarie dividitur ; quaeritur enim :

- 1° De ipsa certitudine ;
 - 2° De mediis quibus mens certitudinem consequitur ;
 - 3° De modo ordinate procedendi ad consequendum certitudinem, seu de methodo.
-

LIBER PRIMUS

DE CERTITUDINE.

Prologus.—De certitudine tria quaeruntur, scilicet, de natura, de existentia, de causa ejus. Unde liber primus in tria capita dividitur :

- 1^o De natura certitudinis.
 - 2^o De existentia certitudinis.
 - 3^o De causa certitudinis.
-


CAPUT PRIMUM

DE NATURA CERTITUDINIS

Prologus.—*Veritas* perfecte possidetur *certitudine* ; tamen intellectus potest sese habere in *diversis statibus respectu veritatis*, quibus cognitis clarius apparet natura certitudinis. Unde caput primum in tres articulos distribuitur sequenti dispositione.

DE NATURA CERTITUDINIS

- | | | |
|----------------|---|--|
| I. De veritate | } | Notio |
| | | Divisio { Metaphysica
Logica
Moralis seu veracitas |
| | | Coordinatio veritatis metaphysicae, logicae et moralis. |
| | | Veritas logica in simplici apprehensione semper habetur, sed imperfecte. |
| | | Veritas logica perfecte habetur in judicio. |
| | | Falsitatis notio et divisio. |



ARTICULUS I

DE VERITATE

(26)

I. Veritatis notio.—Veritas definitur : *adaequatio rei et intellectus*. Veritas enim dicitur secundum relationem conformitatis rei ad intellectum, nam verum est ens per ordinem ad intellectum. Res autem dicit ordinem ad intellectum dupliciter : *per se* vel *per accidens*. *Per se* ordinem dicit ad illum intellectum a quo pendet ut sit ; *per accidens*, ordinem dicit ad intellectum a quo pendet ut cognoscatur tantum. Cum autem res denominanda sit secundum id quod ei convenit *per se*, res absolute dicitur vera per ordinem ad intellectum divinum a quo pendet ut sit, et *veritas* absolute definitur : *adaequatio rei et intellectus*.

II. Veritatis divisio.—Veritas est triplex metaphysica, logica, moralis, secundum quod consideratur in rebus, in cognitione nostra, vel in sermone prout est expressio cognitionis nostrae.

Veritas metaphysica quae etiam dicitur *essentialis*, *ontologica*, *veritas in essendo*, est *adaequatio rei cum intellectu divino*.

Veritas logica quae *accidentalis*, *veritas in cognoscendo*, etiam denominatur, est *adaequatio intellectus cum re cognita*. Cognitionis nostrae enim ex hoc vera dicitur quod conceptus nostri conformes sunt rebus perceptis. De veritate logica in presenti articulo agimus.

Veritas moralis quae *veritas in significando* seu *veracitas* etiam vocatur, est *adaequatio sermonis cum mentis conceptibus*. Ille enim dicitur verum dicere qui rem manifestat exterius sicuti eam cognoscit, sive cognitio ejus sit vera, sive sit falsa.

III. Veritatis metaphysicae, logicae et moralis coordinatio.—Ut ex praecedentibus definitionibus constat, veritatis hae tres species ita ad invicem ordinantur ut una ab altera dependeat. Veritas moralis, cum sit conformitas sermonis cum conceptibus, in ipsa veritate conceptuum seu in veritate logica fundatur. Veritas autem logica seu veritas conceptuum a veritate rerum causatur, scilicet, a veritate metaphysica. Demum veritas metaphysica, seu veritas rerum ab intellectu divino dependet, cum sit adaequatio ipsarum cum ideis Dei exemplaribus. Sic igitur intellectus divinus est causa et fundamentum omnis veritatis.

IV. Veritas logica in simplici apprehensione semper habetur, sed imperfecte.

Prima pars.—1° Ubicunque datur cognitio objecto suo conformis, ibi datur veritas logica. Atqui in omni simplici apprehensione habetur similitudo rei in mente expressa, ideoque ipsi conformis. Ergo in omni simplici apprehensione veritas logica habetur. Mens igitur simpliciter apprehendens est semper vera.

Secunda pars.—Veritas perfecte non habetur nisi mens non tantum sit rei conformis, sed illam conformitatem intellectus cum re cognita percipiat. Atqui illa conformitas intellectus cum ipsa re in judicio tantum cognoscitur et exprimitur. Ergo veritas logica in simplici apprehensione habetur, sed imperfecte.

V. Corollarium.—Veritas logica etiam aliquo modo in sensu invenitur sed adhuc imperfectius, modo scilicet, inchoativo tantum et secundum analogiam. Veritas enim per

ordinem ad intellectum dicitur, non autem ad sensum. « Est considerandum quod quamvis sensus proprii objecti sit verus, non tamen cognoscit verum. Non enim cognoscere potest habitudinem conformitatis suae ad rem, sed solum rem apprehendit. » ¹

VI. Veritas logica perfecte habetur in iudicio.—1° Veritas logica consistit in adaequatione intellectus cum re cognita. Atqui illa adaequatio intellectus et rei habetur perfecte in iudicio. Ergo veritas logica perfecte habetur in iudicio.

Ad minorem.—Una res non potest dici alteri conformis nisi ad ipsam referatur, et cum ipsa comparetur; unde conformitas seu adaequatio intellectus cum re cognita perfecte non habetur nisi intellectus illam conformitatem percipiat. Atqui illa conformitas in iudicio tantum percipitur, in quo quidem affirmatur vel negatur rem ita esse vel non esse. Ergo recte loquitur S. Thomas: « Proprie loquendo veritas est in intellectu componente et dividente (i. e. iudicante); non autem in sensu, neque in intellectu cognoscente quod quid est (i. e. simpliciter apprehendente). » ²

2° Veritas vel falsitas in propositionibus perfecte habetur, non autem in vocibus: non enim voces, *Deus, homo*, falsae aut verae dicuntur; sed tantum propositiones: *Deus est perfectus, — Homo non est animal*. Atqui propositio est signum externum iudicii, vox autem signum ejus quod in simplici apprehensione cognoscitur. Ergo veritas vel falsitas in iudicio perfecte habetur, non autem in simplici apprehensione.

VII. Falsitatis notio et divisio.—Veritati opponitur falsitas. Quare sicut veritas consistit in adaequatione seu conformitate rei et intellectus, ita falsitas consistit in eorum inadaequatione seu difformitate. Quemadmodum veritas est triplex, *metaphysica* scilicet, *logica et moralis*, ita falsitas.

(1) S. THOMAS, *Perihermen.* l. I, lect. 3.

(2) *Sum. theol.* P. I, q. XVI, a. 2.

Falsitas metaphysica importat inadaequationem rei cum intellectu divino.—*Falsitas logica* sistit in inadaequatione intellectus cum re cognita, unde definitur a quibusdam : discrepantia inter id quod mens iudicat et id de quo iudicatur.—*Falsitas moralis* est discrepantia seu non convenientia sermonis cum mentis conceptibus.

ARTICULUS II

DE DIVERSIS MENTIS STATIBUS ERGA VERITATEM

(27)

I. **Multiplex mentis status respectu veritatis.**—Mens diversimode sese habet respectu veritatis, negative scilicet, positive, vel contrarie. *Negative* in statu ignorantiae ; *positive*, imperfecte quidem in statu dubii, minus imperfecte in statu opinionis, perfecte vero in statu certitudinis ; *contrarie* tandem in statu erroris. Quinque igitur sunt status mentis respectu veritatis : *ignorantia, dubium, opinio, certitudo et error.*

II. **Ignorantiae notio, species et causae.**

1^o *Ignorantia* est *carentia cognitionis in subjecto ipsius cognitionis capaci.*

2^o *Alia est negativa, alia privativa :*

Ignorantia negativa quae et *nescientia* dicitur, est *carentia cognitionis subjecto non debitae* : v. g. : *absentia scientiae astronomicae in agricola.*

Handwritten notes:
 Ignorantia est carentia cognitionis in subjecto ipsius cognitionis capaci.
 Ignorantia negativa quae et nescientia dicitur, est carentia cognitionis subjecto non debitae : v. g. : absentia scientiae astronomicae in agricola.
 Ignorantia privativa quae est carentia cognitionis in subjecto ipsius cognitionis capaci.

Ignorantia privativa est carentia cognitionis debitae : v.g. : absentia cognitionis legis in iudice.

3^o Plures sunt *causae ignorantiae* : aliae quidem internae, aliae vero externae.

Causae internae sunt et *imbecillitas nativa intellectus*, et *defectus intelligibilitatis rerum ipsarum*. Etenim intellectus noster ex natura sua limitatur et ad omnia intelligibilia non proportionatur : sic, substantiae immateriales, licet in se maxime intelligibiles, propter defectum intellectus nostri, sunt maxime ignotae. Ex altera parte, ignorantiae causa habetur ipse defectus intelligibilitatis rerum. Sunt enim res quae intellectui nostro proportionantur, tamen non facile percipi possunt quia in se non sunt satis intelligibiles : tales habentur res materiales quae propter suam materialitatem ab intelligibilitate recedunt. « Sic igitur potest contingere, quod veritas sit difficilis ad cognoscendum, vel propter defectum qui est in ipsis rebus, vel propter defectum qui est in intellectu nostro. » (1)

Causae externae in *defectu methodi* et *reflexionis* sistere videntur. Defectus methodi in rebus addiscendis confusionem generat, ita ut intellectus non percipiat relationes logicas veritatum ad invicem, quibus ignotis, veri nominis scientia dari non potest. Defectu autem reflexionis cognitio quaedam manca et inchoata rerum habetur, quid vero realiter in se sint penitus ignoratur.

III. Dubii notio, species et causae.—1^o Dubium est *status mentis in neutram partem contradictionis inclinantis propter errandi formidinem*. In dubio habetur aliqua rei cognitio, sed imperfecta, ita ut mens anceps a iudicio ferendo affirmativo vel negativo absteat.

(1) S. THOMAS, Lib. 2. *Metaph.*, lect. 1., paragr. c.

2^o *Dubium est negativum vel positivum. Dubium negativum est status mentis inclinantis in neutram partem contradictionis propter defectum moventium.—Dubium positivum est status mentis inclinantis in neutram partem contradictionis propter apparentem aequalitatem eorum quae movent ad utramque partem.*

In statu dubii mens manet anceps inclinans neque in unam neque in alteram partem contradictionis. Hoc autem potest haberi propter duplicem rationem : vel quia non sunt rationes moventes neque in unam neque in alteram partem (dubium negativum), vel quia sunt rationes aequales pro una et altera parte (dubium positivum).

Dubium est speculativum vel practicum : Dubium speculativum est illud quod versatur circa veritatem vel falsitatem alicujus propositionis.—Dubium practicum est illud quod versatur circa actionem ponendam vel omittendam.

Dubium potest esse prudens vel imprudens, secundum quod sunt rationes suspensionem iudicii suadentes, vel non sunt.

3^o Dubitationis causae numerantur : difficultas cognoscendi veritatem ; variatio sententiarum doctorum quae de falsitate ad veritatem, vel vice-versa, progressu temporum procedunt ; diversitas et multitudo opinionum circa eadem objecta, etc.

IV. Suspicionis notio.—A dubio non maxime distat suspicio quae est *status mentis adhaerentis neutri parti contradictionis, sed inclinantis magis ad unam quam ad alteram.* Convenit proinde suspicio cum dubio in hoc quod non importat iudicium, differt tantum ab eo quia in suspicione habetur propensio ad iudicandum quae in dubio non existit.

V. Opinionis notio et species.—Opinio est *status mentis adhaerentis uni parti contradictionis cum formidine alterius.* In opinione igitur mens iudicium profert, assensum praebet

uni parti contradictionis innixa aliquo motivo iudicium suadente ; tamen motivum etiam datur suadens alteram partem ita ut veritas hujus partis possibilis sit. Habetur ergo *assensus* mentis uni parti sed *cum formidine alterius*. Ita etiam apparet iudicium a mente prolatum non esse certum, sed *probabile* tantum. Sententia enim certa a probabili in hoc essentialiter differt quod prima omnem errandi formidinem excludit quam secunda expellere non valet.

Opinio importat statum mentis, tamen etiam dicitur, licet minus proprie, de iudicio a mente prolato in illo statu.

1^o Opinio in se considerata est *probabilis vel improbabilis*.

Opinio probabilis est illa quae nititur solido fundamento, licet non valeat omnem errandi formidinem expellere.

Opinio improbabilis contra nascitur ex levibus rationibus quae non sufficiunt ad iudicium ferendum etiam formidolosum.

2^o Opinio probabilis est intrinsece vel extrinsece probabilis : *intrinsece*, quae nititur motivis ex ipsa natura rei petitis ; *extrinsece*, quae innititur motivis ex auctoritate, scilicet, ex testimonio doctorum desumptis.

Hinc apparet quid sit *probabilitas* et *improbabilitas*.—

Probabilitas ⁽¹⁾ est *pondus ac robur rationum seu motivorum, sufficiens ad suadendum prudenter assensum formidolosum*.

Improbabilitas est *infirmitas motivorum quae non valent ad prudentem assensum permovere*. Probabilitas intrinseca ex natura rei petitur, extrinseca ex auctoritate. Illa tamen habetur relatio inter utramque, ut probabilitas extrinseca intrinsecam supponat, non quidem eo sensu quod qui utitur auctoritate doctorum debeat semper perpendere rationes intrinsecas quibus nititur sententia ipsorum, sed eo sensu quod

(1) La probabilité est cette lumière imparfaite sous laquelle le vrai apparaît souvent à notre esprit, et qui détermine en lui l'état d'opinion.
v. n. LAHR, *op. cit.*

nullus doctor veram auctoritatem habeat, nisi sciatur in genere ipsum non docere nisi sententias gravibus fundamentis intrinsecis immediate vel mediate innixas.

3^o Opinio est *prudens* vel *imprudens* secundum quod mens iudicium profert innixa gravibus motivis attente et maturate consideratis, vel innixa levioribus motivis, vel motivis non sufficienter perpensis.

4^o Relative seu in ordine ad aliam, opinio est *aeque probabilis*, *probabilior*, vel *probabilissima* prout nititur motivis aequalibus, majoribus, vel valde gravioribus hisce motivis quibus nititur opinio opposita.

Contingere enim potest ut sint motiva pro utraque parte contradictionis, et sunt duae sententiae oppositae probabiles;—motiva illa esse possunt ejusdem ponderis et gravitatis, et sunt duae sententiae oppositae aequae probabiles;—ex istis motivis quaedam ex una parte majora sunt et fortius suadent unam partem prae altera, et sunt duae sententiae quarum una est probabilior altera; haec tamen remanet probabilis si rationes quibus nititur non sunt primis contradictoriae vel contrariae sed disparatae, ex aliis nempe capitibus petitae;—si autem motiva in favorem unius partis sint valde graviora, ita ut levissima tantum pro altera parte inveniantur, tunc una sententia fit probabilissima et altera leviter probabilis vel improbabilis, non tamen necessario falsa. Dummodo enim aliqua sententia intra limites probabilitatis invenitur, semper habetur assensus uni parti cum formidine alterius.





VI. Erroris notio et causae.—Error est *status mentis approbantis falsa pro veris*.—Error saepe et minus proprie objective sumitur pro falsitate, et est defectus adaequationis iudicii cum re iudicata. Non est igitur error veritas quaedam incompleta, sed aliquid veritati contrarium.

Erroris causae aliae sunt internae, aliae autem externae.



MICROCOPY RESOLUTION TEST CHART

ANSI and ISO TEST CHART No. 2



APPLIED IMAGE Inc

1811 East Main Street
Rochester, New York 14604 USA
Tel: 482 0400 Phone
1716 288 5489 Fax

Causae internae :—1° *Ignorantia*.—Etenim saepe saepius iudicium fertur de his quae non sufficienter cognoscuntur : elementa quaedam quaestionis ignorantur sine quibus mens recte iudicare non valet.

2° *Praejudicia*, scilicet, anticipatae illae opiniones quae, quavis aetate, animum ingrediuntur quin ad moliva satis attendatur, quibus tamen utimur tanquam iudiciis certis. Sunt autem praеjudicia nationis, patriae, familiae, etc.

3° *Affectus pravi voluntatis nec non et passiones*.—Animus odio, invidia, aemulatione incensus, nihil nisi malum in adversario videt et omnes ejus operationes in pravam partem interpretatur ; ex altera parte, amore succensus nihil nisi bonum in re amata discernit. Item animus superbia elatus, proprio iudicio maxime inhaerens, veritatem non intuetur et in pessimos errores dejicitur. « Nunquam usquam sic apparuit, quantum valeat praеjudicium praesumptionis humanae vel ad non intuendam manifestissimam veritatem, vel ad affirmandam impudentissimam falsitatem. » ⁽¹⁾ Ad errorem etiam facile ducunt passiones appetitus sensitivi, praesertim luxuria et gula. « Ex luxuria oritur caecitas mentis quae quasi totaliter spiritualium honorum cognitionem excludit ; ex gula autem hebetudo sensus quae reddit hominem debilem circa intelligibilia. » ⁽²⁾

(1) S. AUGUSTINUS, l. 4, *contra Cresc.*, c. 28, m. 35.

(2) S. THOMAS, II-II, q. 15, a. 3.

« Le meilleur précepte de logique que je puisse te donner, c'est de vivre en homme de bien. » MALEBRANCHE.—« Un cœur pur est le premier organe de la vérité. » ROUSSEAU.—« Autant que nous sommes purs, autant pouvons-nous imaginer Dieu ; autant que nous nous le représentons, autant devons-nous l'aimer. » BOSSUET.—« Je n'étonnerai aucun de ceux qui ont traversé les études de nos lycées, en affirmant que la précoce impiété des libres penseurs en tunique a pour point de départ quelque faiblesse de la chair accompagnée d'une horreur de l'aveu au confessionnal. Le raisonnement arrive ensuite, qui fournit des preuves à l'appui d'une thèse de négation acceptée d'abord pour les besoins de la pratique. » P. BOURGET, *Essais de psychologie contemporaine*, p. 80.

4° *Praecipitatio mentis* in iudicando, unde iudicium fertur magis secundum inclinationes sensus et intellectus, quam secundum rei veritatem.

5° *Pigritia et negligentia*. « La paresse, qui craint la peine de considérer, est le plus grand obstacle à bien juger. Ce défaut se rapporte à l'impatience ; car la paresse, toujours impatiente quand il faut penser tant soit peu, fait qu'on aime mieux croire qu'examiner, parce que le premier est bientôt fait et que le second demande une recherche plus longue. » (BOSSUET, *Conn.*, l. XVI.)

Causae externae sunt perversa methodus, et magisterium eorum qui voce vel scriptis erronea tradunt. Maximum erroris periculum nostris in regionibus invenitur non tam in cathedris in quibus errores docentur, quam praesertim in lectione librorum pravorum qui tanta facilitate hisce temporibus ubique sparguntur, necnon et ephemeridum in quibus de omni re scibili instituitur, sermo quin scriptores saepe saepius de cognitione vere scientifica rei tradendae sufficienter cogitaverint.

DE CERTITUDINE

(28)

I. Certitudinis notio.--Certitudo est *status mentis firmiter adhaerentis uni parti contradictionis sine ulla errandi formidine* ; seu, cum S. Thoma definitur : « Firmitas adhaesionis virtutis cognoscitivae in suum cognoscibile. »⁽¹⁾

Mens diversimode sese habet ad veritatem, ut diximus in praecedenti articulo : negative, privative et contrarie, hinc nescientia, ignorantia et error ; positive vero sed imperfecte, et sunt dubium, suspicio et opinio ; positive tandem et perfecte et habetur certitudo. Facile igitur a diversis aliis statibus mentis distinguitur certitudo : a *nescientia* et *ignorantia* quia inferunt carentiam veritatis, dum certitudo plenam et perfectam ejus possessionem importat ;—ab *errore* qui falsum approbat, dum certitudo vero firmiter inhaeret, ideoque qui falso assentit sine ulla errandi formidine potest dici habere *persuasionem* seu *convictionem*, nunquam vero, saltem proprie, *certitudinem* ;—a *dubio*, *suspicionem* et *opinionem* quia certitudo est firmus assensus sine errandi formidine, dum in dubio et suspicionem assensus non datur, et in opinione infirmus tantum datur, scilicet, cum errandi formidine.

(1) In III *Sent.*, Dist. XXVI, q. II, a. 4.

II. Certitudinis species.

1° Certitudo est *subjectiva* vel *objectiva*. Certitudo in se sumpta est quid *subjectivum*, nempe firmus mentis assensus veritati ; tamen potest et ipsa considerari per ordinem ad causam qua determinatur ille firmus assensus, et quae dicitur minus proprie certitudo *objectiva*. *Certitudo* igitur *subjectiva* est *firmus mentis assensus veritati, sine ulla errandi fornidine* ; *certitudo* autem *objectiva* est *ipsa veritas menti praesens et firmum mentis assensum determinans*.

2° *Certitudo* alia est *scientiae*, alia *fidei*.

Certitudo scientiae est *firma adhaesio mentis alicui veritati causata ab intelligibilitate objecti*, Est *immediata* vel *mediata* secundum quod causatur ex *immediata intelligibilitate* objecti, ut in primis principiis, vel ex *mediata* objecti intelligibilitate seu per *ratiocinium*, ut in conclusionibus ex principiis *demonstrative* deductis.

Certitudo fidei est *firma intellectus alicui veritati adhaesio quam voluntas auctoritate permo^{ta} gignit*. Est *fidei humanae* vel *divinae* prout causatur auctoritate humana vel divina.

« Intellectus possibilis cum, quantum sit de se, sit in potentia respectu omnium formarum intelligibilium, est etiam, quantum est de se, determinatus ad hoc quod non magis adhaereat compositioni quam divisioni vel e converso. Omne autem quod est determinatum ad duo, non determinatur ad unum eorum nisi per aliquid movens ipsum. Intellectus autem possibilis non movetur nisi a duobus ; scilicet a proprio objecto, quod est forma intelligibilis, et a voluntate quae movet omnes alias vires. Sic igitur intellectus noster possibilis respectu partium contradictionis se habet diversimode... Quandoque intellectus determinatur ad hoc, quod totaliter adhaereat uni parti ; sed hoc est quandoque ab intelligibili, quandoque a voluntate. Ab intelligibili quidem quandoque immediate, quandoque mediate : immediate quando ex ipsis intelligibilibus statim

veritas propositionum intelligibilium infallibiliter apparet ; et haec est dispositio intelligentis principia quae statim cognoscuntur, notis terminis ; mediate vero quando, intellectus determinatur ad alteram partem contradictionis virtute primorum principiorum, et ita est dispositio scientis. Quandoque intellectus non potest determinari ad alteram partem contradictionis neque statim per ipsas definitiones terminorum, sicut in principiis, nec etiam virtute principiorum, sicut in conclusionibus demonstrativis est ; determinatur autem per voluntatem, quae eligit assentire uni parti determinate et praecise propter aliquid quod est sufficiens ad movendum voluntatem, non autem ad movendum intellectum, utpote quod videtur bonum, vel conveniens huic parti assentire ; et ita est dispositio credentis, ut cum aliquis credit dictis alicujus hominis quia videtur decens et utile. »⁽¹⁾

3^o Certitudo dividitur in *metaphysicam*, *physicam* et *moralem*.

Certitudo metaphysica est *firmitas adhaesionis mentis alicui cognoscibili fundata in essentiis rerum*, v. g. : Totum est majus sua parte.—Homo est animal. Assensus mentis haece veritatibus fundatur in ipsis rerum essentiis, et cum essentiae sint immutabiles, fieri non potest ut res sit aliter.

Certitudo physica est *firmitas adhaesionis mentis alicui cognoscibili fundata in legibus a Deo statutis in mundo corporeo*, v. g. : Nix est alba.—Ignis comburit. Illae leges a libera Dei voluntate pendent, ita ut possit Deus ipsis derogare per miraculum. Illud motivum igitur non est adeo firmum ut exceptionem non patiatur.

Certitudo moralis est *firmitas adhaesionis mentis alicui cognoscibili fundata in universalibus atque constantibus hominum moribus*, v. g. : Parentes filios suos diligunt. Haec propositio certa est certitudine morali, ex hominum moribus,

(1) QQ. DD. De Veritate, q. 14, a. 1.

unde excluditur possibilitas oppositi. Multae tamen possunt haberi exceptiones. .

Non est confundenda illa vera *certitudo moralis* quae omnem errandi formidinem excludit, cum *certitudine morali* vulgo accepta quae reapse non est nisi maxima quaedam probabilitas, ideoque non est vera certitudo, cum non excludat errandi formidinem.

4° Certitudo etiam dividitur in *naturalem* et *supernaturalem* prout veritas menti innotescit lumine rationis, vel lumine fidei supernaturalis.

5° Certitudo tandem dicitur *vulgaris* vel *philosophica*, prout mens veritati assentit, cum implicita tantum cognitione motivorum quibus nititur assensus, vel cum explicita cognitione ipsorum.

III. Certitudinis gradus.—In certitudine possumus duo distinguere : adhaesionem mentis, et exclusionem formidinis errandi. Prout excludit formidinem errandi, certitudo gradus non habet ; nam admissa minima errandi formidine, jam amplius certitudo non datur. Si autem consideratur certitudo prout dicit firmum mentis assensum, gradus admittit secundum firmitatem motivorum in quibus fundatur. Porro motivum quo nititur certitudo metaphysica firmiter est motivis in quibus fundantur certitudo physica et certitudo moralis ; item firmiter est motivum certitudinis physicae, motivo certitudinis moralis. Ergo certitudo metaphysica praestat certitudini physicae, et ambae praestant certitudini morali. Firmior tamen omni certitudine habetur certitudo fidei divinae, fundata in ipsa Dei essentia quae firmissimum assensus motivum exhibet, propter omnimodam ejus immutabilitatem.

CAPUT SECUNDUM

DE EXISTENTIA CERTITUDINIS

Prologus.—Existentia certitudinis a *dogmaticis* tuetur contra *scepticos* ; triplex igitur erit articulus in praesenti capite : primus, de dogmatismo ; secundus, de scepticismo absoluto; tertius, de scepticismo hypothetico, prout sequenti schemate apparet.

DE EXISTENTIA CERTITUDINIS.

- | | | |
|---------------------------------|---|---|
| I. De dogmatismo | { | Notio
Existentia certitudinis in dubium revocari nec denegari potest.
Certitudo vulgaris circa quasdam veritates est vera certitudo. |
| II. De scepticismo absoluto | { | Scepti ismi notio
" species { Absolutus
{ Universalis { Hypotheticus
{ Particularis
" historia
Scepticismi absoluti refutatio :
Thesis : Scepticismus absolutus est physice et meta-physice impossibilis.
Difficultatum solutio. |
| III. De scepticismo hypothetico | { | Notio
Refutatio. Thesis : Dubium methodicum Cartesii admitti nequit.
Difficultas solvitur. |

DE DOGMATISMO

(29)

I. Dogmatismi notio.—*Dogmatismus est doctrina eorum qui contra scepticos existentiam certitudinis tuentur.* Dogmatici dicuntur quia affirmant esse *dogmata*, seu veritates certas. Duplex autem, ut diximus, datur certitudo, vulgaris scilicet et philosophica, prout significat mentis assensum alicui veritati cum *implicita* vel *explicita* cognitione motivorum quibus talis assensus nititur. Quamvis autem sceptici existentiam certitudinis vulgaris non denegent, ipsam tamen dicunt non esse veram certitudinem sed caecam credulitatem. Unde dogmatici in genere, et in specie contra scepticos, propugnant certitudinem negari non posse, et certitudinem vulgarem tandem aliquando veram esse certitudinem.

II. Existentia certitudinis in dubium revocari nec denegari potest. — 1° Unusquisque propria experientia novit mentem quibusdam veritatibus ita firmiter adhaerere, ut impossibile omnino sit animum in contrarium adducere; v. g., principium contradictionis, scilicet, idem non potest simul esse et non esse, factum propriae existentiae, et multa alia tam clara luce apparent ut intellectus ipsis non assentire non possit. Atqui firmus mentis assensus alicui

cognoscibili excludens possibilitatem oppositi, est ipsa certitudo. Ergo certitudinis existentia nec in dubium revocari, nec denegari potest.

« Ut enim necesse est, ait Tullius, lancem in libra ponderibus impositis deprimi; sic animum perspicuis cedere: nam quo modo non potest animal ullum non appetere id quod accommodatum ad naturam appareat; sic non potest (mens) objectam rem perspicuam non approbare. » ⁽¹⁾

2^o Id negari nequit cujus negatio vel dubitatio est ipsamet rei negatae affirmatio. Porro qui denegat certitudinis existentiam vel de ipsa dubitat, ipsammet affirmat: de ipsa enim dubitat quia *certus* est de ejus existentia non constare, ipsam vero negat quia ejus non existentia *certo* apparet. Ergo existentia certitudinis denegari nequit, nec in dubium revocari.

III. Corollaria.-- 1^o Existentia certitudinis est per se evidens, nec demonstratione indiget; menti enim nostrae tam manifesta est quam existentia solis aperienti oculos.

2^o Existentia certitudinis est veritas indemonstrabilis, est una ex primis veritatibus immediate ab intellectu cognitis. Praesupponitur enim certitudo omni demonstrationi, cum demonstratio ex *certis* praemissis conclusionem deducit. Non potest igitur existentia certitudinis demonstrari sine petitione principii.

3^o « Videtur quibusdam, inquit S. Thomas, quod nullius rei sit scientia. Quibusdam autem videtur quod sit scientia, et quod omnium possit haberi scientia per demonstrationem. Neutrum autem istorum est verum. » ⁽²⁾

IV. Certitudo vulgaris circa quasdam veritates est vera certitudo.

1^o Certitudo illa *vulgaris* dicitur non quia nullo nititur solido fundamento, sed quia ea praesertim utitur vulgus

(1) *Academ.* l. II, c. XII.

(2) *L. II, Poster.* lect. 7.

hominum quin tamen ab isto usu excludantur ipsi philosophi. Quamvis igitur talis mentis assensus possit esse erroneus dum praestatur quibusdam veritatibus quae scientificè demonstrari indigent, tamen certitudo vulgaris de veritatibus quae sunt per se evidentes vel facili negotia ex experientia seu ex primis principiis cognoscuntur vera est certitudo.

2^o Natura in necessariis defice, non potest. Atqui natura in necessariis deficeret, si vulgaris veritates ad vitam rationalem ducendam necessarias certo cognoscere non posset. Homo enim a natura ordinatur ad vitam rationalem ducendam, in ordine physico et morali, cum aliis hominibus, quibuscum in societate domestica, civili et religiosa unitur; unde sponte naturae illas veritates cum certitudine cognoscere debet quae sunt fundamenta hujus triplicis societatis. Ergo certitudo vulgaris, quam omnes homines habent de multis rebus sponte naturae, vera est certitudo. ⁽¹⁾

(1) « Il y a deux degrés d'intelligence, dont l'un opère une entière conviction, quoiqu'il soit moins parfait que l'autre; l'un se réduit à être dans l'impuissance de douter d'une vérité parce qu'elle a une évidence simple, et, pour ainsi dire, directe; l'autre a de plus une évidence réfléchie, en sorte que l'esprit explique la preuve de sa conviction et réfute tout ce qui pourrait l'obscurcir. Les plus sublimes philosophes mêmes sont invinciblement persuadés d'un grand nombre de vérités, quoiqu'ils ne puissent les développer clairement, ni réfuter les objections qui les embrouillent. » FÉNÉLON. *Lettres*.

*) Homo per habitum non agitur sed a se, et per se
 non est agitur a se, sed a se, et per se
 per se, et per se, et per se, et per se, et per se,
 et per se, et per se, et per se, et per se, et per se.

Et per se, et per se, et per se, et per se, et per se,
 et per se, et per se, et per se, et per se, et per se,
 et per se, et per se, et per se, et per se, et per se.

DE SCEPTICISMO ABSOLUTO

(30)

I. Scepticismi notio.—Scepticismus est systema eorum qui certitudinem cognitionum nostrarum denegant, ita ut unicuique sit principium admittendum : *nihil certo cognosci posse*. Sceptici tamen, ut jam diximus, certitudinem vulgarem admittunt, sed ipsam tenent non esse veram certitudinem ; philosophicam vero certitudinem comparari non posse renuntiant.

II. Scepticismi species.—*a)* Scepticismus est duplex : *universalis et particularis*.

Scepticismus universalis de nulla veritate certitudinem admittit, proindeque docet de omnibus esse dubitandum.

Scepticismus particularis de aliquo tantum determinato veritatum ordine dubitat, sic : *subjectivismus* qui de objectivitate idearum dubitandum esse putat ; *Idealismus* qui sensationi adversatur ; *Rationalismus* qui auctoritatem divinam admittere non vult ; *Traditionalismus* qui testimonium rationis humanae rejicit, etc.

b) Scepticismus universalis est duplex : absolutus et hypotheticus.

Scepticismus absolutus docet nos non posse aliquid certo cognoscere ;—*scepticismus hypotheticus* tuetur nos ad aliquid certum devenire non posse, nisi prius adhibeatur tanquam methodus dubitatio universalis, unde dicitur etiam *scepticismus methodicus*.

In praesenti articulo de *scepticismo* universali et absoluto tantum agitur ; de *scepticismo* methodico erit sermo in sequenti articulo, de *scepticismo* vero particulari suo loco dicetur.

III. *Scepticismi historia*.—Apud antiquos, *scepticismum* absolutum professus est Pyrrho (A. C. 380-288) asserens « nihil esse quod percipi possit ». Arcesilaus, fundator secundae Academiae (A. C. 315-230) *nihil certo a nobis cognosci posse* docebat, cui doctrinae saltem ex parte assentit Carneades, tertiae Academiae parens (A. C. 215-125) docens nullum certo cognosci, quaedam tamen probabilia haberi.—Post Christum, saeculo secundo, eandem doctrinam professi sunt Sextus Empericus et Cenesidemus quorum ultimus omnes *scepticorum* rationes in suis octo libris enumeravit.—Ætate moderna inter *scepticos* numerantur Montaigne, P. Charron, P. Bayle, etc. ; recentioribus autem temporibus plures certitudinem cognitionum nostrarum denegarunt, docentes cum Theodoro Jouffroy : « *tenemus scepticismum ut ultimum pronuntiatum reflexionis rationis humanae supra seipsam.* »

IV. *Scepticismi* absoluti refutatio.

THESIS.—SCEPTICISMUS ABSOLUTUS EST PHYSICE ET METAPHYSICE IMPOSSIBILIS

1º *Scepticismus absolutus est physice impossibilis*.—Illud physice impossibile dicitur quod naturae adversatur. Atqui *scepticismus absolutus* naturae adversatur. Ergo.

Ad minorem :—Illud naturae adversatur quod naturali desiderio contrariatur. Etenim natura nihil aliud significat

1. *Scepticismus absolutus est physice impossibilis.*
 2. *Scepticismus absolutus est metaphysice impossibilis.*
 3. *Scepticismus absolutus est metaphysice impossibilis.*
 Aliter dicitur, *scepticismus absolutus est metaphysice impossibilis.*

nisi essentiam rei secundum quod habet ordinem ad operationem. Atqui scepticismus absolutus contrariatur naturali desiderio sciendi quod omnem naturam intellectualem comitatur, ita ut illud desiderium absurdum prorsus et ridiculum reddat. Inest enim omnibus hominibus naturale desiderium sciendi: «curiosum nobis natura ingenium dedit», ait Seneca. Illud autem desiderium non est de cognitione quacumque, sed de cognitione scientifica, per causas habita. ⁽¹⁾ ~~Atqui~~ absurdum est ponere rationem humanam natam esse ad veritatem cognoscendam, et nullam veritatem a se teneri posse. Veritas enim certitudine possidetur. Ergo scepticismus absolutus naturae adversatur, ideoque est physice impossibilis.

2^o *Scepticismus absolutus est metaphysice impossibilis.*— Illud dicitur metaphysice impossibile quod implicat contradictionem. Atqui scepticismus absolutus est hujusmodi. Ergo.

Ad minorem.—Illud implicat contradictionem docere de omnibus esse dubitandum et simul plurà ut certa habere. Atqui in hac contradictione scepticismus absolutus versatur. Ergo.

a) Sceptici dum dicunt nihil certo cognosci posse, necessario affirmant se nosse nihil a nobis certo cognosci posse, ideoque aliquid ut certum habent. Unde Lactantius dicit: « Si nihil sciri potest, necesse est idipsum sciri, quod nihil sciatur. Si autem scitur posse nihil sciri, falsum est ergo, quod dicitur, nihil posse sciri. Sic inducitur dogma sibi repugnans. » ⁽²⁾

b) Dum affirmant dubium universale, sceptici necessario scire debent quid sit scire et nescire, dubitare et aliquid certo tenere, plurà scilicet ut certa et rata habent.

(1) *Pourquoi* est un des mots qui sortent les premiers de la bouche de l'enfant, un de ceux qu'il répète le plus souvent ; la philosophie n'a été créée que pour répondre à ce besoin. — LAROMIGUIÈRE.

(2) *De Div. Inst.* l. III, c. VI.

3. Committit Inualitas quando Tolluntur existentiæ Dei et Conscientia,
regula proxima morum -
Atqui, scilicet, universales, sic se habet - Ergo.

c) Ipsi sceptici principium suum, *dubitandum est de omnibus*, multis argumentis, scilicet, ex infirmitate et fallibilitate rationis humanae, ex mutabilitate opinionum doctorum, aliisque ex fontibus petitis demonstrare conantur. Atqui omnis demonstratio supponit aliquid certum. Ergo scepticismus absolutus plures implicat contradictiones, ideoque est metaphysice impossibilis.

V. Difficultatum solutio.

1^o Illud non est physice et metaphysice impossibile quod falsum demonstrari nequit. Atqui scepticismi falsitas demonstrari nequit. Ergo.

Dist. maj. Quod falsum demonstrari nequit nec directe nec indirecte, *conc.* ; directe, *subdist.* propter defectum rationum, *conc.* quia est evidenter falsum, *nego.*

Contradist. min. nec directe nec indirecte, *nego* ; directe, *subdist.* quia rationes pro ipso militant, *nego* ; quia est evidenter falsus, *conc.*

Falsitas scepticismi indirecte demonstratur, negatio enim certitudinis ad absurdum ducit ; directe autem non demonstratur, quia existentia certitudinis est per se evidens, una ex primis veritatibus indemonstrabilibus.

2^o Atqui scepticismus non est evidenter falsus. Ergo redit difficultas.

Illa doctrina non est evidenter falsa quae cavet omnes errores. Atqui scepticismus cavet omnes errores. Ergo scepticismus non est evidenter falsus.

Dist. maj. Certiori via ducendo ad veritatem, *conc.* ; praecludendo omnem viam ad veritatem cognoscendam, *nego.*

Contradist. min. *Nego* consequens et consequentiam.

Scepticismus enim dum cohibet assensum veritati negando certitudinem non tantum omnem viam praecludit ad consequendum veritatem, sed in pessimum errorem cadit.

3^o Atqui nulla datur via ad veritatem certo cognoscendam. Ergo redit difficultas.

Nulla via secunda datur ad veritatem nisi demonstratio. Atqui omnis demonstratio supponit aliquid certum. Ergo nulla datur via ad veritatem.

Dist. maj. In veritatibus mediatis, *conc.* ; in veritatibus immediatis seu per se evidentibus, *nego.*

Conc. min. et *nego* consequens et consequentiam.

Veritas est duplex, alia mediata quae ex principiis mediante demonstratione deducitur, alia immediata quae est per se evidens et statim cognitis terminis ab intellectu percipitur. Sunt igitur veritates quae non

indigent demonstrari, sed omni demonstrationi praesupponuntur, et ex quibus veritates mediatæ, sine petitione principii, mediante demonstratione deducuntur.

4^o Atqui veritates immediatæ non possunt certo cognosci absque demonstratione. Ergo redit difficultas.

Veritates immediatæ ratione humana cognoscuntur. Atqui ratio humana est fallibilis ⁽¹⁾. Ergo veritates immediatæ certo cognosci non possunt.

Conc. maj.

Dist. min. Ratio humana est fallibilis *per se, nego, per accidens, conc. Nego* consequens et consequentiam.

Esse fallibile per se est ordinari natura sua ad falsum. Atqui ratio humana ad verum, non autem ad falsum natura sua ordinatur. Ergo non est ratio fallibilis *per se*. *Esse fallibile per accidens* est posse falli propter causam naturæ suæ extrinsecam. Ratio autem humana quandoque fallitur propter impedimenta extrinseca.

5^o Atqui ratio humana est fallibilis *per se*. Ergo.

Id quod est semper fallibile est fallibile *per se*. Atqui ratio humana est semper fallibilis. Ergo.

Dist. maj. Quod est *actu* semper fallibile, *conc.*; *potentia, subdist.*: eirea omnes veritates, *conc.*, eirea veritates minus notas tantum, *nego*.

Contradist. min. Ratio humana est semper fallibilis *actu, nego*; *potentia, subdist.*: eirea omnes veritates, *nego*; eirea veritates minus notas, *conc. Nego* consequens et consequentiam.

Ratio humana non est fallibilis eirea omnes veritates. Etenim sunt veritates *per se* evidentes eirea quas intellectus falli non potest, et quibus mediantibus ad veritates minus notas pertingit.

6^o Atqui ratio humana est fallibilis eirea omnes veritates. Ergo.

Non est rationi humanæ concedendum quod est proprium divinitatis. Atqui infallibilitas est proprietas solius Dei. Ergo intellectus humanus est fallibilis eirea omnes veritates.

Conc. maj.

Dist. min. Infallibilitas absoluta et illimitata, *conc.*; infallibilitas relativa et limitata, *nego*.

Dum dicitur intellectus humanus infallibilis eirea prima principia seu veritates primas, nullo modo ipsi conceditur quod Dei proprium est. Illa enim infallibilitas est relativa tantum, limitata et imperfecta.

(1) « La raison n'est qu'une coureuse qui ne sait où s'arrêter ; nouvelle Pénélope, elle défait chaque jour ce qu'elle a fait la veille. » BAYLE.

7^o Atqui ratio humana est fallibilis circa prima principia. Ergo.

De actu ad posse valet illatio. Atqui de facto homines errarunt, negando prima principia. Ergo circa ipsa intellectus non est infallibilis.

Conc. maj.

Dist. min. Errarunt negando prima principia, ore, *conc.*, corde, *nego*.

Nihil est quod ore negari non possit; tamen ex hac negatione non inducitur semper error, praesertim quando agitur de primis principiis, cum eorum negatio est ipsorummet affirmatio. Negari non potest certitudo quin de facto affirmetur, ita dicitur de principio contradictionis, de facto propriae existentiae, etc.

ARTICULUS III

DE SCEPTICISMO HYPOTHETICO

(31)

I. Scepticismi hypothetici notio.—Scepticismus hypotheticus ille est, diximus, qui tuetur nos ad aliquid certum devenire non posse, nisi prius adhibeatur tanquam methodus dubitatio universalis. Hujus scepticismi auctor extitit Cartesius (1596-1650). In suis libris, *Discours de la methode*, *Méditations*, *Principes de la Philosophie*, ipse Cartesius docet quod, saltem una vice in vita sua, homo dubitare debet de omnibus. Ob enim praejudicia ante actae aetatis, quivis intellectus multa pro veris admittit quae falsa sunt. Sensus externi, conscientia, ratio saepe saepius falluntur; ipsorum doctorum sententiae falsa pro veris affirmant. Igitur ad

vitandum errorem et veram de rebus certitudinem acquirendam, primo dubitandum est de omnibus, uno tantum principio excepto de quo dubitatio est impossibilis: *Cogito ergo sum*; postea novum cognitionis nostrae aedificium constructur, solido innixum fundamento. Primum illud principium: *Cogito ergo sum*, certo tenetur quia clare percipitur, ex quo Cartesius legem statuit universalem totius certitudinis: *Idcirco quod clare percipitur verum est*. Illa autem lege adhibita novum philosophiae aedificium crexit.

II. Scepticismi hypothetici refutatio.—

THESIS. — **DUBIUM METHODICUM CARTESII ADMITTI NEQUIT**

1° Non potest admitti id quod ducit ad negationem cujuslibet certitudinis. Atqui hujusmodi est dubium methodicum Cartesii. Ergo.

Ad minorem.—Omnis enim certitudo est vel de his quae ad subjectum cognoscens pertinent vel de his quae sunt ab eo distincta. Atqui admissio dubio hypothetico Cartesii nulla potest dari de hisce omnibus legitima certitudo. Etenim a Cartesio in dubium revocatur testimonium cujuscumque facultatis cognoscitivae; testimonium conscientiae cujus est referre omnia facta interna et subjectiva, testimonium rationis ad quam pertinet cognitio eorum quae sunt a nobis distincta. Ergo dubium methodicum Cartesii ducit ad negationem cujuslibet certitudinis.

2° Nullo modo admitti potest quod implicat contradictionem. Atqui dubium methodicum Cartesii implicat contradictionem. Ergo.

Ad minorem.—Contradictorium est dicere dubitandum esse de testimonio rationis et conscientiae, et simul illud testimonium ut certum et indubitatum habere. Atqui dubium methodicum Cartesii statuit dubitandum esse de testimonio

1) Dubitatio universalis etiam temporaria est impossibilis: Reperitur
tunc naturaliter, tunc evidenter
- sed etiam inutilis -- quia oppositum fuit -- propositio non
conducit in
CRITICA. DE SCEPTICISMO HYPOTHETICO 189 primo primo
capit.

rationis et conscientiae, et simul illud testimonium ut certum et indubitatum admittit circa factum propriae cogitationis et existentiae. Ergo dubium methodicum Cartesii implicat contradictionem.

3^o Non est accipienda ut recta methodus perveniendi ad certitudinem illa quae nititur, tanquam principio, hypothese impossibili. Atqui hujusmodi est methodus cartesiana. Etenim dubitatio universalis quam hypothetice Cartesius intellectui proponit est de se metaphysice et physice impossibilis, ut demonstratum est. Ergo.

III. Solvitur difficultas.—Prudens est cohibere assensum ad vitandum errorem et scientificam certitudinem reflexione habendam. Atqui nihil aliud proponit methodus cartesiana. Ergo illa methodus non est rejicienda.

Dist. maj. In rebus dubiis, *conc.*, in rebus per se evidentibus, *nego*.

Dist. min. Methodus cartesiana proponit cohibere assensum in rebus dubiis tantum, *nego*, etiam in rebus per se evidentibus. *Conc.*

Hoc est enim vitium methodi cartesianae, non quod proposuerit dubium methodicum ut sic, sed quod dixerit illud dubium extendendum esse etiam ad veritates immediatas et per se notas de quibus dubium dari non potest. (1) Dubium enim methodicum dum limitatur ad veritates mediatas et demonstrabiles, legitimum est et utile, (2) ipsoque usi sunt Aristoteles, scolastici et praesertim S. Thomas; sed dum extenditur ad veritates per se notas, ad negationem cujuslibet certitudinis ducit, nedum certiori via ad veritatem et certitudinem perducatur. Cartesius dupliciter peccavit, ait Leibnitzius, *nimum dubitando*, et *nimum facile a dubitatione recedendo*.

(1) « En réalité, le doute méthodique est aussi impossible qu'inutile en présence des vérités d'évidence absolue et immédiate, puisque d'une part elles ont ce privilège de forcer l'adhésion de l'esprit qui les contemple, et que de l'autre, une fois mises en doute, aucune démonstration ne saurait nous en restituer la possession. » CH. LAHR. *Cours de philosophie*, vol. II, p. 241.

(2) « L'utilité du doute méthodique sagement compris et raisonnablement pratiqué est incontestable. Il est la condition de toute recherche comme de toute démonstration scientifique. « Avant d'aborder la solution d'un problème, dit Aristote, il faut commencer par bien douter et par s'enquérir de toutes les difficultés dont le problème est entouré. » *IBID.*

CAPUT TERTIUM

DE CAUSA CERTITUDINIS

Prologus.—Certitudinis causa nihil aliud est nisi evidētia ; ipsa enim firmum mentis assensum veritati determinat. Cum autem ut causam certitudinis quidam criterium veritatis adscribunt, sub hoc capite de criterio veritatis etiam disputatur. Unde duplex articulus sequenti ordine dispositus.

DE CAUSA CERTITUDINIS

- | | | | | |
|---------------------------|---|---|---|---|
| I. De evidētia | } | Notio | } | immediata, mediata
intrinsicca, extrinsicca seu veritatis et credibilitatis
objectiva, subjectiva
metaphysica, physica, moralis. |
| | | Species | | |
| | | Habitudo evidētiaē ad certitudinem. | | |
| II. De eriterio veritatis | } | Quaestio solvenda | } | Criterii notio
Facultas eognoscitiva et objectum cognitum non possunt dici proprie eriteria veritatis.
In veritatibus immediatis, intellectus non indiget eriterio.
Criterium veritatum mediatarum est resolutio earum in sua principia.
Quid de generali eriterio veritatis. |
| | | Criterii notio | | |
| | | Facultas eognoscitiva et objectum cognitum non possunt dici proprie eriteria veritatis. | | |
| | | In veritatibus immediatis, intellectus non indiget eriterio. | | |

ARTICULUS I

DE EVIDENTIA

(32)

I. *Evidentiae notio.*—*Evidentia* definitur : *Fulgor veritatis, mentis assensum rapiens.* ⁽¹⁾

1° *Fulgor*, nempe lumen quoddam intellectuale vi cuius veritas fit menti manifesta, sicuti in visione sensibili objectum mediante solis lumine fit oculis manifestum. Illud autem lumen in ordine intellectuali, non est quid distinctum a veritate, sed ipsa intelligibilitas seu perspicuitas veritatis, ipsa scilicet connexio necessaria praedicati cum subjecto ipsi menti manifesta.

2° *Veritatis.* — *Evidentia* sese tenet ex parte objecti cogniti, et est secundum se aliquid objectivum, dum certitudo sese tenet ex parte subjecti cognoscentis et est quid subjectivum; dicitur: *Ego certus sum, quia res est evidens.* Certitudo tamen dicitur de rebus,—*hoc est certum*—sed non proprie, quasi certitudo sit ipsius rei, sed analogice, hoc sensu scilicet quod res generat certitudinem, quemadmodum dicitur de aliquo eventu quod triste est, quia generat tristitiam.

(1) « L'évidence est la clarté avec laquelle le vrai apparaît à notre esprit et détermine notre adhésion. » CH. LAHR.

3^o *Mentis assensum rapiens.*—Evidentia enim determinat assensum mentis et propterea dicitur causa certitudinis. Dicitur *rapere* assensum mentis, quia ex necessitate, mens veritatibus in se evidentibus assentit, evidentiae scilicet resistere non valet. « Necesse est, inquit Tullius ⁽¹⁾, ut libram ponderibus impositis deprimi, ita animum perspicuis cedere. »

II. Evidentiae species.—1^o Evidentia est *immediata* et *mediata*.

Evidentia immediata, est perspicuitas quam veritas ex se habet, ex ipsa notione terminorum, quam scilicet non mutuatur, in ordine logico, ab alia veritate ; e. g., evidentia primorum principiorum, veritatum nempe per se evidentium.

*Evidentia mediata est perspicuitas quam veritas, respectu nostri, statim cognitis terminis ex se non habet, sed quam mutuatur, in ordine logico, ab alia veritate ; e. g., evidentia conclusionum quae habetur mediantibus praemissis. Sicut sol est per se lucidus, et planeta non lucet nisi luce participata a sole, ita veritates immediatae seu principia prima sunt per se evidentia, et veritates mediatæ fiunt evidentes evidentia mutuata a primis principiis quae propterea, secundum analogiam, *lumen intellectuale* dicuntur.*

2^o Evidentia est *intrinseca* et *extrinseca*.

*Evidentia intrinseca est perspicuitas quam veritas habet in se ex manifesta connexione praedicati cum subjecto, sive illa connexio immediate vel mediate appareat ; est perspicuitas veritatis quae scitur ; v. g. : Totum est majus sua parte ; — Anima humana est immortalis. Illa evidentia dicitur *evidentia veritatis*.*

Evidentia extrinseca est perspicuitas quam veritas non habet in se, ex manifesta connexione praedicati cum subjecto,

(1) Acad., I, 3.

sed ex manifesta scientia et veracitate ejus qui ipsam affirmat ; est perspicuitas veritatis quae creditur ; e. g. : Roma existit, est veritas evidens ex testimonio viatorum quorum scientia et veracitas evidens est evidentia intrinseca, tamen veritas quae affirmatur non est evidens in se, unde non habet evidentiam intrinsecam, sed est evidens tantum in testimonio viatorum, proinde evidens est evidentia extrinseca. Illa evidentia dicitur evidentia credibilitatis.

Evidentia et certitudo sunt correlativa. Certitudo autem, ut diximus, (p. 175) alia est *scientiae*, alia *fidei*, secundum quod firma mentis adhaesio ipsi veritati determinatur vel ab ipsa *intelligibilitate* immediata seu mediata veritatis, vel ab ipsa voluntate *auctoritate* permota. In primo casu, evidentia est quid intrinsece inhaerens ipsi veritati cui assensus praebetur, unde dicitur *evidentia intrinseca*. In secundo casu veritas est de se obscura, ideoque evidentiam intrinsecam non habet ; tamen ipsi assentitur propter evidentiam ipsius attestationis, seu auctoritatis dicentis, quae evidentia ipsi veritati non inhaeret intrinsece sed extrinsece tantum, unde dicitur *evidentia extrinseca*. Assensus scientiae praebetur vero quia est evidenter verum, unde *evidentia veritatis* ; assensus fidei, quia est evidenter credibile, unde *evidentia credibilitatis*.

3^o Evidentia a recentioribus dicitur *objectiva et subjectiva*, prout significat vel rei perspicuitatem menti affulgentis, vel claram ipsius perceptionem a mente factam ; sed recte dicitur cum Zigliara : « Philosophi mordicus teneant rigorosam vocum significationem, ita ut scilicet nomine *certitudinis* designetur quid subjectivum, nempe assensum seu firmitatem mentalis adhaesionis alicui cognoscibili ; et nomine *evidentiae* quid exclusive objectivum, nempe perspicuitatem intelligibilis. » (1)

4^o Sicut certitudo, evidentia potest dici *metaphysica, physica et moralis*, prout scilicet apparet perspicuitas veritatis seu connexio praedicati cum subjecto, vel ex ipsa rei

(1) *Critica*, 54, II.

essentia, vel ex legibus a Deo statutis in mundo corporeo, vel ex constantibus hominum moribus ; e. g.: Homo est animal ;—Ignis comburit ;—Parentes diligunt pueros suos. Prima veritas est evidens evidentia metaphysica, secunda, evidentia physica, tertia, evidentia morali.

III. *Habitudo evidentiae ad certitudinem.* — Ex his quae dicta sunt de certitudine et evidentia, facile apparet evidentiam sese habere ut causam universalem certitudinis, et illa duo esse correlativa. Cum autem evidentia nihil aliud sit quam ipsa veritas nempe affulgens, omnis veritas est de se evidens, sed non est evidens pro quocumque intellectu, quia non est omni intellectui manifesta. Unde omne certum est evidens, saltem evidentia extrinseca, sed non omne evidens est certum pro quocumque intellectu, sed dependenter a perfectione intellectuum. Sic, omne id quod videtur est visibile, sed non omne visibile videtur, a quocumque, cum visio et perceptio pendeat ab actu et perfectione visus. Secundum autem comparisonem ad intellectum nostrum veritas certo cognoscitur vel quia percipitur evidentia ejus in se, vel in principio extrinseco, scilicet, quia percipitur vel in sua evidentia intrinseca, vel in sua evidentia extrinseca. Jamvero evidentia intrinseca est ipsa intelligibilitas rei immediata seu mediata, evidentia extrinseca, ipsa auctoritas dicentis. Ergo recte dicitur duplex dari motivum seu causa certitudinis, scilicet, intelligibilitas rei et auctoritas ; sed recte etiam affirmatur evidentiam esse unicam causam certitudinis, secundum quod illud duplex motivum ad unum reducitur, ad evidentiam nempe vel intrinsecam vel extrinsecam.

DE CRITERIO VERITATIS

(33)

I. Quaestio solvenda.—Proposita a Cartesio dubitatione universali tanquam methodo ad verum certo cognoscendum, quaesitum est de *universali* quodam medio quo utitur intellectus in omnibus suis judiciis ad discernendum verum a falso. Illud autem medium *criterium* dicitur. De generali seu supremo veritatis criterio disputatum est ergo inter philosophos qui diversas proposuerunt sententias. Alii enim unam vel alteram e facultatibus cognoscitivis, ut tale criterium habent, alii auctoritatem proponunt vel divinam vel humanam, alii instinctum caecum intellectualem vel affectivum, alii evidentiam, etc. Relictis autem plerisque ex hisce sententiis quarum falsitas suo loco apparebit, ad praesentis quaestionis solutionem hic sufficiet declarare naturam criterii et ejus applicabilitatem ad cognita.

II. Criterii notio. — Criterium a vocabulo graeco κριτήριον, secundum vocis etymologiam significat: id quo utitur judex ad judicandum, seu instrumentum judicandi.— Homo autem sese habet ut judex judicium ferens de vero et falso; unde criterium dicitur: id quo utitur homo ad judicium ferendum de vero et falso.

Et hanc sententiam intelligi. Criterium hujusmodi veritatis est
 veritas non factum cognoscere
 instrumentum ad hunc finem instrumentum ad hunc finem
 esse hujusmodi instrumentum

Qua prima significatione accepta, philosophi ulterius determinando criterii notionem, multiplici sensu criterium acceperunt. 1° Sensu *latissimo*, criterium dixerunt : *omne medium veritatem cognoscendi*, omne id scilicet quod aliquo modo ad veritatem ducit ; ⁽¹⁾ hoc sensu, facultates cognoscitivae, principia, demonstratio, auctoritas, evidentia sunt criteria veritatis. — 2° Sensu *latiori*, criterium dixerunt : *id quod mentem determinat ad firmiter assentiendum vero* ; hoc sensu, evidentia, mentis assensum rapiens, est criterium veritatis. — 3° Tandem, sensu *stricto*, criterium dicitur : *medium seu norma qua discernitur verum a falso*.

III. **Facultas cognoscitiva et objectum cognitum non possunt dici proprie criterium veritatis.** — Homo diximus, sese habet ut iudex iudicium ferens de vero et falso : ferendo autem tale iudicium, utitur facultatibus cognoscitivis, omni que medio cognoscitivo, ideoque omne id quod ducit ad veritatem potest aliquo modo dici criterium. Tamen si res pressius consideretur, apparet quod in omni iudicio ferendo, tria distinguuntur ad invicem : iudex, objectum circa quod fertur iudicium, et id quo utitur iudex ad iudicandum. Dum autem homo iudicium fert de vero et falso, iudex est ipse intellectus seu facultas veri cognoscitiva ad quam ministerialiter ordinantur aliae facultates cognoscitivae inferiores. Ipsa igitur facultas cognoscitiva non est id quo utitur iudex ad iudicandum et non est proprie criterium, sed aliquid a criterio distinctum. Idem dicendum de veritate quae sese habet ut objectum iudicii, id nempe circa quod fertur iudicium. Igitur facultas cognoscitiva et veritas seu objectum cognitum non possunt dici proprie criterium veritatis.

(1) « Tout ce qui cause l'adhésion de l'esprit, tout ce qui est source de vérité ou moyen de connaître, s'appelle critère. » A. FARGES ET D. BARBEDETTE, *Cours de philosophie*, vol. I, p. 148.

norma quae vocatur a falsitate et tunc
concordat.

IV. In veritatibus immediatis, intellectus non indiget criterio.—Criterium est norma seu medium quo utitur intellectus ad discernendum verum a falso. Norma hujusmodi tunc adhibetur cum datur aliqua ratio dubitandi. Ergo circa ea quae sunt evidenter vera, et de quibus dubium dari non potest, *in veritatibus scilicet immediatis et per se notis, intellectus non indiget criterio.* « Proprium est horum principiorum, ait S. Thomas, ⁽¹⁾ quod non solum necesse sit ea per se vera esse, sed etiam necesse sit videri quod sint per se vera. Nullus enim potest per se opinari contraria eorum.»

V. Veritatum mediatorum criterium non est evidentia.—Etenim cum intellectus utitur criterio ad discernendum verum a falso in his de quibus dubium esse potest, ideo sane illud adhibet ut appareat rei veritas seu falsitas. Ergo criterium non est manifesta rei veritas, sed id quo talis manifesta veritas apparet. Atqui manifesta rei veritas assensum mentis determinans est ipsa evidentia. Ergo evidentia in veritatibus mediatis non est criterium, sed potius criterii effectus.

VI. Criterium veritatum mediatorum seu propositionum demonstrabilium, est resolutio earum in sua principia.

^{1°} *Ex auctoritate S. Thomae.*—«Certissima cognitio alicujus esse non potest, vel illud sit per se notum, sicut prima principia, vel in ea quae per se nota sunt resolvatur qualiter nobis certissima est demonstrationis conclusio.»⁽²⁾ Duplex igitur, secundum Sanctum doctorem, datur modus acquirendi certitudinem : vel veritas est immediata et per se nota, et immediate cognitio terminis intellectus ipsi firmiter assentit seposito omni medio ; vel veritas est mediata et certitudo de ipsa habetur secundum quod resolvitur in sua principia. « Intellectus resolvendo conclusiones in principia per se

(1) *Anai. poster.*, l. I. lect. 19.

(2) *C. G.*, l. IV, c. 54.

nota, earum certitudinem efficit.»⁽¹⁾ Atqui proprium est criterii esse medium quo efficitur certitudo eorum de quibus dubitari potest. Ergo criterium veritatum mediatorum est resolutio earum in sua principia.

2^o Hoc fluit ex his quae jam dicta sunt. Etenim criterium est medium quo utitur intellectus, in his circa quae dari potest dubium, ut appareat eorum veritas vel falsitas. Atqui veritas conclusionum fit manifesta mediante demonstratione qua conclusio resolvitur in sua principia, et lumine principiorum illuminatur ita ut fiat evidens et determinet intellectum ad assentiendum. Ergo criterium veritatum mediatorum seu conclusionum est resolutio earum in sua principia. « Ultima sententia de aliqua propositione datur per resolutionem ad prima principia. »⁽²⁾

VII. Quid de generali criterio veritatis.—Si nomen criterii, sensu latissimo vel latiori sumatur, quaeri potest de subordinatione criteriorum et de supremo et universali criterio, et recte respondetur evidentiam esse universale veritatis criterium. In omnibus enim veritatibus determinatur firmus mentis assensus evidentia. Sed si nomen criterii, sensu stricto accipiatur ut medium seu norma qua discernimus verum a falso, prout a Cartesianis de facto intelligitur, non potest fieri inquisitio de generali criterio veritatis, nisi prius admittatur dubium haberi posse de omnibus veritatibus, quod quidem falsum est. Cum enim veritates immediatae sint per se notae et per se certae, intellectus circa ipsas criterio non indiget, sed tantum circa veritates mediatas. Non est igitur inquirendum de generali seu universali criterio veritatis.⁽³⁾

(1) III Sent., Dist. 23, q. 2, art. 2.

(2) I-II^{ae}, q. 74, a. 7.

(3) Cf. LORENZELLI, *Philosophia theoretica*, Logica, part. IV. lect. V. de criterio veritatis;—M. DE MARIA, *Philosophia*, Logica major, quaest. un., art. VI, de criterio veritatis.

LIBER SECUNDUS

DE MEDIIS QUIBUS MENS CERTITUDINEM CONSEQUITUR

Prologus.—De natura, existentia necnon et causa certitudinis jam disseruimus ; nunc autem quaestio proponitur de mediis quibus mens certitudinem consequitur. Consequi autem certitudinem, nihil aliud est nisi veritatem cognoscere. Quaerere igitur de mediis quibus mens certitudinem consequitur, est quaerere de mediis quibus mens ad veritatis cognitionem pervenit. Veritas vero cognoscitur mediantibus facultatibus cognoscitivis quibus in se percipitur, vel mediante testimonio alterius de cuius auctoritate constat. Ad criticam pertinet valorem perpendere unius et alterius medii. Hujus libri secundi duplex igitur erit caput :

- 1° De facultatum cognoscitivarum veracitate ;
- 2° De auctoritate seu magisterio.

CAPUT PRIMUM

DE FACULTATUM COGNOSCITIVARUM VERACITATE

Prologus.—Veracitas facultatum cognoscitivarum non indiget demonstrari, cum sit veritas immediata antecedens omnem demonstrationem ; potest tamen declarari et indirecte contra scepticos demonstrari. Veritas formaliter in intellectu tantum invenitur ; tamen intellectus cognitionem accipit a rebus sensibilibus quae prius a sensibus percipiuntur. Unde facultas cognoscitiva est duplex : sensus et intellectus. Sensus autem alii sunt externi, alii interni. De his vero quae intellectu percipiuntur multiplex proponi potest quaestio. Etenim intellectus *simplici apprehensione* ideas efformat tum directas tum reflexas ; *judicio* ideas componit vel dividit et prima judicia, scilicet, judicia immediata elicit ; tandem *ratione* judicia mediata ex immediatis deducit. Ad criticam pertinet iudicium ferre de valore unius et alterius operationis. Quaestio erit igitur *de objectivitate idearum* prout directe ab ipsa simplici apprehensione accipiuntur, *de objectivitate universalium* idearum quae reflexione generantur, *de certitudine primorum principiorum* seu iudiciorum immediatorum, tandem *de certitudine iudiciorum mediatorum* quae ratione a primis iudiciis deducuntur. Unde caput primum sic dividitur :

DE FACULTATUM COGNOSCITIVARUM
VERACITATE.

I. De sensibus externis	{ Notio Objectum { sensibile per se { sensibile proprium { sensibile per accidens { sensibile commune Conditiones requisitae ad perfectum sensuum exercitium. Habitudo sensus ad diversa sensibilia Idealismi notio et historia Idealismi refutatio : Thesis — Sensus externi sunt veraces. Difficultatum solutio
II. De sensibus internis	{ Notio et numerus Veracitas Conscientiae notio " species { sensitiva { intellectiva Testimonium conscientiae est certissimum
III. De objectivitate idearum	{ Status quaestionis Doctrina Kantiana exponitur Subjectivismi refutatio—Idae quas intellectus efformat simplici apprehensione gaudent objectivitate.
IV. De universalibus	{ Status quaestionis Universalis notio et species Philosophorum sententiae Nominalismus et Conceptualismus admitti non possunt. Realismus exaggeratus refutatur Realismus temperatus demonstratur Difficultatum solutio
V. De certitudine judiciorum immediatorum	{ Status quaestionis Veracitatis intellectus adversarii. Judicia analytica immediata objectiva sunt et circa ipsa intellectus errare non potest.
VI. De certitudine judiciorum mediatorum	{ Status quaestionis Ratio humana in judiciis mediatis <i>per se</i> errare non potest, sed <i>per accidens</i> . Vis syllogismi vindicatur

ARTICULUS I

DE SENSUM EXTERIORUM VERACITATE

(34)

I. Sensus externi notio.—*Sensus externus est facultas organica cognoscitiva singularium materialium exteriorum a quibus hic et nunc movetur et alteratur.*

Dicitur : a) *Facultas*, scilicet, principium immediatum operationis.

b) *Organica*, quae scilicet mediante organo corporeo operationem suam exercet. Organa autem quibus sensus externi, nempe *visus, auditus, olfactus, gustus* et *tactus* actionem propriam exercent sunt : *oculi, aures, nares, palatus* et *organismus tactilis* per totum corpus diffusus sed praecipue in *manibus* repertus. Organa dicuntur *sensoria*, et ipse sensus, *organa sensoria animata*.

c) *Cognoscitiva singularium materialium exteriorum*, scilicet, quae nata est recipere in se similitudines materialium singularium exteriorum. Cognitio enim sit secundum quod cognitum est in cognoscente, et cognitum est in cognoscente secundum sui similitudinem. Objectum sensus externi est igitur : *materiale*, non immateriale; *singulare*, non universale, *extra sensum existens*, non autem intra.

d) *A quibus hic et nunc movetur et alteratur*, sensus enim est facultas quae movetur et alteratur ab objecto quod in

l. 10. aban ... 20. experientia ...

sensum agere non potest nisi *hic et nunc* sit praesens. Objectum autem movet sensum producendo in ipsum sui similitudinem qua sensus immutatur et transit de potentia ad actum.

immutatio seu modificatio sensus est ipse sensus seu cognitio sensitiva

II. Sensus externi objectum. Objectum sensus, scilicet, materiale singulare quod natum est movere sensum, dicitur *sensibile*. Sensibile autem dividitur in *sensibile per se*, et *sensibile per accidens*.—*Sensibile per se* est illud quod movet vel influit movendo sensum, v. g., albedo et magnitudo.—*Sensibile per accidens* est illud quod non movet sed quod conjungitur cum eo quod movet, scilicet, cum *sensibili per se*, v. g.,

gr. a potest
Gen III. b

substantia, quae de se non nata est movere sensum, sed conjungitur cum qualitatibus quae sensus movent. *Sensibile per se* dividitur in *sensibile proprium* et *sensibile commune*.—*Sensibile proprium* est illud quod ab uno tantum sensu percipi potest, v. g.: *color* est *sensibile proprium visus*, *sonus* auditus, *odor* olfactus, *sapor* gustus, *resistentia* tactus. *Sensibile commune* est illud quod a pluribus sensibus percipi potest, *praesertim a visu et tactu*, v. g.: *extensio*, *figura*, *divisio*, *numerus*, *motus*, *quies*, *locus*, *situs*.

III. Conditiones requisitae ad perfectum sensuum exercitium.—Ad perfectum exercitium requiritur ut sensus bene disponatur, tum *in seipso*, tum *respectu medii*, tum *ratione objecti*.—*In seipso*,—sensus enim debet esse sanus et integer; oculis aegris odiosa est lux quae sanis amabilis est.—*Respectu medii*,—id nempe quo mediante attingitur *sensibile* debet esse proportionatum, nimia lux obcaecat potiusquam illuminet oculum.—*Ratione objecti*,—objectum enim debet esse proprium et in debita distantia positum, objectum nimium distans non videtur.

IV. Habitudo sensus externi ad diversa sensibilia.—
1° Ad *sensibile proprium*.—*Apprehensio cujuslibet sensus circa sensibile proprium est semper vera, dummodo non sit*

Non seipso
Gen III. c. Videt equum. n. l. quod de ...

impedimentum in organo vel in medio. Apprehensio enim sensus circa sensibile proprium est naturalis. Atqui operatio quae est : natura non potest a fine deficere nisi per accidens, i. e., propter aliquod impedimentum vel corruptionem. Ergo sensus circa proprium sensibile habet semper apprehensionem veram, ubi non datur impedimentum in organo vel in medio.

Ad majorem. Quilibet enim sensus primo et per se a natura ordinatur ad sensibile proprium percipiendum, apprehensio igitur sensus externi circa sensibile proprium est naturalis. Jamvero actio quae procedit ex potentia naturaliter agente non potest non consequi effectum suum cum non impediatur : natura enim determinatur ad unum. Ergo sensus recte dispositus non potest non percipere sensibile proprium. « Nulla potentia cognoscitiva deficit a cognitione sui objecti nisi propter aliquem defectum aut corruptionem. » ⁽¹⁾

2^o *Ad sensibile commune.*—Circa sensibile commune unus sensus potest decipi, sed vitatur deceptio si sensibile commune percipiatur per visum et per tactum. « Hi duo sensus enim praeeminent ceteris in perfectione apprehensiva : visus propter spiritualiorem naturam ; tactus propter modum immediatum quo immutatur a suo objecto. » ⁽²⁾ Sic remus in aqua mersus, oculis fractus apparet, propter lucis refractionem ; sed corrigitur error visus si fiat applicatio tactus.

3^o *Ad sensibile per accidens.*—Sensus decipi potest circa sensibile per accidens, non autem dijudicando sub accidentibus sensibilibus adesse naturaliter aliquod subjectum, nempe substantiam, sed dijudicando specificè de illa substantia. Corriguntur autem sensuum illusiones, per applicationem hujus facultatis cujus est percipere illud sensibile

(1) S. THOMAS, *S. G. G.* I., 3., c., 10.

(2) LORENZELLI, *Philosophia*, t. I, p. 140.

Handwritten notes:
 dicitur enim in sensu proprio, quia per se
 potest et videtur, quia operatur, et non a causa
 non habet, dicitur enim in sensu proprio, quia per se

per accidens tanquam objectum proprium, nempe per iudicium intellectus cuius objectum proprium est substantia.

V. Idealismi seu subjectivismi notio et historia.—Idealismus seu subjectivismus est systema eorum qui denegantes objectivitatem cognitionum nostrarum tenent nos percipere tantum *ideas* seu representationes pure subjectivas quibus nulla realitas extra nos respondet. Idealismus est empiricus vel rationalis prout denegat objectivitatem sensationum tantum, vel etiam idearum. De idealismo empirico seu sensistico hic instituitur sermo.

Apud antiquos, sceptici, scilicet Pyrrhonistae, Academici, Onesidemus, Sextus Empiricus objectivitatem sensationum nostrarum denegarunt.

Apud modernos ipsi idealismo favent qui, denegantes vim testimonii sensuum externorum, docent existentiam corporum demonstrari non posse nisi ex veracitate Dei, ut Cartesius, vel ex revelatione divina, ut Malebranchius, vel ex instinctu necessario naturae, ut Reid.

Idealismi empirici praecipuus defensor extitit Berkeley, episcopus anglus (1684-1753). Jam docuerat Lokius in rebus sensibilibus adesse qualitates primas et qualitates secundas. Qualitates primae sunt : figura, extensio, motus, soliditas, etc. ; qualitates secundae, color, odor, sonus, sapor, etc. Qualitates primae objectivitate gaudent, non autem secundae. Berkeley huic doctrinae insistens, animadvertit qualitates primas mediantibus secundis percipi, ideoque non posse esse quid reale et objectivum, sed quid mere subjectivum. Cum autem, juxta illos philosophos, substantia non est nisi collectio qualitatum, negata objectivitate qualitatum, denegavit Berkeley et objectivitatem substantiae. Nihil igitur reale respondet sensationibus nostris, et totum esse rerum sensibilibum est percipi, vel aliquod phenomenon a Deo in sensibus productum.

31)

1. Berkeley non negat existentiam, hanc tamen per se non esse certam
 2. Berkeley non negat existentiam, hanc tamen per se non esse certam
 3. Berkeley non negat existentiam, hanc tamen per se non esse certam
 4. Berkeley non negat existentiam, hanc tamen per se non esse certam
 5. Berkeley non negat existentiam, hanc tamen per se non esse certam
 6. Berkeley non negat existentiam, hanc tamen per se non esse certam
 7. Berkeley non negat existentiam, hanc tamen per se non esse certam
 8. Berkeley non negat existentiam, hanc tamen per se non esse certam
 9. Berkeley non negat existentiam, hanc tamen per se non esse certam
 10. Berkeley non negat existentiam, hanc tamen per se non esse certam

In o. ntem judicio, do est maxima in sanibus veritas, si et
sani et valentes, et omnia remota velis quae obstant et
impediunt. h. e. c.

David Hume principia Berkeley ad ultimas conclusiones
conduxit et ad scepticismum pervenit.

VI Idealismi empirici refutatio.—

THESIS.—SENSUS EXTERNI EXISTENTIAM CORPORUM REFERENDO SUNT VERACES

1° *Ex ipsa natura nostra.*—Naturaliter fidem praebemus
testimonio sensuum, nulla saepe saepius adhibita reflexione,
ita ut ipse Pyrrho, cane irruente perturbatus, dicebat
pugnandam esse naturam ratione ut exuatur. Atqui natura
non potest nos fallere, et ratio nobis datur non ut naturae
adversetur, sed ut eam sequatur et perficiat. Ergo testimo-
nium sensuum externorum ut indubium habendum est.

2° *Ex ipsa organorum sensoriorum dispositione.*—Natura
enim nihil frustra facit. Atqui natura pulcherrimum dispo-
suit organismum in summe corporis, qui, denegata naturali
ordinatione ipsius ad sensibilia externa, inutilis et frustra
evadit. Ergo vel negandus est manifestus ordo organorum
sensoriorum ad corpora exteriora, vel admittenda aptitudo
naturalis sensuum ad sensibilia cognoscenda. Atqui pri-
mum est absurdum. Ergo.

3° *Ex ipsa natura sensationis.*—Non potest explicari, sen-
satio externa nisi actione corporum exteriorum in ipsos
sensus. Atqui corpora exteriora non possunt agere in sensus
nisi reali existentia donentur. Ergo corpora realiter existunt,
et sensus referendo existentiam ipsorum sunt veraces.

Ad majorem : Sensatio explicari non potest nisi actione
corporum in ipsos sensus.—1° *Sensus sunt de se indifferentes*
ad perceptionem unius vel alterius objecti in individuo ;
visus determinatur quidem ad percipiendum colorem, sed
nullo modo ad percipiendum tale vel tale objectum colora-
tum. Non potest tamen fieri perceptio hujus objecti nisi
cessat indifferentia illa ; dum enim indifferens remanet nihil

percipit sensus. Ergo sensus indiget determinari ad objectum in individuo percipiendum.—2^o Quomodo autem fiet ista determinatio?—Erit vel a subjecto sentiente, vel a Deo, vel a corporibus sensibilibus.—3^o *Non potest sensus determinari a subjecto sentiente.* Etenim subjectum sentiens est de se indifferens.—4^o *Non potest sensus determinari a Deo immediate.* Licet enim Deus de potentia sua absoluta possit producere in sensus repraesentationes seu imagines sensibiles, de facto non potest illa productio tribui Deo immediate agenti. Deus in errorem nos induceret, quod veracitate et bonitati ejus repugnat. Naturaliter enim corporibus tribuimus causam sensationis, v. g., si ignis ad manum moveatur, statim nulla reflexione praehabita manus retro refertur. Si igitur ipse Deus immediate sensationes producit, natura, scilicet auctor naturae, nos fallit. Deus ergo non potest esse causa sensationis.—5^o Remanet ergo ipsa corpora externa agere in sensus, et actione sua esse causam determinativam sensationis.

VII. Corollarium.—Existentia mundi exterioris est veritas immediata, indemonstrabilis.

VIII. Solvuntur difficultates.—*Ex parte scepticorum.* 1^o Quod saepe saepius fallitur non potest dici verax. Atqui sensus externi saepe saepius falluntur. Ergo sensus externi non sunt veraces.

Transeat major. Dist. min., deficiente aliqua conditione ad perfectum sensus exercitium requisita, *conc.,* positis omnibus conditionibus, *subdist.* circa sensibile proprium, *nego,* circa alia sensibilia, *conc.*

2^o Atqui sensus non est infallibile circa sensibile proprium. Ergo.

Eadem specie percipiuntur sensibile per accidens, sensibile commune et sensibile proprium. Atqui sensus falli potest circa sensibile per accidens et sensibile commune. Ergo falli potest circa sensibile proprium.

Dist. maj. Eadem specie et aeque immediate, *nego,* eadem specie qua immediate percipitur sensibile proprium et mediate alia sensibilia, *conc. Conc. min.*

Sensibile externum determinat sensum imprimendo in ipsum speciem quae est similitudo objecti. Illa autem species est simul repraesentativa sensibilis proprii, sensibilis communis et sensibilis per accidens. Tamen immediate sensibile proprium repraesentat, et mediante sensibili proprio,

Handwritten notes at the bottom of the page, including the word "Causam" and other illegible scribbles.

alia sensibilia. Cum igitur sensibile commune et sensibile per accidens latent post sensibile proprium quo mediante percipiuntur, facile apparet quod possit dari circa illa sensibilia error qui circa sensibile proprium non datur, propter immediatam apprehensionem.

3^o Atqui perceptio immediata sensibilis est impossibilis. Ergo.

Perceptio immediata sensibilis supponit actionem corporis in animam. Atqui corpus in animam agere non potest. Ergo.

Disj. maj. in animam a corpore separatam, *nego*, in organum animatum, *conc.*—*Contradist. min.* in animam a corpore separatam, *conc.* in organum animatum, *nego*.

Subjectum sensationis, nempe id quod sentit, ut demonstratur in psychologia, non est anima sola, sed ipsam compositum animae et corporis, organum scilicet animatum. Igitur perceptio immediata corporum non requirit actionem ipsorum in ipsam animam, sed in sensus, in organum animatum.

4^o Atqui corpus non potest esse causa sensationis. Ergo.

Corpus brutum non potest esse causa actus vitalis. Atqui sensatio est actus vitalis qui ab anima ope organorum exercetur. Ergo corpus non potest esse causa sensationis.

Dist. maj. Corpus brutum non potest esse causa totalis et unica actionis vitalis, *conc.*, non potest esse causa determinativa potentiae animatae quae talem actum elicit, *nego*.

Contradist. min. Est actus vitalis cujus causa efficiens et unica est ipsum corpus externum, *nego*; cujus corpus externum est causa partialis et determinans, *conc.*

5^o *Ex parte subjectivistarum.*—Sensatio est quid subjectivum. Atqui id quod est subjectivum non potest dici simul objectivum. Ergo sensatio non gaudet objectivitate.

Dist. maj. sensatio est quid subjectivum ut est *affectio* subjecti sentientis, *conc.*, ut est *cognitio*, *nego*.

Dist. min. eodem sub respectu, *conc.* diverso respectu, *nego*.

Sensatio fit secundum quod corpus sensibile agit in sensum, ipsum determinans ad sentiendum. In sensatione igitur distinguere est veluti duplex momentum. *Primum*, in quo sensus sese habet ut patiens actionem corporis sensibilis, et secundum hoc sensatio est affectio subjecti sentientis, et quid subjectivum; *secundum*, in quo sensus determinatus actione sensibilis, agit et percipit ipsum. Cum ista actio sensus terminatur ad ipsum objectum, et est cognitio objecti, recte dicitur quid objectivum.

6^o Atqui sensatio ut cognito est quid subjectivum. Ergo.

Cognitio fit secundum quod cognitum est in cognoscente. Atqui sensibilia sensu cognoscuntur. Ergo sensibilia sunt in sensu et nihil cognoscitur de rebus.

Dist. maj. per seipsum vel per sui similitudinem, *conc.*, per seipsum tantum, *nego. Conc. min.*

Cognitio fit secundum quod cognitum est in cognoscente secundum sui similitudinem, et quia ista similitudo in cognito ipso producitur et est ipsa ejus repraesentatio, est quid objectivum. Sensibilia sunt igitur in sensu secundum species seu similitudines ab ipsis productas, et quibus mediantibus ipsa sensibilia cognoscuntur.

7^o Atqui cognitio quae fit mediante specie est mere subjectiva. Ergo.

Cognoscere sensibilia mediante specie non est ipsa cognoscere sed meram repraesentationem subjectivam. Atqui sensibilia mediante specie percipiuntur. Ergo non cognoscimus res, sed tantum ideas seu repraesentationes subjectivas.

Dist. maj. mediante specie quae sit *id quod cognoscitur, conc.*, quae sit *id quo cognoscitur tantum, nego.*

Contradist. min. mediante specie quae est *id quod cognoscitur, nego, id quo percipitur sensibile, conc.*

Facile solvitur haec difficultas ex consideratione muneris quo fungitur species in cognitione sensibili. Species enim est *medium* quo determinatur sensus ad sentiendum, non autem *id* ad quod terminatur sensatio. *Id* enim quod sentitur, quod percipitur non est ipsa species, sed objectum cujus est similitudo. Quia igitur cognitio sensitiva terminatur non ad speciem, sed ad objectum sensibile extra sensum existens, illa cognitio non est mere subjectiva sed objectiva.

8^o *Ex parte eorum qui dicunt Deum esse causam sensationis.* Indifferentia sensus demonstrat causam sensationis esse extrinsecam. Atqui illa causa potest esse Deus. Ergo non sequitur corpora esse causam sensationis.

Conc. maj. Dist. min. De potentia sua absoluta, *conc.*, de potentia sua ordinaria, *nego.*

Potentia Dei dicitur absoluta respectu omnium eorum quae non implicant in se contradictionem. Deum producere repraesentationes sensibiles in sensu in se non implicat. Ergo dicitur quod de potentia Dei absoluta non repugnat Deum esse causam sensationis. Potentia Dei ordinaria dicitur respectu eorum quae licet in se non implicant contradictionem, tamen ipsis divinis attributis, posita quadam circumstantia, adversantur. Sic diximus Deum non posse esse causam sensationis, de

potentia sua ordinaria, quia posito naturali instinctu quo causam sensationis corporibus tribuimus, Deus nos falleret, quod veracitati ejus repugnat.

9^o Atqui de potentia Dei ordinaria Deus potest esse causa sensationis. Ergo.

De potentia ordinaria Deus potest omne id quod non repugnat divinis attributis. Atqui nullum attributum divinum, nequidem veracitas divina, requirit Deum impedire errorem intellectus humani. Ergo de potentia ordinaria Deus potest esse causa sensationis.

Conc. maj. Dist. min. veracitas divina non exigit Deum impedire ne intellectus humanus quandoque per accidens decipiatur, *conc.*, nec exigit Deum ut auctorem naturae non posse naturali inclinatione homines in errorem inducere, *nego.*

10^o Atqui Deus potest homines in errorem inducere. Ergo.

Inducere homines in errorem est velle malum physicum. Atqui Deus potest velle malum physicum. Ergo Deus potest inducere homines in errorem.

Conc. maj. Dist. min. Per se, nego, per accidens, scilicet propter majus bonum eo cui opponitur malum physicum, *conc.*

Utique error est malum physicum quod Deus velle potest per accidens ad majus bonum obtinendum; sed quando agitur de errore permitiendo vel inducendo in omnes homines, sicuti in casu, non videtur quale esse possit bonum majus a Deo intentum, et vi cujus illud malum physicum vellet.

11^o Atqui Deus de potentia sua ordinaria potest esse causa immediata sensationis. Ergo.

De potentia sua ordinaria Deus facere potest quod de facto facit. Atqui de facto, in Sacramento Eucharistiae, absentibus pane et vino, Deus sensationes ab ipsis excitatas in sensus nostros producit. Ergo.

Conc. maj.—Dist. min. Absente substantia panis et vini Deus facit accidentia permanentia easdem in nos producere sensationes, *conc.*; nihil panis et vini remanente Deus immediate sensationes producit, *nego.*

«Sensus a deceptione redduntur immunes dum de accidentibus judicant sibi notis.» S. THOMAS.

ARTICULUS II

DE SENSIBUS INTERNIS PRAESERTIM DE CONSCIENTIAE TESTIMONIO

(35)

I. Sensuum internorum numerus et notio.—Quatuor sunt sensus interni : Sensus communis, phantasia, aestimativa, memorativa.—**Sensus communis** est facultas organica quae percipit et discernit sensationes et sensata sensuum externorum in eorum praesentia. ⁽¹⁾ Cum enim percipitur objectum externum sensatione, non tantum sentimus, sed sentimus nos sentire, et discernimus diversorum sensuum objecta, scilicet, scimus nos percipere colorem visu, sonum auditu, etc. ; illa autem facultas quae sensationes percipit necnon sensata sensuum discernit et conjungit, dicitur *sensus communis*.

Phantasia est facultas organica conservativa et reproductiva imaginum rerum sensibilibum, quae per sensationem externam acceptae fuerunt, in earum absentia.

Aestimativa est facultas organica apprehensiva rerum sensibilibum sub ratione utilitatis vel nocimenti. Illa facultate ovis lupum apprehendit ut nocivum.

Memorativa est facultas organica apprehensiva hujus vel illius sensibilis ut prius sensati vel percepti.

(1) DE MARIA, *Philosophia*. vol. II, p. 253.

II. **Sensuum internorum veracitas.**—Sensus interni sunt facultates cognoscitivae quae naturaliter ordinantur ad perceptionem determinati objecti. Ergo nisi dicatur natura ad errorem ducere, istae potentiae, dum recte disponuntur et in seipsis et respectu proprii objecti, non possunt nos fallere.

III. **Conscientiae notio et divisio.**—Conscientia est *facultas qua anima nostra proprias affectiones percipit*. Affectiones autem animae aliae sunt sensibiles, aliae intellectivae. Unde duplex conscientia, alia sensitiva, quae affectiones sensibiles percipit, alia intellectiva, quae affectiones intellectivas renuntiat. Conscientia sensitiva nihil aliud est quam sensus communis.

IV. **Testimonium conscientiae intra limites proprii objecti est verax.**—Proprium est ipsius conscientiae animae affectiones referre; sed dum conscientia animae affectiones percipit, fieri non potest quod non percipiat animam ipsam, subjectum cogitans et sentiens. Duplex igitur datur objectum conscientiae: unum directum, animae affectiones, alterum indirectum, ipsum subjectum cogitans et sentiens. Conscientia tamen illa objecta percipit ut *facta* de quorum existencia tantum testatur, de natura affectionum necnon et subjecti cogitantis iudicium ferre ad rationem pertinet.

1° Illud testimonium est certissimum et verax quod non potest in dubium revocari quin de facto ut certum affirmetur. Atqui ita est testimonium conscientiae. Ergo testimonium conscientiae est certissimum et verax.

Minor vix declarari indiget. Etenim qui dubitat de conscientiae testimonio, hoc ipso affirmat se esse et se dubitare. Atqui nemo potest affirmare se esse et se dubitare quin ad testimonium conscientiae appellat, et illud ut certum habeat. Ergo ipsa dubitatio quae haberi posset de conscientiae testimonio est confirmatio certitudinis ejus. « Nos

sumus, ait Augustinus, ⁽¹⁾ et nos esse novimus.... in his nulla nos falsitas verisimilis turbat. Si enim fallor, sum. Nam qui non est, utique nec falli potest, ac per hoc sum, si fallor. Quia ergo sum si fallor ; quomodo me esse fallor, quando certum est me esse, si fallor ? »

2^o Objectum conscientiae est aliquid tam immediate, tam vivide et intime animam afficiens ut ipsum non esse dum percipitur impossibile sit. Ergo infallibiter vera sunt quae refert conscientia circa objectum sibi proprium. Etenim animam affici et affectionem animae sentiri sunt unum et idem ; pati et habere conscientiam doloris est unum et idem, ubi dolor non sentitur, non patitur.

ARTICULUS III

DE OBJECTIVITATE IDEARUM

(36)

I. Status quaestionis.—Jam demonstrata veracitate sensuum, aggredimur ad veracitatem facultatis intellectivae, nempe intellectus, declarandam. Et primo quidem, in praesenti articulo de objectivitate idearum prout directe simplici apprehensione accipiuntur instituitur sermo. Quemadmodum enim sensationum nostrarum objectivitas ab idealistis empiricis denegata est, ita idearum objectivitas a Kantistis

(1) *De Civitate Dei*, l. II, c. 26.

praesertim impugnatur, unde pessimus error philosophiae modernae *subjectivismus*. Jam, ut diximus. Berkeley denegaverat objectivitatem cognitionum ordinis physici : Kant objectivitatem cognitionum ordinis metaphysici in dubium revocat, admissa objectivitate idearum ordinis moralis. Fichte (1762-1814), Schelling (1775-1854), Hegel (1770-1831) non admittunt aliam ideam objectivam nisi ipsius subjecti cogitantis ; omnes aliae ideae sunt subjectivae. Quia quidem doctrina kantiana apud recentiores philosophos plurimum invaluit, ipsam longiori sermone exponere oportet.

II. Doctrina kantiana exponitur. Kant, (philosophus germanus n. et m. Koenigsberg 1724-1804) in suo libro *Critique de la raison pure*, tres in homine agnovit facultates cognoscitivas quae sunt : sensibilitas seu sensus, intellectus et ratio. In quacumque facultate cognitio resultat ex unione duplicis elementi : unum est materiale et a posteriori, alterum est formale et a priori. Elementa autem a priori sunt formae subjectivae quae veluti partes ipsius facultatis cognoscitivae accipiuntur. Istaе formae dicuntur *transcendentales*, non hoc sensu quod experientiam excedant, sed quia praesupponuntur omni cognitioni, et sunt *quid menti congenitum*.

Sensus percipiunt impressiones rerum sensibilibum quae impressiones constituunt elementum materiale et a posteriori sensationis ; elementum autem formale et a priori sunt formae subjectivae *spatii* et *temporis* : *spatium* est forma sensibilitatis externae, *tempus* forma sensibilitatis internae. Associatio seu applicatio elementi a priori cum elemento a posteriori constituit *intuitiones sensibiles*. Istit intuitionibus non cognoscimus res prout in se sunt, sed prout nobis apparent sub formis subjectivis spatii et temporis. Unde Kant duplicem rerum realitatem distinguit ; *realitatem noumenicam*, seu *noumena*, et *realitatem phenomenicam*, seu *phenomena*. Realitas noumenica est res in seipsa prout realiter supponitur

existere extra mentem ; realitas autem phenomenica, est res prout nobis apparet sub forma subjectiva spatii et temporis. Cognitione sensibili non cognoscitur realitas noumenica, seu res in sua objectivitate, sed realitas phenomenica, scilicet, res prout nobis apparet sub elemento subjectivo et formali spatii et temporis.

Intellectus habet et ipse elementum a posteriori et elementum a priori quorum unione constituitur cognitio intellectiva. Elementum a posteriori sunt *intuitiones sensibiles* ; elementum a priori sunt *categoriae* quae quatuor principales numerantur : quantitas, qualitas, relatio, modalitas. Quaecumque ex his quatuor categoriis tres sub se continet, ita ut duodecim categoriae sint :

Quantitas : unitas, pluralitas, totalitas ;

Qualitas : affirmatio, negatio, limitatio ;

Relatio : Substantia, accidens ; causa, effectus ; actio, passio ;

Modalitas : existentia, non existentia ; possibilitas, impossibilitas ; necessitas, contingentia. ⁽¹⁾

Illae categoriae sunt innatae et formae subjectivae ipsius intellectus. Ipsa applicatione categoriarum *intuitionibus sensibilibus*, constituuntur *conceptus*.

Conceptus intellectus constituunt elementum a posteriori *rationis*, cuius elementum a priori sunt *ideae* Dei, mundi et animae, quae *ideae* sunt formae subjectivae sicuti categoriae.

Cognoscere igitur, secundum philosophum Koenigsbergi, est applicare impressionibus ipsius sensibilitatis formas a priori intellectus, et cognitio scientifica resultat ex unione duplicis elementi, a priori, scilicet, et a posteriori. Scientia igitur non est de his quae ex experientia tantum seu a posteriori cognoscuntur, neque de his quae ex sola consideratione

(1) Cf. MERCIER, *Criteriologie*, p. 244.

idearum seu a priori affirmantur, sed de his quae ab experientia colliguntur et formis a priori intellectus subjiuntur. Unde Kant iudicium dividit in analyticum, syntheticum et syntheticum a priori. *Judicium analyticum* illud est cujus praedicatum dicitur convenire vel non convenire subjecto ex sola comparatione idearum, ex qua deprehenditur praedicatum contineri in notione subjecti. *Judicium syntheticum*, illud in quo praedicatum apparet convenire vel non convenire subjecto ex sola experientia. Iudicium analyticum est necessarium et universale, iudicium syntheticum particulare et contingens. Sunt amplius iudicia, animadvertit Kant, in quibus praedicatum non continetur in notione subjecti, qua ex parte synthetica sunt, quae tamen necessaria sunt, qua ex parte analytica seu a priori dicuntur; illa autem iudicia sunt *synthetica a priori*. Iudicia analytica sunt explicativa tantum, praedicatum nihil addit notioni subjecti; nihil scientiae conferunt. Iudicia vero synthetica non habent necessitatem quam requirit scientia. Igitur sola iudicia synthetica a priori sunt scientifica. Ita scientiae physicae et mathematicae quarum objectum aliquomodo experimentale est, sunt vere scientiae; metaphysica autem cujus objectum experientiam superat non est scientia, sed mera speculatio. Cognitio enim quam ratio speculativa habet de anima, de natura rerum mundanarum, et de Deo est pure subjectiva. Tamen id quod *ratio speculativa* scientificè cognoscere non potest, *ratio practica* eum certitudine tradit.

Etenim Kant, in alio opere, *Critique de la raison pratique*, docet quoddam adesse factum ultra experimentale, quod modo indubitabili et invincibili conscientia refert, scilicet officium seu obligationem moralem. Illa autem obligatio moralis, quam Kant vocat *iuperativum categoricum*, necessario supponit tanquam realitates noumenicas, libertatem hominis, immortalitatem animae, et existentiam Dei. Ista igitur veritates sunt *postulata* rationis practicae, et licet intellectus

ratione speculativa innixis nihil scientifice cognoscere de ipsis valeat, tamen *ratione practica* suffultus ipsis credere cum certitudine potest. En igitur in quo consistit *Criticismus transcendentalis* Kantii, qui dicitur etiam *subjectivismus transcendentalis*.

III. Subjectivismi transcendentalis refutatio.

THESIS : IDEAE QUAS INTELLECTUS DIRECTE EFFORMAT SIMPLICI APPREHENSIONE GAUDENT OBJECTIVITATE

1° Ut demonstrabitur in psychologia, intellectus ideas suas primitivas directe efformat abstractione ex speciebus rerum sensibilibus quae sensatione accipiuntur. Atqui illae species seu formae sensibiles sensatione acceptae objectivitate gaudent. Ergo ideae quae ex ipsis simplici apprehensione directe efformantur objectivitate gaudent.

Jam, in praecedentibus articulis, demonstrata est objectivitas sensationum nostrarum. Porro objectivitas idearum immediate fundatur in objectivitate cognitionis sensitivae. Etenim objectum circa quod versatur operatio intellectiva in sensibus primo recipitur, quibus mediantibus offertur intellectui qui abstrahit ideas suas a formis sensibilibus. Si autem formis istis a sensatione acceptis objectum reale exterius respondet, idem dicendum est de ideis seu formis intelligibilibus.

2° Ideo ideae nostrae subjectivae a Kantistis praedicantur, quia efformantur applicatione formarum a priori quae subjectivae sunt et constituunt elementum formale ex quo resultant. Atqui falsum est illas formas esse menti congenitas et nulla objectivitate gaudere. Ergo ideae nostrae gaudent objectivitate.

Omne id quod ex experientia habetur, animadvertit Kant, est contingens et particulare. Atqui in cognitione

etiam sensibili habentur elementa quae sunt necessaria et universalia, nempe *tempus* et *spatium*. Etenim non percipitur corpus quin aliquam partem spatii occupat, extra quam semper alia pars concipi potest. Spatium igitur non est limitatum sed *universale*. Ita possunt omnia corpora destrui, sed semper remanet spatium quod ideo *necessarium* est. Item de tempore. illa igitur elementa praesupponuntur cognitioni sensibili, et sunt formae a priori menti ingenitae.

Nemo est qui non videat illam argumentationem irriti falso supposito, identitate spatii realis et spatii idealis. Ubi enim illa distinguuntur facile apparet formas spatii et temporis non esse subjectivas et menti congenitas, sed notiones quae ex experientia accipiuntur. Triplex enim datur spatium, *reale, ideale, imaginarium*. Percipiendo duo corpora, situs eorum simul percipimus, et inter situs diversos, distantiam seu spatium. Si autem corpora realia sunt, et *spatium reale* est, et cum corpora extensione praedita limitata sunt, ita *spatium reale* est quid limitatum, quod deficientibus corporibus nullo modo existit. Spatium reale non est igitur quid universale et necessarium. Tamen intellectus multa corpora possibile concipere potest, inter quae distantia seu spatium possibile fingit quin ipsi imponat limites, unde *spatium ideale* illimitatum. Ita phantasia spatium fingit indefinitum inter corpora imaginaria, unde *spatium imaginarium*. Idem dicendum est de tempore quod reale, ideale et imaginarium esse potest, prout est *numerus motus* realis, idealis seu imaginarii, *secundum prius et posterius*. Ubi non sunt corpora realia, nec datur motus realis et cessat tempus reale, quamvis remanere possit tempus ideale seu imaginarium. Formae igitur spatii et temporis non sunt ipsi sensationi anteriores et menti congenitae sed notiones quae ex experientia accipiuntur. ¹⁾ Idem dici potest de aliis formis a priori Kantis-

(1) Cf. MERCIER, *Traité élémentaire de phil., Criteriologie*, p. 45.

tarum quae omnes fundamentum habent in realitate sensibili, ut clare apparet ex his quae dicenda sunt in articulo sequenti de universalibus.

ARTICULUS IV

DE UNIVERSALIBUS.

(37)

I. Status quaestionis.—Kant affirmat formas intellectus nempe *categorias* esse subjectivas et a priori, quia quidem animadvertit illas formas, abstractas esse et universales, res autem in seipsis esse concretas et singulares. Unde impossibilitas admittendi ipsas res conceptibus nostris universalibus respondere. Istaе igitur formae quae de pluribus praedicantur sunt innatae ideoque subjectivae. Jam quidem in praecedenti articulo, objectivitate idearum vindicavimus, sed abstractione facta ab universalitate ipsarum; nunc autem considerantur ideae ut universales sunt, et solvenda proponitur quaestio maximi momenti de natura et objectivitate universalium.

II. Universalis notio et species.

1° *Universale est unum aptum inesse pluribus et praedicari de multis, vel unum in multis.* Unitas igitur et multiplicitas sunt genuinae universalis conditiones.

Handwritten notes at the bottom of the page, likely a student's marginalia or a later addition. The text is partially obscured and difficult to decipher, but appears to discuss philosophical concepts related to universality and abstraction. Some legible fragments include "est in pluribus" and "est in pluribus".

Universale est duplex, metaphysicum scilicet et logicum.

Universale metaphysicum (seu directum, seu materiale, seu primae intentionis) est *ipsa natura* seu *quidditas prout directe ab intellectu percipitur, abstracta a principiis individuanti- bus vel a conditionibus materialibus.*

In Petro v. g. habetur quidditas seu natura qua Petrus est homo, et sunt principia individuanti quibus Petrus est hic homo Petrus. Principia individuanti cognitione sensitiva percipiuntur; sed eum simplex apprehensio *sit actus mentis quo quid sit res aliqua scimus*, quando simplici apprehensione cognoscitur Petrus, percipitur de eo quid sit, scilicet quidditas ejus, natura separata a principiis individuanti- bus. *Illa autem natura hoc modo percepta, dicitur universale metaphysicum.*

Universale logicum (seu reflexum, seu formale, seu secundae intentionis) est *ipsa natura considerata ab intellectu ut habens ordinem ad plura, ut praedicabilis de pluribus.*

Cum simplici apprehensione percipitur Petrus, id quod terminat actum intellectus est conceptus naturae humanae; eodem modo cum apprehenditur Paulus, vel Carolus; sed mens nostra reflexione *rediens ad conceptus cognitione directa efformatos, jam animadvertit identitatem illorum trium conceptuum, et efformat conceptum unum pluribus communem.* Iste autem conceptus repraesentans naturam unam pluribus communem, praedicabilem de pluribus, dicitur universale logicum.

Universale logicum supponit universale metaphysicum et aliquid addit supra ipsum, nempe *intentionem* seu *formam universalitatis.*

Intentio seu forma universalitatis est ipsa actualis relatio qua intellectus reflectendo supra suum conceptum refert aliquam essentiam abstractam ad plura individua seu ad plures species.

Illa relatio est rationis, quum sit opus mentis comparantis et judicantis, et est rationis ratiocinatae, quia habet fundamentum in rebus exterioribus: illud autem fundamentum est earum similitudo in natura seu in forma quadam accidentali.

Universale metaphysicum considerari potest vel *quoad rem conceptam, vel quoad modum concipiendi.*

• **Universale quoad rem conceptam** est ipsa natura quae percipitur.

Universale quoad modum concipiendi est ipsa abstractio secundum quam illa natura concipitur.

III. Philosophorum sententiae.— Omnes philosophorum sententiae de natura universalium ad tres reduci possunt: 1^a Universale nullo modo existit extra intellectum; 2^a Universale existit formaliter et actu extra intellectum; 3^a Universale existit tum in intellectu tum in rebus, in intellectu formaliter et actu, in rebus fundamentaliter et in potentia.

Prima sententia est nominalistarum et conceptualistarum. Juxta nominalistas, universale existit in vocibus tantum, est merum *nomen*, unde doctrina ipsorum Nominalismus dicitur. Juxta conceptualistas, universale existit in conceptibus tantum, est merus *conceptus*, unde Conceptualismus.

Nominalismum tuentur, apud veteres, Heraclius, Epicurus et sensistae; aevo medio, Roellinus, Guillelmus Occam; apud modernos, Hobbes, Hume, Condillac, Comte, Taine, cum omnibus sensistis et positivistis.

Conceptualismi patroni sunt: apud veteres, Zeno et stoici; medio aevo, Abelardus; apud modernos, Kant et kantistae.

Secunda sententia est realistarum exaggeratorum. Realismus autem exaggeratus est triplex: *platonicus*, *ontologicus*, et *empericus*. Juxta Platonem, dicente Aristotele, universalis sunt *formae separatae* per se subsistentes, extra intellectum et extra res singulares existentes. Juxta ontologistas, universalis sunt ipsae ideae divinae quas homo immediate intuetur in Deo. Tandem realismus empericus (Guillelmus de Champeaux, David de Dinan et alii) docet universale actu et formaliter existere in ipsis individuis quorum natura est in se communis et universalis.

Tertia sententia est ipsius realismi temperati. Primo ab Aristotele enuntiatus, postea a Sancto Thoma traditus, *Realismus temperatus* docet universale logicum, universale scilicet, ut universale, actu non existere extra intellectum sed potentia tantum seu fundamentaliter; universale metaphysicum quoad rem conceptam seu naturam quae concipitur realiter existere extra intellectum, non autem universale quoad modum concipiendi, scilicet, abstractionem secundum quam illa natura concipitur esse in intellectu tantum.

IV. Rejicitur sententia negans universale esse in rebus.

THESIS.—**NOMINALISMUS ET CONCEPTUALISMUS ADMITTI NON POSSUNT.**

1° Nomina sunt signa idearum et ideae signa rerum. Atqui nihil est in signo quod non sit aliquo modo in signato. Ergo universale cum sit in nominibus debet esse in conceptibus, et cum sit in conceptibus debet esse aliquo modo in rebus.

2° Non potest admitti sententia quae ad subjectivismum ducit, ideoque omnem scientiam realem destruit. Atqui hujusmodi est sententia nominalistarum et conceptualistarum. Scientia enim est de universalibus, quia singularia cum sint contingentia et in perpetuo motu non possunt esse objectum scientiae. Nisi igitur universale sit aliquo modo in rebus, nulla scientia est realis. Ergo Nominalismus et Conceptualismus admitti non possunt.

V. Sententia realismi exaggerati refutatur.

THESIS.—**UNIVERSALE ACTU EXISTERE NON POTEST EXTRA INTELLECTUM.**

1° Omne id quod existit extra intellectum est singulare et concretum. Esse enim non recipitur nisi in subjecto singulari et concreto. Atqui singulare et universale actu,

concretum et abstractum inter se opponuntur et ad invicem sese excludunt. Ergo universale actu existere non potest extra intellectum.

2^o Sententiae Platonis et Ontologistarum falso nituntur supposito. Plato enim formas a rebus sensibilibus separatas posuit, quia fingebat res sensibiles nullo modo posse constituere objectum scientiae nostrae, quod falsum est. Etenim licet res sensibiles ut singulares et contingentes non valeant esse objectum scientiae, essentia ipsarum prout ab intellectu consideratur, abstracta a conditionibus materialibus et a notis individuantibus, cum sit immutabilis et necessaria constituitur objectum scientiae certae.

Ontologistae autem, ut Malebranchius et Gerdillius, dixerunt universalialia esse ideas divinas, ut sisterent in suo falso systemate de immediata Dei intuitionem, in quo, secundum ipsos omnia cognoscerentur.

3^o Insuper contra realismum ontologicum animadvertitur quod ideae divinae possunt dici universales hoc sensu quod plura repraesentant, nullo modo autem dici possunt universalialia quae de pluribus praedicantur. Etenim inter subjectum et praedicatum affirmatur identitas. Atqui affirmari nequit identitas inter res et ideas divinas quin admittatur pantheismus. Ergo universalialia non possunt esse ideae divinae. Ergo universale actu extra intellectum non existit.

VI. Veritas sententiae realismi temperati demonstratur.

THESIS. — REALISMUS TEMPERATUS VERAM TUETUR
DOCTRINAM CIRCA NATURAM UNIVERSALIIUM.

1^o Universale necessario existere debet extra intellectum; aliter enim scientia nostra aut esset de singularibus aut esset subjectiva, quod utrumque repugnat. Atqui universale non potest existere actu extra intellectum, omne enim quod existit singulare est. Ergo remanet quod sit actu in intellectu, in

Quoniam 1. ... 2. ... 3. ...

1. ... 2. ... 3. ...

de ...

potentia vero in rebus. Atqui haec est doctrina realismi temperati. Ergo réalismus temperatus veram tuetur doctrinam circa naturam universalium.

2^o Realismus temperatus doctrinam proponit secundum duplicem affirmationem nempe : a/ Universale logicum existit actu in intellectu, in potentia tantum in rebus ; b/ Universale metaphysicum quoad rem conceptam realiter existit in rebus, quoad modum concipiendi in intellectu tantum. Atqui vera est illa duplex affirmatio. Ergo realismus temperatus veram tuetur etc. Probatur minor per partes :

Prima pars :— *Universale logicum existit actu in intellectu tantum, in potentia vero seu fundamentaliter in rebus.*

1^o Illud ens formaliter et actu invenitur in intellectu tantum quod est ens rationis. Atqui universale logicum est ens rationis. Ergo non existit actu nisi in intellectu.—Universale enim logicum constituitur in quantum, mens nostra reflectendo supra conceptum suum, universali metaphysico addit intentionem universalitatis, nempe actualem relationem ad plura. Atqui illa actualis relatio ad plura quae est constitutiva formaliter universalis logici est ens rationis, cum sit opus mentis comparantis et judicantis. Ergo universale logicum est ens rationis, ideoque existit tantum in intellectu.

2^o Sunt a parte rei, naturae singulares quibus conveniunt eadem praedicata essentialia, v. g. : Petrus, Carolus, etc. . . dicuntur homines ; illae autem naturae cum considerantur ab intellectu, abstractae a notis individuantibus, aptae evadunt ad recipiendam intentionem universalitatis, seu praedicabilitatem de pluribus. Atqui hoc est praebere fundamentum intellectui ad universale logicum concipiendum. Ergo universale logicum fundamentaliter seu in potentia existit in rebus.

Secunda pars :— *Universale metaphysicum quoad rem conceptam realiter existit in rebus, non autem quoad modum concipiendi.*

Id quod intellectus concipit, concipiendo universale metaphysicum est quidditas rei materialis ; modus quo eam concipit est abstractio, scilicet concipit eam praecisione facta a notis seu principiis individuantibus. Atqui quidditas rei materialis invenitur quidem a parte rei, nempe in rebus materialibus, sed non invenitur in eis abstracta a notis individuantibus. Ergo universale metaphysicum invenitur in rebus quoad rem conceptam, non quoad modum concipiendi.

VII. Difficultatum solutio.

I. *Universale non est in intellectu.*—1^o Nihil est in intellectu quin prius fuerit in sensu. Atqui universale non est in sensu. Ergo universale non est in intellectu.

Dist. maj. Quin prius fuerit *actu* vel *potentia* in sensu, *conc.* ; quin fuerit *actu* in sensu, *nego.*

Contradist. min. Universale non est *actu* in sensu, *conc.*, *potentia*, *nego.*

2^o Atqui universale nullo modo invenitur in sensu. Ergo.

Unumquodque est in sensu secundum quod primo realiter existit in rerum natura. Atqui quidquid realiter existit est individuum et singulare. Ergo universale nullo modo est in sensu.

Conc. maj.

Dist. min. Quidquid realiter existit est in subiecto singulari, *conc.* ; est realitas per seipsam singularis quae nequit universaliter concipi absque singularitate, *nego.*

3^o Atqui realitas rerum singularium nequit universaliter concipi. Ergo.

Conceptus debent esse conformes rebus. Atqui res sunt singulares. Ergo et ipsi conceptus.

Dist. maj. Quoad id quod concipitur, *conc.* ; quoad modum quo concipitur, *nego.*

Conc. min.

Illa difficultas falsum principium supponit, nempe, modum essendi rei intellectae et modum intelligendi rem esse eundem. Modus enim sequitur naturam rei eujus est modus. Ergo modus essendi sequitur naturam rei intellectae, dum modus intelligendi sequitur naturam intellectus. Intelligere quidem est operatio intellectus, et operatio sequitur naturam principii a quo procedit. Si igitur natura intellectus alia sit a

natura rei intellectae, non potest esse idem modus essendi rei et modus ipsam intelligendi.

4^o Atqui conceptus debent esse conformes rebus quoad modum concipiendi. Ergo.

Apprehendere res diverso modo ac sunt est falso ipsas apprehendere. Atqui nisi conceptus sint conformes rebus quoad modum concipiendi, res apprehenduntur alio modo ac sunt. Ergo conceptus debent esse conformes rebus quoad modum concipiendi.

Dist. maj. Apprehendere res alio modo ac sunt per iudicium. *conc.* ; per simplicem apprehensionem, *nego*.

Contradist. min., et *nego* consequens et consequentiam.

II. *Universale non est in rebus sed in intellectu tantum.* 1^o Quidquid existit in rebus extra intellectum est singulare. Atqui singulare et universale opponuntur. Ergo universale non est in rebus.

Dist. maj. Est singulare per seipsum vel per aliquid additum essentiae, *conc.* ; per seipsum tantum, *subdist.* : in rebus immaterialibus, *conc.* in rebus materialibus, *nego*.

Conc. min.

Quidquid existit extra intellectum est singulare, proinde universale actu non existit in rebus. Tamen quia in rebus materialibus natura non est singularis per seipsam, sed mediante principii individuante a quibus realiter distinguitur, universale dicitur existere *potentia* in rebus. Illa enim natura, separata ope intellectus a principii quibus individuatur, fieri potest universalis.

2^o Atqui omnis natura est per seipsam singularis. Ergo.

Quaelibet essentia seu natura est singularis per propriam realitatem. Atqui realitas propria naturae, et ipsa natura seu essentia. Ergo quaelibet natura est per seipsam singularis.

Dist. maj. Quaelibet essentia est singularis per realitatem cum realitate quidditativa identificatam, *nego* ; per realitatem essentiae additam quae propria est hujus essentiae et non alterius, *conc.*

Contradist. min. Realitas quidditativa est ipsa essentia, *conc.*, realitas essentiae addita ipsam determinans ad singularitatem, *nego*.

3^o Atqui natura rerum est singularis per realitatem essentiae. Ergo.

Natura universalis est abstracta et communis pluribus. Atqui natura rerum realium est concreta et individua. Ergo unaquaeque natura est per seipsam singularis.

Dist. maj. Prout ab intellectu concipitur, *conc.*, prout existit in rebus, *subdist.* : actu, *nego*, potentia, *conc.*

Conc. min., *nego* consequens et consequentiam.

III. *Universale actu existit in rebus.*

1^o Universale est objectum scientiae nostrae. Atqui objectum scientiae debet esse reale. Ergo universale realiter existit in rebus.

Dist. maj., scilicet natura universaliter concepta, *eone.*, ipsa universalitas, *subdist.* : scientiae reflexae, *eonc.*, scientiae directae, *nego.*

Dist. min., ipsa natura quae eognoscitur, *cone.*, ipsa universalitas *nego.*

2^o Atqui ipsa universalitas debet esse quid reale. Ergo.

Objectum intellectus debet praexistere intellectui. Atqui universale actu est objectum intellectus. Ergo universale actu, ideoque ipsa universalitas qua fit actu, debet esse reale.

Cone. maj.

Dist. min. Est objectum intellectus possibilis, et ipsi praexistit, *eone.*, est objectum intellectus agentis et ipsi praexistere debet, *nego.*

Ex eo quod universale actu sit objectum facultatis cognoscitivae intellectivae, nempe intellectus possibilis, sequitur ipsum huic facultati praexistere. Tamen ex hoc concludi non potest ipsam universalitatem esse quid realiter existens extra intellectum, sed tantum infertur necessitas existentiae alieujus facultatis, nempe intellectus agentis, eujus sit facere universale actu, id quod est universale tantum in potentia.

ARTICULUS V.

DE CERTITUDINE PRIMORUM PRINCIPIORUM

(38)

I. Status quaestionis.—Unica datur facultas cognoscitiva intellectiva quae diversa sortitur nomina secundum diversa officia ad quae natura sua ordinatur : dicitur *intellectus* prout prima principia immediate cognoscit ; *ratio*, secundum quod veritates mediatas seu conclusiones ex primis principiis

deducit; *memoria*, prout species intelligibiles conservat; *conscientia*, secundum quod refert proprias animae intellectivae affectiones. In praesenti articulo quaeritur de *intellectu*, prout cognoscit judicia immediata; de *ratione* quae vero judicia mediata ex immediatis colligit, agetur in sequenti.

II. Veracitatis intellectus adversarii.—Veracitatem intellectivae facultatis in dubium vocarunt sceptici; Kant judicia intellectus esse subjectiva posuit, cum efformantur applicatione formarum a priori quae menti congenitae de rebus praedicantur. Traditionalistae vim nativam intellectus ad verum cognoscendum negarunt, dicendo nihil certum haberi nisi revelatione sit primo cognitum, et traditione doceatur. Item Positivistae certitudinem factorum tantum admittentes, judiciorum ordinis metaphysici certitudinem denegarunt.

III. Veracitas intellectus vindicatur. 152714A

THESIS.—JUDICIA ANALYTICA IMMEDIATA OBJECTIVA
SUNT, ET CIRCA IPSA INTELLECTUS ERRARE
NON POTEST

Prima pars.—1° *Ex objectivitate idearum*. Objectivitas judiciorum pendet ab objectivitate idearum quarum identitatem intellectus judicando affirmat vel negat. Etenim ubi conceptus objectivi sunt, objectiva est relatio identitatis quae inter ipsos apprehenditur, et objectivum judicium quo talis identitas affirmatur. Atqui ideae inter quas intellectus analysi identitatem apprehendit, et quarum identitatem judicando affirmat, gaudent objectivitate. Ergo judicia analytica sunt objectiva.

2° *Ex conscientiae testimonio*.—Ex conscientiae testimonio scimus intellectum nostrum impelli ad affirmandam identitatem praedicti cum subjecto non *subjectiva* quadam *necessitate*, seu ex natura intellectus, sed *objectiva*, nempe ex evidentia convenientiae utriusque. Hoc quidem manifestum

fit si considerentur diversi status mentis possibles respectu ejusdem judicii. Aliquando enim fit, quod primo identitas praedicati cum subjecto nullo modo apparet; intellectus manet anceps, et suspendit assensum: est status dubii. Postea identitas ejusdem praedicati cum eodem subjecto imperfecte aliquo motivo suaderi potest, intellectus identitatem illam affirmat, cum formidine tamen oppositi: est status opinionis. Tandem fieri potest quod clara evidentia identitas illa perfecte fulgeat, adhaesio intellectus necessatur et convenientia praedicati cum subjecto affirmatur sine ullo errandi formidine: est status certitudinis. Illa autem possibilis successio diversorum mentis statuum respectu ejusdem praedicati et ejusdem subjecti explicari non potest, si identitas unius et alterius necessitate subjectiva affirmaretur. Etenim habitudo necessaria et naturalis intellectus semper eadem esset respectu ejusdem objecti, aliter habitudo illa necessaria non foret. Judicia igitur intellectus, sunt objectiva.

~~Secunda pars.~~ 1^o *Ex natura facultatis.* Nulla facultas deficere potest a fine suo, dum naturaliter et necessario operatur, circa objectum ad quod natura sua ordinatur. Atqui hujusmodi est intellectus circa judicia immediata. Ergo intellectus circa principia immediata errare non potest.

2^o *Ex natura judiciorum analyticorum.* Judicium analyticum est illud in quo praedicatum continetur in notione subjecti. Atqui intellectus simpliciter apprehendens subjectum et praedicatum errare non potest. Ergo intellectus affirmando identitatem eorum errare non potest. Etenim vel intellectus novit quid sit subjectum et praedicatum et simul apprehendit convenientiam inter utrumque, quam judicando cum certitudine affirmat, vel non novit et nullum judicium proferre potest. «Intellectus, inquit S. Thomas, ⁽¹⁾ semper est rectus, secundum quod est principiorum, circa quae non decipitur

(1) Pars I. q. 17, a. 3, ad. 2.

*Intellectus est naturaliter rectus, sed non est rectus in actu
ad quod natura sua ordinatur. Intellectus est rectus in actu*

ex eadem causa, qua non decipitur circa *quod quid est*. Nam principia per se nota sunt illa, quae statim intellectis terminis, cognoscuntur, ex eo quod praedicatum ponitur in definitione subjecti. »

IV. Corollarium.—Prima principia, veritates per se notae, axiomata sunt certa, et nullo modo in dubium revocari possunt cum intellectus circa ipsa errare non potest.

ARTICULUS VI

DE CERTITUDINE JUDICIORUM MEDIATORUM

(39)

I. Status quaestionis.—Proprium est ipsius rationis prout ab intellectu distinguitur, deducere judicia mediata seu conclusiones mediante ratiocinio ex judiciis immediatis. Non eodem modo enim sese habet intellectus ad principia et ad conclusiones, ad judicia immediata et per se nota, et ad ea quae in istis principiis continentur : respectu priorum est *apprehendens*; respectu aliorum, non est *apprehendens*, sed mobiliter inquirens, conclusiones nempe ratiocinando deducens ex principiis. Quaerere igitur de certitudine judiciorum mediatorum est quaerere utrum ratio errare possit in istis judiciis ferendis, et, cum ista judicia deducuntur mediante ratiocinio quod syllogismo exprimitur, est etiam, vera aestimatione perpendere syllogismum.

II. *Habitudo rationis ad veritates mediatas determinatur.*

THESIS.—RATIO HUMANA IN JUDICIIS MEDIATIS *per se* ERRARE NON POTEST, SED *per accidens*.

Prima pars.—Errare *per se* est ordinari natura sua ad errorem. Atqui ratio humana natura sua ordinatur ad veritatem. Ergo ratio humana in judiciis suis errare *per se* non potest.

Major non indiget declaratione ; minor autem manifeste apparet ex oppositione contraria quae habetur inter verum et falsum quae ideo sese excludunt. Cum ratio humana dicit ordinem naturalem ad verum, non potest simul ad falsum ordinari, ideoque *per se* errare non potest.

Secunda pars.—Errare *per accidens* est errare vi alicujus causae extrinsecae quae rectum rationis exercitium impedit. Atqui multae sunt causae extrinsecae quae possunt impedire, et de facto impediunt rectum rationis humanae exercitium, ut sunt praecipitatio animi, praejudicia, passiones, etc. Ergo in judiciis mediatis ratio humana errare potest *per accidens*.

III. *Vis syllogismi vindicatur.*—Non tantum sceptici, sed etiam positivistae, ipsius syllogismi denegarunt ad novas et certas cognitione acquirendas. Baco et alii, inductionem supra modum extollentes, vim syllogismi con. pserunt. Proinde contra ipsos vis syllogismi sequenti thesi vindicatur:

THESIS.—COGNITIO NOVA, EAQUE CERTA, SYLLOGISMO COMPARARI POTEST.

Prima pars.—1° Cognitio nova acquiritur, ubi cognoscitur explicite quod implicite tantum sciebatur. Atqui mediante syllogismo explicite cognoscitur conclusio quae implicite tantum in principiis cognoscebatur. Ergo syllogismo cognitio nova acquiritur. Etenim conclusiones quidem in

praemissis continentur non actu et explicite, sed virtute tantum et implicite. Quādo autem mediante ratiocinio ex principiis deducuntur, fiunt actu, atque vera et nova cognitio acquiritur. ⁽¹⁾

2^o Ex experientia constat multas et novas cognitiones acquisitas fuisse mediante syllogismo, non tantum in scientiis metaphysicis in quibus multa de Deo, de anima et de mundo deductione acquisita sunt, sed etiam in scientiis physicis et experimentalibus, in quibus ex legibus et principiis a quibusdam doctoribus inductione inventis, alii scientiarum cultores, deductione et syllogismo, nova cognoverunt.

Secunda pars.—1^o Syllogismus est extrinseca manifestatio ipsius ratiocinii quod est operatio naturalis rationis humanae. Atqui operatio naturalis rationis humanae quae natura sua ad veritatem ordinatur non potest non esse medium aptum ad cognitionem certam comparandam. Ergo syllogismo cognitio certa comparari potest.

2^o Syllogismus perfectus, scilicet demonstrativus conclusionem deducit ex praemissis quibuscum ita necessario connectitur, ut negatio conclusionis negationem praemissarum importat. Atqui istae praemissae negari non possunt, sunt enim certae, et mens ex necessitate ipsis assensum praebet. Ergo nec conclusio negari potest, et eadem necessitate et certitudine mens ipsi assentit.

(1) « Tout ensemble de connaissances peut se ramener à un petit nombre de principes qui les contiennent implicitement; or il appartient au syllogisme de découvrir ce qui est contenu dans les principes. Il appartient donc au syllogisme de découvrir les divers systèmes de connaissances ou les diverses sciences.—Et que l'on n'objecte pas que posséder les principes, c'est déjà posséder les conclusions, puisque celles-ci y sont contenues. Il est vrai qu'elles y sont contenues; autrement on ne les en tirerait pas; mais elles ne sont pas connues pour cela. Autant vaudrait-il dire que celui qui a la raison dans laquelle sont contenues en germes toutes les sciences, connaît déjà par ce seul fait toutes les sciences. Concluons donc que l'opération de la raison est toujours féconde et légitime, soit qu'elle descende du général au particulier par la *déduction*, soit qu'elle remonte du particulier au général par l'*induction*. » A FARGES ET D. BARBEDETTE, *Cours de philosophie*, t. I, p. 173.

CAPUT SECUNDUM

DE AUCTORITATE

Prologus. Duplici modo homo ad cognitionem veritatis pervenit : vel enim per seipsum verum invenit et in se videt, cum ipsum immediate vel mediate attingit, applicatione facultatum cognoscitivarum ad propria objecta secundum leges logicas ; vel verum ab alio accipit, cujus testimonio assensum praebet, quin in se veritatem videat. In primo casu habetur *scientia* quae ex ipsa veritatis intelligibilitate seu evidentia producitur, in secundo, habetur fides quae auctoritate dicentis causatur. In praecedenti autem capite declaratum est, qua ratione facultates cognoscitivae legitime ad certitudinem scientiae ducunt ; in praesenti vero, declarandum venit de aptitudine *auctoritatis* ad certitudinem fidei producendam. Cum auctoritas alia sit divina et alia humana, praehabita consideratione auctoritatis in genere, de utraque auctoritate specialis erit articulus. Hujus igitur secundi capituli, materia ita dividitur :

*omne cum
trunc hunc
quod in C. 1.
quod in C. 2.*

DE AUCTORITATE.

	Auctoritatis notio
	Dogma et factum
	Testis notio
	“ species { Idoneus, idoneus
	“ species { Ocularis, auritus
	“ species { Coevus, posterior
	Testimonii notio
	“ signa : traditio oralis, historia, monumenta-
I. De auctori-	“ species { orale, scriptum, monumentale
tate in genere	“ species { divinum, humanum
	“ species { dogmaticum, historicum
	Fidei notio
	“ species : divina, humana
	De obscuritate objecti fidei
	De his quae praerquiruntur ad actum fidei
	Scientia et fides comparantur
	Auctoritas cognitionem veram et certam facit.
	Testimonii maxima utilitas
	Status quaestionis
	Possibilitas revelationis affirmatur
II. De auctori-	Auctoritas divina certitudinem producit et quidem meta-
tate divina	physicam.
	De rationalismo
	Corollaria
	Status quaestionis
	Sensus naturae communis notio et objectum
	Sensus naturae communis intra limites proprii objecti
	producit certitudinem.
	Traditio oralis, de factis publicis maximi momenti, certi-
	tudinem producit.
III. De auctori-	Testimonium scriptum, positis conditionibus, veram cer-
tate humana	titudinem producit.
	De testimonio monumentali
	“ “ historico
	“ “ dogmatico
	De critica et hermeneutica.

ARTICULUS I

DE AUCTORITATE IN GENERE

(40)

I. Auctoritatis notio.—Auctoritas ⁽¹⁾ est *vis moralis determinativa assensus intellectus alicui cognoscibili ex scientia et veracitate dicentis resultans*. Dicitur 1° *vis moralis*, quia auctoritas non necessitat assensum mentis; intellectus enim necessitate naturae determinatur ad assentiendum his quae ipsi manifestantur in sua evidentia intrinseca, non autem his quae auctoritate aliorum cognoscuntur.

2° *Determinativa assensus intellectus*, intellectus enim indiget determinari ad assentiendum veritati, vel ab ipsa veritatis evidentia, vel a principio extrinseco. In his autem quibus intellectus assentit ex testimonio aliorum, evidentia intrinseca non datur. Requiritur ergo ut a principio extrinseco, nempe ab auctoritate ad assentiendum determinetur. Ille assensus intellectus propter auctoritatem praestitus, dicitur *fides*.

3° *Alicui cognoscibili*, illud autem cognoscibile potest esse veritas vel sensibus cognita, vel comparatione idearum acquisita.

(1) « L'autorité est le droit d'être cru. »

4° *Ex scientia et veracitate dicentis resultans*, scientia enim et veracitas sunt duo elementa constitutiva auctoritatis. Homo quidem non potest imperare assensum intellectus aliorum, nisi scientiam habeat eorum quae tradit, et ipsa manifestet secundum quod ea scit, nempe nisi constet ipsum nec decipi nec decipere.

Auctoritas est duplex, *divina*, scilicet, et *humana*, prout est Dei revelantis, vel hominis aliquod verum attestantis.

II. *Dogma et factum*.—Illud cui intellectus assentit propter auctoritatem dicentis est *dogma* vel *factum*.

Dogma est omnis cognitio quam quis idearum comparatione sive immediate sive mediate acquisivit, v. g.: Anima humana est immortalis. Est *naturale* vel *supernaturale*: *naturale*, illud quod viribus naturalibus rationis acquiritur, v. g.: Deus existit;—*supernaturale*, illud quod captum rationis humanae excedit, v. g.: Tres sunt personae divinae. *Dogma* supernaturale dicitur proprie *mysterium*.

Factum est omne id quod percipitur sensibus externis vel internis, v. g.: Christus resurrexit.

Factum est *publicum*, cum in loco publico vel in conspectu plurium actum est; aliter dicitur *privatum*. *Factum* est *majoris* vel *minoris* momenti, *obvium* vel *obscurum*, intellectu nempe difficile, passionibus favens vel contrarium.

Testis notio et species.—*Testis* est ille qui propriam cognitionem alteri manifestat;—qui autem *dogma* tradit, magister seu *doctor* dicitur; qui vero *facta* asserit, proprie *testis* vocatur.

Testis dividitur: 1° *ratione auctoritatis*, in *idoneum* vel *inidoneum*, prout auctoritate donatur vel non; 2° *ratione modi*, in *ocularem* seu *immediatum* et *auritum* seu *mediatum* prout narrat facta quorum notitiam acquisivit propriis sensibus, vel ex testimonio aliorum; 3° *ratione temporis*, in *coevum* et *posteriolem*, prout tempore eventus vel tempore posteriori vixerit.

IV. Testimonii notio et species.—*Testimonium* est signum sensibile quo testis refert rem sibi notam.

Testimonium diversis signis cognoscitur, *traditione orali* scilicet, *historia* et *monumentis*.

Traditio oralis est series non interrupta testium qui factum quoddam viva voce referunt, et quorum alii ad originem facti ascendunt, alii autem vivunt in nostra aetate.

Historia est alicujus vel aliquorum factorum scripta narratio.

Monumenta sunt opera durabilia arte conlecta ad tradendam posteris alicujus facti vel doctrinae memoriam, v. g. : statuae, arcus, templa, numismata, picturae, inscriptiones.

Testimonium *ratione signi* dicitur *orale*, *scriptum*, *monumentale*, prout verbis, scriptis, vel monumentis res refertur ;—*ratione testis*, est *divinum* vel *humanum*, prout est manifestatio veritatis homini a Deo vel ab homine facta ;—*ratione veritatis traditae*, est *dogmaticum* seu doctrinale vel *historicum*, prout testis refert dogma vel factum, scilicet veritatem comparatione idearum immediate seu mediate acquisitam, vel sensibus cognitam.

V. Auctoritatis effectus.—Effectus auctoritatis est *fides* quae definitur : *assensus intellectus veritatibus in se inevidentibus, sub imperio voluntatis, propter auctoritatem dicentis*.

Dicitur 1° *assensus intellectus*, quia fides est actus elicitus ab intellectu.

2° *Veritatibus in se inevidentibus*, quia assensus intellectus veritatibus immediate vel mediate in se evidentibus est actus scientiae, non autem fidei.

Objectum materiale fidei sunt igitur veritates obscurae, veritates nempe quae evidentia intrinseca non apparent. Quod autem aliqua non sint apparentia humano intellectui contingere potest vel *ex defectu rerum*, quia sunt a nostris sensibus remota, qualia sunt facta hominum et dicta et

cogitata, quae quibusdam nota esse possunt, aliis autem ignota, vel ex *defectu intellectus* quia capacitatem ejus excedunt, quales sunt res divinae.

3^o *Sub imperio voluntatis*, fides enim est actus elicited ab intellectu, sed imperatus a voluntate. Voluntas autem movet intellectum in assensu fidei non tantum ut cogitet de objecto fidei (*quoad exercitium*), iste motus enim exercetur in actu demonstrationis et scientiae; sed etiam ut assensum ipsi praestet (*quoad specificationem*). Etenim in actu fidei intellectus non habet causam determinantem ejus assensum ex parte objecti, quia objectum est veritas inevidens. Ergo suppletur a voluntate id quod se tenet ex parte objecti, scilicet, movere intellectum ad assentiendum.

« Quandoque, ait S. Thomas (1), intellectus non potest determinari ad alteram partem contradictionis neque statim per ipsas definitiones terminorum, sicut in principiis, nec etiam virtute principiorum, sicut in conclusionibus demonstrativis est; determinatur autem per voluntatem quae eligit assentire uni parti determinate et praecise propter aliquid quod est sufficiens ad movendum voluntatem non autem ad movendum intellectum, utpote quod videtur bonum vel conveniens huic parti assentire, et ista est dispositio credentis, ut cum aliquis credit dietis alicujus hominis, quia videtur decens vel utile.»

4^o *Propter auctoritatem dicentis*, quia auctoritas est *objectum formale* fidei. Id enim propter quod intellectus ipsi veritati inevidenti assentit, est auctoritas ex scientia et veracitate dicentis resultans. Cum autem auctoritas sit duplex, alia scilicet divina, alia autem humana, fides duplex etiam habetur, divina nempe et humana prout nititur auctoritate Dei revelantis, vel hominis vera testantis.

VI. De obscuritate objecti fidei. Objectum fidei cui intellectus assentit dicitur obscurum quia evidentia intrinseca caret, non excludit tamen omnem evidentiam, et assensus

(1) *De Veritate*, q. 14, a. 1.

fidei non est motus quidam caecus et irrationalis. Praeter enim evidentiam intrinsecam quam *evidentiam veritatis* diximus (pp. 192-93), datur evidentia extrinseca quae : actum fidei requiritur et *evidentia credibilitatis* dicitur. Quemadmodum enim nihil scitur nisi sit evidenter scibile, ita nihil creditur nisi sit evidenter credibile.

Credibilitas autem est idoneitas et aptitudo rei ut credatur. Ad credibilitatem requiritur, primo, ut res a testibus fide dignis affirmetur, et secundo, ex parte rei affirmatae non quidem veritas sed veri similitudo seu existimatio veritatis cum non apparentia repugnantiae et impossibilitatis ¹. *Evidentia credibilitatis* differt ab *evidentia attestatiouis*, haec enim respicit existentiam seu factum attestationis seu testimonii, illa autem est potius de objecto attestato prout apparet fide dignum, quia scilicet, a testibus fide dignis affirmatur, et quia quamvis in se verum non videatur, est tamen verisimile, nullam importans repugnantiam. Objectum igitur evidenter credibile remanet obscurum, quia evidentia credibilitatis, non est evidentia veritatis rei creditae.

VII. De his quae praerequiruntur ad actum fidei.—Non creditur nisi id quod est credibile; de credibilitate objecti fidei intellectus dijudicare debet antequam ipsi assensus praebetur. [*Judicium* igitur de *credibilitate credendorum* praecedat actum fidei. Jamvero intellectus assentit rebus fidei, non determinatus ab objecto immediate vel mediate in se cognito, sed a voluntate quae eligit assentire uni parti propter bonum sibi conveniens et utile.

Voluntas autem non appetit bonum nisi secundum quod ipsi offertur ab intellectu. Ergo praeter judicium speculativum de credibilitate credendorum, praerequiritur *judicium practicum* intellectus de *necessitate* vel de

(1) Triplex datur impossibilitas, metaphysica, physica et moralis. *Impossibile metaphysicum* est id quod implicat contradictionem; nulla auctoritate fieri potest credibile. *Impossibile physicum*, id quod legibus physicis a Deo statutis repugnat. Non est impossibile simpliciter, cum miraculo Deus ipsis derogare possit. *Impossibile morale* est id quod legi morali seu constantibus hominum moribus adversatur. Illud autem est minus impossibile cum homines in casu particulari legem violare possunt. Lex censetur observari dummodo contrarium non probetur.

convenientia et utilitate credendi. Praehabito enim tali iudicio voluntas eligit assentire testimonio dicentis, et imperat assensum intellectus qui actum fidei elicit.

Quidam testis factum aliquod asserit. Ut prudens assensus mentis ipsi praestetur, intellectus inquit de scientia et veracitate dicentis, nec non de non repugnantia facti et iudicium speculativum fert de credibilitate hujus facti. Illo autem iudicio intellectus ad assentiendum non determinatur, nam proprium objectum intellectus est veritas sive immediate sive mediate evidens, quae sola potest rapere mentis assensum; deficiente vero evidentiā intrinseca, etiam sub credibilitatis luce, intellectus assensum non praebet nisi voluntas assensum imperet. Voluntas quidem non imperat assensum intellectus nisi propter aliquod bonum quod appetit. Bonum est, conveniens enim et utile ipsi testimonio assentire, debitis conditionibus positis, cum saepe saepius testimonium maximum confert commodum. De necessitate igitur, seu de convenientia et utilitate credendi, iudicium practicum ab intellectu profertur, et voluntas eligens inter assentire et dissentire, movet seu imperat intellectum ad assentiendum. Ex his apparet quomodo elicitur actus fidei, et quomodo talis actus est rationalis et liber.

VIII. Scientia et fides comparantur.—Assensus intellectus veritati praestitus propter ejus immediatam vel mediatam evidentiā, dicitur actus scientiae; assensus autem veritati praestitus propter auctoritatem dicentis dicitur actus fidei. In hoc igitur differunt ad invicem scientia et fides, quod scientia est de rebus evidentibus, fides de rebus inevidentibus, scientia de rebus visis, fides de rebus non visis. Cum autem idem secundum idem non potest esse simul evidens et inevidens, visum et non visum, sequitur quod scientia et fides de eodem secundum idem non possunt esse simul in eodem subjecto. Aliquid potest esse scitum ab uno, creditum ab altero, creditum et scitum successive in eodem, non autem simul. «De eodem non potest esse scientia et fides apud eundem, sed id quod est ab uno scitum potest esse ab alio creditum.»⁽¹⁾ — «Nec dicatur aliud esse medium scientiae, aliud medium fidei, ideoque propter diversitatem

(1) S. 1, *Summa theologica*, II^a-II^{ae}, q. 1, a. 4.

mediorum fidem et scientiam consistere posse in eodem subjecto. Etenim fides et scientia inducunt effectus privative oppositos in intellectu, scilicet, videre eandem veritatem et non videre, esse in tenebris et in claritate, quod nec per diversa media stare potest in eodem subjecto, sicut non potest aer simul habere lucem et tenebras, licet ex diversis causis et principiis procedant.» ⁽¹⁾

IX. Auctoritas cognitionem veram et certam facit.—*Certitudo est firma mentis adhaesio alicui cognoscibili siue ullo errandi formidine. Atqui assensus a mente praestitus propter auctoritatem dicentis est firmus et omnem errandi formidinem excludit. Etenim auctoritas resultat ex scientia et veracitate dicentis, quibus positus veritas certo habetur. Affirmatio quidem dicentis procedere non potest nisi ex ignorantia seu errore, ex mentis mendacio, vel ex ipsa veritate cognita et tradita. Ubi autem adsunt scientia et veracitas, primum et secundum excluduntur. Ergo remanet tertium, nempe veritas cui mens firmiter assentit sine ullo errandi formidine. Auctoritas igitur cognitionem veram et certam facit.*

X. Testimonii necessitas seu maxima utilitas.—Quanta sit testimonii necessitas, apparet ex consideratione utilitatis quam affert *individuo, societati, et quidem ipsi scientiae.*

Individuo.—Homini naturaliter convenit doceri. Oportet autem discentem credere. Ideo pueri naturaliter parentis et magistris credunt. Ex testimonio enim ipsorum omnes illas veritates accipiunt quibus perficitur ipsorum educatio physica, intellectualis et moralis ⁽²⁾ Fides autem spontanea

(1) JOANNES A S. THOMA, *Cursus phil.*, Log. p. II, q. 26, a 5; *Cursus theol.*, t. VII, p. 24.

(2) « La première éducation de l'enfant se fait par un acte de foi. »
JULES SIMON.

apud puerum fit postea reflexa, sed semper remanet maxime utilis et necessaria. Propria enim experientia, propriis studiis homo plura cognoscere potest, sed semper magis magisque auctoritate et testimonio cognoscat.

Societati.—Omnis enim societas sive domestica, sive civilis, sive religiosa, factis nititur quae testimonio tantum a plerisque cognoscuntur. Insuper homo est animal sociale et praecipuum sociabilitatis suae argumentum est loquela quae necessario fidem testimonio supponit. Unde omne commercium hominum ad invicem, omnes vitae consuetudines testimonio innituntur.

Ipsi scientiae.—Fides testimonio aliorum est magnum elementum profectus scientiarum. Iste enim profectus constituitur additione eorum quae recentioribus doctoribus et scientiarum experimentalium cultoribus deprehenduntur, his quae jam antea cognita fuerant. Quae autem antea actis temporibus cognita sunt testimonio traduntur et fide saepe saepius tenentur. Non potest enim unusquisque doctor vel scientiarum naturalium cultor, per se de integro facere omnes investigationes, observationes et experimenta quae jam ab aliis doctoribus ab antiquitate facta sunt et quibus ad cognitiones certas pervenerunt. ⁽¹⁾ Scientia enim foret in perpetuo exordio, et profectus quilibet esset impossibilis. Proficiunt scientiae in quantum, opibus in hereditatem jam a majoribus acceptis nova experientiae et investigationis scientificae inventa adduntur ⁽²⁾.

(1) « Il est manifeste que chaque savant ne peut refaire toutes les observations et les expérimentations accumulées par ses devanciers ; son point de départ est le point d'arrivée des autres. Sinon il passerait sa vie à contrôler les travaux antérieurs, et la science resterait stationnaire. » G. SORTAIS. *Opere citato*, t. II, p. 265.

(2) Cf. MONSABIE, *Introduction au dogme Catholique, Les témoignages.*

DE AUCTORITATE DIVINA

(41)

I. Status quaestionis.—Testimonium divinum est manifestatio alicujus veritatis a Deo hominibus facta. Illa autem manifestatio dicitur *revelatio*. Possibilitatem necnon et auctoritatem hujus testimonii denegant Rationalistae qui, intellectum humanum in supremum magistrum erigentes, tenent nullam dari veritatem quam ratio humana per se attingere non possit, ideoque omnem revelationem rejiciunt. Possibilitatem igitur et auctoritatem divini testimonii declarare est in praesenti articulo, necnon rationalismum rejicere.

II. Possibilitas revelationis affirmatur. — Quod enim Deus possit quasdam veritates hominibus manifestare nullo modo negari potest. Etenim 1° *nulla datur repugnantia ex parte Dei*; cur enim Deus omnipotens et cujus scientia est infinita non posset docere homines? Est ne denegandum Deo quod cuique homini conceditur? — 2° *Nulla datur repugnantia ex parte hominis*; ipsi enim naturaliter convenit doceri. — 3° *Nulla repugnantia ex parte veritatis traditae*; veritas enim tradita a Deo cum certitudine cognoscitur, et ab homine cognosci potest, si non omnino perfecte quoad suam naturam, saltem modo imperfecto quoad suam existentiam. — 4° *Nulla repugnantia ex parte modi quo revelatur veritas*, quia Deus omnipotens

1. parte Dei
2. parte hominis
3. parte veritatis traditae
4. parte modi quo revelatur veritas

Trinitas non est auctoritas, quia auctoritas non est ratio.

potest signis propriis revelationem insignire, ita ut homo scire possit Deum locutum fuisse, et determinatas veritates tradidisse. Revelatio igitur possibilis est.

III. Auctoritas divini testimonii declaratur.

THESIS.—AUCTORITAS DIVINA CERTITUDINEM PRODUCIT,
ET QUIDEM CERTITUDINEM METAPHYSICAM.

Prima pars.—Auctoritas semper certitudinem produci, dummodo constet de scientia et veracitate dicentis. Atqui scientia et veracitas Dei tam certae sunt ut nullo modo in dubium revocari possint; impossibile siquidem est omnino Deum falli aut fallere posse. Ergo auctoritas divina certitudinem producit.

Secunda pars.—Auctoritas divina producit certitudinem metaphysicam.—Certitudo metaphysica (p. 176) est firma mentis adhaesio alicui veritati fundata in essentiis rerum. Atqui firmus mentis assensus testimonio divino praestitus propter auctoritatem divinam nititur in ipsa Dei essentia. Etenim iste assensus in scientia et veracitate Dei fundatur, quae sunt de ipsamet essentia divina. Ergo auctoritas divina producit certitudinem metaphysicam.

IV. De rationalismo.—Rationalismus est systema eorum qui contendunt nullam adesse veritatem quam ratio humana attingere non valeat, ideoque denegant existentiam veritatum quae captum rationis superant, et revelationem divinam qua illae veritates nobis innotescunt.

Rationalismus dicitur *absolutus*, si directe veritatum supernaturalium existentiam denegat; *mitigatus* autem nuncupatur, si indirecte tantum haec denegatio habeatur, secundum quod ipsae veritates supernaturales ad modum veritatum naturalium explicantur.

Ex ratione et auctoritate non potest probari quod ratio humana attingere non valeat.

THESIS.—RATIONALISMUS ADMITTI NEQUIT. 18

Contra rationalistas sic arguitur:—Sunt veritates quae captum intellectus humani necessario superant. Ergo rationalismus non est admittendus. Antecedens triplici ex argumento demonstratur :

1° *Ex objecto proprio humani intellectus* :—Objectum proprium cujuscumque facultatis est id quod primo attingitur ab illa facultate et quo mediante alia attingit : sic. color, respectu visus. Ergo intellectus humani capacitatem nulla veritas excedit, dummodo objectum intellectus proprium sit medium sufficiens ad omnia cognoscenda. Atqui objectum proprium intellectus nostri non est hujusmodi. Ergo necessario sunt quaedam veritates quae captum intellectus nostri excedunt.

Ad minorem : Etenim in praesenti rerum statu objectum proprium intellectus est quidditas rei materialis, quae quidditas, licet sit medium sufficiens ad cognitionem rerum naturalium, tamen non valet nos ducere ad omnia praesertim de Deo cognoscenda ; unde multa sunt de Deo quae intellectus noster attingere non potest.

Audiat S. Thomas :

« Si intellectus alieujus rei substantiam comprehendit, nullum intelligibilem hujus rei facultatem humanae rationis excedet. Quod quidem nobis circa Deum non accidit. Nam ad substantiam ipsius capiendam, intellectus humanus non potest naturali virtute pertingere, quum intellectus nostri, secundum modum praesentis vitae, cognitio a sensu incipiat. Et ideo ea quae in sensu non cadunt non possunt humano intellectu capi, nisi quatenus ex sensibus eorum cognitio colligitur. Sensibilia autem ad hoc ducere intellectum nostrum non possunt, quum sint effectus causae virtutem non aequantes. Sunt igitur quaedam intelligibilia divinorum, quae omnino vim humanae rationis excedunt. »⁽¹⁾

2° *Ex intelligentium gradibus* :—Quanto intellectus est superior et magis elevatus, tanto plura potest intelligere quae

(1) *Summa contra gentiles*, I, 3.

inferiorem intellectum excedunt; id patet in rustico qui nullo modo philosophiae subtiles considerationes capere potest. Atqui intellectus humanus non est nobilissimus, intellectus enim angeli plus excedit ipsum quam intellectus optimi philosophi intellectum rudissimi idiotae, multoque amplius intellectus divinus excedit angelicum, quam angelicus humanum. Ergo plura sunt quae cognoscuntur a Deo et ab angelis, quae intellectus humanus per se capere non potest.

« Sicut igitur maximae amentiae esset idiota, qui ea quae a philosopho proponuntur falsa esse assereret, propter hoc, quod ea capere non potest, ita et multo amplius nimiae stultitiae esset homo, si ea quae divinitus angelorum ministerio revelantur, falsa esse suspicaretur, ex eo quod ratione investigari non possunt. » ⁽¹⁾

3^o *Ex defectu quem in rebus cognoscendis quotidie experimur*: — Magis videtur possibile omnia cognosci de rebus sensibilibus quam omnia quae ad Deum pertinent. Atqui rerum sensibilibus multas proprietates ignoramus, ut facile ex experientia constat. Ergo multo amplius omnia intelligibilia de Deo, ratio humana investigare non sufficit. Unde asserit Aristoteles, (*Metaph.* t. II, C. I) « intellectus noster sic se habet ad prima entium, quae sunt manifestissima in natura, sicut oculus vespertilionis ad solem. »

V. *Corollariæ*. 1^o Fides quae nititur auctoritate divina non tantum rationi non contrariatur, sed ipsi magnum confert subsidium. ⁽²⁾ Etenim testimonium divinum vel est de

(1) S. THOMAS: loc. cit.

(2) « La raison et la foi sont deux filles d'un même père par lesquelles tous nous vivons. Elles forment deux soleils brillant au ciel de notre âme, deux forces constituant le principe et le complément de notre grandeur, deux aides qui nous font prendre notre vol vers la pleine connaissance de la vérité; la raison en un mot, est l'œil de l'homme qui voit à l'aide de l'œil de Dieu, qui est la foi. »

PIE X, *Discours adressé aux Etudiants catholiques des Universités italiennes*, mai 1909.

Epistola... ... *lis...* ... *que...* ... *colle...*
... fides... ... *quae...* ... *colle...*
... ratio... ... *est...* ... *colle...*
... oculus... ... *est...* ... *colle...*

à tout dire, ce qui est... l'objet de la science... l'objet de la science... l'objet de la science...

veritatibus quae captum rationis humanae non excedunt, v. g., de origine mundi, de spiritualitate et immortalitate animae, et ratio certior fit seu confirmatur in his quae propria virtute cognovit; vel est de veritatibus quae viribus intellectus praestant, et ditescit cognitio humana, cum notitiam veritatum acquirit quas nunquam per se ratio attingere potuisset.

2^o Nulla potest dari oppositio inter rationem et fidem divinam, cum veritas veritati opponi non potest, sed una et altera ad invicem sibi mutuum auxilium ferunt. Scientia quidem imperfecta potest aliquando videri veritatibus fidei adversa, sed dum fit perfectior, harmonia inter scientiam et fidem apparet.

*multo-offensive
noter ad manques
pau*

« De quelque sommet que sa source descende, quelques contrées qu'il ait traversées en son cours, quelques scènes de la nature ou de l'histoire qu'il ait reflétées dans le miroir de ses eaux, quelques cataclysmes dont le souvenir soit parfois inséparable de son nom, il n'y a pas de fleuve, pas de Loire ou de Rhône, il n'y a pas d'Amazone ou de Gange, dont les flots orgueilleux, confondus à leur embouchure avec ceux du ruisseau le plus humble, ne finissent par abdiquer leur personnalité dans l'immensité de l'Océan : c'est à peu près ainsi, Messieurs, qu'il n'y a pas de progrès de la pensée, pas d'accroissement ou d'enrichissement de l'esprit, quelle qu'en soit l'origine et de quelque renouvellement de l'intelligence humaine qu'il ait été le principe, qui ne finisse aussi, lui, par s'identifier à l'immuable vérité, dans l'ample sein du catholicisme. L'expérience en est faite aujourd'hui. »⁽¹⁾

(1) F. BRUNETIÈRE, Conférence sur l'Action Catholique, faite à Tours, le 23 février, 1901.

*allam
at
man*

DE AUCTORITATE HUMANA

(12)

I. Status quaestionis.—Testimonium humanum vel est attestatio omnium hominum, et vocatur *consensus universalis*, vel est affirmatio quorundam tantum, et *testimonium humanum* simpliciter dicitur. Illud autem testimonium humanum est *orale, scriptum vel monumentale*; est *historicum vel dogmaticum*. De idoneitate consensus universalis ad certitudinem faciendam, necnon et de valore cujuscumque testimonii proponitur quaestio in praesenti articulo.

II. Vis consensus universalis perpenditur.—Consensus universalis versari potest circa veritates quae sunt fundamentum vitae rationalis, vel circa veritates ordinis potius scientifici quae nullam important necessitatis relationem ad vitam rationalem. In primo casu consensus universalis dicitur *sensus naturae communis* qui definiri potest: aptitudo naturalis, naturae rationali insita, recte judicandi de veritatibus quae ad vitam rationalem ducendam vel saltem inchoandam necessariae sunt. Homo autem vitam rationalem in triplici societate ducere debet, domestica, scilicet, civili et religiosa. Veritates igitur quae sunt fundamenta hujus

triplicis societatis constituunt objectum sensus naturae communis, v. g. — Parentes sunt colendi. — Superioribus est obediendum. — Homo gaudet libertate. — Deus existit. — Deus est Providentia. — Existit lex moralis. — Bonum est faciendum, malum vitandum. — Anima humana est immortalis. — Tribuendum est cuique quod suum est, etc. Ista sunt iudicia sensus naturae communis, sunt enim constantia, universalialia et communia, necnon efformantur circa veritates societati humanae necessarias. De sensu naturae communi sequens proponitur thesis:

THESIS.—SENSUS NATURAE COMMUNIS INTRA LIMITES PROPRII OBJECTI GIGNIT CERTITUDINEM.

Dicitur *intra limites proprii objecti*, scilicet circa veritates quae ad vitam rationalem ducendam necessariae sunt. Etenim circa alias veritates, praesertim ordinis scientifici, consensus etiam universalis certitudinem non facit, nec repugnat ipsum haberi circa falsa. Homines olim, consensu moraliter unanimi, existimarunt terram esse immobilem et solem moveri circa ipsam.

Demonstratio.—1° Consensio omnium, ut ait Tullius, lex naturae putanda est. Non possunt enim omnes homines, cum sint tam diversae indolis, educationis et religionis, cum differant loco, tempore, vitae consuetudinibus, in eadem iudicia unanimi consensu conspirare, nisi ipsius naturae rationalis motu naturali dirigantur. Atqui natura rationalis ad veritatem ordinata non potest nos fallere. Ergo sensus naturae communis circa iudicia sibi propria certitudinem gignit.

2° Consensus ille universalis diversimode a philosophis explicatur; sed quaecumque sit illa explicatio, semper apparet ipsum consensum circa iudicia sibi propria certitudinem facere. Etenim alii, ut traditionalistae, dicunt

*Tout jugement de la nature, comme l'est
naturel, est universel et certain.*

consensum omnium haberi propter primitivam Dei revelationem quae *traditione* apud omnes pervenit; alii, ut Reid⁽¹⁾ et discipuli ejus, docent homines moveri ad ista judicia communia *instinctu caeco naturae*; alii tandem ad motum naturalem ipsius intellectus appellant. Atqui neque primitiva Dei revelatio, neque instinctus caecus naturae a Deo creatus, neque motus naturalis ipsius intellectus nos fallere potest. Ergo sensus naturae communis intra limites proprii objecti certitudinem gignit.

Consensus universalis igitur non est quidem omnino spernendus, ut posuit Bacon⁽²⁾, nec absolute accipiendus ut unica veritatis expressio circa omnes veritates, ut proposuit Lamennais⁽³⁾, sed habendus est ut fons certitudinis quo auctor naturae vitae rationali consulit, ministrans omnibus qui usum habent rationis, expeditam cognitionem eorum quae ad fundamentum vitae humanae, in ordine domestico, civili et religioso pertinent.⁽⁴⁾

III. De testimonio orali.—Testimonium orale esse potest de factis coaevis, vel de factis praeteritis. Prout autem facta praesentis aetatis refert, cum quidem de scientia et veracitate dicentis certo constare potest, nullum datur dubium quin certitudinem producat. Prout autem est de factis praeteritis proprie dicitur *traditio oralis*, series scilicet non interrupta testium quorum alii aliis facta referunt. Locke et Bayle vim

(1) Philosophus scotus (1710-1796).

(2) « Le consentement universel ne prouve rien, il est plutôt une marque d'erreur. » BACON.

(3) « Est vrai tout jugement confirmé par le consentement universel de l'humanité... Le consentement commun est pour nous le sceau de la vérité, il n'y en a pas d'autre. » F. DE LAMENNAIS. *Essai sur l'indifférence en matière de religion*, c. 13.

(4) « Mais je tiens qu'il est mal, sur quoi que l'on se fonde,
De fuir obstinément ce que suit tout le monde,
Et qu'il vaut mieux souffrir d'être au nombre des fous,
Que du sage parti se voir seul contre tous. »

MOLIÈRE

traditionis denegantes, ipsam certitudinem facere non posse dixerunt. Quamvis autem iste modus transmissionis factorum sit magis instabilis et facilius errandi occasionem praebere queat, tamen positis conditionibus, circa facta publica maximi momenti non est cur certitudinem non gigneret. Sit igitur.

THESIS. — TRADITIO ORALIS, DE FACTIS PUBLICIS MAXIMI MOMENTI, POSITIS CONDITIONIBUS CERTITUDINEM PRODUCIT.

Dicitur *positis conditionibus*, requiritur quia 1° Ut factum sit publicum et maximi momenti, hujus scilicet naturae ut v. g., ad vitam civilem vel politicam, aut ad religionem populorum pertineat.

2° Ut traditio sit *non interrupta*, ut scilicet vestigia ejus semper inveniantur a tempore praesenti usque ad tempus coevum facti quod est objectum traditionis.

3° Ut traditio sit *uniformis*, saltem quoad substantiam facti, et circumstantias essentielles, scilicet quod testes sibi non contradicant.

Demonstratio.—Testimonium certitudinem producit, dummodo constet de scientia et veracitate testium. Atqui circa facta publica maximi momenti, constare potest de scientia et veracitate testium quorum series traditionem oralem constituit. Ergo traditio oralis circa facta publica maximi momenti certitudinem producit.

Ad minorem.—1° *Quoad scientiam.*—Agitur enim de facto publico, obvio, maximi momenti quod testes immediati facile percipere potuerunt, et circa quod deceptio videtur esse impossibilis. Error autem testium subsequentium non potest magis admitti. Etenim tempore eventus, quod supponimus esse publicum et maximi momenti, testes immediati sunt multi, et diversae aetatis; successio autem generationum non fit repente et in instanti, sed gradatim homines unius

generationis e medio recedunt in quorum locum alii etiam gradatim succedunt, ita ut homines plurium generationum simul existant. Illa porro compenetratio generationum impedit ne generatio subsequens dicipiatur circa facta publica generationis antecedentis. Praeterea deceptio fit etiam impossibilis ex eo quod saepe saepius facta illa adhuc permanent in suis effectibus. De scientia igitur testium quorum series traditionem oralem constituit constare potest.

2^o *Quoad veracitatem.*—Veracitas testium, dum agitur de facto publico maximi momenti facile apparet, 1^o *ex multitudine primorum testium.* Non possunt enim multi testes, aetate, educatione, moribus, religione saepe saepius diversi, convenire in eodem facto affirmando, nisi veritas facti ipsorum testium convenientiam explicet. Multitudo igitur testium mendacium excludit. 2^o *Ex legibus moralibus quae mendacium in quibusdam adjunctis impossibile reddunt.* Homines non mentiuntur nisi propter commodum vel propter passiones⁽¹⁾.—Affirmatio igitur alicujus facti quod nihil confert utilitati vel passionibus affirmantis, vel quod ipsis contrariatur est sincera et verax.—Homines non mentiuntur quando sciunt mendacium suum detegi posse.—Etenim ex una parte mendacium ut turpe ab omnibus habetur, et homines, ex altera parte, non sinunt, cum id impediri valeant, spargi mendacia a quibus vel nullum commodum, vel a fortiori aliquod damnum reportant. Attestatio igitur alicujus facti publici, cujus momentum magnum est, et quae nullam suscitât contradictionem ex parte eorum qui contradicere potuissent et debuissent, est attestatio verax. Tanta autem est vis illarum legum moralium quod etiamsi testes sint pauci,

(1) « L'homme a une inclination naturelle à reconnaître et à affirmer la vérité, et il ne se laissera aller à l'erreur et surtout à l'imposture, que lorsqu'il y sera poussé par des affections ou des intérêts assez puissants pour entraîner la volonté libre en sens contraire. » DE SMEDT, *Principes de critique historique*, Paris, 1883, p. 61.

cum nullum commodum ex sua affirmatione reportent, immo dnumm patiantur, si nemo contradicit qui contradicere potuisset et debuisset, de veracitate ipsorum constat, et praesupposita scientia factum tanquam certum haberi potest.

IV. De testimonio scripto.—Testimonium scriptum maximi momenti est, cum pleraque factorum testimonia sub hac forma nobis innotescant.

THESIS.—TESTIMONIUM SCRIPTUM POSITIS CONDI-
TIONIBUS VERAM CERTITUDINEM PRODUKIT.

Illa facta sunt certa quae referuntur in libris seu scriptis de quorum authentica, integritate, et auctoritate constat. Atqui frequenter haec certo constare possunt. Ergo testimonium scriptum certitudinem producit.

Ad majorem.—Ille liber *authenticus* dicitur qui revera est scriptoris vel saltem aetatis cui tribuitur; aliter, dicitur *apocryphus*. *Integer* est liber qui talis est qualis ab auctore scriptus est, in quo scilicet nulla additio, vel subtractio, vel corruptio facta fuit; aliter dicitur *interpolatus*. Tandem liber auctoritatem habet cujus auctor est fide dignus scilicet sincere scripsit ea quae scientia certa novit. Ex his autem clare apparet veritas majoris.

Ad minorem. 1° *De authentic*a libri constare potest. Illa enim authentica apparet signis seu criteriis tum extrinsecis tum intrinsecis. *Signa autem extrinseca*, et quidem praecipua, sunt traditio oralis et testimonia scripta quae directe vel indirecte librum alicui auctori vel aetati tribuunt. Traditio enim publica et continua de libri authentica certitudinem facit. Ita, testimonia aliis scriptis contenta quae tribuunt aliquem librum certo auctori, vel textus quosdam istius libri referunt tanquam verba hujus auctoris, authenticam ejus clare demonstrant.—*Signa autem intrinseca* sunt *doctrina, stylus*, aliaque particularia quae debent esse conformia his quae de

auctore vel de tempore quo vixerit jam cognoscuntur. Si agatur de manuscriptis, alia signa haberi possunt in ipsa materia libri, in modo litteras formandi, etc. ⁽¹⁾

2^o *De integritate libri.*—Quod liber ab omni substantiali alteratione immunis sit, signis etiam internis et externis demonstratur. Signa autem interna inveniuntur in unitate doctrinae et styli, atque in concordia omnium libri partium. Signa vero externa in gravissimorum scriptorum auctoritate, in comparatione diversarum exemplarium cum codice originali, vel ad invicem, in concordantia diversarum editionum manifesta habentur.

3^o *De auctoritate libri.*—Liber auctoritatem habet cujus auctor est fide dignus ; auctor autem fidem sibi vindicat cum *scientiam* habet eorum quae narrat, eaque exponit cum omnimoda *veracitate*. Constare igitur de auctoritate alicujus libri, est constare de scientia et veracitate auctoris.

Scientia autem auctoris apparet : *ex uatura rei uarratae* quae nec veritati jam certo cognitae, nec possibilitati repugnat ;—*ex perspicacitate cognita ipsius auctoris* quae omnem deceptionem impedit et in his quae ipse experitur, et in his quae ex aliorum testimonio cognoscit ;—*ex manifesta ejus prudentia* ⁽²⁾ quae in judiciis ferendis animi praecipitantiam neenon et praepudiciorum, passionum et phantasiae impulsu prohibet ;—tandem *ex ejus desiderio cogito veritatis cognoscendi*.

(1) « L'âge d'un manuscrit se reconuait à la nature de la substance qui en forme les feuillets, papyrus, parchemin, papier de coton ou de chiffe, à la rareté ou à la multiplicité des abréviations, à la manière de les indiquer, au caractère de l'écriture, des ornements et autres détails qui ont varié suivant les diverses époques. La science paléographique a su établir, par la comparaison d'un grand nombre de manuscrits ayant une date certaine, des règles qui permettent à un œil exercé de préciser assez exactement le siècle ou la fraction de siècle à laquelle appartient un manuscrit donné. » DE SMEDT, *op cit.* p. 86.

(2) « Les notes des touristes sur le caractère et les mœurs des pays qu'ils ont rapidement parcourus, portent souvent le caractère de légèreté ou de précipitation de jugement qui ôte à peu près toute valeur au témoignage. » DE SMEDT, *opere cit.*, p. 119.

Veracitas vero apparet: *ex natura rei narratae* cujus momentum et notitia mendacium impossibile reddere possunt;—*ex circumstantiis* quae tales esse possunt ut auctor nullum commodum, quinimmo potius incommodum ex mendacio reportaret;—*ex honestate et probitate vitae* quae nec dubium de veracitate auctoris permittunt;—*ex amore veritatis* cui auctor unice studet.

De authentia integritate et veracitate scriptorum certiores igitur fieri possumus, ideoque testimonium scriptum veram certitudinem producit.

V. De testimonio monumentali.—Monumenta, ut jam diximus, sunt opera artis quae ad alicujus facti vel doctrinae memoriam servandam erecta sunt. Pauca autem sunt dicenda de testimonio quod referunt. Illud enim testimonium, positis conditionibus certitudinem producit sicut testimonium orale et scriptum, nam conditiones quae praerquiruntur sunt *authenticitas* et *auctoritas* de quibus constare potest eisdem mediis quibus demonstratur authentia et auctoritas testimonii scripti.

Quantum sit momentum testimonii monumentalis, clare apparet ex multitudine notitiarum quas historia, et in genere scientia, ex monumentorum studio reportaverunt. Pulcherrimum autem hujus rei exemplum habetur in his quae inventa sunt ab archeologis in investigationibus ab catacumbas romanas; quae quidem inventa historiae originis christianismi necnon ipsi veritati catholicae tantam utilitatem contulerunt.

VI. De testimonio historico.—Testimonium historicum dicitur quia facta refert, historia enim est factorum scientia. Valor hujus testimonii sequenti thesi declaratur.

THESIS :—AUCTORITAS HUMANA, IN RE HISTORICA
CERTITUDINEM MORALEM PRODUCIT.

1^o *Auctoritas humana, in re historica, certitudinem producit.*—1^o Facta affirmantur *traditione orali, documentis scriptis, et monumentis.* Atqui jam demonstratum est, traditionem oralem, documenta scripta, et monumenta, positis conditionibus, certitudinem producere. Ergo auctoritas humana, in re historica, certitudinem producit.

2^o Facta historica sunt sensibilia et publica, ideoque in ordinariis adjunctis facile cognoscuntur. Atqui homo naturalem habet inclinationem ad veritatem aliis tradendam prout eam noverit. Ergo in re historica, nisi contrarium demonstretur, constet de scientia et veracitate testium. Atqui ubi constat de scientia et veracitate testium, solidum habetur certitudinis fundamentum. Ergo auctoritas humana, in re historica, certitudinem producit.

3^o Confirmatur ex experientia. Quotidie enim vidimus homines hominibus naturaliter credere, et testimonium aliorum in omnibus vitae necessitatibus et commerciis, ut verum accipere, dummodo non sit ratio specialis dubitandi.

II^o *Auctoritas humana certitudinem moralem producit.*

Auctoritas humana certitudinem producit quando certo constat de scientia et veracitate dicentis, si enim probabilis sit tantum scientia vel veracitas, auctoritas opinionem, non autem certitudinem facit.—Certitudo moralis est firma adhaesio mentis alicui cognoscibili fundata in universalibus atque constantibus hominum moribus. Atqui certitudo quae ab auctoritate humana producitur in moribus hominum fundatur, in quantum nititur lege quadam morali, vi cuius homines naturaliter et constanter veritatem aliis tradunt prout ipsam noverunt, ita ut nunquam decipiunt nisi sit motivum naturalem inclinationem ad veracitem perturbans. Ergo auctoritas humana certitudinem moralem producit.

VII. Solvuntur dubia—1^o Auctoritatis robur generationum successu, volventibus annis imminuitur. Atqui ita minui potest ut nullum evadat. Ergo testimonium historicum non valet producere certitudinem.

Dist. maj. circa facta levis momenti, *transeat*; circa facta publica et maximi momenti, *subdist.*, circa substantiam facti et adjuncta essentialia, *nego*, circa alia adjuncta, *transeat*.

Dist. min. circa facta levis momenti, *conc.*, circa facta publica majoris momenti, *subdist.*, circa substantiam facti et adjuncta essentialia, *nego*: circa alia adjuncta, *conc.*

2^o Atqui circa facta publica maximi momenti decrescit decursu temporis firmitas auctoritatis. Ergo redit difficultas.

Testes mediati sunt minus fide digni quam testes immediati. Atqui si res ita sit, quo remotiores sunt testes eo minor fides ipsis debetur. Ergo circa facta quaecumque decrescit decursu temporis vis testimonii.

Dist. maj. in se et absolute, *nego*; relative, secundum ordinem ad quaedam adjuncta, *conc.* *Transeat minor.*

Dummodo constet de scientia et veracitate testis, ipse est fide dignus, sive sit immediatus sive sit mediatus. Omnis enim affirmatio sincera scientiae certae est expressio veritatis. Cum autem testis immediatus mediato praefertur, hoc habetur propter amplitudinem testimonii. Plura sunt enim particularia adjuncta facti quae testis ocularis attestari potest, at de quibus testis auritus nihil cognovit.

3^o Atqui in se testis mediatus est minus fide dignus. Ergo.

Major est certitudo de rebus visis quam de auditis. Atqui testis immediatus testatur de rebus visis, testis mediatus de auditis. Ergo testis mediatus est minus fide dignus.

Dist. maj. magis excitatur sensibilitas a rebus visis quam ab auditis, *conc.*; major producitur certitudo a visis quam ab auditis, *nego.* *Concedo* minorem. *Nego* consequens et consequentiam.

4^o Testis unus, testis nullus. Atqui multitudo est numerus ex pluribus unitatibus resultans. Ergo testimonium quodcumque est nullum.

Dist. maj. In re judiciali, *transeat*; absolute, *subdist.*, si de ejus scientia et veracitate non constet, *conc.*; aliter, *nego.*

Concedo minorem, *nego* consequens, etc.

Quia quidem difficilius est determinare scientiam et veracitatem unius testis quam plurium, ad vitandum condemnationem alienjus innocentis, in lite capitis, tanquam regula habebatur in jure romano, *testis unus, testis nullus*. Non est tamen absolute accipienda illa propositio. Cum enim certitudo habetur de scientia et veracitate testis, etiamsi unicus sit, cognitionem certam facit.

5^o Singuli testes possunt errare. Atqui quod possunt singuli possunt omnes. Ergo testimonium certitudinem producere non potest.

Transeat major.—*Dist. min.*, absolute, *conc.*; ita ut collectio plurium testium nihil conferat ad deceptionem et errorem impediendum, *nego*.

Etenim ubi sunt plures testes, praesertim si differant loco, aetate, moribus, religione, certior habetur facti cognitio et impossibile fit mendacium. Multitudo testium igitur majorem confert facilitatem ad scientiam et veracitatem testium determinandum, et ad deceptionem et errorem impediendum.

VIII. De testimonio dogmatico.—In rebus facti testimonium veram certitudinem producere potest; est-ne idem dicendum in rebus doctrinae? Alii maximam, alii nullam fecerunt sapientium auctoritatem. Quid autem de ipsa sentiendum sit sequenti thesi dicitur:

THESIS.—AUCTORITAS SAPIENTIUM DOCTRINAM CERTAM NON FACIT, SED PROBABLEM.

Prima pars.—Auctoritas cognitionem certam facit dum certo constat de scientia et veracitate dicentis. Atqui in rebus doctrinae nunquam certitudo haberi potest de scientia dicentis. Ergo auctoritas sapientium et doctorum doctrinam certam non facit.

Ad minorem.—Etenim dum agitur de *facto*, facile constat de scientia dicentis cum sufficit ipsum sensus habuisse recte dispositos et convenienter adhibitos; sed non idem est dum agitur de doctrina seu de dogmate. Non possumus enim certitudinem habere de scientia sapientis, nisi ponderando rationes ejus et probationes quae quidem, si ut demonstrativae accipiantur, jam *scientiam* faciunt in nobis non autem *fidem*, quia assensus doctrinae praestatur non propter auctoritatem dicentis, sed propter evidentiam mediatam ipsius doctrinae quam ex probatione ejus perspeximus. Unde axioma: *Tantum valet auctoritas quantum valent rationes*. Si igitur assensus doctrinae praestatur propter auctoritatem sapientis, jam de ejus scientia non

constat ; quia ubi de scientia ejus constat, assensus praestatur non propter auctoritatem, sed propter evidentiam intrinsecam.

Secunda pars. Illud facit doctrinam probabilem quod natum est movere viri prudentis assensum, cum tamen errandi formidine. Atqui hujusmodi est auctoritas sapientium, juxta principium : *Peritis in arte credendum*. Ergo auctoritas sapientium doctrinam probabilem facit.

Probabilitas autem sententiae crescit non tam auctorum numero quam rationibus. *Auctores enim non numerantur sed ponderantur*, ita ut pauci, vel paucissimi doctores omni exceptione majores, majorem habent auctoritatem quam totus grex ingeniorum minorum. ¹⁾

(1) « Il ne faut ni mépriser les autorités ni s'en contenter ; la seule attitude rationnelle du savant et du philosophe vis-à-vis de ceux qui l'ont précédé, c'est le respect. C'est en observant une règle si sage que le savant se tiendra à égale distance d'un isolement orgueilleux et d'un assujettissement servile à la pensée d'autrui.

De fait, la connaissance de ce qui a été dit avant lui simplifie beaucoup la tâche du savant.

1. Tout d'abord, il y trouve une certaine somme de vérités désormais acquises à la science, des conquêtes définitives qu'il serait aussi regrettable de laisser se perdre que puérile de vouloir recommencer. Imagine-t-on aujourd'hui un philosophe qui s'enfermerait dans son cabinet pour trouver les règles du syllogisme, ou un calculateur s'acharnant à reconstruire les tables de logarithmes ? Sans doute, le savant ne doit pas accepter tous ces résultats sans contrôle ; mais il faut bien reconnaître qu'il est plus facile de vérifier une démonstration que de l'inventer.

2. Et là même où les recherches antérieures n'ont pas abouti, il trouvera du moins une foule de problèmes posés, de faits analysés, de discussions plus ou moins ingénieuses, dont il pourra toujours faire son profit. Il n'est pas jusqu'aux erreurs elles-mêmes qui ne puissent le mettre sur la trace de la vérité.

3. Enfin, les opinions de ceux qui nous ont précédés sont toujours un précieux contrôle pour nos propres idées ; une garantie de plus, si elles les confirment ; un motif de défiance, si elles les contredisent.

Concluons que toute science a une partie historique, de nature à faciliter grandement le travail de ceux qui suivent, et qu'il n'est plus permis aujourd'hui d'aborder l'étude d'une science, sans en consulter l'histoire. Il y a là comme une règle de méthode générale que Descartes et Bacon ont le tort de méconnaître. » CH. LAMB, *Eléments de philosophie scientifique*, p. 175.

IX. De critica et hermeneutica.—Nullum testimonium certitudinem producere potest, nisi constare possit de ejus authentia et auctoritate. *Ars determinativa authentiae et auctoritatis testimoniorum* dicitur *Critica*. Enumeravimus superius media quibus utuntur critici ad talem authentiam et auctoritatem determinandum.

Jamvero non sufficit certitudinem habere de testimoniorum valore; requiritur insuper ut certa sit interpretatio sensus ipsorum. *Ars autem interpretandi sensum testimoniorum* dicitur *Hermeneutica*. Ad rectam testimonii interpretationem requiruntur: 1^o cognitio perfecta linguae in qua testimonium habetur;—cognitio quaedam rerum de quibus agitur;—cognitio eorum quae ipsum testimonium circumstant, nempe quae spectant ad personam testis, ad ejus doctrinam, intensionem, etc.:—si agatur de inscriptionibus, perfecta cognitio modi proprii quo litterae efformantur, etc.

LIBER TERTIUS

DE MODO ORDINATE PROCEDENDI AD CONSEQUENDUM CERTITUDINEM

Prologus.—Certitudo existit, et facultates nostrae cognoscitivae ad verum sensibile vel intelligibile certo cognoscendum ordinantur; circa ea autem quae nobis in se non apparent, testimonio aliorum cognitio certa comparatur. Multae sunt igitur rerum cognitiones evidentes et certae. In tali vero multitudine, ne generetur confusio, requiritur ut istae veritates ad unitatem aliquo modo reducantur, et apta methodo in systema quoddam scientificum coadunentur. En igitur ratio hujus tertii libri cui titulus est, de modo ordinate procedendi ad consequendum certitudinem, et cujus duplex erit capitulum, unum *de scientia*, alterum, *de methodo*.

- 1° De scientia
- 2° De methodo

CAPUT PRIMUM

ARTICULUS UNICUS

DE SCIENTIA

I. *Scientiae definitio.* Scientia, subjective considerata, *latiori sensu*, quamlibet cognitionem significat; *lato sensu*, cognitionem certam; *stricto sensu*, cognitionem certam et evidentem rerum per causas, seu per demonstrationem habitam. (Cf. p. 149.) Tamen scientia etiam objective sumitur, nempe pro ipsa veritate cognita, vel pro collectione veritatum cognitarum, et hoc sensu in praesenti articulo accipitur. Definitur ergo *scientia* : *systema conclusionum quae ad determinatum objectum referuntur, et sub principiis certis a quibus deducuntur, ad ordinem et unitatem rediguntur.*

Dicitur *a)* *systema conclusionum*, scilicet, complexus veritatum quae ad invicem mutuo nexu conjunguntur. Ex hoc scientia *ab arte* distinguitur. Ars enim non est *systema conclusionum*, sed *complexus regularum*; non *verum* considerat, sed *pulchrum* et *bonum*; est *recta ratio factibilium*, eirea igitur *particularia* et *contingentia* versatur, scientia autem eirea *universalia* et *necessaria*.

Dicitur *b)* *quae ad determinatum objectum referuntur*, quia quaecumque scientia mediante objecto suo specificatur et ab aliis scientiis distinguitur.

Dicitur *c) sub principiis certis a quibus deducuntur*, scientia enim est cognitio certa, unde a principiis certis procedere debet ; tamen licet scientia per prius conclusiones certas respiciat, complectitur etiam saltem secundo conclusiones probabiles.

Tandem *d) ad ordinem et unitatem rediguntur*, multitudo enim confusa cognitionum, etiamsi ad idem objectum spectant, non potest dici scientia, nisi ordine quodam convenienti ad unitatem redigatur.

II. Scientiae objectum. — Objectum scientiae est duplex, materiale scilicet et formale.

Objectum materiale est illud circa quod scientia versatur, id nempe quod a scientia cognoscitur, v. g., corpus humanum est objectum materiale medicinae.

Objectum formale est ratio sub qua scientia objectum suum materiale respicit, seu id quod primo et per se a scientia attingitur in objecto materiali. v. g., corpus humanum a medicina respicitur sub ratione sanabilitatis ; ipsa sanabilitas est id quod a medicina primo et per se attingitur. Res ipsa quae sic primo et per se attingitur, *objectum formale quod* etiam vocatur, est revera id quod cognoscitur, id quod scitur ; et distinguitur contra *objectum formale quo* quod significat medium quo scientia *objectum formale quo* attingit. Illud autem medium in scientiis sunt principia quibus conclusiones probantur, quae principia sese habent ut lumen sub quo *objectum formale quod* percipitur.

Objectum formale quod, dicitur *objectum ut res*, ratio formalis *ut quae* seu *ut res*, quia est *res* seu *ratio entitativa* quae a scientia primo attingitur, id quod terminat actum scientiae. *Objectum formale quo* dicitur *objectum ut objectum*, *ut scibile*, ratio formalis sub qua seu *ut objectum*, quia est ratio illa per quam res evadit scibilis seu cognoscibilis.

Objectum formale quo dicitur etiam gradus immaterialitatis seu separabilitatis a materia qui ipsi objecto formali quod convenit. Etenim *objectum formale quo* est ipsa ratio qua res evadit scibilis seu cognoscibilis : sed

unumquodque est scibile seu cognoscibile secundum quod est immateriale. Secundum igitur diversos gradus immaterialitatis sunt diversae rationes scibilitatis.

III. Principium specificativum scientiae.

THESIS.—SCIENTIA SPECIFICATUR AB OBJECTO, ET QUIDEM AB OBJECTO FORMALI QUO.

Prima pars. Scientia essentialem dicit ordinem ad objectum tanquam ad terminum, Deficiente enim objecto quod sit terminus cognitionis nostrae, nulla datur scientia. Atqui quidquid essentialem importat ordinem ad aliud, ab ipso denominatur et specificatur, sic, v. g., omnis motus a termino suo specificatur. Ergo omnis scientia specificatur ab objecto suo.

Secunda pars.—Scientia specificatur secundum quod dicit ordinem ad objectum. Atqui scientia non dicit ordinem ad objectum prout est res, sed prout est scibile. Ergo principium specificativum scientiae est objectum ut scibile. Atqui objectum ut scibile est objectum formale quo. Ergo scientia specificatur ab objecto et quidem ab objecto formali quo.

« Sicut ratio formalis visibilis sumitur ex lumine per quod color videtur, ita ratio formalis rei scibilis accipitur secundum principia, ex quibus aliquid scitur. Et ideo quantumcumque sint aliqua diversa scibilia per suam naturam, dummodo per eadem principia sciuntur, pertinent ad unam scientiam, quia non erunt jam diversa in quantum sunt scibilia. » (1)

IV. Scientiae divisio. *Ratione finis* scientia dividitur in *speculativam* et *practicam*. Scientia speculativa est illa quae sistit in contemplatione veritatis. Scientia practica est illa quae veritatem ordinat ad usus.

(1) S. T. I, *Post.*, l. 1.

Ratione fontis scientiae dividuntur in *experimentales*, *philosophicas* seu *rationales* et *theologicas*. Scientiae experimentales sunt illae quarum principia experientia cognoscuntur. Scientiae philosophicae seu rationales sunt illae quarum principia ratione acquiruntur. Scientiae theologicae illae sunt quarum principia revelatione innotescunt.

Ratione objecti ⁽¹⁾ multiplex proponitur scientiarum divisio. Praeter Baconem qui scientias distribuit prout ordinem dicunt vel ad *phantasiam*, vel ad *memoriam*, vel ad *rationem*, quae divisio objectiva non est, A. M. Ampere ⁽²⁾ (1775-1836) et A. Comte (1798-1857), diversas scientiarum divisiones proposuerunt. Ampere scientias divisit ratione objecti materialis: scientiae aliae sunt materiales seu *cosmologicae*, aliae spirituales seu *noologicae*. Sub istis duabus generalibus divisionibus scientiae sic distribuuntur:

Scientiae cosmologicae	{ proprie dictae	{ Mathematicae Physicae
	{ improprie dictae	{ Naturales Medicales
Scientiae noologicae	{ proprie dictae	{ Philosophicae Dialegmaticae (signorum scientiae, litterae, artes etc.)
	{ improprie dictae	{ Ethnologicae Politicae.

A. Comte et positivistae dividunt scientias in *mathematicam*, *astronomiam*, *physicam*, *chimiam*, *biologiam*, *sociologiam*.

Neque divisio prima, neque secunda admitti potest. Etenim scientiae non distinguuntur ad invicem secundum diversitatem objectorum materialium sed formalium. Non est igitur divisio scientiarum facienda ratione objecti materialis,


(1) Cf. G. SORTAIS, *Traité de philosophie*, t. II, pp. 83 et seq.

(2) *Essai sur la philosophie des sciences*.



MICROCOPY RESOLUTION TEST CHART

ANSI and ISO TEST CHART No. 2



APPLIED IMAGE Inc

1653 East Main Street
Rochester, New York 14609 USA
TIF 472 6300 - Phone
TIF 478 5389 - Fax

ut fit ab ipso Ampere. Rejicitur vero divisio positivistarum quia est incompleta, omittuntur enim scientiae philosophicae et theologicae.

Juxta autem Albertum Magnum et scholasticos, scientiae humanae dividuntur in *Physicam*, *Mathematicam*, *Metaphysicam*, *Logicam* et *Moralem*. Dicitur *scientiae humanae*, quia praeter ipsas, scientia datur divina, nempe *Theologia sacra*. Illa autem divisio est retinenda.

Etenim scientiae distinguuntur ex objecto formali secundum gradum abstractionis a materia. Atqui secundum gradum abstractionis a materia, quinque illae primariae scientiae objecto formali diverso distinguuntur. Ergo jure merito scientiae dividuntur in *Physicam*, etc.

Primus gradus abstractionis est a materia individuali, et habetur *ens mobile* quod a materia individuali abstrahit, non autem a materia sensibili. Est objectum *Physicae*. Secundus gradus est a materia sensibili, et habetur *ens quantum* quod abstrahit a materia individuali, et a materia sensibili; est objectum *Mathematicae*. *Ens quantum* intelligitur abstractione facta a materia individuali, et sensibili, tamen dependet a materia secundum esse. Tertius gradus abstractionis est ab omni materia et quoad esse et quoad intelligi, et habetur *ens immateriale* quod est objectum *Metaphysicae*. Tandem ultimus gradus abstractionis habetur cum fit abstractio non tantum a materia, sed etiam a realitate subjecti, secundum quod reflexione res considerantur prout sunt vel in intellectu vel in appetitu, et habetur *ens logicum* et *ens morale* quae constituunt objectum *Logicae* et *Moralis*.

Ratione subordinationis, scientia est *subalternans*, vel *subalternata*. Scientia subalternans est illa quae ex propriis principiis et per se notis, suas conclusiones demonstrat, non autem ex principiis ab alia scientia mutuatis. Scientia subalternata est illa quae proprias conclusiones demonstrat ex principiis acceptis a scientia superiori respectu cujus

dicitur subalternata. Scientiae subalternantes dicuntur etiam primariae, dum subalternatae, secundariae vocantur.

Respectu habito subordinationis scientiarum, sequenti modo haberi posset ipsarum coordinatio.

Physica	{ Circa materiam inorganicam Circa materiam organicam }	{ Geologia Geographia physica Mineralogia Physica Chimia inorganica Chimia organica Paleontologia Botanica Zoologia Anatomia Physiologia Pathologia Ethnologia }
Mathematica	{ Arithmetica Algebra Geometria Trigonometria Mekanica Astronomia }	
Metaphysica	{ Ontologia Cosmologia Psyceologia Theologia }	
Logica	{ Grammatica Linguistica Rhetorica Logica }	
Moralis	{ Ethica Jurisprudentia Jus gentium Politica Economia socialis Economia politica Geographia politica Historia }	

CAPUT SECUNDUM

DE METHODO

Methodus duplici modo considerari potest, in genere, et in specie relate ad diversas scientias. Duplex erunt igitur articuli hujus capitis secundi, in quibus materia sic distribuitur.

DE METHODO

I. De methodo in genere	}	Methodi notio	}	
		Methodi species		Analytica
				Synthetica
				A facilioribus et notioribus semper incipiendum est.
		Methodi leges generales		Processus fiat gradatim et non per saltus. Non eadem certitudo in omnibus rebus est exigenda. Methodus soliditate, claritate, brevitate excellat.
		Methodi utilitas		
II. De methodo in specie	}	Methodus generalis, methodus specialis	}	
		Methodus scientiarum physicarum		
		“ “ mathematicarum		
		“ “ moralium		
				Methodus auctoritatis
				“ cartesiana
				“ ontologica
	De methodo philosophica		“ rationalistica	
			“ idealistica	
			“ empirica	
			“ eclectica	
			“ scolastica	

ARTICULUS I

DE METHODO IN GENERE

(44)

I. **Methodi notio.** Methodus est *modus ordinate procedendi in quaerenda veritate*. Intellectus noster ab una veritate nota ad aliam ignotam cognoscendam progreditur, a principiis ad conclusiones, et sic ad scientiam pervenit tanquam ad terminum. Ordinata progressio intellectus in scientiarum acquisitione methodus dicitur.

II. **Methodi divisio.**—Methodus duplex est, *analytica et synthetica*. Methodus analytica est illa quae procedit ex particularibus ad universalia, ab effectibus ad causas, a compositis ad simplicia, ex phaenomenis ad leges. Methodus synthetica est illa quae ab universalibus ad particularia, a causis ad effectus, a simplicibus ad composita, a legibus ad phaenomena procedit. *Analysis* enim (ἀνάλω) *resolutionem* significat, seu est resolutio totius in suas partes, compositi in sua elementa ; ita chemicus analysi aquam resolvit in hydrogenium et oxygenium. *Synthesis* vero (συνθεσις) *compositionem* exprimit, seu est coadunatio partium in toto, elementorum in composito ; synthesi chemicus ex hydrogenio et oxygenio aquam efficit.

Methodus analytica, dicitur methodus *inventionis*, methodus *inductiva*; methodus *synthetica*, methodus *demonstrationis*, *doctrinae*, *deductiva* appellatur. Ratio harum denominationum facile intelligitur; in ordine enim inventionis ab effectibus ad causam, a phaenomenis ad leges inductione proceditur, dum in ordine demonstrationis et doctrinae a simplicioribus ad composita, ab universalibus ad particularia deductione seu syllogismo progreditur. Magis naturale et facilius homini videtur iste descensus et usui scholarum accomodatior; magis naturale, quia in rerum natura, in ordine reali, causa est prior effectui, et in ordine logico, principium prius consequenti. Tamen haud sequitur methodum analyticam in scholis non adhiberi.

III. Methodi leges generales. 1^o *A facilioribus et notioribus semper incipiendum est, ut ad difficiliora et obscuriora procedatur.*

2^o *Processus fiat gradatim, non autem per saltus, ut appareat nexus veritatum et facilius fieri possit resolutio conclusionum ad principia.*

3^o *Non est eadem certitudo in omnibus rebus exigenda.* Certitudo enim est multiplex, metaphysica, physica et moralis. Non est quidem quaerenda in omnibus demonstrationibus certitudo metaphysica, sed secundam materiae naturam certitudo conveniens. Ut notat Aristoteles ⁽¹⁾, ad hominem bene disciplinatum pertinet, ut tantum certitudinis quaerat in unaquaque materia, quantum natura rei patitur.

4^o *Denique methodus soliditate, claritate, brevitate excellat.* Quamobrem suo loco a Peripateticis praeceptum est: 1^o ut omnia, quae ad statum quaestionis dilucidandum necessaria sunt, clare exponantur. 2^o Nihil in terminis sit ambiguum, nihil obscurum, quod exacta definitione non

(1) *Ethic.*, c. 15.

determinetur. 3^o Subjectum, de quo quaestio est, in partes, quae separatim tractari possunt, recte dividatur, quo rectius et facilius uniuscujusque partis vis et pondus perspiciatur. 4^o Neglectis iis quae ad rem propositam nihil conferunt, cetera succinto sermone, qui ad claritatem tamen sit satis, exponantur. 5^o Probabilia a certis diligenter distinguantur, neque admittatur quidquam ut verum, quin solido argumento probatum sit. 6^o Si quae in re insint difficultates, eae ne dissimulentur, sed congrua explanatione cum sententiae propositae principiis componantur. ⁽¹⁾

IV. **Methodi utilitas.**—Plurimum commodi confert bona methodus in investiganda veritate. Ipsa enim ad veritatem ducit—*facilius*,—certiori disciplina facultates potentiores et velociores faciens ;—*brevius*,—rectam viam indicans quam prosequendo viribus et tempori pareitur : *claudus in via antecedit cursorem extra viam*, ait Baco ;—*tutius*, quia periculum errandi minuit, media praestando errorem detegendi et vitandi ;—*uberius*, quia adjuvante methodo multa cognoscuntur quae, ipsa deficiente, nunquam cognosci potuissent, unde ipsis methodis scientificis recte cognitae et rigore applicatae jure merito tribuitur ingens scientiarum progressus. « Concluons par le mot de Descartes : *Ce n'est pas assez d'avoir l'esprit bon ; le principal est de l'appliquer bien*. Ni le talent, quelque grand qu'il soit, ne saurait se passer de toute méthode, ni la méthode, si parfaite soit-elle ne saurait tenir lieu de tout talent. Dans la science, comme en toutes choses, le succès suppose le concours de l'un et de l'autre ; il y faut un certain talent naturel guidé par une bonne méthode. *Nihil praecepta et artes, nisi adjuvante uatura*. Toutefois, s'il fallait choisir, mieux faudrait encore un peu moins de talent avec un peu plus de méthode. » ⁽²⁾

(1) LAHOUSSE, *Praelectiones logicae et ontologiae*, No 338.

(2) CH LAHR, *Eléments de philosophie scientifique et de philosophie morale*, p. 27.

DE METHODO IN SPECIE. (1)

(45)

I. **Methodus generalis, methodus specialis.** Omnis scientia quaecumque sit veritatem inquirat, et veritatis cognitionem per causas intendit. Aliquid igitur commune invenitur omnibus scientiis quod ad methodum generalem spectat. Sed scientiae distinguuntur inter se diversitate objectorum; illa autem diversitas objectorum quae ad diversos ordines pertinent et diversis mediis cognoscuntur, diversitatem methodorum importat. Ideo methodus specialis invenitur quae propria est cujusque scientiae. Scientiae vero dividuntur in quinque primarias, in Physicam, Mathematicam, Metaphysicam, Logicam et Moralem; quaedam igitur dicenda sunt de methodis specialibus unius et alterius scientiae.

II. **Methodus scientiarum physicarum.**—Scientiae physicae agunt de entibus sensibilibus prout sensibilia sunt et ab experientia cognoscuntur, ideoque scientiae *experimentales* dicuntur. Quaedam *facta* observant ut, ex factis ad leges quibus explicantur, pervenire possint. Methodus specialis

(1) Circa diversas methodos scientiarum, Cf. : G. SORTAIS, *Oper. cit. t. II*; A. CASTELEIN, *Logique* (1906). *Methodologie*; RABIER, *Leçons de philosophie*, t. II.

harum scientiarum est igitur *inductio*, seu methodus inductiva. Jamvero processus inductivus, prout a nobis exponitur in dialectica ⁽¹⁾, triplex veluti momentum complectitur: explorationem factorum, determinationem causarum, et inductionem legum. Illo loco sufficienter proposuimus leges quibus mens dirigitur in quocumque momento hujus processus, et determinavimus quonam mutuo nexu inductio et deductio conjunguntur.

Ad scientias physicas pertinent scientiae *naturales*, Geologia, Botanica et Zoologia, etc, quorum est *entia* naturalia observare, ut, deprehensis communibus notionibus, eorum *definitio* essentialis et *classificatio* fieri possit. In hisce scientiis docti maxime utuntur *analogia* de qua locuti sumus etiam in dialectica. ⁽²⁾ Methodus scientiarum naturalium ad inductionem etiam reducitur.

III. Methodus scientiarum mathematicarum. Quemadmodum scientiis physicis *inductio* praecipue convenit, ita scientiis mathematicis *deductio*. Ex principiis universalibus et necessariis quae sunt axiomata et definitiones, mathematici conclusiones deducunt rigorosas, demonstratione directa vel indirecta. Quidquid autem diximus in dialectica de definitionibus et axiomatibus, de deductione seu syllogismo, methodo mathematicae applicandum est. Illae autem scientiae, quarum objectum facile apprehenditur vel imaginatur et quarum principia sunt absoluta, magnam certitudinem secumferunt, et cognitionem de cujus evidentia facile constat; methodus igitur mathematica multis placet. Non est tamen illa accipienda ut unica methodus, quasi nihil sit certum nisi modo methemathico proponatur. Talis enim dispositio contingit « propter *consuetudinem*, his qui in mathematicis sunt

(1) Lib. III, c. III.

(2) Lib. III, art. II.

nutriti... et propter *indispositionem*, illis scilicet qui sunt fortis imaginationis, non habentes intellectum multum elevatum. » ⁽¹⁾

IV. Methodus scientiarum moralium. Ad scientias morales pertinent tum *scientiae sociologicae*, tum *scientiae historicae*.

Scientiae sociologicae inquirunt leges activitatis humanae quae in ordine sociali et economico pacem et prosperitatem firmare possunt. ⁽²⁾ Unde jura civium cum officiis, relationes subditorum cum auctoritate gubernantium, inaequalitates status et fortunae cum solidaritate et confraternitate humana, necessitates vitae cum opibus componere conantur, quod quidem Ethicae et Jurisprudentiae, Politicae, Economiae socialis et Economiae politicae objectum constituit. In istis omnibus scientiis nee sufficit sola methodus deductiva, nec sola inductiva sed usus unius et alterius methodi requiritur secundum quod exigit materiae natura. *Deductione* stabiliuntur leges morales quibus homo ad finem suum ultimum dirigitur, et a quibus scientiarum sociologicarum cultores abstrahere nunquam possunt. Homo enim est ens morale, quia donatur libera voluntate qua ad finem suum attingere debet ; unde non possunt leges activitatis humanae in quocumque ordine sociali et economico determinari, abstractione facta ab illa primordiali obligatione. ⁽³⁾

(1) S. T., *Metaph.* lib. II. lec. V.

(2) « La science sociale étudie le monde comme être moral, doué d'une vie propre et constitué selon un ordre naturel et constant ; tel est son rôle magnifique de fixer les lois fondamentales de cet ordre et les conditions de l'harmonie sociale. Or l'homme ne se conçoit pas en dehors de la société. Il a des devoirs, des droits, des besoins. A tous ces titres, il relève de la science sociale. L'homme reçoit de la morale le principe du bien ; du droit, le principe du juste ; de l'économie politique, les lois de la richesse. » A. BECHAUX. *Le droit et les faits économiques*, p. 9.

(3) Parmi les sciences sociales se trouvent donc au premier rang les doctrines *morales* et *juridiques* : les doctrines *morales*, qui éclairent la conscience dans toute l'étendue des devoirs et des vertus, qui en doivent être l'inspiration et la règle ; les doctrines *juridiques* qui ont pour objet les

Observatione et statistica colligitur innumerabilis factorum numerus a quibus leges sociales inductione inferuntur. Maxima quidem cum prudentia in istis legibus inferendis procedendum est. Facta enim sunt maxime complexa cum a multiplicibus causis sive generalibus sive particularibus procedere possint.

Scientiæ historicæ complectuntur *historiam* proprie dictam, *archeologiam*, *numismaticam*, *epigraphiam*, *paleographiam*, necnon et historias speciales *litterarum*, *scientiarum*, *artium*, etc. In omnibus hisce scientiis, leges criticae historicae ⁽¹⁾ et hermeneuticae sequendae sunt. Critica historica enim est scientia seu ars distinguendi verum a falso in diversis testimoniis quibus utitur historia, sive testimonium sit orale, sive scriptum, sive monumentale. Critica historica triplicem induit formam: «Alia enim est *eversiva*, nempe *hypercritica* seu *scepticismus historicus*, qui ex una parte, non raro meras accipit hypotheses, ut progressum indefinitum; ex altera autem antiquissimas populorum traditiones, praesertim in rebus religionis, facile contemnit.—Alia autem est *caeca credulitas*, quae sine ullo examine omnes sive traditiones, sive narrationes, recipit et servat.—Inter utrumque stat *critica*, ut ita dicam, *distinctiva*, quae quidem factis historicis studet, sed traditionem constantem nonnisi ob gravissimas rationes rejicit.» ⁽²⁾ Jam quidem loquendo de auctoritate humana exposuimus diversa media quibus criticus

différents droits : droits innés, droits acquis, droits individuels, droits collectifs, droits privés, droits publics, droits nationaux, droits internationaux qui tous doivent se concilier entre eux sans empiètement ni conflit. Ces sciences morales et juridiques, à raison de leur objet bien limité, constituent des sciences distinctes de l'économie sociale proprement dite. Elles dominent celles-ci et lui fournissent sur certains points des solutions, dont elle ne saurait se passer.» A. CASTELEIN, *op. cit.*, p. 482.

(1) Cf. DE SMEDT, *Principes de la critique historique ; Etudes religieuses*, 1898, t. I, pp. 125-135.

(2) A. FARGES et D. BARBEDET, *Philosophia*, t. I, p. 214.—Cf. DE SMEDT, *Principes de la critique historique*.

authenticam et auctoritatem testimoniorum determinat, necnon quaedam addidimus de Hermeneutica quae hic unusquisque recollere poterit.

V. De methodo philosophica.—Plures sunt philosophicae methodi quae a philosophis proponuntur :

1^o *Methodus auctoritatis* quae tenet nullam veritatem admittendam esse nisi auctoritate magistri, traditionis, vel revelationis innitatur ;

2^o *Methodus cartesiana* quae dubium methodicum de omnibus veritatibus etiam immediatis, excepto tantum principio : *Cogito ergo sum*, tanquam unicam viam ad veritatem certo tenendam proponit ;

3^o *Methodus ontologica* quae docet Deum esse ens a nobis primo cognitum in quo intellectus omnes alias res intuetur ;

4^o *Methodus rationalistica* quae, rejecta quacumque auctoritate sive divina sive humana, rationem humanam erigit in iudicem independentem cujuscumque veritatis ;

5^o *Methodus idealistica* seu *pure synthetica*, quae rejecta experientia omnes veritates a priori et methodo synthetica acquirendas esse contendit ;

6^o *Methodus empirica*, seu *positiva*, seu *pure analytica*, quae, rejecta quacumque rationis speculatione, inductionem tantum et experientiam tanquam unicum medium comparandi scientiam admittit ;

7^o *Methodus eclecticica* quae, tenens omne systema philosophicum aliquam veritatis partem continere, docet veritatem completam et perfectam coalescere ex hisce diversis partibus veritatis, quas intellectus in quocumque philosophorum systemate eligere debet ;

8^o *Methodus scolastica* quae, admissa auctoritate in rebus fidei divinae et humanae, docet scientiam nostram ortum habere a principiis tum experientia tum ratione acceptis,

ideoque in scientia philosophica acquirenda processum tum inductivum tum deductivum adhibendum esse, unde dicitur methodus illa *analytico-synthetica*, seu *emperiro-rationalis*.

Facile constat omnes illos methodos praeter ultimam vitio quodam infirmari. *Prima* enim vim nativam intellectus ad verum certo cognoscendum denegat;—*secunda* dubium methodicum ad veritates immediatas extendens, omnem viam claudit ad verum legitime cognoscendum;—*tertia* experientiae adversatur, qua unusquisque novit res sensibiles esse a nobis prius cognitatas, et a cognitione sensibilibus intellectum assurgere ad spiritualia cognoscenda;—*quarta* capacitatem rationis humanae nimis extollit, ideo enim autonomiam et independantiam rationis ab omni auctoritate vindicat, quia docet nullam veritatem captum ejus superare posse, quod falsum esse jam demonstratum est;—*quinta* neglecta experientia facile ad subjectivismum ducit;—*sexta* incompleta methodus est, cum inductio syllogismum supponat sine quo nullam habet vim demonstrativam;—methodus *eclectica* tandem haberi non potest ut via ad veritatem cognoscendam, cum ad electionem faciendam eorum quae in systematibus philosophorum partes sunt veritatis, jam requiritur ut veritas sit nota et habeatur ut norma ad discernendum verum a falso. Omnes istae methodi sunt igitur rejiciendae, et ultima nempe methodus *analytico-synthetica* qua usi sunt Aristoteles et S. Thomas, tanquam vera philosophandi methodus accipienda. Unde :

THESIS. METHODUS ANALYTICO-SYNTHETICA EST VERA
METHODUS PHILOSOPHICA.

Illa est vera methodus philosophica quae tum naturae humanae, tum naturae scientiae convenit. Atqui hujusmodi est methodus *analytico-synthetica* inductionem et deductionem socians. Ergo methodus *analytico-synthetica* est vera methodus philosophica.

Ad minorem per partes. 1° Methodus analytico-synthetica naturae humanae convenit. Duae enim sunt in homine, secundum naturam suam facultates cognoscitivae, sensitiva scilicet et intellectiva, quae ita ad invicem ordinantur ut omnis cognitio a sensu inchoetur et ab intellectu perficiatur. Atqui cognitio sensitiva, cum sit factorum et singularium perceptio, observatione et experientia colligit notiones ex quibus intellectus abstractione et reflexione principia universalialia inductione infert, a quibus principiis postea ratio-cinio et synthesis conclusiones deducuntur. Ergo methodus analytico-synthetica naturae humanae maxime convenit.

2° Methodus analytico-synthetica naturae scientiae convenit. Proprium est enim scientiae conclusiones deducere ex principiis certis et evidentibus. Atqui conclusiones ope deductionis, id est *synthesis* inferuntur; principia vero experientia, observatione, abstractione, inductione, id est *analisi*, cognoscuntur. Ergo methodus analytico-synthetica naturae scientiae convenit.

Methodus analytico-synthetica est igitur vera methodus philosophica. Coeterum in omnibus scientiis est quidem adhibenda. Etenim cum dicitur in scientiis experimentatibus methodus analytica seu inductio usurpari, et in scientiis rationalibus methodus synthetica seu deductio, hoc non est intelligendum quasi una methodus absolute alteram excludat. Etenim ut diximus in *Dialectica* (cf. p. 136), inductio et deductio mutuo nexu conjunguntur, ita ut una alteram aliquo modo supponet.

« On distingue communément deux méthodes scientifiques, celle des sciences rationnelles : la synthèse, celle des sciences d'observation ou d'expérience : l'analyse. Cette distinction est fondée en ce sens que la synthèse est le caractère *saillant* du premier groupe de sciences, et l'analyse celui du second. Mais aucun des deux caractères n'appartient,

d'une façon exclusive, à aucun des deux groupes. Les axiomes qui sont à la base des sciences rationnelles, s'appuient inévitablement sur quelques observations élémentaires. Les résultats obtenus par l'analyse et par l'induction dans les sciences positives préparent des déductions synthétiques. La méthode scientifique est donc, en définitive, *unique* : *inductivo-déductive, analytico-synthétique.* » ⁽¹⁾

(1) D. MERCIER, *Logique*, p. 370.

FINIS CRITICAE

METAPHYSICA

SEU

PHILOSOPHIA REALIS

Prologus.—Metaphysica, secundum etymologiam vocis, *μετὰ τὰ φυσικά*, idem significat ac *trans* vel *ultra* res physicas. Secundum rem autem, est *scientia entis immaterialis* seu suprasensibilis. Ens vero considerari potest dupliciter : *in genere* et *in specie*. Metaphysica igitur est duplex : *metaphysica generalis* quae dicitur etiam *Ontologia*, et *metaphysica specialis*. Ens autem in specie consideratum vel est *Deus* in summo immaterialitatis gradu positus, vel *anima humana*, substantia spiritualis materiae conjuncta, vel ipse *mundus*, ens in se materiale sed ab intellectu nostro modo immateriali consideratus. Metaphysica specialis in tres partes igitur distribuitur : in *theologiam naturalem* quae agit de Deo, in *psychologiam* quae agit de anima, in *cosmologiam* quae de mundo corporeo pertractat.

Metaphysica { Generalis seu Ontologia
 { Specialis { Cosmologia
 { Psychologia
 { Theologia

METAPHYSICA GENERALIS

SEU

ONTOLOGIA

PROLEGOMENA

*reale 1-
secundum rem
Logos est scientia*

I. Ontologiae notio. Secundum nomen, *ov ens λογος scientia*, ontologia est *scientia entis*. Secundum rem, definitur cum S. Thoma : *scientia quae considerat ens et ea quae consequuntur ipsum*. ⁽¹⁾

Dicitur a) *scientia*, cognitio scilicet certa et evidens, seu systema quoddam conclusionum quae ex principiis certis deducuntur.

b) *Quae considerat ens*, quia objectum hujus scientiae est *ens*, non ut tale vel tale, sed in communi, in quantum est ens.

c) *Et ea quae consequuntur ipsum*, nempe generales proprietates quae ens concomitant, divisiones et causas ipsius.

(1) Prolog. Metaph.

*10. q. 2. et 3. in
1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

II. Ontologiae divisio.—Objectum ontologiae est ens ; ens autem considerari potest vel in sua *natura*, vel in suis *proprietatibus*, vel in suis *speciebus*, vel in suis *causis*. Quatuor igitur libros continet ontologia : primus agit *de natura entis* ; secundus, *de proprietatibus entis* ; tertius *de divisione entis* seu de categoriis ; quartus, *de causis*. Sic igitur, forma brevi, schema totius ontologiae praesentari potest.

ONTOLOGIA

| | | |
|-------------------|---|--|
| De natura entis | { | De notione
De actu et potentia
De essentia et existentia
De possibilitate. |
| De proprietatibus | { | transcendentalibus { De unitate et distinctione
De veritate et falsitate
De bono et malo |
| | | universalibus { De pulchro
De perfecto
De finito et infinito
De necessario et contingente
De simplici et composito
De immutabili et mutabili |
| De divisione | { | De substantia { De natura
De individuatione
De subsistentia
In genere. De natura |
| | | De accidentibus { In specie { De quantitate
De qualitate
De relatione
De actione et passione
De ubi seu de loco
De quando seu de tempore |
| De causis | { | In genere. De natura |
| | | In specie { De causa efficiente { De natura
De existentia
De modo operan.
De causa materiali et formali
De causa finali { De natura
De existentia |

De natura
entia
De
causis
De
causis

LIBER PRIMUS

CAPUT UNICUM

DE NATURA ENTIS

Prologus—Ens dicitur per ordinem ad esse quod significat vel essentiam vel existentiam ; essentia autem, vel actu est, vel est possibilis tantum. Sic igitur de natura entis instituitur sermo :

DE NATURA ENTIS

| | | | | |
|----------------------------|---|--|---|---|
| I. De notione
entis | { | Ens quoad nomen | { | Ens in actu, ens in potentia |
| | | Ens quoad rem | | Ens reale, ens rationis |
| | { | Primae entis divisiones | { | Ens reale : infinitum, finitum |
| | | Notio entis est communissima | | |
| | { | “ “ “ omnium prima | { | |
| | | Notio entis non est generica | | |
| | { | “ “ “ “ aequivoca, nec univoca, sed analogo. | { | |
| | | De ente rationis : negativum, privativum, relativum. | | |
| | { | De primis principiis | { | Principium contradictionis |
| | | quae a notione entis
eruantur | | “ identitatis
“ medii exclusivi |
| II. De actu et
potentia | { | Actus et potentiae notio | { | Actus essendi, actus existendi |
| | | Actus species | | Actus primus, actus secundus |
| | { | Potentiae species | { | Actus purus, actus non purus |
| | | | | Objectiva seu logica |
| | { | Subjectiva
seu realis | { | Operativa { Obedientialis |
| | | | | Activa |
| | | | | Passiva |
| | | | | Axiomata quae ex comparatione actus et potentiae trahuntur. |

| | | |
|-----------------------------------|--|---|
| | Essentiae notio | |
| | Essentia nomina | {
Essentia
Quidditas
Natura
Ratio
Substantia
Species |
| | Essentiae species | {
Physica { Artificialis
{ Naturalis
Metaphysica |
| III. De essentia
et existentia | Essentiarum dotes | {
Necessitas
Immutabilitas
Indivisibilitas
Aeternitas negativa |
| | Essentiarum eo-
gnoscibilitas | {
Status quaestionis
Thesis: Essentiae reales rerum non
sunt nobis omnino ignotae. |
| | Existentiae notio | |
| | Distinctio essentiae
et existentiae | {
Status quaestionis
Thesis: In rebus creatis, essentia
realiter distinguitur ab exis-
tentia.
Difficultatum solutio |
| | Possibilitatis notio | |
| | Possibilitatis species | {
Intrinseca
Extrinseca { Physica
{ Moralis |
| IV. De possibi-
litate | Axiomata ex notione
possibilitatis desumpta. | |
| | De principio a quo pendet
possibilitas intrinseca | {
Status quaestionis
Philosophorum sententiae
Falsae sententiae rejiciuntur
Thesis: Possibilitas intrinseca
formaliter pendet ab intel-
lectu divino, fundamentali-
ter ab essentia Dei. |

ARTICULUS I

DE NOTIONE ENTIS

(1)

I. **Ens quoad nomen.**—Vox *ens* est participium verbi *esse*; unde dicitur *ens* per ordinem ad *esse*. *Esse* autem sumitur vel per modum *verbi* et significat *existere*, seu *copulam* inter praedicatum et subjectum propositionis, vel per modum *substantivi* et significat *subjectum existentiae*. *Ens* igitur vel significat aliquid realiter seu actu existens, vel aliquid quod de subjecto quodam praedicatur, vel subjectum existentiae.

II. **Ens secundum rem.**—Ens proprie definiri non potest. Propria enim definitio constituitur ex duplici elemento, ex genere proximo et ultima differentia. Jamvero, ens est quid transcendente quod in nullo genere continetur. Ens igitur improprie definitur: *quidquid existit aut saltem existere potest*. Si ens accipitur *in vi participii*, significat id quod existit, unde continet *essentiam* et *existentiam*; si *in vi nominis*, eum nomen ab existentia abstrahit, ens significat aliquam *essentiam* abstractione facta ab existentia, est *id quod existit aut saltem existere potest*.

III. **Primae entis divisiones.**—1° Actus et potentia sunt primae entis differentiae. *Ens in actu* est illud quod realiter existit, v. g. : Deus, mundus. *Ens in potentia* est illud quod

2. — ... ab ipso ...

realiter non existit, sed quod existere potest, v. g. : homines futurorum saeculorum.

2° Ens dividitur in *ens reale* et *ens rationis*. Ens reale est illud quod existit aut existere potest in rerum natura in dependenter ab actu intellectus nostri, v. g. : domus, planta. Ens rationis est illud quod habet esse objective tantum in intellectu et dependenter ab intellectu, v. g. : privationes, quaedam relationes.

Ens reale est *infinite* vel *finitum*, et ens finitum subdividitur in decem praedicamenta. *cf. p. 31*

IV. Notio entis est communissima.—Etenim ens, cum sit id quod existit aut saltem existere potest, praedicatur de omnibus quae sunt aut esse possunt. Ens igitur non est tantum quid *universale*, praedicabile de pluribus, sed quid *transcendentale* praedicabile de omnibus. Nihil datur quod dici non possit ens, et omne id quod concepitur, etiam privativa et negativa, per modum entis concepitur.

V. Notio entis est omnium prima.—Ex experientia constat intellectum nostrum a notionibus magis communibus, ad notiones minus communes procedere. Ens autem est quid communissimum. Notio entis est igitur omnium prima in ordine chronologico. Unde compertum est apud pueros quod omnia objecta ab ipsis percepta sunt *res* quaedam seu *entia* ; cum autem conceptus ipsorum magis determinantur, omnes viri sunt *patres*, et omnes mulieres *matres*, et sic apparet quomodo intellectus noster a notionibus transcendentalibus ad universales, et ab universalibus ad particulares procedit.

Notio entis est etiam *prima in ordine logico* : includitur enim in omnibus aliis notionibus, et istae notiones dum resolvuntur, in notionem entis tanquam ad primam reducuntur, v. g., : *Homo* est animal rationale,—*animal* est vivens

cf. p. 31 *et inveniuntur
inminata*

sensibile, — *vivens* est corpus organicum, — *corpus* est substantia nata subesse trinae dimensionis, — *substantia* est *ens* in se existens. Ulterius progredi non possumus. Omnes notiones in notionem entis sic resolvuntur. Notio entis igitur est omnium prima tum in ordine chronologico, tum in ordine logico.

VI. Notio entis non est generica. 1^o Notio generica trahitur ad esse speciei per differentias de quibus praedicari non potest, v. g., animal trahitur ad esse speciei per *rationale* et *irrationale* de quibus praedicari non potest. Atqui nulla datur differentia de qua ens praedicari non possit; omne enim quod est, est ens. Ergo notio entis non est generica. 2^o Notio generica idem semper significat dum de suis inferioribus praedicatur. Atqui notio entis non idem semper significat dum de suis inferioribus praedicatur, v. g.: Deus dicitur ens scilicet ipsum esse, substantia dicitur ens, scilicet habens esse, accidens dicitur ens, nempe habens inesse. Ergo notio entis non est generica.

VII. Notio entis non est aequivoca nec univoca sed analoga.

Status quaestionis: — Ens in sua communissima ratione sumptum dicitur de omnibus quae aliquo modo sunt; ideoque est communissimum omnibus entibus. Sed quia entia non sunt ejusdem modi et conditionis, debemus considerare qualiter hoc communissimum pluribus, quod est ens, praedicandum sit de diversis suis inferioribus, nempe de Deo et de creaturis, de substantia et de accidente. Ad hujus quaestionis solutionem, determinare est quotuplici modo aliquid potest esse commune pluribus.

Commune dicitur id quod convenit pluribus singillatim, et est triplex, secundum triplicem modum, quo unum idemque convenit pluribus, scilicet aequivocum, univocum, analogum.

Æquivoca sunt illa quorum nomen commune est, ratio autem seu res significata per nomen omnino diversa ; sic *canis* est nomen æquivocum, prout dicitur de animali vivente, et de constellatione coeli.

Univoca sunt illa quorum nomen commune est, res seu ratio per nomen significata omnino eadem : sic *homo* dicitur univoce de Petro et de Paulo.

Analogia sunt ea quorum nomen commune est, res seu ratio per nomen significata partim eadem partim diversa : v. g., nomen *caput* dicitur analogice de patre familiae et de magistratu civitatis.

Nomen æquivocum significat res omnino diversas, quae in nulla ratione per nomen significata conveniunt, unde tot sunt conceptus quot sunt æquivocata ; et *in æquivocis cognitio unius nullo modo ducit ad cognitionem alterius*.

E contrario nomen univocum res diversas significat secundum unam eandemque rationem aequaliter in omnibus univocatis inventam, quae potest ab ipsius abstrahi, quia nihil significat in uno quod non significatur in altero, cum fundamentum similitudinis in uno sit omnino idem ac in alio. Unde *in univocis unus est conceptus formalis, et cognitio unius ducit ad cognitionem perfectam omnium aliorum*.

Nomen vero analogum plures diversasque res significat, ita tamen ut illas non exprimat secundum unam eandemque rationem absolute omnibus communem, sed secundum proprias et diversas rationes, quia ratio unius non clauditur in ratione alterius ; illae tamen rationes simpliciter diversae, sunt similes secundum aliquam proportionem, et ideo fundamentum similitudinis in analogatis est diversum absolute, simile secundum proportionem. Cum res ita se habent, in analogatis duplex distinguitur conceptus formalis, perfectus nempe, et imperfectus. Omnibus enim analogatis respondet

unus conceptus imperfectus, et tot perfecti quot sunt analogata, et ideo conceptus formalis analogus est unus secundum quid, multiplex simpliciter. Ex hoc sequitur quod *in analogis cognitio unius non ducit ad perfectam cognitionem alterius, tamen propter proportionalem similitudinem inter utrumque, cognito uno cognoscitur aliud, modo saltem imperfecto.*

His omnibus explicatis circa naturam aequivocationis, univocitatis, et analogiae, debemus quaerere quinam modus nomini *entis* convenit; illud autem nomen cum dicitur de Deo, de substantiis et de accidentibus, non est aequivocum, nec univocum, sed analogum.

THESIS :—ENS TRANSCENDENTALE NON EST ALIQUID AEQUIVOCUM, NEC UNIVOCUM, SED ANALOGUM.

Prima pars : *Nomen entis non est aequivocum.* Etenim, ut diximus, cognitio unius aequivoci, qua talis, nullo modo potest ducere ad cognitionem alterius. Atqui cognitio creaturarum ducit in cognitionem Dei, et cognitio accidentis in cognitionem substantiae. « Invisibilia Dei per ea quae facta sunt, intellecta conspiciuntur. » Ergo nomen entis non est aequivocum.

Secunda pars : *Nomen entis non est univocum.*

1° Univocum dicit rationem unam aequaliter participatam in suis inferioribus, quae fundat vel genus vel speciem. Ergo notio univoca est semper generica vel specifica. Atqui notio entis non est generica nec specifica. Etenim id quod est genus vel species ad esse speciei trahitur, mediante aliqua differentia de qua praedicari non potest, et nihil est de quo ens praedicari non possit. Ergo notio entis non est univoca.

2° Cognitio unius univoci ducit ad perfectam cognitionem alterius. Atqui cognitio creaturaram non ducit ad perfectam

cognitionem Dei, nec cognitio accidentis ad perfectam cognitionem substantiae. Ergo nomen entis non est univocum.

Tertia pars : Nomen entis est analogum.

1^o Nomen commune pluribus est aequivocum, univocum vel analogum. Atqui demonstrativimus nomen entis non esse aequivocum nec univocum. Ergo remanet ut sit analogum.

2^o Nomen analogum rationem significat quae in suis inferioribus invenitur partim eadem et partim diversa. Atqui sic se habet nomen entis prout dicitur de Deo et de creaturis, de substantia et de accidente. Ens enim significat esse quod in omnibus aliquo modo invenitur licet diversimode. Etenim Deus dicitur ens, quia est *ipsuni esse* ; creatura dicitur ens, quia *habet esse*, et accidens, quia *habet inesse*. Ergo nomen entis est analogum.

VIII. De ente rationis. Ens rationis est illud quod habet esse objective tantum in intellectu ; objective, scilicet per modum objecti ab intellectu cogniti, quin extra intellectum existentiam habeat aut habere possit ; est id quod ab intellectu percipitur ut ens, quamvis entitatem in se non habeat. Ens rationis habet fundamentum in re vel non habet. Ens rationis sine fundamento in re (circulus quadratus) est pure chimaericum, ne quidem objective in mente existere potest, sed tantum ratione terminorum.

Ens rationis dividitur in *negativum*, *privativum* et *relativum*. Ens rationis *negativum* est carentia alicujus entitatis in subjecto inepto ad eam habendam, v. g., nescientia seu ignorantia in lapide. Ens rationis *privativum*, est carentia entitatis debitae, in subjecto scilicet apto ad illam habendam, v. g., caecitas in homine. Ens rationis *relativum* est omnis relatio qua aliquid fingitur ad aliud referri, cum tamen realiter non refertur, v. g. : intentio universalitatis

quod dicitur de ratione... quod est in intellectu... quod est in re... quod est in intellectu... quod est in re... quod est in intellectu... quod est in re...

quae unam naturam refert ad plura individua, est ens rationis relativum. ⁽¹⁾

IX. De primis principiis quae a notione entis eruuntur. A notione entis trahuntur prima principia quae dicuntur : principium contradictionis, *idem non potest esse simul et non esse* ; principium identitatis, *quod est, est, vel, quod non est, non est* ; et principium tertii seu medii exclusivi, *quaelibet res aut est, aut non est*. Secundum et tertium in principio contradictionis fundantur. Unde quemadmodum notio entis est omnium prima tum in ordine chronologico, tum in ordine logico, ita principium contradictionis est principium omnium primum in utroque ordine. Illud enim principium statim et immediate oritur in mente ex sola comparatione entis cum non ente, scilicet cum suo opposito. Unde principium contradictionis est principium immediatum, evidens per se, quod nullo modo negari potest, ipsa ejus negatio est ejus affirmatio, et omnia alia principia in ipso fundantur ; nisi enim admittatur, alia principia possent esse vera et falsa.

(1) «L'intelligence a, en effet, le pouvoir de se représenter des *objets* qui ne sont ni réalisés ni réalisables dans la nature ; ils sont objets représentables, rien de plus ; on les oppose aux choses, aux *entia rata* sous le nom de *ens rationis* ---- La *négation*, par exemple, la *privation* de la vue, les relations appelées *relations de raison*, notamment la relation de l'universel avec les sujets auxquels il est applicable, sont autant de termes objectifs qui ne répondent à aucune réalité objective. » D. MERCIER, *Métaphysique générale*, p. 134.

ARTICULUS II

DE ACTU ET POTENTIA

(2)

I. Actus et potentiae notio.—*Ens in actu*, diximus (p. 286), est illud quod realiter existit ; *ens in potentia* est illud quod realiter non existit sed quod existere potest. Unumquodque igitur est *in actu*, per ordinem ad id quod habet, *in potentia*, per ordinem ad id quod non habet sed habere potest : ens secundum quod habet existentiam est *in actu*, secundum quod existentiam non habet, sed habere potest, est *in potentia*. Secundum quod autem habetur entitas, habetur *perfectio*, et secundum quod deest aliqua entitas in subjecto capaci, habetur *imperfectio*. *Actus* igitur dicit *perfectionem*, *potentia* vero *imperfectionem*.

Jamvero possumus *aliquo modo* definire actum et potentiam, (prima et simplicia *strictè* definiri non possunt, quum non sit in definitionibus abire in infinitum) : *Actus* est *entitas qua res determinatur et perficitur*. *Potentia* est *aptitudo ad aliquid*.

II. Actus species.—Actus dividitur : 1^o *ratione sui*, in *actum essendi* et *actum existendi*.

Actus essendi est entitas qua res determinatur et perficitur in sua specie ; dicitur etiam *actus formalis* (proprium est formae determinare speciem) et *actus essentialis*.

Actus existendi est entitas rem constituens in ipsa existentia ; dicitur etiam *actus existentiae*.

2° Ratione ordinis, in *actum primum* et *actum secundum*.

Actus primus est ille qui alium non supponit, sed expectat ; est forma.

Actus secundus est ille qui priorem supponit eique succedit ; est operatio. Etenim *operatio sequitur esse*, actus dans esse prior est, actui qui dat operari. *Intelligere igitur in actu primo*, est posse intelligere, habere potentiam intellectivam ; *intelligere in actu secundo*, est ponere actionem intellectivam, scilicet actu intelligere.

3° Ratione perfectionis, in *actum purum* et *non purum*.

Actus purus est ille qui non est admixtus potentiae. *Actus non purus* est ille qui admixtus est potentiae. Deus est actus purus omnem potentiam excludens, creaturae quae semper aliquo modo sunt in potentia sunt actus non puri.

III. *Potentiae species*. — 1° *Potentia est objectiva* et *subjectiva*.

Potentia objectiva seu *logica* est mera *possibilitas*, scilicet idealis aptitudo rei nondum existentis ad existendum fundata in non repugnantia idearum. De potentia illa dicemus in articulo quarto.

Potentia subjectiva seu *realis* est capacitas realis rei jam existentis ad aliquid faciendum vel recipiendum ; est realitas in subjecto existens, vi cuius subjectum aliquid facere aut recipere potest, unde *subjectiva* dicitur.

2° *Potentia subjectiva* dividitur in *potentiam receptivam* et *operativam*.

Potentia receptiva, quae dicitur etiam *passiva*, est aptitudo rei jam existentis ad aliquid recipiendum ; v. g., in ligno, in marmore est *potentia receptiva* ad formam statucae. *Potentia operativa* est aptitudo rei existentis ad aliquid faciendum ; v. g., sensus et intellectus sunt *potentiae operativae*.

Dicitur etiam potentia *activa*. Utraque dicitur *proxima* vel *remota* prout statim ad actum reduci potest, vel ad actum per diversos gradus disponi indiget. ⁽¹⁾

3^o *Potentia receptiva* est vel *naturalis* vel *obedientialis*.

Potentia naturalis est aptitudo ad aliquid recipiendum naturae viribus proportionatum, v. g. : potentia aquae ad calorem recipiendum. *Potentia obedientialis* est aptitudo rerum, ut pro arbitrio Dei, formas recipiant quae exigentiam et capacitatem naturalem superant; v. g. : potentia animae ad gratiam recipiendam. Ista potentia dicitur *obedientialis* quia creaturae sunt in manu Dei cui obediunt; virtus enim et natura creata Deo subjiciuntur.

4^o *Potentia operativa* est vel *activa*, vel *passiva*.

Potentia activa est illa quae objectum suum producit, vel ad ipsum sese habet ut *agens*; v. g. : facultas nutritiva. *Potentia passiva* est illa quae objectum suum praesupponit et sese habet ad ipsum ut *patiens*; v. g. : sensus qui patitur actionem objecti sensibilis, cum ab ipso determinatur ad sentiendum.

IV. Axiomata quae ex comparatione actus et potentiae trahuntur.—Secundum quod comparantur ad invicem actus et potentia, diversa enascuntur axiomata qui in re philosophica perutilia sunt. Ad quaedam capita reduci possunt: actus enim et potentia accipiuntur vel in propria significatione prout nempe actus *perfectionem* potentia *imperfectionem* important;—vel prout *relationem* aut *oppositionem* ad invicem

(1) « La puissance comporte une foule de degrés. Il est clair qu'un architecte très exercé dans son art a la puissance de bâtir une maison, dans un degré supérieur à celui d'un architecte novice. La puissance de celui-ci est supérieure à celle d'un ignorant qui pourrait apprendre l'art de l'architecture mais qui ne le connaît pas encore; enfin nous ne trouvons plus qu'une puissance radicale à cet art dans le petit enfant. Les scholastiques ont ramené tous ces états potentiels à deux principaux: la puissance *éloignée* et la puissance *prochaine*. » FARGES, *l'Acte et la Puissance*, 5^e édit. p. 29.

dicunt ; vel prout fit *transitus* e potentia ad actum ;—vel tandem secundum *prioritatem* et *posterioritatem* utriusque.

1° Prout actus *perfectionem*, potentia *imperfectionem* important :

a) *Actus melior est potentia* ; perfectio enim melior est imperfectione.

b) *Actus purus est omnino perfectus* ; actus purus excludit omnem potentiam, ideoque omnem imperfectionem.

c) *In tantum aliquid est perfectum, in quantum est in actu* ; imperfectum vero, in quantum est in potentia.

d) *Actus est perfectio potentiae* ; actus enim est id quo res perficitur.

e) *Unumquodque secundum quod est actu et perfectum, secundum hoc est principium activum alicujus ; patitur autem unumquodque secundum quod est in potentia et imperfectum.* Actus enim est perfectio potentiae, secundum quod igitur aliquid est actu potest actione sua implere capacitatem entis quod est in potentia, et quod patitur actionem principii activi perficientis. Unde *unumquodque agit in quantum est actu, patitur vero in quantum est potentia.*

2° Prout *relationem* ad invicem dicunt :

a) *Actus et potentia sunt in eodem genere*, scilicet, actus et potentia essentialiter ad illum actum ordinata sunt in eodem genere supremo substantiae aut accidentis. Si igitur actus est quid substantiale, potentia erit quid substantiale, si actus est quid accidentale, potentia erit quid accidentale et viceversa. Ratio est quia actus est perfectio, complementum ipsius potentiae ; unde si sit aliqua potentia seu capacitas in ordine substantiali, non potest compleri per aliquid accidentale, nec aliquid substantiale perficere seu complere potest aliquam potentiam in ordine accidentali.

b) *Ab actu ad posse valet illatio*, sed non viceversa, a posse ad actum valet illatio ; ex eo quod enim res aliquam perfectionem habeat, sequitur quod possit illam habere, sed

non viceversa, quia ex eo quod possit ipsam habere, non sequitur quod ipsam habeat.

3° Prout *oppositionem* dicunt:

a) *Actus et potentia sunt opposita*, potentia enim est negatio actus; res est in potentia per ordinem ad perfectionem quam non habet, in actu per ordinem ad perfectionem quam habet.

b) *Idem non potest esse simul in potentia et in actu circa idem*; idem enim non potest simul habere et non habere eandam perfectionem. Tamen idem potest esse simul in potentia et in actu circa diversa.

c) *Inter potentiam et actum non datur medium*; inter agere et non agere, habere aliquam perfectionem et ipsam non habere, non datur medium. Initium actionis jam est actus, et prima possessio seu receptio perfectionis etiam imperfecta, actus quoque est. Inter potentiam puram et actum purum habetur actus imperfectus qui est motus, aliquid nempe simul in actu et in potentia circa diversa: unde, quin contradicatur axiomati, dicitur: *motus est medium inter actum et potentiam*.

4° Prout fit *transitus* de potentia ad actum:

a) *Potentia, qua talis, nequit per semetipsam ad actum reduci, sed reducitur ab alio principio in actu*. Subjectum enim reduci de potentia ad actum est ipsum accipere perfectionem quam antea non habebat sed poterat tantum habere. Atqui subjectum non potest sibi dare id quod non habet. Ergo id quod est in potentia non reducitur ad actum nisi ab alio principio in actu.

b) *Quidquid transit de potentia ad actum mutatur*; in hoc enim consistit mutatio quod subjectum acquirat vel amittat aliquid; in utroque casu habetur transitus de potentia ad actum.

12.13

Prout fit
transitus
de potentia
ad actum

c) *Quidquid movetur ab alio movetur* ; moveri est transire de potentia ad actum, et id quod est in potentia non transit ad actum, nisi ad ipsum reducatur ab alio quod est actu.

d) *Ens immutabile est actus purus, et omne ens mutabile componitur ex actu et potentia.*

5^o *Secundum prioritatem vel posterioritatem utriusque.*

a) *Absolute prior est actus potentia* ; potentia enim ad actum non reduceretur nisi praeexisteret actus.

b) *Perfectum simpliciter prius est imperfecto.*

c) *In ente mutabili prior est potentia quam actus* ; mutatur enim secundum quod transit de potentia ad actum.

ARTICULUS III

DE ESSENTIA ET EXISTENTIA

(3)

I. *Essentiae notio.* *Essentia proprie non definitur sed tantum declaratur. Nomine essentiae intelligitur :—id quo res est id quod est ;—id quo res constituitur in determinata specie ;—id quod primo in re concipitur et est radix proprietatum quae in re sunt ;—id per quod respondetur quaerenti quid sit res ;—id quo res in se constituitur et ab omnibus aliis distinguitur.*

II. *Essentiae nomina.* *Essentia diversa sortitur nomina quae semper eandem rem significant sed secundum diversas ejus relationes. Sic dicitur : essentia prout est rei entitas*

Aeternae, aeternitate negativa. Aeternitas est *duratio sine principio et sine fine* : dicitur *positiva* prout est mensura durationis entis realiter existentis ; dicitur *negativa* prout est mensura eorum quae a tempore abstrahunt et ab ipso igitur non mesurantur. Essentiae autem a tempore abstrahunt et quoad principia ex quibus resultant, et quoad existentiam. Ab aeterno enim verum est hominem esse animal rationale, et in quavis differentia temporis homo existere potest.

V. Essentiarum cognoscibilitas.

Status quaestionis. 1° Nominales et conceptuales negant reales rerum essentias a nobis cognosci posse. Distinguunt enim essentiam realem seu physicam et essentiam nominalem. Essentia physica est id quo res in seipsa physice constituitur ; essentia vero nominalis est ea quae a mentis consideratione pendet, quatenus mens res coordinat sub diversis generibus et speciebus. Lockius et positivistae dicunt notiones quas quidem habemus de essentiis essentiam nominalem referre, non autem realem. Illa autem positio nominalium et conceptualium sese habet ut consequentia doctrinae ipsorum circa naturam universalium.

2° Scholastici concedunt non omnes rerum essentias esse a nobis cognitae ; tamen dici non potest quod realitas essentiarum sit nobis penitus ignota. Non habemus quidem cognitionem intuitivam et immediatam ipsarum, nempe intellectus noster non immediate in seipsis essentias attingit ; sed veram ipsarum cognitionem licet imperfectam habemus, in quantum ex proprietatibus et qualitatibus rerum ad essentiam assurgimus. Sit igitur.

THESIS:—ESSENTIAE REALES RERUM NON SUNT NOBIS
OMNINO IGNOTAE.

1° *Ex rerum proprietatibus.* Plures rerum proprietates et qualitates certo cognoscimus ; homines praeditos esse

ratione, bruta sensibilitate, plantas vi nutritiva, augmentativa et generativa, etc. Atqui ex notione illarum proprietatum legitime et scientifice ad cognitionem essentialium assurgere possumus. Ergo essentialia realia rerum non sunt nobis omnino ignota.

Ad minorem. Etenim istae rerum proprietates sese habent ad essentialiam sicut effectus ad causam, principium enim postulant a quo procedunt. Atqui ex effectu cognito possumus ad causae cognitionem pervenire, scilicet essentialiam et naturam ejus aliquo modo attingere. Proprium est enim scientiae ab effectibus, a phaenomenis ad causas assurgere. Ergo ex notione proprietatum legitime et scientifice ad cognitionem essentialium assurgere possumus.

2^o *Suadetur sensu communi.* Omnes enim homines dum res definiunt, et definitionibus entia alia ab aliis distinguunt, non intendunt essentialiam rerum *nominalen* declarare sed realem, id nempe quo res in seipsis constituuntur et ab aliis discernuntur.

3^o *Ex natura universalium confirmatur.* Ideo enim nominales et conceptuales dixerunt essentialia realia rerum a nobis cognosci non posse quia objectivitatem universalium denegarunt. Atqui jam demonstratum est in critica, essentialia universalia quas intellectus abstrahit a rebus sensibilibus esse quid reale et objectivum. Ergo essentialia realia rerum non sunt a nobis omnino ignota.

VI. Existencia notio. Vi vocis, existencia (sistencia ex) est id quo res *sistit extra causas*. Logice definiri non potest; describitur ita ut sit: *actualitas essentialis*:—*ultima actualitas essentialis*:—id quod res ponitur extra statum possibilitatis, seu extra causas.

VII. Distinctio essentialis et existencialis.

Status quaestionis. — 1^o Ex statuta notione *essentialis* et *existencialis*, jam apparet inter utramque haberi saltem

distinctionem rationis. Alius est enim conceptus essentiae, alius vero conceptus existentiae.

2^o Essentia abstracte sumpta in statu merae possibilitatis realiter differt ab essentia per realem existentiam actuata; essentia scilicet possibilis ab essentia reali et physica realiter distinguitur. Circa hoc autem non fit difficultas.

3^o Hic quidem agitur de essentia reali et physica, prout nempe in rebus existentibus consideratur, et quaeritur utrum illa essentia actualis realiter ab existentia distingatur, utrum scilicet in re actualiter existente essentia rei et existensia ejus sint duae realitates, vel duo conceptus unius ejusdem realitatis.

4^o Duplex circa hanc quaestionem datur philosophorum sententia. Prima ipsius Suaresii (1548-1617), quam sequuntur plures doctores Societatis Jesu, contendit distinctionem non realem sed logicam cum fundamento in re admittendam esse inter essentiam actualem et existentiam. Secunda vero Sancti Thomae et thomistarum, quam sequuntur hodie recentiores scriptores Societatis Jesu, Liberatore, Cornoldi, Schifini, De Maria, Billot, De San, realem vindicant distinctionem inter essentiam et existentiam.

5^o Cum affirmatur distinctio realis inter essentiam et existentiam, non est illa accipienda quasi essentia et existentia sint duae res subsistentes ut sunt Socrates et Plato, nec duae res a Deo creatae quae fuerunt postea unitae, sed intelligitur essentiam et existentiam esse duo realia principia intrinseca constitutiva unius rei subsistentis, duo principia realia unius ejusdemque entis creati. Sit igitur

THESIS. — IN REBUS CREATIS ESSENTIA REALITER DISTINGUITUR AB EXISTENTIA.

Dicitur: *in rebus creatis*, quia in Deo essentia et existentia identificantur, Deus enim est ipsum esse.

Demonstratur. — 1^o Quandocumque aliquid praedicatur de altero per realem participationem, et sicut aliquid non

et actus.
Esse

reale participatio supponit, et reale participatum et
reale participans, et sic
supponit realem definitionem sui a se ipso et

existens de essentia participantis, oportet ibi adsit distinctio realis inter essentiam participantem et id quod participatur. Atqui *esse* seu existentia praedicatur de qualibet creatura *per participationem* et sicut aliquid *non existens de essentia* creaturae (ut essentia): ergo oportet in qualibet creatura esse aliquid realiter distinctum ab *esse* sic participato, seu realiter distinguendum in creatura *essentiam* et *esse* seu *existentiam*. (1)

Ad majorem. 1^o Aliquid potest praedicari de alio dupliciter, *essentialiter* et *per participationem*: *essentialiter*, sicut esse album praedicaretur de ipsa albedine; *per participationem*, sicut esse album praedicatur de corpore albo, de quo affirmatur non quod sit ipsa albedo, sed quod habeat albedinem. 2^o Aliquid praedicatur *per participationem* etiam dupliciter: *primo* sicut aliquid *existens de essentia* participantis, cum v. g. dicitur *homo est animal*, animalitas de homine praedicatur per participationem, scilicet homo habet animalitatem, tamen animalitas est de essentia hominis, cum ingreditur ejus definitionem. *Secundo*, sicut aliquid *non existens de essentia* participantis, sicut v. g. calor praedicatur de aqua vel de ferro. Cum aqua dicitur calida significatur quod ipsa habet calorem, qui calor non est aliquid existens de essentia aquae. Ubi igitur aliquid de aliquo praedicatur *per realem participationem* et sicut aliquid non existens de essentia participantis, oportet ibi aliquid esse praeter id quod participatur, seu ab isto realiter distinctum. Non datur enim realis participatio nisi sit reale participans et reale participatum, atque distinctio realis inter utrumque.

Ad minorem 1^o *Esse* praedicatur de quacumque creatura *per participationem*. Etenim *esse* de Deo tantum *essentialiter* praedicatur, Deus solus est *ipsum esse subsistens*, creaturae non sunt *esse* sed *habent esse*. 2^o *Esse* praedicatur de creaturis sicut

(1) LORENZELLI, *Phil. theoreticae Institutiones, Metaph. Gen. P. II, L. III, 8.*

participatio
reale participans
reale participatum
distinctio realis

aliquid non existens de essentia creaturae. Quod enim praedicatur hoc modo ingreditur definitionem subjecti de quo praedicatur; *esse* autem est de definitione nullius creaturae. Cum igitur *esse* praedicatur essentialiter de Deo, sequitur in Deo non adesse distinctionem realem inter essentiam et existentiam; quia vero *esse* praedicatur de creaturis per participationem et sicut aliquid non existens de essentia creaturae, oportet admitti in ipsis distinctionem realem inter utramque, scilicet compositionem essentiae et existentiae.

2° Nulla essentia intelligi vel definiri potest sine his quae sunt partes essentiae vel quae cum ipsa identificantur. Atqui omnis essentia creaturae intelligitur et definitur quin existentia conceptum vel definitionem ejus ingrediatur. Ergo existentia est quid realiter distinctum ab essentia.

« Quidquid non est de intellectu essentiae vel quidditatis, hoc est adveniens extra et *faciens compositionem cum essentia*, quia nulla essentia sine his quae sunt partes essentiae intelligi potest. Omnis autem essentia vel quidditas intelligi potest sine hoc quod aliquid intelligatur *esse* suo facto; possum enim intelligere quid est homo, et tamen ignorare an esse habeat in rerum natura: ergo patet quod *esse* est aliud ab essentia vel quidditate: nisi forte sit aliqua res, cujus quidditas sit suum esse, et haec res non potest esse, nisi una et prima. »⁽¹⁾

Hic quidem S. Thomas loquitur de essentia physica et reali, quia non diceret esse seu existentiam *facere compositionem* cum essentia ideali.

3° Esse quod non realiter distinguitur ab essentia est esse irreceptum in subjecto. Atqui esse irreceptum non potest creaturis convenire. Ergo esse in creaturis realiter distinguitur ab essentia:

Clara est *major*, subjectum existentiae receptivum non potest esse nisi essentia; si igitur essentia cum existentia identificatur, jam realiter esse non recipitur.

(1) S. THOMAS, *De ente et essentia*, c. V.

Ad minorem. Esse irreceptum creaturis convenire non potest. Etenim esse irreceptum in subjecto nequit habere aliquid sibi realiter conjunctum. Atqui omnis creatura habet aliquod esse accidentale sibi adnexum praeter esse substantiale seu esse existentiae. Ergo esse irreceptum creaturis convenire non potest.

Major hujus argumenti fundatur in hoc quod existentia est *ultima rei seu substantiae actualitas* ideoque existentia non potest esse subjectum ulterioris actus et nihil potest ipsi adjungi. Quocirca si esse habet aliquid sibi realiter conjunctum, illud non potest esse nisi aliquod subjectum cujus sit actus, vel aliquod *esse additum* in eodem subjecto receptum. Utrumque autem supponit esse seu existentiam in essentia recipi tanquam in subjecto. Ergo esse irreceptum nequit habere aliquid sibi realiter conjunctum.

II. Corollarium. Esse est actus essentiae et ad ipsam comparatur sicut ad subjectum. Essentia igitur et existentia in rebus creatis comparantur sicut potentia et actus.

IX. Difficultatum solutio.

1^o Realiter distincta possunt *esse et fieri* separatim. Atqui essentia et existentia non possunt *esse et fieri* separatim. Ergo essentia et existentia non sunt realiter distincta.

Dist. maj. realiter distincta ut duo subsistentia, *conc.* realiter distincta ut duo principia unius subsistentis, *nego.*

Conc. min.

Non est de ratione distinctionis realis separabilitas realis distinctorum, ideoque duo possunt esse realiter distincta licet non possint esse et fieri separatim. Ita materia realiter distinguitur a forma, tamen sine forma nec esse nec fieri potest; potentiae animae realiter ab ipsa distinguuntur, non possunt esse et fieri sine anima. Quae quidem realiter distinguuntur ut duo entia completa et subsistentia possunt esse et fieri separatim, non autem quae sunt principia constitutiva unius subsistentis.

2^o Atqui essentia et existentia non possunt haberi ut duo principia distincta unius subsistentis. Ergo redit difficultas.

Handwritten notes at the bottom of the page, partially illegible.

Quae realiter distinguuntur ut duo principia sese habent ut *res* et *res*. Atqui essentia et existentia non sese habent ut *res* et *res*. Ergo essentia et existentia non realiter distinguuntur.

Dist. maj. Sese habent ut *res* et *res*, scilicet ut duae realitates, *conc.*, ut duae essentiae, *nego*.

Contrad. min. non sese habent ut duae essentiae, *conc.*, non sese habent ut duae realitates, *nego*.

Rei nomen dupliciter accipitur: lato sensu pro quacumque realitate, stricto sensu et proprie pro ipsa essentia; existentia dicitur potius *actus rei*, et *res* cum actu suo seu cum *existentia* dicitur proprie *ens*. Realiter igitur distincta debent sese habere ut *res* et *res*, in hoc sensu quod debent esse ut duae realitates, non autem ut duae essentiae.

3^o Atqui essentia et existentia non possunt sese habere ut duae realitates. Ergo redit difficultas.

Existentia est id quo essentia ponitur extra causas. Atqui essentia ponitur extra causas propria realitate. Ergo essentia et existentia non sese habent ut duae realitates.

Conc. maj.; *dist. min.* propria realitate quae sit tantum realitas essentiae, *nego*, propria realitate quae est essentia per existentiam actuata, *conc.*

4^o Atqui essentia ponitur extra causas unica realitate quae est existentiae cum essentia identificatae. Ergo.

Non est medium inter nihilum et existentiam. Atqui essentia realis non est nihilum. Ergo essentia est existentia.

Dist. maj.: non est medium inter nihilum et id quod existit, *conc.*, inter nihilum et ipsam existentiam *nego*. *Conc. min.*

Inter nihilum et id quod existit non datur medium, quia id quod existit est ens, et inter ens et non ens non datur medium. Sed id quod existit et existentia non sunt unum et idem. Existentia enim non est id quod existit, sed id quo res existit. Unde inter nihilum et existentiam potest dari medium, scilicet inter nihilum et actum datur potentia realis actu intermata quae est essentia.

5^o Atqui non potest admitti existentiam esse quid distinctum ab essentia. Ergo.

Repugnat aliquid quod non sit neque substantia neque accidens. Atqui existentia realiter distincta ab essentia non esset neque substantia neque accidens. Ergo existentia non realiter distinguitur ab essentia.

Conc. maj. *Dist. min.* proprie, *conc.* reductive, *nego*.

Existentia proprie non est neque substantia, neque accidens, utrumque enim non sunt esse, sed ordinem dicunt ad esse; tamen cum existentia sit ultima substantiae actualitas, est quid substantiale et ad substantiam reductur; prout vero est esse seu actus accidentis, ad accidens reductur.

negativum est
affirmativum

ARTICULUS IV

DE POSSIBILITATE.

(4)

I. **Possibilitatis notio.**—*Possibilitas est aptitudo seu non repugnantia ad existendum. Possibile igitur est id quod est aptum ad existendum, id cui existentia non repugnat. Possibilitati opponitur impossibilitas quae est repugnantia ad existendum, unde impossibile dicitur id quod existere non potest.*

Possibile distingui debet a nihilo : etenim possibile est quid positivum quod in se concipi potest, nihilum est quid negativum, quod non in se sed in suo opposito concipitur ; possibile insuper ad existentiam pervenire potest, nihilum vero nunquam.

II. **Possibilitatis species.** 1^o *Possibilitas est intrinseca et extrinseca.*

1) *Possibilitas intrinseca est aptitudo ad existendum fundata in non repugnantia idearum ; unde possibile est intrinsece omne id quod non implicat contradictionem, et impossibile est intrinsece, omne id quod implicat contradictionem. Possibilitas intrinseca dicitur etiam absoluta et metaphysica : absoluta, quia est possibilitas rei in se consideratae ; metaphysica, spectata nempe essentia rei, seu spectatis elementis constitutivis essentiae.*

2) *possibilitas extrinseca est aptitudo ad existendum fundata in non repugnantia ad existendum extrinsece, quae est repugnantia ad existendum extrinsece, unde impossibile est extrinsece, omne id quod implicat contradictionem extrinsecam.*

Possibilitas extrinseca, est aptitudo ad existendum fundata in virtute causae quae potest rem producere. Aliquid igitur est extrinsece possibile quando datur causa cujus virtute produci potest, et extrinsece impossibile, cum causa hujusmodi non datur. Possibilitas extrinseca dicitur *relativa*, apparet enim non spectata re in se, sed secundum ordinem seu relationem ad causam.

2^o Possibilitas extrinseca dividitur in *physicam* et *moralem*.

Possibilitas extrinseca *physica* est illa quae fundatur in *legibus naturae*; unde dicitur *physice possibile* quidquid est secundum leges naturae, secundum consuetum naturae ordinem; *physice impossibile* quidquid est praeter consuetum naturae ordinem; v. g., physice possibile est peditus iter per Americam facere, physice impossibile, mortuum ad vitam redire.

Possibilitas extrinseca *moralis* est illa quae fundatur in constantibus hominum moribus; unde *moraliter possibile* dicitur quidquid fieri potest secundum consuetum agendi modum hominum, vel secundum leges quibus diriguntur actus liberi voluntatis; *moraliter impossibile* quidquid est praeter consuetum agendi modum hominum, vel contra leges quibus voluntas dirigitur in suis liberis actibus; v. g., moraliter possibile est hominem mentiri, moraliter impossibile matrem filios suos non diligere. Cum autem homines in genere non suscipiunt faciendum id quod gravi laborat difficultate, *gravis difficultas* dicitur impossibilitas moralis.

III. Axiomata ex notione possibilitatis deprompta.

1^o Impossibile absolute est impossibile relative.

2^o Possibile absolute est possibile relative per ordinem ad causam primam, nempe ad Deum.

3^o Possibile relativé est necessario possibile absolute.

4^o Possibile absolute est possibile relative respectu tantum causae cujus virtute produci potest.

5° Quicquid est physice possibile debet esse possibile metaphysice.

5° Quidquid est moraliter possibile debet esse possibile physice et metaphysice.

7° Quod est impossibile physice, potest esse possibile metaphysice.

8° Quod est moraliter impossibile potest esse possibile physice et metaphysice.

IV. De principio a quo pendet possibilitas intrinseca.

1° Status quaestionis.—Possibilitas extrinseca pendet a causa efficiente quae res producit; tamen res produci non potest nisi sit intrinsece possibilis. Quaerere igitur de fundamento possibilitatis intrinsecae, est quaerere simpliciter de primo principio a quo pendeat omnis possibilitas. Jam definivimus possibilitatem intrinsecam, ita ut sit non repugnantia ad existendum fundata in non repugnantia idearum, scilicet non repugnantia ad existendum fundata in sociabilitate notarum quae rem constituunt. Fundamentum proximum possibilitatis est igitur sociabilitas seu non repugnantia notarum ex quibus essentia rei constituitur. Sed ulterius quaeritur, a quonam principio pendet quod hae notae sint sociabiles et non repugnantes, aliae vero sint insociabiles; en quaestio quae nunc solvenda proponitur.

2° Philosophorum sententiae.—Quinque adnumerantur sententiae quarum quatuor primae falsae sunt:

a) Juxta fatalistas principium a quo pendet possibilitas intrinseca rerum est *ipsa possibilitium existentia*.

b) Juxta conceptuales et subjectivistas, primum possibilitatis principium est *ipse intellectus humanus*. Juxta ipsos enim, essentiae rerum ab intellectu concipiuntur quin sit realitas objectiva extra mentem existens cui respondeant.

c) Juxta Occam (1280-1347) et nominalistas, possibilitas intrinseca pendet a *potentia Dei*.

d) Juxta Cartesium haec possibilitas a libera Dei voluntate pendet.

e) Juxta scholasticos primum principium a quo pendet possibilitas intrinseca rerum est formaliter ipse intellectus Dei, *fundamentaliter* ipsa divina essentia.

3^o Falsae sententiae rejiciuntur.

a) Possibilitas intrinseca non pendet ab actuali rerum existentia. Etenim principium a quo pendet possibilitas intrinseca non potest ipsam praesupponere. Atqui actualis rerum existentia ipsam possibilitatem intrinsecam praesupponit, cum prius est posse esse quam esse. Ergo possibilitas intrinseca non pendet ab actuali rerum existentia.

b) Possibilitas intrinseca non pendet ab intellectu humano.—Illud non pendet ab intellectu humano quod ipsi praesupponitur et est ab eo independens. Atqui possibilitas intrinseca rerum est hujusmodi. Etenim essentiae rerum constituunt objectum intellectus, ideoque ipsi praesupponuntur cum intellectus objectum suum non facit. Insuper deficiente intellectu humano res sunt id quod sunt, et antequam existere homo, possibilis erat homo, et idem etiam dicitur de aliis entibus. Possibilitas intrinseca rerum non pendet igitur ab intellectu humano.

c) Possibilitas intrinseca non pendet a potentia divina.—Illa enim sententia vel omnipotentiam Dei destruit vel ipsam ridiculam facit. In hac sententia non admittitur possibilitas vel impossibilitas intrinseca sed extrinseca tantum, ita ut possibile dicitur id quod Deus facere potest, impossibile id quod Deus facere non potest. Jamvero impossibilitas rem faciendi non limitat virtutem agentis, si ex re, quae in seipsa repugnat, non autem ex virtute agentis pendeat, aliter illam virtutem limitatam necessario supponit. Igitur admissa sententia Occam, virtus divina non esset amplius infinita, nec Deus omnipotens, nisi dicatur esse omnipotens quia

potest omnia quae potest, quod est omnipotentiam ridiculam facere.

d) **Possibilitas intrinseca non pendet a libera Dei voluntate** Illa sententia ipsis essentiarum dotibus et certitudini scientiarum adversatur. Essentiae enim sunt necessariae et immutabiles, ideoque objectum certitudinis in scientiis esse possunt. Atqui admissa sententia Cartesii, essentiae pendunt a libera Dei voluntate, ideoque sunt contingentes et mutabiles, et non possunt amplius esse objectum certitudinis. Ergo possibilitas intrinseca non pendet a libera Dei voluntate.

4^o **Vera sententia demonstratur.**

THESIS.—**POSSIBILITAS INTRINSECA PENDET FORMALITER AB INTELLECTU DIVINO, FUNDAMENTALITER AB ESSENTIA DEI.**

Prima pars. 1^o **Possibilia ut possibilia seu formaliter accepta, non habent nisi esse ideale.** Atqui esse ideale non est esse nisi in intellectu et ab intellectu. Ergo possibilia ut possibilia dependent ab intellectu in quo sunt et a quo formaliter constituuntur. Atqui iste intellectus non est intellectus humanus. Ergo possibilitas intrinseca pendet formaliter ab intellectu divino. Quemadmodum potentia divina est radix et fons omnis realitatis, ita intellectus divinus est fons omnis idealitatis.

2^o **Opus faciendum antequam fiat pendet ab intellectu artificis a quo concipitur idea ad cuius similitudinem effici potest.** Atqui possibilia nihil aliud sunt quam opera facienda, et ad Deum referuntur tanquam ad artificem. Ergo possibilia formaliter pendunt ab intellectu divino in quo sunt ideae archetypae ad quarum similitudinem res fiunt.

Secunda pars. *Possibilitas intrinseca pendet fundamentaliter ab essentia divina.* Intellectus divinus esse ideale seu possibile rerum constituit cognitione divinae essentiae.

317 318

Intellectus enim divinus perfecte cognoscit essentiam divinam non tantum ut in se est, sed etiam prout diversimode est imitabilis ad extra. Atqui illi diversi modi imitabilitatis divinae essentiae ad extra ab intellectu divino cogniti, nihil aliud sunt nisi ideae exemplares ad quarum similitudinem fiunt quaecumque fiunt, et quibus in ordine ideali omnia possible constituantur. Ergo possibilitas intrinseca pendet fundamentaliter ab essentia divina.

« Deus essentiam suam perfecte cognoscit : nuda cognoscit eam secundum omnem modum quo cognoscibilis est. Potest autem cognosci non solum secundum quod in se est, sed secundum quod est participabilis secundum aliquem modum similitudinis a creaturis. Unaquaeque autem creatura habet propriam speciem secundum quod aliquo modo participat divinae essentiae similitudinem. Sic igitur in quantum Deus cognoscit suam essentiam ut sic imitabilem a tali creatura, cognoscit eam ut propriam rationem et ideam hujus creaturae : et similiter de aliis. » ⁽¹⁾

(1) S. THOMAS, *Sum. theol.* q. 15, a. 2.

LIBER SECUNDUS

DE PROPRIETATIBUS ENTIS

Prologus. Proprietas est id quod necessario dimanat ab essentia jam constituta ; cum autem nulla sit natura quae proprietates non habeat, habito sermone de natura entis, nunc dicendum est de ejus proprietatibus. Non quidem agitur de proprietatibus quae entibus conveniunt prout in diversis generibus et speciebus continentur, iste liber secundus non genera nec species considerat ; agitur de proprietatibus quae in nullo genere continentur, quia vel omnibus entibus conveniunt et *transcendentales* sunt, vel pluribus abstractione facta a generibus et speciebus, et *universalissimae* dicuntur. Duplex igitur caput hujus libri secundi :

- 1um.—De proprietatibus transcendentibus entis ;
- 2um.—De universalissimis entium proprietatibus.

CAPUT PRIMUM

DE PROPRIETATIBUS TRANSCENDENTA-
LIBUS ENTIS.

Prologus. Transcendentalia quinque numerantur : *ens, unum, aliquid, verum* et *bonum*. Quidquid enim ens consequitur, ipsi additur prout consideratur vel in se, vel secundum ordinem ad aliud. Id autem quod consequitur omne ens absolute est *indivisio* quae exprimitur per nomen *unum*. Secundum vero ordinem ad aliud, ipsum ens consequuntur *distinctio*, quia omne ens non tantum est indivisum in se sed divisum ab aliis, et hoc exprimitur per nomen *aliquid*, id est *aliud quid*, et *respectus* ad intellectum quo cognoscibile est, et ad voluntatum a quo appetibile est, quod quidem exprimitur per nomina *verum* et *bonum*. Cum *aliquid* facile ad *unum* reduci possit, tres erunt articuli de *unitate, veritate* et *bonitate* et de earum oppositis.

*Ens cognoscibile est in se et in aliis
et appetibile est in se et in aliis*

DE PROPRIETATIBUS TRANSCENDENT-
TALIBUS ENTIS

| | | | |
|----------------------------------|--|---|---|
| | Unitas, unicitas | Simplicitatis | |
| | Unitatis species | Compositionis | { Substantialis, acciden-
talis |
| | | | { Naturalis, artificialis |
| | | Realis | |
| | | Logica : numerica, specifica, generica,
analoga | |
| | Omne ens est unum. | | |
| I. De unitate et
distinctione | Identitas | | |
| | Identitatis species | Logica : numerica, specifica, generica,
analoga | { Realis |
| | | | { Logica : numerica, specifica, generica,
analoga |
| | Identitas, similitudo, aequalitas | | |
| | Distinctio | | |
| | Distinctio-
nis species | Logica | Major |
| { Minor | | | |
| | | | { Rationis ratiocinantis |
| | | | { Rationis ratiocinatae |
| | Diversitas et differentia | | |
| | Multitudo | | |
| | Veritatis notio | | |
| | Veritatis species | Logica | { Metaphysica |
| | | | { Logica |
| | | | { Moralis |
| | Omnis veritas a Deo pendet prima veritate. | | |
| | Omne ens est verum. | | |
| II. De veritate
et falsitate | Falsitatis notio | | |
| | Falsitatis species | Logica | { Metaphysica |
| | | | { Logica |
| | | | { Moralis |
| Falsitatis existentia | Logica | Nulla res dici potest formaliter falsa
per ordinem ad intellectum divinum. | { Nulla res proprie et per se sed per
accidens tantum falsa dici potest per
ordinem ad intellectum humanum. |

| | | |
|----------------------|---------------------|--|
| III. De bono et malo | Boni notio | { Metaphysicum, physicum, morale
{ Utile, honestum, delectabile
{ Reale, apparens
{ Infinitum, finitum
{ Materiale, immateriale
{ Naturale, supernaturale |
| | Boni species | |
| | Omne ens est bonum. | |
| | Mali notio | |
| | Mali species | |
| | De existentia mali | |
| | De causa mali | |
| | Axiomata | { Bonum est sui diffusivum.
{ Bonum prius est malo.
{ Bonum ex integra causa, malum ex quocumque defectu. |

DE UNITATE ET DISTINCTIONE

(5)

I. Unitatis notio. *Unum est id quod est indivisum in se ; unde unitas est divisio entis. Unum igitur addit enti modum quemdam negativum, scilicet privationem divisionis. Quia autem ens est in se indivisum, non potest esse simul ipsum et alia, ideoque ens indivisum in se est divisum ab aliis, quod significatur per hoc quod dicitur aliquid nempe aliud quid. Haec autem unitatis consequentia saepe saepius in ipsa unius definitione includitur, ita ut unum dicatur : id quod est indivisum in se et divisum ab aliis.*

Indivisio invenitur vel in quantitate vel in ipsa rei substantia. Prima dicitur *unitas numerica* quae definitur : *principium numeri* ; numerus enim est multitudo mensurata per unum. Illa unitas non dicitur de omnibus sed de his tantum quae quantitatem habent, ideoque distinguenda est ab *unitate transcendentali* et metaphysica quae in substantia rei invenitur et est *indivisio essentiae*.

A. Unitati affinis est *unicitas* quae definiri potest *unitas rei* quae talem divisionem a quocumque alio importat ut excludatur existentia alterius entis ejusdem entitatis.

Unitas est divisio entis in se... et dicitur unitas... unicitas... Unitas rei... (III)

II. Unitatis species. 1^o Unitas dividitur in *unitatem simplicitatis*, et *unitatem compositionis*.

Unitas simplicitatis seu indivisibilitatis est *indivisio actualis et potentialis*; est indivisio simplicium quae nec dividuntur nec dividi possunt, sunt enim indivisibilia actu et potentia. Talis est unitas animae.

Unitas compositionis est *indivisio actualis in eo quod divisibile est*; est unitas compositorum quae sunt indivisibilia actu, sed divisibilia potentia. Talis est unitas hominis.

2^o Unitas compositionis dividitur in *substantialem* et *accidentalem*.

Unitas compositionis substantialis est indivisio compositi substantialis, nempe compositi quod constat ex pluribus partibus essentiae constitutivis; v. g., unitas hominis.

Unitas compositionis accidentalis est indivisio compositi accidentalis, compositi scilicet quod constat sive ex subjecto et accidente, vel ex pluribus substantiis quae in quodam accidente uniantur; v. g., unitas acervi lapidis, unitas duorum equorum qui currum trahunt.

3^o Unitas compositionis est etiam *naturalis*, *artificialis* vel *moralis* prout partes ex quibus compositum resultat *natura* vel *arte*, seu *ratione finis communis* inter se coadunantur; v. g., unitas hominis est naturalis, unitas horologii est artificialis, unitas exercitus est moralis.

4^o Unitas est *realis* vel *logica*.

Unitas realis est indivisio quae enti convenit independenter a mentis consideratione; v. g., unitas simplicitatis, et compositionis.

Unitas logica est indivisio quae entibus convenit dependenter a mentis consideratione. Illa unitas est *numerica*, *specifica*, *generica*, *analogica*.

Unitas numerica seu *individualis* est indivisio ipsius individui ejus conceptus pluribus convenire non potest; v. g., unitas Petri, Pauli, Caroli.

Unitas specifica est indivisio eorum quae conveniunt in eadem definitione qua concipitur species ; v. g., Petrus, Paulus et Carolus sunt unum unitate specifica.

Unitas generica est indivisio eorum quae conveniunt in eadem notione generica ; v. g., homo et brutum sunt unum genere, seu unitate generica.

Unitas analogica est indivisio eorum quae conveniunt in ratione eadem proportionaliter participata, scilicet in eadem ratione analogica ; v. g., omnia entia sunt unum analogice seu unitate analogica.

III. Omne ens est unum, unum ^{et} ~~est~~ ens convertuntur. Omne ens eadem entitate qua est ens est unum, ideoque inter ens et unum, datur quidem distinctio rationis, cum alius sit conceptus entis et alius conceptus unius, sed non datur distinctio realis.

Unitas transcendentalis est ipsa entis indivisio. Atqui esse cujuslibet rei in indivisione consistit. Ergo omne ens est unum, et unum et ens convertuntur.

Ad minorem. « Omne ens aut est simplex aut compositum. Quod autem est simplex est indivisum et actu et potentia. Quod autem est compositum, non habet esse, quamdiu partes ejus sunt divisae, sed postquam constituunt, et componunt ipsum compositum. Unde manifestum est, quod esse cujuslibet rei consistit in indivisione. Et inde est, quod unumquodque, sicut custodit suum esse, ita custodit suam unitatem. »⁽¹⁾

IV. Identitatis notio et species. *Identitas*—eadem entitas—est *convenientia rei cum seipsa*. Etenim ex eo quod ens est indivisum in se, cum seipso convenit, unde dicitur *unum et idem*.

Identitas est *realis* vel *logica*. *Identitas realis* est convenientia plurium in eadem entitate, v. g., attributa divina

(1) S. THOMAS, *Sum. theol.* q. 11, a. 1.

sunt idem cum essentia divina. *Identitas logica* est convenientia plurium in eodem conceptu, v. g., natura Petri est eadem ac natura Pauli. Plura autem convenire possunt in eodem conceptu vel specifico, vel generico vel analogico, unde *identitas specifica, generica, analogica*.

V. *Identitas, similitudo, aequalitas*. Idem, simile, aequale, communi sermone indiscriminatim usurpantur, sensu proprio tamen non habent eandem significationem. *Identitas* est convenientia in eadem substantia. *Similitudo* est convenientia in eadem qualitate. *Aequalitas* est convenientia in eadem quantitate. « Idem enim unum substantia est. Aequale unum in quantitate. Simile unum in qualitate. » (1)

Vulgo tamen similia dicuntur quae conveniunt in eadem forma ; et similitudo est perfectissima si conveniunt in ipsa secundum eandem rationem et secundum eundem modum ; *perfecta*, si secundum eandem rationem non autem secundum eundem modum ; *imperfecta*, si conveniunt in eadem forma sed non secundum rationem omnino eandem. Illa similitudo ultima est analogica.

VI. *Distinctionis notio et species*. *Distinctio* est carentia identitatis inter duo vel plura.

Distinctio dividitur : 1^o in *realem* et *logicam*. *Distinctio realis* est carentia identitatis inter plura independentem a mentis consideratione, v. g., distinctio animae et corporis. *Distinctio logica* est carentia identitatis inter conceptus unius ejusdemque rei ; distinctio rationalitatis et animalitatis in homine.

2^o *Distinctio realis* subdividitur in *majorem* et *minorem*.

Distinctio realis major seu *entitativa* seu *absoluta* est carentia identitatis—vel inter duas substantias subsistentes,

(1) S. THOMAS, *Metaph.* lib. V, lect. 12.

sicut inter duos homines,—vel inter partes constitutivas unius compositi, quarum una non est alia, sicut inter corpus et animam, inter substantiam et accidens,—vel inter partem et totum ex partibus resultans, sicut inter hominem et animam. *Distinctio realis minor* seu *modalis* est carentia identitatis inter rem et modum ejus, v. g., inter lineam et ejus curvitatē, inter motum et ejus celeritatē.

3^o *Distinctio rationis* seu logica est duplex, *rationis ratiocinantis*, et *rationis ratiocinatae*.

Distinctio rationis ratiocinantis est illa quae fit a mente in aliqua re, quin res ipsa proximum fundamentum praebet tali distinctioni, v. g., distinctio Tullii a Cicerone. *Distinctio rationis ratiocinatae* est illa quae fit a mente, in aliqua re una et indivisa in se, quae tamen proximum fundamentum praebet distinguendi in ipsa plures formalitates, v. g., distinctio animae vegetativae, sensitivae et rationalis in homine. Illa distinctio dicitur etiam *virtualis*, seu *cum fundamento in re*, fit enim in re ratione virtutis qua pollet plura praestandi.

4^o *Distinctio rationis ratiocinatae* alia est *major*, alia *minor*: *major* quae distinguit in re formalitates quarum una aliam ex se non includit, et ideo possunt inveniri separatim in diversis subjectis, ut animalitas et rationalitas in homine;—*minor* quae distinguit in re formalitates quarum una, licet formaliter non sit altera, tamen ratione subjecti in quo sunt, aliam includit et est inseparabilis ab ipsa, ut misericordia et justitia in Deo.

5^o Praeter distinctiones jam recensitas, Scotistae aliam inducunt, nempe *distinctionem formalem* quae media foret inter distinctionem realem et distinctionem rationis. Dicitur *formalis*, quia est carentia identitatis inter formalitates quae in re ex natura rei percipiuntur, sicut inter animalitatem et rationalitatem. Illa distinctio non est realis, quia non est inter rem et rem; non est rationis tantum quia, ut dicunt, etiam nullo intellectu apprehendente, datur aliquid ex natura rei distinctionem illam importans. Cum inter ens reale et ens rationis nullum datur medium, ita inter distinctionem realem et rationis nulla dari potest distinctio media. Illa distinctio formalis scotistarum reduci potest ad distinctionem virtuales, scilicet, ad distinctionem rationis cum fundamento in re.

VIII. *Diversitas et differentia.* Quae sunt distincta dicuntur *diversa*, ita ut diversitas secundum se nihil aliud importat nisi distinctionem unius ab altero. Tamen si diversitas cum *differentia* comparatur, licet vulgo indiscriminatim usurpantur, *diversitas* dicitur de his quae non conveniunt in eodem genere proximo vel saltem in aliquo praedicato *univoco*, dum *differentia* proprie dicitur de his quae conveniunt in eodem genere proximo vel saltem in aliquo praedicato univoco. Secundum hanc vocis proprietatem, non potest dici Deum differre a creaturis, sed diversum esse.

VIII. *De multitudine.*—Uni opponitur multum, unitati multitudo. *Multitudo est id quod est ex unis quorum unum non est alterum.* Multitudo igitur in unitate fundatur. Multum vero dicitur omne id quod est divisum seu divisibile. Quemadmodum datur unum in genere quantitatis et in ratione entis, ita datur multum in genere quantitatis et in ratione entis.

Si consideratur multum contra unum principium numeri, tunc unum sese habet ut mensura multitudinis, et ideo opponuntur sicut mensura et mensuratum. Atqui inter mensuram et mensuratum datur oppositio relativa. Ergo inter unum principium numeri et multum, datur oppositio relativa.

Si consideratur multitudo contra unum transcendentale, tunc opponuntur ut divisum indiviso. Atqui inter divisum et indivisum datur oppositio privativa. Ergo inter unum prout convertitur cum ente et multum, datur oppositio privativa vel contraria, cum revera non datur pura privatio.

ARTICULUS II

DE VERITATE ET FALSITATE

(6)

I. Veritatis notio.—Ens secundum ordinem ad intellectum dicitur *verum*. Intellectus autem est duplex, divinus scilicet et humanus. Ratio essentialis veritatis non constituitur secundum ordinem ad intellectum humanum sed divinum. Unde

Thesis.—ENS PRIMO ET ESSENTIALITER DICITUR VERUM
SECUNDUM ORDINEM AD INTELLECTUM DIVINUM,
SECUNDARIO ET ACCIDENTALITER SECUNDUM
ORDINEM AD INTELLECTUM HUMANUM.

Prima pars. Unumquodque dicitur verum per ordinem ad intellectum. Ergo omne ens dicitur verum secundum ordinem vel ad intellectum divinum vel ad intellectum humanum. Atqui ens per prius dicitur verum per ordinem ad intellectum a quo pendet ut sit et cognoscatur, quam per ordinem ad intellectum a quo pendet ut cognoscatur tantum. Ergo ens primo et essentialiter dicitur verum per ordinem ad intellectum divinum a quo pendet ut sit, et in quo sunt ideae exemplares ad quarum similitudinem omnia entia fiunt.

Ad minorem. « Res intellecta ad intellectum aliquem potest habere ordinem vel *per se*, vel *per accidens*. *Per se*

quidem habet ordinem ad intellectum a quo dependet secundum suum esse : *per accidens* autem ad intellectum a quo cognoscibilis est. *Judicium* autem de re non sumitur secundum id quod inest ei per accidens, sed secundum id quod inest ei per se. Unde unaquaeque res dicitur vera absolute secundum ordinem ad intellectum a quo dependet secundum suum esse. » ⁽¹⁾ Ens igitur absolute et essentialiter dicitur verum secundum ordinem ad intellectum divinum.

Secunda pars. Ens dicit ordinem ad intellectum humanum non ut sit, sed ut cognoscatur tantum. Atqui iste ordo est secundarius et per accidens. Ergo ens dicitur verum secundario et accidentaliter secundum ordinem ad intellectum humanum.

II. Veritatis species.—Veritas est *metaphysica, logica et moralis,*

Veritas metaphysica seu ontologica, seu transcendentalis est adaequatio rei cum intellectu ^{divino}

Veritas logica est adaequatio intellectus cum re.

Veritas moralis quae dicitur veracitas, est adaequatio sermonis cum cogitatione loquentis. ⁽²⁾

Ratio essentialis veritatis sistit in ordine entis ad intellectum divinum, in quo sunt ideae exemplares ad quarum similitudinem res fiunt. Unde veritas est in rebus per comparisonem ad intellectum divinum. *Ipsa entitas rei* quae refertur ad intellectum, ab auctoribus accipitur ut *veritas fundamentalis* seu veritas *fundamentaliter* accepta ; sed veritas *formaliter* sumpta est ipsa entitas prout dicit ordinem ad intellectum. Primo quidem rei entitas dicit ordinem ad intellectum divinum, et habetur veritas metaphysica quae

(1) S. THOMAS, *Sum. theol.* p. I, q. 16, a. 1.

(2) Veritas quaedam in concreto accepta dicitur aliquando metaphysica, physica vel moralis secundum quod est ordinis metaphysici, physici vel moralis ; non hoc sensu hic accipitur.

est adaequatio rei cum intellectu divino. Rei entitas secun-
 dario dicit ordinem ad intellectum humanum a quo cognos-
 citur, et habetur veritas logica. Cognitio autem intellectus
 causatur a rebus quae sese habent ad ipsum sicut mensura
 ad mensuratum. Veritas igitur logica, seu *veritas in cognos-*
cendo, secundum oppositionem ad veritatem metaphysicam
 quae dicitur *veritas in essendo*, est adaequatio intellectus
 cum re intellecta. Habita vero cognitione intellectus, veritas
 sermone exprimitur et habetur *veritas in significando*, seu
 veritas moralis quae est adaequatio sermonis cum iudiciiis
 intellectus loquentis.

III. Omnis veritas a Deo pendet prima veritate.—Illa pro-
 positio est naturalis consequentia eorum quae dicta sunt.
 Veritas enim est in sermone, in intellectu nostro, in ipsis
 rebus : veritas autem sermonis a veritate intellectus pendet,
 est enim conformitas sermonis cum intellectu ; veritas vero
 intellectus nostri pendet a veritate rerum, est conformitas
 intellectus cum rebus ; tandem veritas rerum ab intellectu
 Dei dependet, cum sit conformitas rei cum intellectu divino.
 Intellectus igitur divinus sese habet ut fons omnis veritatis,
 et omnia dicuntur vera a prima veritate.

IV. Omne ens est verum, verum et ens convertuntur,
 scilicet, ratio veri omnibus entibus convenit, ita ut non sit
 realis distinctio inter ens et verum, sed distinctio rationis
 tantum.—Ens dicitur verum per comparisonem ad intellec-
 tum a quo dependet ut sit et cognoscatur. Ergo unumquod-
 que dicitur verum in quantum est cognoscibile. Atqui
 unumquodque eadem entitate qua est ens est cognoscibile,
 in quantum enim habet de esse, in tantum est cognoscibile.
 Ergo omne ens est verum eadem entitate qua est ens, ideoque
 non datur distinctio realis inter ens et verum, scilicet, ens et
 verum convertuntur.

V. Corollaria.—1° Ratio veri formaliter est in intellectu a quo derivatur ad res. Ens enim est verum in quantum est intelligibile seu cognoscibile, intellectio vero seu cognitio est in intellectu.

2° Deficiente intellectu divino, perit omnis ratio veri. Intellectus enim divinus sese habet ut fons et mensura omnis veritatis.

VI. Falsitatis notio.—Veritati opponitur falsitas. Quemadmodum veritas in intellectu formaliter invenitur a quo derivatur ad res, ita falsitas formaliter est in intellectu et non dicitur de rebus nisi secundum ordinem ad intellectum. Veritas alia est metaphysica, alia logica, alia moralis, ita falsitas potest dici metaphysica, logica et moralis.

Falsitas metaphysica est inadaequatio rei cum intellectu.

Falsitas logica est inadaequatio intellectus nostri cum re.

Falsitas moralis, quae idem est ac mendacium, est inadaequatio sermonis cum cogitatione loquentis.

Falsitas fundamentalis dari non potest. Etenim verum fundamentaliter acceptum est ipsum ens, falsum igitur vero oppositum fundamentaliter acceptum erit non-ens. Falsum ergo formaliter tantum dici poterit de rebus, vel per ordinem ad intellectum divinum, vel per ordinem ad intellectum humanum.

VII. Existentia falsitatis.

THESIS I.—NULLA RES DICI POTEST FORMALITER FALSA
PER ORDINEM AD INTELLECTUM DIVINUM.

«Nulla res potest non esse conformis intellectui artificis a cujus conceptu pendet ipsa natura rei ipsius, et qui potens est eandem rem producere perfecte conformem ideae praeconceptae. Atqui nulla res est, sive realis, sive possibilis, cujus essentia non pendeat essentialiter a conceptu ideali intellectus Dei, qui utpote perfectissimus et sapientissimus,

non solum efficere potest, sed etiam efficit, cum vult, res extra se perfecte conformes ideis suis praeconceptis. Ergo nulla res potest non esse conformis intellectui divino respectu cujus non potest consequenter ulla falsitas formaliter rebus inesse. » ⁽¹⁾

THESIS II.—NULLA RES PROPRIE ET PER SE, SED PER ACCIDENS TANTUM, FALSA DICI POTEST PER ORDINEM AD INTELLECTUM HUMANUM.

Prima pars. Quidquid est, intelligibile est, scilicet natum est natura sua adaequatam sui notionem in intellectu humano producere posse. Ergo nulla res proprie et per se potest dici falsa per ordinem ad intellectum humanum.

Secunda pars. « Sic dicitur res esse falsa quae nata est de se facere opinionem falsam. Et quia in nobis, innatum est per ea quae exterius apparent, de rebus judicare, eo quod nostra cognitio a sensu ortum habet qui primo et per se est exteriorum accidentium ; ideo ea quae in exterioribus habent similitudinem aliarum rerum, dicuntur esse falsa secundum illas res, sicut stannum est falsum argentum. Et Philosophus dicit quod falsa dicuntur quaecumque nata sunt apparere aut qualia non sunt aut quae non sunt. » ⁽²⁾ Atqui hoc non fit nisi per accidens. Ergo per accidens tantum res potest dici falsa respectu intellectus nostri.

Corollaria.—1° Falsitas dari posse in intellectu demonstratione non indiget. Jam enim dictum est intellectum falsum iudicium proferre seu errare posse, non quidem simpliciter apprehendendo, nec in iudiciis immediatis, sed in iudiciis mediatis, non autem per se sed per accidens.

2° Esse tandem falsitatem in sermonibus satis experientia constat. Homo tamen non est naturaliter mendax,

(1) ZIGLIARA, *Sum. phil., Ontologia*, lib. II, c. 2, a. 4.

(2) S. THOMAS, *Sum. theol.*, p. I., q. 17, a. 1.

natura enim rationalis ad veritatem ordinatur ; unde ad mentiendum requiritur specialis quaedam ratio, secundum axioma : *nemo mendax nisi propter commodum*.

« Le vrai est toujours ce qui se présente d'abord à notre esprit, c'est notre nature de le dire ; pour être vrai, il ne faut ni art, ni instruction, ni tentation, ni motif ; mentir au contraire, c'est faire violence à notre nature, et même chez les hommes les plus dépravés, c'est un acte qui a besoin d'un motif ; on dit vrai comme on mange du pain, par simple appétit et sans aucun dessein particulier ; on ment comme on prend une médecine, pour un but particulier et qu'on ne peut attendre qu'à cette condition ». REID, *Recherches sur l'entendement humain*.

ARTICULUS III

DE BONO ET MALO

(7)

I. Boni notio.—Ens secundum ordinem ad voluntatem seu ad appetitum dicitur *bonum*. *Bonum igitur est id quod est appetibile, et bonitas est convenientia entis cum appetitu*.

Bonum est id quod omnia appetunt ⁽¹⁾, sed omnia appetunt suam perfectionem, unde bonum habet rationem perfecti, et *unumquodque dicitur bonum in quantum est perfectum*. ⁽²⁾

(1) ARISTOTELES, *Ethic.* lib. I. c. 1.

(2) S. THOMAS, *Sum. théol.* p. I. q. 6. a 5.

Handwritten notes:
 Bonum est id quod appetunt omnia est
 perfectio in se ipso, et
 omnia appetunt suam
 perfectionem
 et in se ipso appetunt suam
 perfectionem

Item bonum cum habeat rationem appetibilis, importat rationem causae finalis. Bonum enim movet causam efficientem ad agendum, et cum haec agit, formam inducit quae est bonum appetitui conveniens. Ergo bonum habet rationem causae finalis, et primum in causando, ultimum est in causato, praesupponens scilicet causam efficientem et causam formalem.

II. Boni species.—1° Bonum dividitur in *metaphysicum, physicum, morale*.

Bonum metaphysicum seu transcendente est illud quod omni enti convenit in quantum est ens.

Bonum physicum est perfectio enti conveniens in quantum est tale ens, secundum quod nempe habet omnes entitates quae ipsi debentur secundum exigentiam suae naturae.

Bonum morale est perfectio conveniens ipsis actibus liberis voluntatis, secundum quod sunt conformes regulae morum et hominem ad finem suum ultimum ducunt.

2° Bonum dividitur in *utile, honestum vel delectabile*.

Bonum utile est illud quod appetitur *non propter se sed propter aliud ad quod ducit*, v. g., medicina ^{amara} quae non ratione sui appetitur, sed ratione sanitatis.

Bonum honestum est illud quod appetitur propter se et ratione sui, v. g., sanitas quae ratione sui appetitur.

Bonum delectabile est quies appetitus in possessione boni honesti.

3° Bonum dicitur *reale vel apparens*.

Bonum reale est illud quod perficit appetitum et ipsi convenit, v. g. : virtus.

Bonum apparens est illud quod habet similitudinem boni, tamen ex ejus consecutione appetitus detrimentum patitur, v. g. : voluptas.

4° Bonum est *infiniitum vel finitum*.

Bonum infiinitum est perfectio propria ipsius entis infiiniti, nempe Dei.

Bonum finitum est perfectio propria ipsius entis finiti, nempe creaturarum.

5° Bonum est *materiale* vel *immateriale*.

Bonum materiale est propria perfectio rerum materialium, praesertim ipsius hominis secundum partem sensibilem, v. g. : sanitas, divitiae, etc.

Bonum immateriale est propria perfectio entium immaterialium.¹⁾ Subdividitur in *intellectuale*²⁾ et *moralè*, prout est propria perfectio intellectus, ut scientia, vel propria perfectio voluntatis in ordine ad finem suum ultimum, ut virtus.

6° Bonum est *naturale* vel *supernaturale*.

Bonum naturale est perfectio consequens naturam rei, vel quae in ipsa produci potest ab agente creato, v. g. : scientia acquisita.

Bonum supernaturale est perfectio excedens facultatem naturae, quae in creatura rationali producitur a Deo in ordine ad beatitudinem, v. g. : gratia.

III. Omne ens est bonum, bonum et ens convertuntur, scilicet, unumquodque eadem entitate qua est ens est bonum, ideoque inter ens et bonum non datur distinctio realis, sed distinctio rationis tantum.--Unumquodque enim est bonum in quantum est perfectum, perfectum in quantum est actu, actu in quantum habet esse. Ergo unumquodque est bonum in quantum habet esse. Atqui omne ens in quantum est ens, habet esse. Ergo omne ens est bonum, bonum et ens convertuntur. « Omne ens, in quantum est ens, est quodammodo perfectum, quia omnis actus perfectio quaedam est. Perfectum vero habet rationem appetibilis et boni. Unde sequitur omne ens, in quantum hujusmodi, bonum esse. »⁽¹⁾

IV. Mali notio.—*Malum* est *privatio boni*. Privatio autem est absentia entitatis debitae. Malum igitur non est

(1) S. THOMAS, *Sum. theol.* p. I. q. 5. a. 6. *Bonum appetitur privative*

mera negatio seu mera absentia alicujus entitatis ; sic, non habere visum est malum in homine, sed non in lapide cui visus non debetur secundum modum suae naturae.

V. *Mali species.*—Malum est *physicum* vel *morale*.

Malum physicum est carentia entitatis debitae, v. g. : caecitas, ignorantia.

Malum morale est defectus ordinis debiti in actu libero voluntatis, v. g. : mendacium ; dicitur *malum culpae* seu peccatum.

Malum physicum in creaturis irrationalibus, *malum naturae* vocatur, quasi consequens naturam seu naturalia principia ; in creaturis autem rationalibus, dicitur *malum poenae*, privatio boni derivans ex culpa. Etenim secundum fidem catholicam privatio illa habet rationem poenae, quia natura rationalis in statu perfectionis creata, mala physica non incurrere potuit nisi culpa praecedente.

VI. *De existentia mali.*—Malum bono opponitur. Atqui bonum est ens ; bonum et ens convertuntur. Ergo *malum* est non-ens. Atqui non-ens existere non potest. Ergo *malum* in se existere non potest. Hinc sequitur *malum* non existere nisi in subjecto quod non potest esse nisi bonum. Illud autem bonum, quod est subjectum mali, non potest esse bonum infinitum omnem imperfectionem excludens ; est igitur bonum finitum et imperfectum, cui *malum* accedit in quantum privatur aliqua entitate sibi debita, v. g., caecitas in se non existit, sed accedit homini in quantum visu privatur.

VII. *Causa mali.*—Malum cum sit non-ens, quid scilicet negativum et privativum, non potest esse causa. Causa enim est aliquid positivum et realiter existens. Ergo *causa mali non est malum sed bonum*. *Bonum tamen non est causa mali per se sed per accidens tantum*. Causa dicitur per se

respectu effectus ad quem natura sua ordinatur; *per accidens*, vero respectu effectus quem producit, sed ad quod natura sua non ordinatur. Atqui bonum natura sua ad bonum ordinatur non autem ad malum, malum enim non habet rationem finis. Ergo causa mali est bonum non *per se* sed *per accidens*.

Agens dum operatur non intendit privationem in quo sistit malum, sed aliquod bonum cui accidere potest haec privatio, ideoque producit malum cum producit bonum cui malum conjungitur. Hoc quidem accidit vel propter defectum ex parte virtutis agentis seu instrumenti quo utitur, sicut in claudicatione ex defectu tibiae, vel propter defectum ex parte subjecti recipientis actionem agentis, quod nempe aut resistit actioni ejus, aut formam ab ipso productam non recipit nisi amittendo propriam, sicut in generatione, generatio unius est corruptio alterius. Unde malum non habet causam *efficientem*, sed potius *deficientem*.

VIII. Axiomata philosophicæ.

1° *Bonum est sui diffusivum*. Unumquodque enim est bonum in quantum est actu et perfectum; in quantum est actu est principium activum et causa efficiens propriam bonitatem aliis communicans.

2° *Bonum prius est malo*. Causa mali est bonum, causa autem prior est effectus.

3° *Bonum ex integra causa, malum ex quocumque defectu*. Bonum enim habet rationem perfecti; perfectum vero est id cui nihil deest secundum modum suae naturae. Ergo ubi deest integritas, aliqua entitas debita, non habetur bonum sed malum.

*Quicumque autem legem servaverit, offendet.
autem in uno, factus est omnium reus -
et Jac. II. 10*

CAPUT SECUNDUM

DE PROPRIETATIBUS ENTIIUM UNIVER-
SALISSIMIS

Prologus.—Proprietates transcendentales conveniunt omnibus quae sunt aut esse possunt. Proprietates universalissimae de quibus nunc instituitur sermo, nec omnibus conveniunt, nec tamen ad aliquod determinatum genus, vel ad determinatam speciem reducuntur, unde transcendunt genera et species, quin tamen transcendentales absolute et proprie dici possint. *Universalissimae* igitur vocantur per oppositionem ad proprietates praedicamentales quae praedicata *universalia* entium constituunt. Istae proprietates universalissimae sunt *pulchritudo* et *perfectio*. Perfectio autem considerari potest vel in se, vel in quantum excludit limitationem, compositionem, contingentiam, vel mutabilitatem. Talis erit igitur ordo articulorum hujus capituli secundi :

DE PROPRIETATIBUS ENTIIUM UNIVERSALISSIMIS.

| | | | | | | | | |
|------------------------------|--|-----------------------------|----------------------|----------------|---------------|--|------------------|--|
| I. De pulchro | Pulehri notio | Pulehri elementa | { | Integritas | Proportio | Claritas | | |
| | | | | | | | Pulehri species | { |
| | Sensibile | { | Morale | | | | | |
| | II. De perfectione in se | Facultas pulehri perceptiva | De arte | { | Species | { | Artes mechanicae | |
| | | | | | | | “ liberales | |
| | | Perfectionis notio | Perfectionis species | { | Absoluta | Relativa | { | Totalis |
| Partialis | | | | | | | | { |
| III. De finito et infinito | De origine notionis iufiniti | De subjecto iufinitatis | { | Thesis | : | Philosophorum sententiae | | |
| | | | | | | Notio iufiniti haberi nequit per continuam additionem finiti ad finitum, sed habetur per totalem subtractionem limitum a finito. | | |
| IV. De simplici et composito | Simplicis et compositi notio | Compositionis species | { | Realis, logica | Substantialis | { | Metaphysica | |
| | | | | | | Accidentalis | { | Physica |
| | Simplicis species : Absolutum, relativum | Axiomata | | | | | | Essentialis, integralis seu quantitativa |
| | | | | | | | | |

| | | | |
|---------------------------------|--|---|---------------------------|
| | Necessarii et contingentis notio | | |
| | Necessarii species : absolute, hypotheticæ | | |
| | Contingentis species : per potentiam in seipso, per potentiam in altero. | | |
| V. De necessario et contingente | Existencia entis contingentis | Thesis: Ens contingens existentiam habet ab alio, nempe immediate vel mediate ab ente necessario. | |
| | | Corollaria | |
| | Mutationis notio | | |
| VI. De mutabili et immutabili | Mutationis species | Intrinseca | Substantialis { Generatio |
| | | | Accidentalis { Corruptio |
| | Mutationis elementa | Extrinseca | Augmentatio |
| | | | Motus localis |
| | | Terminus a quo | |
| | | Terminus ad quem | |
| | | Subjectum | |
| | Axiomata | | |

ARTICULUS I

DE PULCHRO

(8)

I. Pulchri notio.—*Pulchrum* est «*id cuius apprehensio placet*», «*pulchra enim dicuntur quae visa placent.*»⁽¹⁾ Pulchrum igitur differt a vero et a bono : ens dicitur verum per ordinem ad intellectum, bonum, per ordinem ad voluntatem, pulchrum, per ordinem ad utrumque. Apprehensio enim ad intellectum pertinet, complacentia ad voluntatem ; tamen ratio formalis pulchri habetur secundum ordinem ad intellectum, seu ad vim cognoscitivam. Sic in sensibilibus, illa dicuntur pulchra quae percipiuntur a sensibus maxime cognoscitivis et veluti intellectui deservientes, scilicet ab *auditu* et a *visu* : colores et sonus dicuntur pulchri, non autem odores et sapes. Unde recte animadvertit S. Thomas, «*bonum proprie respicit appetitum, . . . pulchrum autem respicit vim cognoscitivam.*»⁽²⁾ Ipsa apprehensio intellectus complacentiam voluntatis producit, seu per se delectat.

II. Pulchri elementa.—Pulchrum importat apprehensionem facultatis cognoscitivae et complacentiam ; sed hujus

(1) S. THOMAS, *Sum. theol.*, p. I, q. 5, a. 4. ad. 1.—1a IIae, q. 27, a. 1, ad 3.

(2) *Loc. cit.*

apprehensionis et complacentiae ratio quaedam objectiva datur. Quid igitur ad illam rationem objectivam pulchri requiritur ? « Ad pulchritudinem *tria* requiruntur. *Primo* quidem integritas, sive perfectio. Quae enim diminuta sunt, hoc ipso turpia sunt. *Et* debita proportio, sive consonantia. *Et* iterum claritas. Unde quae habent colorem nitidum, pulchra esse dicuntur. ⁽¹⁾

1° Ad pulchritudinem requiritur *integritas* seu *perfectio*. Etenim ubi deest integritas, habetur carentia entitatis debita, ideoque malum. Malum autem non potest esse objectum complacentiae ipsius appetitus.

2° *Proportio* seu consonantia partium, seu *ordo*. Ordo est—« parium dispariumque sua cuique loca tribuens dispositio » ⁽²⁾—*recta ratio rerum ad finem* ⁽³⁾ ». Ordo igitur supponit *unitatem* finis ; pluralitatem seu *varietatem* eorum que sunt ad finem ; *proportionem* seu consonantiam inter ea omnia quae ad unitatem ratione ordinis reducuntur, quae consonantia importatur in hoc quod dicitur *recta ratio rerum ad finem*. Quod autem talis ordo seu debita proportio ad pulchritudinem requiratur, facile apparet : quae enim disproportionata sunt vel confusa et inordinata, pulchra non sunt.

3° *Claritas*. *Splendor* enim et *claritas* vivide movent vim cognoscitivam et delectabilem faciunt apprehensionem.

Philosophi uni vel alteri ex hisce elementis pulchri constitutivis maxime attendentes, varias pulchri definitiones tradiderunt :

Pulchrum est unitas in varietate. ⁽⁴⁾

Pulchrum est splendor veri. ⁽⁵⁾

(1) S. THOMAS, *Sum. theo.*, p. I, q. 39, a. 8.

(2) S. AUG. *De civit. Dei*, l. 19, c. 13.

(3) S. THOMAS, II, *Physic.*, lect. 13.

(4) P. ANDRÉ, *Essai sur le beau* ; COUSIN, *Du vrai, du beau et du bien*, leçon VIIe.

(5) Tribuitur Platoni et Plotino.

Pulchrum est splendor ordinis. ⁽¹⁾

Pulchrum est splendor entis. ⁽²⁾

Quidquid sit de istis definitionibus quarum quaedam possunt magis ad essentiam pulchri objective consideratam attingere, retinenda videtur definitio Sancti Thomae a nobis primo tradita : *id cuius ipsa apprehensio placet*, quae quidem magis indicat ordinem pulchri ad intellectum et voluntatem, ideoque quomodo pulchrum a vero et bono distinguitur.

III. Pulchri species.—1° Pulchrum dividitur in *ideale* et *reale*.

Pulchrum ideale est pulchri exemplar in mente existens cui comparantur res, quae eo pulchriores dicuntur quo magis ad ipsum accedunt. Dicitur divinum aut humanum prout in intellectu divino vel humano reperitur.

Pulchrum reale est illud quod extra intellectum est et rebus realiter inest.

2° Pulchrum reale subdividitur in *spirituale* et *seusibile*.

Pulchrum spirituale est illud quod in rebus immaterialibus effulget, v. g., in Deo, in anima, in virtute.

Pulchrum seusibile est illud quod in rebus materialibus visu vel auditu percipitur, v. g., pulchritudo coeli sideribus ornati, floris, harmoniae musicalis.

3° *Pulchrum spirituale* est *intellectuale* vel *morale*. Primum effulget in operibus intellectus, et *splendor veri* recte diceretur ; secundum efflorescit in operibus voluntatis quatenus ipsi regulae morum conformantur, et recte dicitur *splendor honestatis*.

4° *Pulchrum seusibile* aliud est *naturale*, aliud *artificiale*, prout in operibus naturae, aut in operibus artis reperitur.

5° Pulchrum dicitur *sublime*, *venustum* seu *gratosum*, vel *pulchrum simpliciter*. Primum est illud cuius apprehensio mirationem et quasi stuporem mentis excitet, v. g. : Deus,

(1) Tribuitur Sancto Augustino.

(2) G. SORTAIS, *Op. cit.* t. II. p. 673.

martyrium, tempestas in medio maris. Secundum est illud
cujus apprehensio affectum tenerum et suavitatem in mente
generat; v. g.: flos campi, vultus pueri. Tertium est illud
cujus apprehensio simpliciter placet; v. g.: virtus est
pulchra, vultus hominis, etc. ⁽¹⁾

IV. **Facultas pulchri perceptiva.**—Facultas pulchri per-
ceptiva dicitur *aesthetica*, vel *gustus aestheticus* (a vocabulo
graeco *αισθητικος* sentire), quasi pulchrum sentiatur potius-
quam cognoscatur. Illa autem facultas *aesthetica* non est quae-
dam potentia specialis ab aliis animae potentiis distincta,
sed ipsa virtus cognoscitiva prout nempe est pulchri appre-
hensiva. Pulchrum autem apprehenditur a *visu* et ab *auditu*,
a quibus primo percipitur pulchrum sensibile, ab *imaginatione*
seu *phantasia*, cujus est formas intentionales rerum sens-
sibilem conservare et reproducere, tandem ab *intellectu*, ad
quem pertinet dijudicare de pulchro non tantum sensibili
sed et spirituali. *Visus* igitur, *auditus*, *phantasia* et *intel-*
lectus dicuntur facultates *aestheticae*, sed praecipue *intel-*
lectus, cum ipse solus pulchrum ideale cognoscat, et ideam
ordinis praecipui elementi pulchri apprehendere possit;
« ordinem unius rei ad aliam cognoscere est solius *intellec-*
tus. » ⁽²⁾

V. **De pulchri expressione seu de arte.**—1° *Artis notio.*
Lato sensu, *ars est recta ratio operum faciendorum*, ⁽³⁾ et
secundum hoc dicitur: complexus regularum quibus homo
dirigitur in quocumque opere perficiendo.

Stricto sensu, *ars* definitur: « *recta ratio factibilium*; *factio*
autem est operatio transiens in materiam exteriorem. » ⁽⁴⁾

(1) « Le joli est la miniature du beau, c'est le beau en petit; le
sublime, c'est le beau en grand. » G. SORTAIS, *op. cit.* t. II, p. 682.

(2) S. THOMAS, I *Ethic.*, lect. I.

(3) S. THOMAS, *Sum. theol.* I^a II^{ae} q. 57, a. 3.

(4) S. THOMAS, *Sum. theol.* I^a II^{ae} q. 57, a. 4.

Ars igitur stricto sensu, est complexus regularum quibus dirigitur homo in operibus suis externis seu manualibus.

2° *Artis species*. — Artes autem sunt *mechanicae* seu *liberales*. *Artes mechanicae* sunt illae « quae ordinantur ad opera per corpus exercita, quae sunt quodammodo serviles, in quantum corpus serviliter subditur animae. » ⁽¹⁾ In ipsis magis requiritur vis et habilitas corporis quam animae, et finis ipsorum est bonum utile. Inter artes mechanicas recensentur ; ars fabrica, materiaria, sutrina, textrina, etc.

Artes liberales sunt illae quae ordinantur ad opera per animam exercita, « homo enim secundum animam est liber. » ⁽¹⁾ In ipsis magis requiritur ingenii acies quam corporis vis et dexteritas. Inter artes liberales maxime eminent *Pulchrae artes*, quorum est pulchrum sensibilibus formis exprimere.

Propter autem illam specialem eminentiam, *ars* strictiori sensu accipitur pro ipsis pulchris artibus, et definitur : *disciplina qua homo dirigitur in operibus conficiendis quorum objectum est pulchrum sensibilibus formis exprimendum*. Pulchrae artes sunt : architectura, sculptura, pictura, musica, poesis, etc.

3° *De habitudine artis ad bonum morale*. ⁽²⁾ — Objectum artis strictiori sensu acceptae est expressio pulchri. Pulchrum autem distinguitur a vero et a bono, unde pulchrae artes ab utroque abstrahere possunt. Haec est theoria quae dicitur *artis autonomae* seu *artis pro arte*. Quanta sit falsitas hujus theoriae, facile apparet tum ex ipsius pulchri natura, tum ex necessitate ordinationis omnium actuum hominis ad finem suum ultimum.

Etenim *primo* pulchrum complacentiam intellectus et voluntatis importat. Atqui falsum est malum intellectus,

(1) S. THOMAS, *Sum. theol.*, Ia-IIae, q. 57, a. 3, ad 3.

(2) Cf. G. LONGUAYE, *Théorie des belles-lettres*, L. I, c. IV. — BRUNETIÈRE, *Discours de combat* : L'art et la morale.

et voluntas nonnisi in bono complacere potest. Ergo dicendum est pulchrum, etsi a vero et a bono distinguatur, non esse tamen ab utroque independens.

Secundo, homo ad beatitudinem tanquam ad finem ultimum ordinatur quem propriis suis actibus consequi debet. Cum autem prima omnis entis obligatio sit finis proprii consecutio, in nullis ex suis operationibus homo a fine suo ultimo abstrahere potest ; e contra, totis viribus bonitate morali suorum actuum et operum ad ipsum tendere debet. Ergo pulchrae artes ad amorem virtutis homines incitare et adjuvare debent, nedum a bono morali abstrahere possint.

Scientia, dicunt fautores *artis autonomae*, abstrahit a bono morali, est nempe de bono et de malo, cur autem idem non esset de arte?

Objectum scientiae est verum, nempe id quod est, et complectitur bonum et malum ; sed id quod traditur a scientia ad intellectum tantum dirigitur, qui bonum praesentat voluntati ut amandum et faciendum, malum ut detestandum et vitandum. E contra opera artis ad intellectum et voluntatem diriguntur, et ea ratione ut in ipsis complacentiam et delectationem producant. Non autem contrariatur fini ultimo quod cognoscatur malum, adversatur vero quod quis in malo complaceat. Ergo licet aliquo modo scientia dici possit abstrahere a bono morali in quantum est etiam de malo, idem affirmari non potest de arte. ⁽¹⁾

(1) « Le savant cherche à connaître ce qui est. Il s'adresse à l'intelligence seule pour lui montrer les choses telles qu'elles sont. L'artiste réalise une œuvre, expression toujours défectueuse d'un idéal caressé et aimé. Il s'adresse à l'âme entière : s'il parle à l'intelligence, c'est pour arriver à émouvoir le cœur ; son but son espérance est de faire regarder avec complaisance le fruit de sa conception. Il est interdit à l'homme honnête—artiste ou bourgeois—de se complaire dans la contemplation d'un geste, d'une attitude, d'une parole qui expriment et font désirer, aimer un acte immoral. » D. MERCIER, *L'art et la morale*, Le Bien Public, 25 mai 1905.

DE PERFECTIÖNE IN SE.

(9)

I. Perfecti et perfectionis notio.—*Perfectum* secundum nomen idem sonat ac *totaliter factum*; res autem est totaliter facta quando est completa, et completa est quando nihil ipsi deest. *Perfectum* igitur est *id cui nihil deest secundu[m] modum suae naturae*, et *perfectio* definitur; *plenitudo enti debita secundu[m] modum suae naturae*.

II. Perfectionis species.—1^o Perfectio alia est *absoluta*, alia *relativa*.

Perfectio absoluta est *omnimoda entis plenitudo sub omni respectu*; est perfectio ejus quod habet omnes perfectiones possibles sine ulla limitatione. Deus est absolute perfectus.

Perfectio relativa est plenitudo entis secundum aliquam determinatam speciem; est perfectio creaturarum quae omnes partiales entitates habent suae naturae convenientes. Dicitur *totalis*, si sit complexus perfectionum quae ipsi enti debentur, *partialis*, si sit tantum una ex entitatibus ex quibus res perfecta resultat.

Perfectio partialis est vel *secundu[m] esse* seu *essentialis*, vel *ex fine*, vel *accidentalis*. In unoquoque ente enim possumus considerare vel *essentiam* qua constituitur in determinata specie, vel *finem* ad quem ordinatur, et qui sese habet ut

ultima ejus perfectio, vel *accidentia* quae essentiae adveniunt et ipsam perficiunt secundum ea quae ad finem requiruntur.

2^o Perfectio alia est *simpliciter simplex* alia *secundum quid*.

Perfectio simpliciter simplex est illa quae in conceptu suo nullam involvit imperfectionem, ideoque stare potest cum quavis alia perfectione, v. g. : vita, intelligentia.

Perfectio secundum quid est illa quae in conceptu suo involvit aliquam imperfectionem, ideoque aliam perfectionem excludit, v. g. : esse corpus, ratiocinium. Esse corpus includit compositionem physicam, et excludit esse spiritum ; ratiocinium includit in conceptu suo cognitionem mediatam, ideoque excludit cognitionem immediatam.

III. De modis diversis quibus perfectio subjecto inest.— Perfectio potest esse in aliquo subjecto tripliciter : *formaliter*, *virtualiter*, *eminenter*.

Perfectio est in subjecto *formaliter* quando invenitur in ipso secundum suam rationem specificam, secundum suam definitionem, v. g., ratiocinium est in homine formaliter.

Perfectio est in subjecto *virtualiter*, vel quando subjectum potest illam perfectionem producere, v. g., planta est virtualiter in semine ; vel quando subjectum se solo potest praestare omne id quod praestatur ab illa perfectione in subjecto in quo invenitur formaliter, v. g., ratiocinium dicitur esse in Deo virtualiter, quia intellectus divinus sine ratiocinio cognoscit quidquid cognoscitur mediante ratiocinio in homine.

Perfectio est in subjecto *eminenter*, quando invenitur in ipso, modo superiori eo quo invenitur in subjecto cui formaliter inest, v. g., perfectiones creaturarum eminenter sunt in Deo. *Eminenter* autem non dicitur secundum oppositionem ad formaliter et virtualiter ; ita perfectio esse potest in subjecto formaliter eminenter vel virtualiter eminenter.

ARTICULUS III

DE FINITO ET INFINITO

(10)

I. Finiti et infiniti notio.—*Finitum est id quod habet limites; infinitum est id quod non habet limites.*

Indefinitum a finito et infinito distinguitur; *indefinitum* enim idem significat ac *non definitum*, unde est id quod habet limites quae tamen actu non determinantur, v. g.: linea indefinita. *Finitum* habet limites actu determinatas, *indefinitum* habet limites sed non actu determinatas, *infinitum non habet limites.*

II. Infiniti species.—1° *Infinitum est actuale vel potentiale.*

Infinitum actuale est illud quod non habet limites in suo esse actuali, scilicet, est illud quod habet realitatem actu illimitatam.

Infinitum potentiale est illud quod actu habet limites sed sine fine augeri potest, v. g.: linea, numerus. *Infinitum potentiale* ad *indefinitum* reduci potest.

2° *Infinitum actuale est absolutum vel relativum.*

Infinitum absolutum seu simpliciter est illud quod nullos habet limites in omni genere perfectionis, v. g.: Deus.

Infinitum relativum est illud quod non habet limites in aliquo genere perfectionis tantum v. g.: sapientia, justitia, absque subjecto consideratae.

3° Infinitum dicitur *negativum* vel *privativum*.

Infinitum negativum est illud quod non habet limites et non natum est habere limites ; importat igitur illimitatam perfectionem in subjecto.

Infinitum privativum est illud quod non habet limites, sed quod natum est habere limites, v. g., materia prima ab omni actu destituta. Est igitur privatio omnis perfectionis.

III. De origine notionis infiniti.—*Philosophorum sententiae.*

Cartesiani et Ontologistae docuerunt mentem nostram non posse a notione finiti ad infinitum assurgere, cum infinitum in finito contineri non possit. Cartesiani igitur dixerunt notionem infiniti esse nobis ingenitam, et Ontologistae, ens infinitum nempe Deum esse primum objectum a nobis cognitum in quo omnia alia cognoscuntur. Ex altera parte Lokius et lokiani affirmant notionem infiniti haberi per additionem finiti finito. Scholasticae vero docent, contra hos omnes, notionem infiniti haberi a finito, sed per totalem subtractionem limitum a finito.

THESIS. NOTIO INFINITI HABERI NEQUIT PER CONTINUAM ADDITIONEM FINITI AD FINITUM, SED HABETUR PER TOTALEM SUBTRACTIONEM LIMITUM A FINITO.

Prima pars.—Infinitum est id quod limitibus essentialiter caret. Atqui ex additione finiti ad finitum non potest haberi nisi limitatum. Ergo ex additione finiti ad finitum non potest haberi notio infiniti.

Ad minorem.—Etenim id cui fit additio habet limites et est finitum ; id autem quod additur habet limites etiam ; unde ex illa additione major habebitur entitas, sed semper entitas limitata.

Secunda pars. 1° *Quoad possibilitatem.*—In re finita duo possumus considerare : entitatem et limitationem ipsius

Handwritten notes:
 In re finita duo possumus considerare : entitatem et limitationem ipsius
 In re finita duo possumus considerare : entitatem et limitationem ipsius
 In re finita duo possumus considerare : entitatem et limitationem ipsius

entitatis, seu negationem amplioris entitatis. Atqui entitas non est limitata ut entitas. Ergo entitas est finita ratione limitationis seu negationis amplioris entitatis. Atqui quemadmodum mens nostra potest abstrahere a proprietatibus quae rebus insunt et unam tantum considerare, ita potest in re finita considerare entitatem abstractione facta a limitibus, et ideo a notione finiti assurgere ad notionem infiniti. Ergo per totalem abstractionem limitum a finito potest haberi notio infiniti.

2^o *Quoad factum.* Secundum quod aliquid a nobis cognoscitur sic a nobis nominatur: conceptus enim vocabulis externe manifestantur. Ergo ex modo quo per vocabula conceptus nostros manifestamus, recte cognoscere possumus modum quo res ipsas intellectu concipimus. Atqui vocabulum «infinitum» est quid negativum voce, sed quid positivum objective. Ergo conceptus quem de infinito habemus est positivus quia ad rem positivam terminatur, sed est etiam negativus aliquo modo, cum manifestatur voce negativa. Atqui non potest esse negativus nisi secundum modum cognoscendi, in quantum nempe habetur a re finita per negationem limitum in ipsa. Ergo de facto notio infiniti habetur per totalem subtractionem limitum a finito.

IV. De subjecto infinitatis.—Dari ens actu infinitum, nempe Deum, demonstrabitur in Theodicea; sed illa ratio infiniti potestne alicui enti creato convenire? Cum in omni ente creato essentia et existentia realiter distinguuntur ut potentia et actus, nullum ens creatum sibi vindicat omnimodam perfectionem quae enti actu infinito convenit. Ratione igitur essentiae ens creatum non potest esse infinitatis subjectum.—Ratione autem quantitatis vel cujusdam qualitatis essentiae additae, potest-ne dari aliquod ens creatum actu infinitum? Ex parte quantitatis quaeri potest utrum numerus vel multitudo, vel

magnitudo possint esse actu infiniti. Respondetur sequenti propositione :

THESIS.—IMPOSSIBILIS EST NUMERUS INFINITUS, VEL MULTITUDO, SEU MAGNITUDO, SEU QUALITAS QUAEcumQUE CREATA ACTU INFINITA.

Prima pars. *Numerus actu infinitus repugnat.*—Illud non potest esse actu infinitum cui semper unitas addi vel subtrahi potest. Atqui hujusmodi est numerus. Ergo numerus actu infinitus repugnat.

Secunda pars. *Multitudo actu infinita repugnat.* Multitudo enim est species numeri : numerus est multitudo mensurata per unum. Atqui numerus actu infinitus repugnat. Ergo et multitudo actu infinita repugnat.

Tertia pars. *Magnitudo actu infinita repugnat.* Magnitudo est quantitas continua, scilicet quae in partes non separantur. Atqui istae partes, licet non separatae, sunt tamen realiter distinctae et separabiles. Ergo non potest dari magnitudo infinita nisi actu continent partes numero infinitas, quod repugnat.

Quarta pars. *Qualitas creata actu infinita repugnat.* Quaelibet qualitas essentiae creatae addita vel ab essentia dimanat vel in essentia tanquam in subjecto recipitur. Atqui nulla qualitas infinita ab essentia finita dimanare potest, effectus enim non potest excedere perfectionem causae, nec in essentia finita tanquam in subjecto recipi, infinitum in finito recipi non potest. Ergo qualitas creata actu infinita repugnat.

DE SIMPLICI ET COMPOSITO

(11)

I. *Simplicis et compositi notio.*—Simplex dicitur secundum oppositionem ad compositum. *Compositum* autem est id quod constat partibus; *simplex* igitur est id quod non habet partes ex quibus resultat. *Compositio* est unio plurium partium ad totum constituendum; *simplicitas* vero nihil aliud est quam *negatio compositionis*.

II. *Compositionis species.*—1° *Compositio* est *realis* vel *logica*.

Compositio realis est illa quae resultat ex unione partium quae entitates reales sunt; v. g.: *compositio animae et corporis*.

Compositio logica est illa quae resultat ex unione partium quae non sunt nisi entia rationis; v. g.: *compositio generis et differentiae*. Si autem partium distinctio habeat fundamentum in re, ut in exemplo allato *compositionis generis et differentiae*, *compositio* dicitur *metaphysica*; si vero distinctio fiat sine fundamento in re, *compositio* dicitur simpliciter *logica*.

2° *Compositio* est *substantialis* vel *accidentalis*.

Compositio substantialis est illa quae resultat ex unione partium substantialium ; dicitur *metaphysica* si partes ratione tantum sed cum fundamento in re distinguuntur, v. g., compositio animalitatis et rationalitatis in homine ; dicitur *physica* si partes realiter distinguuntur, v. g., compositio essentiae et existentiae in creaturis, compositio materiae et formae, animae et corporis.

Compositio accidentalis est illa quae resultat ex unione substantiae cum accidentibus, vel ex unione plurium accidentium ; v. g., compositio subjecti et accidentis, compositio partium in toto potestativo.

3^o *Compositio* est *essentialis* vel *integralis* seu *quantitativa*.

Compositio essentialis est illa quae resultat ex partibus essentiae constitutivis, v. g., compositio animae et corporis, materiae et formae.

Compositio integralis est illa quae resultat ex unione partium quantitativarum quae corpus integrum constituunt ; v. g., compositio membrorum in corpore humano.

III. *Simplicis species*.—*Simplex* est *absolutum* vel *relativum*.

Simplex absolutum est illud quod excludit quamlibet compositionis speciem ; v. g., Deus est absolute simplex.

Simplex relativum est illud quod aliquam sed non omnem compositionis speciem excludit ; v. g., anima dicitur simplex, quia excludit compositionem materiae et formae, punctum dicitur simplex, quia compositionem integram excludit.

IV. *Axiomata philosophica*.—1^o *Nullum compositum potest esse absolute perfectum et infinitum*. Partes enim ex quibus resultat sunt finitae, ideoque imperfectae ; sed per additionem finiti finito, imperfecti imperfecto, non potest haberi infinitum et absoluta perfectio. Ergo.

2° *Ens simplicissimum seu absolute simplex est infinitum et absolute perfectum.*

3° *In omni composito est actus et potentia. Etenim vel una pars est actus respectu alterius, vel omnes partes sunt in potentia respectu totius.*

4° *Ens compositum supponit existentiam entis simplicis. Etenim partes ex quibus compositum resultat sunt ipso priores. Ergo nullum compositum potest esse primum ens.*

ARTICULUS V

DE NECESSARIO ET CONTINGENTE

(12)

I. Entis necessarii et contingentis notio.—Necessarium in genere est *id quod non potest aliter sese habere ac est*, ; unde necessitas dicitur *determinatio ad unum*. Contingens vero est *id quod potest aliter sese habere ac est*, et *contingentia, indifferentia ad opposita*. Cum autem ens dicitur per ordinem ad esse, *ens necessarium est illud quod non potest non esse* ; et *ens contingens, illud quod potest esse vel non esse*.

II. Necessarii et contingentis species.—1° *Ens dicitur necessarium absolute vel hypothetice.*

Ens necessarium absolute est illud quod non potest non esse spectata sua natura ; v. g., *Deus est ens necessarium absolute, quia esse est de ejus essentia.*

Ens necessarium *hypothetice* est illud quod non potest non esse, facta aliqua suppositione v. g., ens dum est, non potest non esse, unde unumquodque dum est, necessarium est ipsum esse.

2^o Contingentia entis est aptitudo seu potentia ad non esse. Ens autem dicitur contingens vel per potentiam quae est in seipso, vel per potentiam quae est in altero ; v. g., ens materiale, utpote compositum potest amittere esse ex dissolutione partium ex quibus resultat, dicitur contingens quia habet in se potentiam ad non esse; ens vero spirituale, utpote simplex, non potest perire ex dissolutione partium, unde non habet in se potentiam ad non esse, tamen habet potentiam ad non esse in altero, nempe in Deo qui potest ipsum destruere.

III. De existentia entis contingentis.—Ens contingens cum sit indifferens ad esse vel non esse, non habet in se rationem propriae existentiae ; unde sit :

THESIS.—ENS CONTINGENS EXISTENTIAM HABET AB ALIO, NEMPE IMMEDIATE VEL MEDIATE AB ENTE NECESSARIO.

Prime pars. Quidquid invenitur in aliquo praeter essentiam ejus, vel producitur in ipso ab ipsa essentia, vel a principio extrinseco. Atqui esse seu existentia invenitur in ente contingenti praeter essentiam ejus, potest enim esse vel non esse. Ergo esse seu existentia producitur in illo ente vel ab essentia vel a principio extrinseco. Atqui esse non potest produci ab essentia, dum non est non potest aliquid producere. Ergo ens contingens esse habet ab alio.

« Quidquid est in aliquo, quod est praeter essentiam ejus, oportet esse causatum vel a principiis essentiae, sicut accidentia propria consequentia speciem, ut risibile consequitur hominem, et causatur ex principiis essentialibus speciei ; vel ab aliquo exteriori, sicut calor in aqua causatur ab igne. Si igitur ipsum esse rei sit aliud ab ejus essentia,

necesse est, quod esse illius rei vel sit causatum ab aliquo exteriori, vel a principiis essentialibus ejusdem rei. Impossibile est autem, quod esse sit causatum tantum ex principiis essentialibus rei, quia nulla res sufficit quod sit sibi causa essendi, si habeat esse causatum. Oportet ergo quod illud cujus esse est aliud ab essentia sua habeat esse causatum ab alio.» (1)

Secunda pars. Ens contingens habet esse mediate vel immediate ab ente necessario. Ens contingens non habet in se rationem propriae existentiae, unde habet existentiam ab alio, circa quod redit quaestio utrum habeat in se rationem propriae existentiae vel non. Atqui non est procedendum in infinitum in serie entium quae esse habeant ab alio. Ergo deveniendum est ad ens necessarium a quo mediate vel immediate entia contingentia procedunt.

IV. Corollaria. — 1° A cognitione entis contingentis, prius a nobis cogniti, assurgere possumus ad cognitionem entis necessarii.

2° Ens necessarium habet in se rationem propriae existentiae, ideoque est ens improductum ab alio; de ejus essentia est esse.

3° In ordine cognitionis seu logico, ens contingens est prius ente necessario; sed in ordine existentiae seu ontologico, ens necessarium est prius ente contingente, cum sit causa ejus.

(1) S. THOMAS., *Sum. theol.* p. I. q. 3. a. 4,

ARTICULUS VI

DE IMMUTABILI ET MUTABILI

(13)

I. Mutationis notio. — Immutabilitas, vi vocis, est negatio mutabilitatis ; mutabilitas vero est dispositio seu potentia ad mutationem. Quid sit igitur mutatio ?—*Mutatio est transitus entis ab uno modo ad alium modum sese habendi. Eus ergo quod potest aliter sese habere nunc et prius dicitur mutabile ; immutabile vero illud quod non potest aliter sese habere nunc et prius.*

II. Mutationis species. — 1^o Mutatio est *intrinseca* et *extrinseca*.

Mutatio intrinseca est illa quae in subjecto fit per acquisitionem vel amissionem alicujus realitatis, v. g. : calefactio.

Mutatio extrinseca est illa quae non fit in subjecto sed extra ipsum, vi cujus tamen subjectum novum induit respectum, v. g. : columna dicitur esse ad dexteram vel ad sinistram secundum motum hominis circa ipsam vertentis.

2^o Mutatio intrinseca est *substantialis* vel *accidentalis*.

Mutatio substantialis est *transitus subjecti ab una ad aliam naturam*, v. g., lignum substantialiter mutatur dum transit ab esse lignum ad esse cinerem. Mutatio substantialis fit in instanti, dicitur *instantanea*.

Mutatio accidentalis est transitus subjecti a privatione alicujus esse accidentalis ad ejus acquisitionem, vel a possessione illius esse ad ejus privationem, v. g., homo sanus fit aegrotus. Mutatio accidentalis fit successive, secundum diversos gradus, ut apparet in calefactione, et dicitur successiva.

3° Mutatio substantialis est duplex: *generatio* et *corruptio*.

Generatio est transitus subjecti a privatione alicujus formae substantialis ad ejus acquisitionem,—seu transitus a non esse ad esse substantiale: v. g., transitus subjecti a non esse hominem ad esse hominem.

Corruptio est transitus subjecti a forma substantiali ad privationem ejus, seu transitus ab esse ad non esse; v. g., comburendo, lignum transit ab esse lignum ad non esse lignum. Cum autem subjectum amittendo aliquam formam alteram acquirit, dicitur *corruptio unius generatio alterius*; sic in combustione corrumpitur lignum, generatur cinis.

4° Mutatio accidentalis est triplex: *augmentum* et *decrementum*, *alteratio* et *latio* seu *motus localis*,

Prima est transitus subjecti a minori ad majorem, vel a majori ad minorem quantitatem.

Secunda est transitus subjecti ab uno in aliam qualitatem.

Tertia est transitus corporis ab uno in alium locum.

III. Mutationis elementa.—Ad mutationem proprie dictam tria requiruntur elementa: *terminus a quo* realis, *terminus ad quem* realis, et reale *subjectum* transiens a termino a quo ad terminum ad quem, v. g., in calefactione aquae, *terminus a quo* est aqua frigida, *terminus ad quem* aqua calida, subjectum, ipsa aqua transiens ab esse frigidum ad esse calidum.

Ubi autem deest unum vel aliud ex his tribus elementis, mutatio est improprie dicta. Hoc quidem fit in *mutatione extrinseca*, in *creatione* et in *annihilatione*; in mutatione

extrinseca subjectum realiter non mutatur unde deest realis transitus subjecti ; in creatione deest terminus a quo realis, in annihilatione terminus ad quem realis. Illae igitur mutationes sunt improprie dictae.

Axiomata philosophica.—1° *Omne quod mutatur manet quoad aliquid, et quoad aliquid transit.* Quod quidem verificatur praesertim in mutatione substantiali, in qua subjectum unam formam amittit et aliam acquirit ; unde :

2° *Omne quod mutatur mutatione aliquid acquirit, vel aliquid amittit.*

3° *Ens mutabile est compositum ; idem enim subjectum, sub utroque termino perseverans, habet aliquid in uno quod non habet in altero, unde necessario est quid compositum.*

4° *Ens mutabile est in potentia et imperfectum.*

5° *Ens mutabile est contingens, potest aliter et aliter sese habere.*

6° *Ens immutabile est necessarium, simplex et perfectum ; illud ens enim non potest esse aliter ac est, et excludit omnem potentiam, ideoque compositionem et imperfectionem.*

7° *In ordine ontologico seu existentiae, ens immutabile prius est mutabili.* Ens mutabile est ens in potentia, potentia autem est absolute posterior actu qui est simpliciter prior. Ens immutabile est actus purus excludens omnem potentiam. Dicitur in ordine ontologico, quia in ordine logico seu cognitionis, ens mutabile est prius, cum quidem prius a nobis cognoscatur.

LIBER TERTIUS

DE DIVISIONE ENTIS SECUNDUM DECEM PRAEDICAMENTA.

Prologus.—Duo sunt suprema genera entium, substantia nempe et accidens. Cum autem novem sunt accidentium genera, ens dicitur dividi secundum decem praedicamenta seu categorias. Praedicamenta autem sunt generales essendi modi secundum quos entia existere possunt; non dividunt igitur ens secundum diversas species quae enti aliquam differentiam addunt, sed secundum diversos essendi modos qui entibus *realibus* et *contingentibus* convenire possunt. Cum vero ens necessarium habeat esse identificatum cum essentia sua, in ipso esse et modus essendi sunt unum et idem; ideoque Deus non ponitur sub aliquo praedicamento. Duplex erit caput hujus libri tertii:

Ium : De substantia.

IIum : De accidentibus.

CAPUT PRIMUM

DE SUBSTANTIA

Prologus.—Quaestiones quae sub hoc capite solvendae proponuntur sunt maximi momenti. Cognitio enim nostra primo versatur circa essentias, et maxime quidem circa substantiales essentias rerum sensibilium, a quibus assurgit ad cognitionem rerum suprasensibilium. Pessimus igitur esset error circa naturam substantiae, et circa ea quae ad substantiam pertinent. Summa diligentia magnusque labor adhibeantur in istis veritatibus comparandis, quae fundamentum constituunt non tantum philosophiae, sed et theologiae et cujuscumque scientiae. Tria in hoc capite nostrae considerationi offerentur : quaerendum est enim de substantiae natura, individuatione et subsistentia, unde tres erunt articuli.

DE SUBSTANTIA

| | | | |
|-----------------------------|---|-------------------------------|---|
| I. De natura
substantiae | } | Substantiae notio | |
| | | Falsae definitiones | |
| | | Ratio essentialis substantiae | |
| | | Substantiae species | |
| | | { | Prima et secunda |
| | | | Completa, incompleta in ratione substantialitatis, in ratione speciei |
| | | | Simplex, composita |
| | | | Corporea, materialis, immaterialis |
| | | | Reales existunt substantiae. |

- | | |
|----------------------------------|---|
| II. De principio individuationis | Status quaestionis
Philosophorum sententiae
Thesis I ^a : In substantiis compositis ex materia et forma essentia non individuatur per seipsam, sed realiter distinguitur a principiis ipsam individuantibus |
| | Thesis II ^a . In substantiis simplicibus completis essentia individuatur per seipsam.
De constitutivo principii individuationis
Difficultatum solutio. |
| | III. De subsistentia |

DE NATURA SUBSTANTIAE.

(14)

I. Substantiae notio genuina.—*Substantia*, secundum nomen, dicitur a *substare* ; est igitur *id quod stat sub accidentibus*, seu sub diversis rerum modificationibus quae accidentia vocantur. Ex mutationibus accidentalibus, quas unusquisque quotidie in rerum natura experitur, manifeste apparet aliquid idem permanere, stare, sub diversis modificationibus quae in rebus sese succedunt ; v. g., aqua eadem permanens fit calida vel frigida ; conscientia testante, aliquid idem permanet sub diversis modificationibus quae in nobis quotidie habentur. Quod autem sic idem permanet sub diversis modificationibus quae rebus insunt, id quod accidentibus *substat* dicitur *substantia*.

Notio igitur substantiae accipitur secundum oppositionem ad accidentia quae prius a nobis cognoscuntur. Proprium autem est accidentis *inesse subjecto, adhaerere subjecto, ordinem dicere ad aliud tanquam ad subjectum*. Proprium vero erit substantiae *non inesse subjecto, non adhaerere subjecto, ordinem non dicere ad aliud tanquam ad subjectum*.

Secundum rem ergo substantia definiri potest : res seu quidditas, cui convenit esse per se, et non in alio sicut in subjecto.



MICROCOPY RESOLUTION TEST CHART

ANSI and ISO TEST CHART No. 2



4.5
5.0
5.6
6.3
7.1
8.0
9.0
10
11.2
12.5
14.3
16
18
20



APPLIED IMAGE Inc

Two EIGHT Main Street
Rochester, New York 14609 USA
Tel: 716 481 4000
Telex: 288 4000
Fax: 716 481 4000

Dicitur a) *res* seu *quidditas*, nempe realitas quaedam cui aliquis determinatus essendi modus convenit, et in hoc substantia convenit cum accidente.

Dicitur b) *cui convenit esse*, quia *esse* est actualitas cujuslibet rei seu quidditatis, ad quam *res* primum ordinem habet. Substantia igitur non definitur secundum quod ordinem dicit ad operationem vel ad ea quae sunt operationis principia, quia quidem prius est esse quam operari.

Dicitur c) *per se et non in alio ut in subjecto*. Particula *per se* potest significare vel *remotionem causae efficientis*, vel *remotionem subjecti inhaerentiae*. In hac autem definitione *per se* non excludit causam efficientem, sed subjectum inhaerentiae, prout manifeste apparet ex verbis additis, *et non in alio ut in subjecto*, quibus particula *per se* declaratur et determinatur.

302 E contra substantia causam efficientem sui esse supponit, nedum ipsam excludat. Substantia enim substat accidentibus, ideoque supponit aliquod esse accidentale sibi adnexum. Atqui substantia non potest habere illud esse accidentale sibi conjunctum nisi habeat esse distinctum a sua essentia, esse nempe receptum in essentia tanquam in subjecto, ideoque causatum. (1) Si enim in substantia essentia et existentia realiter non distinguuntur, substantia eum existentia identificatur. Existentia autem, cum sit ultima rei actualitas, non potest esse subjectum ulterioris actus, ideoque nihil habere potest sibi conjunctum. (2) Substantia igitur causam efficientem supponit, nedum excludat.

II. Falsae definitiones substantiae.—Juxta Cartesium, substantia definiretur: *res quae ita existit ut nulla alia re indigeat ad existendum*. (3) Substantia autem sic definita excludit causam efficientem, et ideo soli causae primae competit, nempe Deo. Diximus vero substantiam causam efficientem excludere non posse.

(1) Dicitur ideoque causatum, quia id quod habet esse, illud habet a se vel ab alio; non autem habet esse a se, antequam sit nihil potest producere: ergo habet esse causatum ab alio.

(2) Cf. quae dicta sunt p. 305.

(3) *Les principes de la phil.* P. I, s. 51.

Juxta Spinozam (1632-1677), unica datur substantia quae est Deus. Pantheismo igitur accommodavit substantiae definitionem a Cartesio traditam, ita ut substantia dicatur: *id quod est in se, et per se concipitur: hoc est, id cujus conceptus non indiget conceptu alterius rei, a quo formari debeat.*⁽¹⁾ Illa definitio eodem defectu laborat ac definitio Cartesiana: *id enim quod est in se et per se concipitur* excludit causam efficientem.

Juxta Cousin (1792-1867), substantia esset *res nihil relativi claudens in suo esse*. Illa etiam definitio pantheismo favet, excludendo causam efficientem, ideoque unicam admittens substantiam.

Juxta Leibnitz (1646-1716), substantia definitur *ens vi agendi praeditum*. Substantia definiri non potest secundum ordinem ad operationem, vel ad vitam seu virtutem qua agens agit, quia quidem prius est esse quam operari, et insuper, nec operatio nec vis seu virtus qua agens agit sunt quid substantiale. Eadem ratione rejiciuntur definitiones Kantii dicentis substantiam esse *vim*, et Gioberti definientis substantiam, *principium operationis per quam ipsa nihilum negat*. Illa ultima definitio soli Deo conveniret, cum ipse solus habeat operationem nihili negativam, nempe creationem.

Juxta Lokium, *substantia est complexus qualitatum*, quae definitio concordat cum definitione positivistarum juxta quos, substantia est *collectio phenomenorum*. Admittere illas definitiones esset admittere accidentia in subjecto cui inessent: qualitates enim et phenomena accidentia sunt, de quorum natura est ordinem dicere ad aliud tanquam ad subjectum.

Rejicienda est etiam definitio a Rosminio tradita: *substantia est actus quo subsistit aliqua essentia*. Identificatur enim substantia cum existentia.

(1) *Ethic.*, P. I. def. 3.

III. *Ratio essentialis substantiae.*—Notionem substantiae secundum oppositionem ad accidens accepimus, considerando ipsam *substare accidentibus*, ideoque *ordinem non dicere ad aliud tanquam ad subjectum*. Ratio essentialis substantiae constituitur-ne per hoc quod substat accidentibus, vel per hoc quod importat esse per se, nullum ordinem dicens ad aliud tanquam ad subjectum? Ratio essentialis alicujus rei est id quod primo in re concipitur et sese habet ut radix proprietatum quae in re sunt. ⁽¹⁾ Atqui quod primo in substantia concipitur non est sustentare accidentia, sed stare per se sine subjecto. Ergo ratio essentialis substantiae non consistit in hoc quod substat accidentibus, sed in hoc quod ipsi convenit esse per se et non in alio ut in subjecto.

IV. *Substantiae species.*—1° Juxta Aristotelem, substantia dividitur in *primam* et *secundam*.

Substantia prima est individuum, Petrus, Carolus, etc.; definitur *illa quae neque in subjecto est, neque de subjecto praedicatur*. Proprium est substantiae non esse in subjecto, et proprium est individui non esse praedicabile de pluribus.

Substantia secunda est natura universalis; dicitur *illa quae non est in subjecto, sed de subjecto praedicatur*; naturae enim universales, genera scilicet, et species de pluribus subjectis praedicantur. Substantia prima dicitur etiam *physica*, et substantia secunda, *metaphysica*.

2° Substantia est *completa* vel *incompleta*.

Substantia completa est illa quae omnes operationes suae naturae consentaneas per seipsam exercere potest, ac proinde ad conjunctionem cum altera substantia natura sua non ordinatur, v. g.: homo, planta.

Substantia incompleta est illa quae per seipsam omnes operationes suae naturae consentaneas exercere nequit, et

(1) Cf. p. 298.

ideo ad conjunctionem cum altera substantia ordinatur, v. g.: anima humana, anima brutorum.

Substantia incompleta est *incompleta tum in ratione speciei, tum in ratione substantialitatis, vel incompleta in ratione speciei tantum*. *Prima* est illa quae natura sua ordinatur ad aliam substantiam ad efformandum cum ipsa unam specificè naturam, et nullam ex se sola operationem exercere potest, v. g., anima brutorum quae ordinatur ad corpus ut cum ipso unam specificè naturam constituat, et nequit independentè a corpore ullam exercere operationem. *Secunda* est illa quae natura sua ordinatur ad aliam substantiam ut cum ipsa unam specificè naturam constituat, quae tamen per seipsam est principium sufficiens ad exercendas operationes sibi proprias, v. g., anima humana quae ad corpus ordinatur ut unam cum ipso naturam constituat, quae tamen est principium sufficiens ad exercendas independentè a corpore operationes sibi proprias, nempe intelligere et velle.

Sunt igitur substantiae simpliciter *completae*, scilicet tum in ratione substantialitatis, tum in ratione speciei, ut angelus, homo, planta;—sunt substantiae simpliciter *incompletae*, scilicet et ratione substantialitatis et ratione speciei, ut anima brutorum et formae substantiales corporum inferiorum;—sunt tandem substantiae completae et incompletae secundum quid, scilicet completae in ratione substantialitatis et incompletae in ratione speciei, ut sunt^o animae humanae.

3^o Substantia est *simplex* vel *composita*.

Substantia simplex est illa quae ex pluribus substantiis incompletis non constat, v. g.: anima humana, anima brutorum, formae substantiales.

Substantia composita est illa quae ex pluribus substantiis incompletis constat. v. g.: homo, planta.

4^o Substantia alia est *corporea*, alia *materialis*, alia *immaterialis* seu *spiritualis*.

Substantia corporea est illa quae componitur ex materia prima et forma substantiali, seu *vulgo*, illa quae habet trinam dimensionem, v. g. : ferrum, lignum.

Substantia materialis est illa quae pendet a materia tum quoad suum agere tum quoad suum esse, v. g. : anima brutorum. ⁽¹⁾

Substantia immaterialis seu *spiritualis* est illa quae est independens a materia tum in suo agere tum in suo esse, v. g. : anima humana.

V. De realitate substantiarum.—Lokius substantiam definivit, *complexum qualitatum*, quod quidem idem est ac negare substantiarum realitatem. Sensistae igitur nomen retinent substantiae, realitatem denegant. Idem dicendum de positivisticis qui dicunt substantiam *phenomenorum collectionem*, et cum Taine asserunt ideam substantiae esse illusionem psychologiam. ⁽²⁾ Reales autem existere substantias in rerum natura contra ipsos demonstratur.

THESIS.—REALES EXISTUNT SUBSTANTIAE.

1° *Ex testimonio conscientiae*. Unusquisque enim conscientia propria percipit in seipso, aliquam realem dari entitatem quae eadem permanet sub diversis et successivis modificationibus quae fiunt, illam entitatem esse realiter distinctam ab ipsis modificationibus, cum modificationes transeant ipsa eadem permanente; illam esse *subjectum* cui illae modificationes inhaerent, et simul quandoque principium a quo procedunt. Ego enim cogito et volo, et transeuntibus cogitationibus et volitionibus, idem ego sum qui cogitabam et volebam; illae cogitationes et volitiones non sunt *ego*

(1) Substantia materialis proprie distinguitur a substantia corporea, tamen substantia corporea dicitur indiscriminatim, corporea vel materialis.

(2) « Nous croyons qu'il n'y a point de substances, mais seulement des systèmes de faits. Nous regardons l'idée de substance comme une illusion psychologique. » TAINÉ, *le Positivisme anglais*, p. 114.

sed *meae*, quia in me et a me sunt. Ergo conscientia clare testatur realem substantiarum existentiam.

2^o *Ex experientia externa.* Evidenter enim percipimus res extra nos positas, ut sunt color, calor, etc., quae nunquam naturaliter sunt nisi in alio, et alias res ipsis substare quibus quidem tribuuntur: dicimus color domus, calor ignis: res vero quae ipsis substantant nunquam aliis tribuimus, existunt enim in seipsis, eadem permanentes aliis transeuntibus et sibi succedentibus. Ergo ex experientia externa certo et evidenter constat realia dari existentia et reales substantias.

3^o *Ratione.* Realitates existunt in rerum natura. Vel ipsis competit esse per se, et sunt reales substantiae, vel ipsis competit esse in alio; illud aliud vel ipsi competit esse per se et est realis substantia, vel ipsi competit esse in alio; rursus illud aliud vel ipsi competit esse per se et est realis substantia, vel ipsi competit esse in alio. Atqui in infinitum dari non potest talis processus. Ergo deveniendum est ad aliquam realitatem cui competit esse per se et non in alio, et est vera et realis substantia.

DE PRINCIPIO INDIVIDUATIONIS

(15)

I. Status quaestionis.—Substantia prima, de qua agit ontologia, est individua, scilicet objectum ita determinatum ut pluribus convenire non possit; substantia autem est ne individua per seipsam, vel per aliquid realiter a se distinctum? Aliis verbis, id quo substantia est individua seu haec substantia, est-ne ipsa rei essentia seu natura, vel aliquid realiter distinctum ab essentia? Id autem quo substantia fit individua dicitur *principium individuationis*; unde quaestio proponitur utrum in substantiis, principium individuationis sit ipsa essentia seu rei quidditas, vel aliquid realiter distinctum ab ipsa.

II. Diversae philosophorum sententiae.—1° Aureolus, Durandus, Vasquezus, Suarezus, et inter recentiores Lahousse, ⁽¹⁾ docent substantiam esse individua per ipsammet realitatem suam, ideoque principium individuationis ratione tantum ab essentia distingui.

2° Juxta Scotum, substantia fit individua, mediante aliqua proprietate quae non distinguitur ab essentia distinctione reali, sed distinctione formali ex natura rei. Haec

(1) *Praelectiones logicae et ontologiae*. No. 469

autem proprietas qua substantia fit incommunicabilis et *haec* substantia, ab ipso Scoto dicitur *haeccheitas*.

3^o Tertia sententia, quae est Aristotelis, Alberti Magni, S. Thomae et thomistarum, docet principium individuationis in substantiis compositis ex materia et forma esse *materiam signatam*, ideoque realiter ab ipsa essentia distingui; in substantiis vero simplicibus completis, principium individuationis est ipsa forma seu natura, ideoque in ipsis non datur distinctio realis inter essentiam et individuationis principium. Hanc autem sententiam propugnabimus.

III. Individui notio.—*Individuum est id de cujus ratione est quod non possit in pluribus esse ;—id quod est in se indistinctum, ab aliis vero distinctum ;—id quod est in se indivisum, et ab aliis divisum ultima divisione.* Ad rationem individui duo ergo requiruntur : *primo*, ut sit quid *incommunicabile*, non potest in pluribus esse, *secundo*, ut sit quid *distinctum, divisum* ab aliis. Jamvero individuari est fieri incommunicabile, et distinctum seu divisum ab aliis, et *principium individuationis erit id quo substantia fit incommunicabilis, distincta seu divisa ab aliis.*

IV. Sententia S. Thomae demonstratur.

THESIS Ia.—IN SUBSTANTIIS COMPOSITIS EX MATERIA ET FORMA ESSENTIA SEU QUIDDITAS NON INDIVIDUATUR PER SEIPSAM, SED REALITER DISTINGUITUR A PRINCIPIIS IPSAM INDIVIDUANTIBUS. ⁽¹⁾

Sensus propositionis. Cum in hac propositione affirmatur distinctio realis inter naturam et principia individuantia, non ponitur quidem in substantiis compositis realiter existentibus *natura quaedam communis* quae per additum fiat

(1) DE MARIA. *Philosophia prim.*, tract. II, q. III.

singularis et individua; natura enim communis non existit nisi in intellectu secundum quod per abstractionem absolute consideratur. Natura igitur actu existens est individua, sed non est individua *ratione sui*, sed ratione adjuncti, sine quo existere non potest, et a quo mutuatur ut sit incommunicabilis et ab aliis individuis ejusdem speciei distincta.

Demonstratur. Essentia quae individuatur per seipsam non est multiplicabilis in pluribus individuis ejusdem speciei. Atqui essentiae rerum materialium, scilicet, substantiarum quae componuntur ex materia et forma, sunt multiplicabiles in pluribus individuis ejusdem speciei. Ergo essentiae rerum materialium non individuuntur per seipsas, sed realiter differunt a principiis illas individuantibus.

Ad majorem. Principium individuationis est id quo individua fiunt ad invicem distincta. Si igitur natura seu essentia individuatur per seipsam, est id quo individua distinguuntur ad invicem. Atqui quae distinguuntur natura seu essentia differunt specie. Ergo omnia individua specie differunt et non erit nisi unicum individuum cujusque speciei. Essentia igitur quae individuatur per seipsam non est multiplicabilis in pluribus individuis ejusdem speciei.

Unde, dicit S. Thomas :

« Illud quo Socrates est homo multis communicari potest; sed id quo est hic homo non potest communicari nisi uni tantum. Si ergo Socrates per id esset homo, per quod est hic homo, sicut non possunt esse plures Socrates, ita non possent esse plures homines. » (1)

Cum igitur eadem natura multiplicatur in pluribus individuis ejusdem speciei, requiritur ut principium distinctionis seu individuationis non sit ipsa natura seu essentia, sed quid additum essentiae et realiter ab ipsa distinctum.

(1) *Sum. theol.* I p., q. 11, a. 3.

Audiatur S. Thomas : (1)

« In omnibus habentibus formam in materia, natura speciei individuatur per materiam, unde principia individuantia et accidentia individui sunt praeter essentiam speciei. Et ideo contingit sub una specie inveniri plura individua quae licet non differant in *natura* speciei, differunt tamen secundum *principia individuantia*, et propter hoc in omnibus habentibus formam in materia non sunt omnino idem et res et quod quid est ejus. Socrates enim non est sua humanitas. In his autem quae non habent formam in materia, sicut sunt formae simplices nihil potest esse praeter essentiam speciei, quia forma est tota essentia. Et ideo in talibus non plura esse possunt individua unius speciei, nec potest differre res et quod quid est ejus. »

THESIS I. — IN SUBSTANTIIS SIMPLICIBUS COMPLETIS
 ESSENTIA INDIVIDUATUR PER SEIPSAM,
 IDEOQUE NON DATUR DISTINCTIO REALIS
 INTER NATURAM ET PRINCIPIA INDIVIDUANTIA.

Substantiae simplices non componuntur ex materia et forma, sed sunt formae simplices, scilicet, in ipsis praeter formam non datur nisi esse. Atqui proprium est formae constituere speciem, et ratio speciei nihil aliud est nisi ipsa essentia. Ergo in substantiis simplicibus praeter essentiam non datur nisi esse. Atqui esse non potest dici principium individuationis cum nullius distinctionis sit principium. Ergo in istis substantiis essentia individuatur per seipsam, non autem per aliquid ab essentia distinctum. Unde cum diversitas individuorum ab essentia habeatur, non sunt plura individua ejusdem speciei, tot ergo angeli, tot species.

V. De constitutivo principii individuationis. Ex his quae dicta sunt apparet quod in substantiis simplicibus completis essentia individuatur per seipsam, cum illae substantiae

(1) *De Anima*, lib. 3, lect. 8.

sunt formae per se subsistentes. Deus autem, cum sit maxime simplex et ipsum esse per se subsistens, ex seipso individuatur. Sed in substantiis compositis ex materia et forma, in rebus nempe materialibus, essentia non individuatur per seipsam, sed per aliquid additum realiter ab ipsa distinctum. Uterius igitur progrediendo quaerendum est et determinandum quodnam est illud additum? Huic quaestioni S. Thomas respondet: « Si quaeretur quare haec forma differt ab illa, non erit alia ratio, nisi quia est in alia materia signata. Nec invenitur alia ratio, quare haec materia sit divisa ab illa, nisi propter quantitatem. Et ideo materia subjecta dimensionibus intelligitur esse principium hujus diversitatis. »⁽¹⁾

THESIS.—PRINCIPIUM INDIVIDUATIONIS IN SUBSTANTIIS COMPOSITIS EST MATERIA SIGNATA.

a) *Materia signata* est materia secundum quod est sub quantitate dimensionibus. «Materia non quomodolibet accepta est principium individuationis, sed solum materia signata. Et dico materiam signatam, quae sub certis dimensionibus consideratur.»⁽²⁾

b) Definitur individuum: id de cujus ratione est ut non possit in pluribus esse; id quod est indivisum in se, divisum vero ab aliis. Essentia igitur individua est essentia indivisa in se, incommunicabilis, divisa vero a quolibet alio quod est in eadem specie.

Demonstratur. Id vere et proprie est principium individuationis essentiae materialis, a quo illa essentia indivisa in se repetit ut sit incommunicabilis alteri, et divisa a quolibet alio quod est in eadem specie. Atqui in substantiis compositis ex materia et forma, scilicet in substantiis materialibus,

(1) Opusc. in Boet. *De Trin.*, q. 4, a. 2, ad 4.

(2) S. THOMAS, Opusc. *De ente et essentia.* Cap. 2.

essentia hoc repetit a *materia signata*, seu a materia dimensionibus subjecta. Ergo principium individuationis in substantiis compositis est materia signata.

Ad minorem. Forma enim in se indivisa, cum recipitur in materia, fit incommunicabilis, ideoque a materia mutuatur primam conditionem ad individuationem requisitam; quantum ad secundam, quod nempe sit divisa ab aliis, principium individuationis est quantitas dimensioniva. Haec est enim radix omnis divisionis, ita ut nec ipsa materia sit divisibilis sine quantitate, cum quantitas sit accidens extensivum substantiae in partes.

Igitur principium individuationis in substantiis materialibus neque est materia sola, neque quantitas sola, sed materia quae est sub quantitate, ita tamen ut materia dicatur primario individuae substantiam, quantitas autem secundo. Sic prima radix individuationis, in quantum individuum dicit incommunicabilitatem, est materia, sed in quantum dicit distinctionem, divisionem ab aliis, est quantitas dimensioniva. Principium individuationis est igitur materia signata per quantitatem.

VI. Solvuntur difficultates.

Atqui non datur distinctio realis inter essentiam et principia individuantia in substantiis materialibus. Ergo falsa est et rejicienda thesis prima. Probo antecedens.

1^o Essentia quae non individuatur per seipsam est essentia communis. Atqui omnis essentia existens est singularis non autem communis. Ergo omnis essentia realiter existens per seipsam individuatur.

Dist. maj., si absolute consideratur extra subjectum singulare in quo est, *conc.*, prout est in subjecto singulari. *nego.*

Dist. min., omnis essentia existens est singularis ratione sui vel ratione adjuncti, *conc.*, ratione sui tantum, *nego.*

Essentia dicitur communis prout abstracte ab intellectu concipitur extra omne subjectum, et ut sic, non existit nisi in intellectu. Tamen ex hoc quod omnis essentia realiter existens sit singularis, non sequitur ipsam individuari per se; illa enim essentia potest fieri individua per aliquid sibi adjunctum, quocum existit, et a quo realiter distinguitur.

2^o Atqui omnis essentia existens est singularis ratione sui. Ergo.

Quaelibet res est una per suam essentiam. Atqui per idem aliquid est unum et individuum. Ergo omnis essentia est singularis et individua per seipsam.

Dist. maj. est una unitate transcendentali, *conc.*, unitate numerali, *nego.*

Contradist. min., aliquid per idem est unum unitate numerica et individuum, *conc.*, per idem est unum unitate transcendentali et individuum, *nego.*

Praesens difficultas petitur ex eo quod non distinguitur inter duplicem unitatem, inter nempe unitatem transcendentalem quae convertitur eum ente, et unitatem numericam quae est principium numeri. Prima est unitas essentiae, et omnibus entibus convenit; secunda est unitas individui, et proprie non dicitur nisi de substantiis materialibus. Quaelibet res est una per suam essentiam, sed non quaelibet res est individua per se ipsam. Unum enim dicitur indivisionem, unaquaeque essentia est de se indivisa; sed individuum non importat tantum indivisionem, sed incommunicabilitatem et divisionem ab aliis. Unde cum essentia ex se habet quod sit indivisa, incommunicabilis et divisa ab aliis, est per se individua, ut fit in substantiis simplicibus completis; sed eum essentia illam incommunicabilitatem et distinctionem seu divisionem non ex se sed ex aliquo adjuncto recipit, jam non individuatur per seipsam, ut fit in substantiis materialibus.

3^o Atqui omnis res est una unitate transcendentali et numerica per suam essentiam. Ergo.

Quaelibet essentia est una unitate numerica per propriam realitatem. Atqui realitas propria essentiae est ipsa essentia. Ergo omnis essentia est una et individua per seipsam.

Dist. maj. per propriam realitatem, scilicet, per realitatem quae identificatur cum essentia, vel quae ad ipsam pertinet ideoque est propria ejus, *conc.*, per realitatem quae identificatur eum essentia, *nego.*

Contradist. min. realitas propria essentiae, scilicet, id quod eum essentia identificatur, est ipsa essentia, *conc.*, id quod ad ipsam essentiam pertinet ideoque dicitur proprium ejus, *nego.*

4^o Atqui omnis essentia fit individua per realitatem quae identificatur cum ipsa. Ergo.

Individua materialia substantialiter differunt. Atqui nisi essentia per seipsam fiat individua, non substantialiter distinguerentur. Ergo omnis essentia est per seipsam individua.

Dist. maj. Substantialiter, scilicet, essentialiter et specificè, *nego.*, scilicet, non accidentaliter tantum, *conc.*

Contrad. min., non distinguerentur specificè, si sunt ejusdem speciei. *conc.*, distinguerentur accidentaliter tantum, *nego.*

Inter individua materialia ejusdem speciei non datur distinctio accidentaliter tantum sed substantialiter; non tantum enim accidentia Pauli non sunt accidentia Petri, sed nec natura utriusque eadem numero est. Igitur quando dicitur quod individua materialia substantialiter differunt, non significatur quod principium distinctionis seu individuationis sit ipsa essentia, sed quod non tantum differunt accidentaliter sed substantialiter, cum habent naturam numero diversam, quae tamen natura non ex se habet quod sit haec numero natura, sed a materia signata quantitate.

ARTICULUS III

DE SUBSISTENTIA

(16)

I. Status quaestionis.—In substantiis materialibus essentia non est individua et singularis per seipsam, sed median-
tibus principiis individuantibus, a quibus principia quidditativa
realiter distinguuntur. Nunc autem quaeritur utrum essentia
singularis seu individua sit de se substantia completa et
subsistens. Substantia completa et subsistens dicitur *suppo-*
situm vel *persona*, in quantum est principium seu subjectum
quod est et operatur. Unde quaeritur utrum inter essentiam
seu naturam et suppositum sit distinctio realis, vel distinctio
rationis tantum. Ratio hujus quaestionis petitur ex fide
catholica, quae quidem docet Verbum divinum, in Incarna-
tionis mysterio, naturam humanam assumpsisse non autem

suppositum seu personam, ita ut duplex sit in Christo Domino natura, divina scilicet et humana, sed unica persona Verbi in natura humana subsistens. Ad illius quaestionis solutionem, prius declarandum est quid intelligitur et significatur nomine naturae, et quid nomine suppositi.

II. Quid natura.—1° Nomen *naturae* desumptum esse videtur a *nascendo*, et ad significandum generationem viventium primo impositum est, unde *naturale* dicitur id quod est a nativitate. 2° Nomen naturae translatum est ad significandum ipsius generationis principium, quo sensu natura describitur : *principium motus in eo quod est per se et non per accidens*. 3° Nomen naturae impositum est ad significandum id quod est generationis terminus, nempe ipsam essentiam; unde omnis essentia seu quidditas natura dicitur.

Nomen autem naturae prout supposito opponitur, significat ipsam essentiam seu quidditatem substantialem, qua nempe substantia completa et subsistens constituitur in sua specie seu quasi specie, essentiam scilicet, quam significat definitio. Natura igitur sese habet ut pars formalis subsistentis, v. g., natura humana est pars formalis hominis, id quo homo in specie constituitur. Cum autem operatio sequitur esse, id quo subsistens habet esse specificum, est simul *principium quo* habet operationes huic speciei consentaneas : unde natura dicitur pars formalis suppositi seu subjecti subsistentis, et *principium quo* operationis.

III. Quid suppositum et persona.—Suppositum, a Boetio⁽¹⁾ definitur : *Naturae completae individua substantia*. Ad rationem suppositi requiritur :

1° Ut sit *substantia* ; accidens non potest esse suppositum.

(1) « Boèce, philosophe chrétien, né à Rome, et mort à Pavie (vers 470-526) fréquenta les écoles d'Athènes. Son culte a été reconnu par Pie X (22 juin 1904) et sa fête fixée au 21 juillet... Plusieurs de ses définitions devinrent classiques... » ELIE BLANC, *Dict. de Phil.*, ad verbum Boèce.

2° Ut substantia illa sit *individua* ; igitur substantiae secundae quae sunt naturae universales non sunt supposita.

3° Ut illa substantia sit *incommunicabilis* ; incommunicabilitas est de ratione individui.

4° Ut sit illa substantia *completa*, nam dicitur *naturae completae*, ideoque pars substantiae, sive quidditativa ut anima, sive integrans ut manus, non est suppositum.

5° Ut illa substantia sit *subsistens*, nam substantia dicitur absolute completa dum subsistit, scilicet, dum est subjectum ipsius actus essendi seu existendi, ideoque subjectum omnium operationum, nempe *id quod est et id quod agit*.

Suppositum igitur, ut ex his facile constat, triplicem importat incommunicabilitatem, excludit nempe : communicabilitatem naturae universalis pluribus individuis, in quantum est *substantia individua* ; communicabilitatem partis toto, in quantum dicitur *natura completa* ; communicabilitatem assumptionis ab altero supposito, in quantum est *substantia subsistens*, nempe natura propria subsistentia terminata, ita ut non possit terminari ab alia subsistentia.

Suppositum, diximus, est subjectum actus existendi et omnium operationum, est *id quod est et id quod operatur*. Quemadmodum igitur natura est *id quo* aliquid est in determinata specie, et *principium quo* operationum, ita suppositum est *id quod est et principium quod* omnium operationum, unde axioma : *Actiones sunt suppositorum*.

Persona nihil aliud est quam suppositum rationale, unde a Boetio definitur : *rationalis naturae individua substantia*. Suppositum dicitur ergo de omnibus entibus, persona de entibus rationalibus tantum.

IV. Philosophorum sententiae.—Ex praedefinitis conceptibus tum naturae, tum suppositi, facile apparet distinctionem saltem rationis inter utrumque haberi. Omnes philosophi hac in re concordant, sed circa distinctionem realem admitendam inter naturam et suppositum dividuntur. Alii, ut

Henricus Gandavensis (XIII^e saec.), nullam admittunt distinctionem realem, sed rationis tantum. Alii, ut Scotus et Scotistae, dicunt suppositum distingui a natura, quia suppositum addit naturae aliquid negativum, negationem scilicet actualis dependentiae a subsistentia superiori, ideoque inter utrumque intercedere non distinctionem realem, vel rationis tantum, sed distinctionem formalem ex natura rei. Alii, ut S. Thomas et Thomistae, affirmant distinctionem realem inter naturam et suppositum, quia suppositum addit naturae aliquid positivum realiter a natura distinctum. Ex his tamen quidam, ut De Maria et Billot, dicunt suppositum addere aliquid positivum naturae, sed extrinsecum, scilicet addere esse; alii autem, ut Cajetanus, et inter recentiores Satolli, Paquet, Lepicier, Villafranca, docent suppositum addere naturae aliquid reale, positivum, intrinsecum, constitutivum suppositi, nempe *subsistentiam*, realitatem distinctam tum a natura singulari, tum ab existentia seu esse.

V. *Distinctio realis inter naturam et suppositum vindicatur.*—Primo demonstrabimus sententiam thomisticam de distinctione reali inter naturam et suppositum, abstractione facta ab hac ulteriori quaestione, utrum scilicet, suppositum addat naturae aliquid positivum intrinsecum vel extrinsecum tantum. Sit igitur:

THESIS.—IN REBUS CREATIS DATUR REALIS DISTINCTIO INTER NATURAM ET SUPPOSITUM.

Explicatur sensus propositionis. 1^o Dicitur in rebus creatis, quia in Deo, cum Deus sit ens simplicissimum, nulla potest dari distinctio realis sed rationis tantum.

2^o Distinctio realis potest verificari multipliciter: habetur enim vel inter duas res subsistentes, ut inter duos homines; vel inter duas res quarum una nihil est alterius, licet sint eadem subjecto, ut albedo et dulcedo in saccharo;

vel inter duas res quarum una includit aliam et aliquid aliud ipsi superaddit, ut inter partem et totum, inter animam et hominem. Cum autem affirmatur distinctio realis inter naturam et suppositum, non affirmatur quod natura et suppositum distinguuntur ut duo subsistentia, nec ut duae res quarum una nihil est alterius, sed sicut duae res quarum una continet aliam et aliquid aliud ipsi superaddit.

3^o Cum persona nihil aliud sit ac suppositum in naturis rationalibus, distinctio realis quae affirmatur inter naturam et suppositum, affirmatur eadem inter naturam et personam.

Demonstratur. Realis distinctio affirmanda est inter duo quorum unum continet alterum et aliquid reale ipsi superaddit. Atqui in omnibus rebus creatis, suppositum continet naturam et aliquid reale ipsi superaddit. Ergo in rebus creatis datur distinctio realis inter naturam et suppositum.

Major clara est ex his quae jam exposita sunt.

Ad minorem. 1^o *In rebus materialibus, suppositum continet naturam et ipsi aliquid reale superaddit.* Etenim natura hic nihil aliud importat nisi ipsam essentiam, seu principia quidditativa; suppositum vero cum sit substantia individua et completa, complectitur non tantum principia quidditativa, sed omne id quod ad ipsam substantiam seu naturam pertinet, nempe suppositum continet naturam tanquam partem formalem, et ipsi superaddit principia individuantia, existentiam et accidentia, quae realiter a natura seu essentia distinguuntur. Ergo in rebus materialibus suppositum continet naturam et aliquid reale ipsi superaddit.

« Contingit in quibusdam rebus subsistentibus inveniri aliquid, quod non pertinet ad rationem speciei, sicut accidentia et principia individuantia, sicut maxime apparet ex his quae sunt ex materia et forma composita et ideo in talibus etiam *secundum rem* differunt natura et suppositum, nec nisi omnino aliqua separata, sed quia in supposito includitur ipsa natura speciei et superadduntur quaedam alia, quae sunt praeter rationem speciei: unde suppositum significatur ut totum habens naturam partem formalem et perfectivam sui, et propter hoc in compositis ex materia et forma natura

non praedicatur de supposito; non enim dicimus quod hic homo sit sua humanitas. »⁽¹⁾

2^o In substantiis simplicibus completis, suppositum continet naturam et aliquid reale ipsi superaddit. In substantiis simplicibus completis natura individuatur per seipsam, unde suppositum non addit naturae principia individuantia tanquam aliquid realiter ab ipsa distinctum; sed cum in istis substantiis, existentia realiter distinguatur ab essentia, suppositum includens naturam et existentiam, aliquid reale ipsi naturae per se individuae superaddit. Ergo in omnibus rebus creatis suppositum continet naturam et aliquid reale ipsi superaddit, ideoque in rebus creatis datur distinctio realis inter naturam et suppositum.

VI. De subsistentia.—Natura ut *natura* dicit principia quidditativa, ut *singularis*, addit principia individuantia, ut *subsistens* seu ut suppositum, natura enim *subsistens* et *suppositum* sunt unum et idem,⁽²⁾ addit *subsistentiam*. Subsistentia igitur est id quo natura singularis fit subsistens et suppositum.

Subsistentia autem definitur: *terminus ultimus et purus naturae substantiae*⁽³⁾; est igitur aliquid substantiale, quia ipsam naturam terminat in linea substantiae. In entibus rationalibus, subsistentia dicitur *personalitas*, sicuti in ipsis suppositum vocatur persona.

Subsistentia autem est quid positivum ipsi naturae singulari additum, cum quidem demonstravimus suppositum aliquid reale ipsi naturae singulari superaddere; sed est-ne quid intrinsecum vel extrinsecum supposito? Non consentiunt philosophi, ut diximus.

(1) S. THOMAS, *Sum. theol.*, 3 p., q. 2, a. 2.

(2) Natura singularis quandoque dicitur suppositum, sed in hoc casu suppositum non formaliter et adaequate accipitur.

(3) CAJETANUS, in III partem, q. 4, a. 2.

Quidam tenent subsistentiam esse ipsum actum essendi seu existentiam, ideoque esse quid extrinsecum supposito, cum suppositum dicitur subjectum actus essendi. Alii autem affirmant subsistentiam esse realitatem quamdam naturae singulari additam, qua ista natura constituitur subjectum actus essendi, ideoque subsistentiam esse quid positivum, intrinsecum supposito, aliquid realiter distinctum tum a natura singulari, tum ab existentia. Haec ultima sententia quam exponit Cajetanus (in tertiam Partem, quaest. 4, a. 2) nobis magis arridet; sit igitur:

THESIS.—SUBSISTENTIA EST QUID REALITER DISTINCTUM TUM A NATURA SINGULARI TUM AB EXISTENTIA, IDEOQUE SUPPOSITUM NATURAE SINGULARI SUPERADDIT ALIQUID POSITIVUM INTRINSECUM.

Suppositum est subjectum actus existendi, quod naturae singulari ut sic convenire non potest. Atqui hoc de supposito affirmari nequit, nisi admittatur in ipso subsistentia ut aliqua realitas intrinseca, distincta et a natura singulari et ab existentia. Ergo subsistentia est quid realiter distinctum tum a natura singulari, tum ab existentia.

Ad majorem. «Esse proprie et vere non attribuitur nisi rei per se subsistenti;» ⁽¹⁾ etenim natura non importat esse, nisi ut subsistens, seu ut suppositum: ut natura importat principia quidditativa, nihil aliud; ut singularis, natura addit principia individuantia non autem esse. Ergo suppositum seu natura subsistens est proprium subjectum actus existendi, quod naturae singulari ut sic non convenit.

Ad minorem. Constitutivum subjecti ad hoc quod per se primo sit susceptivum alicujus realitatis, oportet esse .

(1) S. THOMAS, Quodlib. 9, a. 3.

aliquid reale, realiter distinctum ab eo cui illa realitas convenire non potest, quid positivum et intrinsecum. Potentia enim et actus sunt in eodem ordine; si actus sit quid reale, et ipsa potentia quaedam realitas esse debet. Atqui in hoc differt natura singularis seu individua a supposito, quod suppositum claudit in se aliquid quod est per se primo susceptivum alicujus realitatis, nempe actus existendi, quod quidem naturae singulari non convenit. Ergo suppositum super naturam singularem addit aliquid reale, positivum et intrinsecum, nempe subsistentiam, qua mediante natura singularis fit susceptiva actus existendi. ⁽¹⁾

VII. Constitutiva suppositi.—«Est ergo ratio personae, quod sit subsistens, et omnia comprehendens quae in re sunt.» ⁽²⁾ Suppositum omnia complectitur quae in re sunt, sed non omnia sunt constitutiva suppositi. Suppositum continet principia quidditativa, principia individuantia et subsistentiam, tanquam constitutiva et intrinseca principia, existentiam, accidentia et operationes, tanquam elementa extrinseca; sed inter elementa intrinseca, proprium constitutivum suppositi est subsistentia.

VIII. Falsae personae definitiones.—Suppositum seu persona est quid substantiale, rejicienda est ergo quaecumque definitio, quae aliquid accidentale ut personae constitutivum supponeret. Hac ratione, non sunt admittendae definitiones ipsius Gunther: persona est *natura sui conscia*; Cousin: *voluntas est ipsum esse personae*; Lockii dicentis personam *memoria et conscientia constitutam*; Cartesii: *persona est id quod cogitat*. Propositio illa Cartesii secundum se est vera, sed non potest admitti ut definitio personae. Persona enim est principium quod operationis, sed aliunde definiendum est, ut sciatur de ipsa quid sit.

(1) Cf. SATOLLI, *De Incarnatione Verbi*, quaest. XVII,

(2) S. THOMAS, III *Sent.*, dist. 5, q. 1, a. 3.

CAPUT SECUNDUM

DE ACCIDENTIBUS

Prologus.—Habito sermone de substantia, jam progrediendum est ad accidentium considerationem. Accidentia autem considerari possunt vel *in genere*, vel *in specie*, scilicet secundum novem ipsorum genera, de quibus in specie agemus, exceptis situ et habitu, cum de ipsis sufficiant quae jam dicta sunt in logica; unde hic erit ordo materiae hujus capitis secundi.

DE ACCIDENTIBUS

- I. De accidentibus in genere
 - Accidentis notio
 - Accidentis species : absolutum, modale
 - Accidentia realiter distinguuntur a substantia.
 - Non repugnat accidentia absoluta, virtute divina, existere sine subjecto.
 - Difficultatum solutio
 - Notio
- II. De quantitate
 - Proprietates
 - Extensio partium in ipsa substantia
 - “ “ “ ordine ad locum
 - Ineompenetrabilitas
 - Divisibilitas
 - Mensurabilitas
 - Ratio essentialis quantitatis consistit in extensione partium in ordine ad ipsam substantiam.
 - Species
 - Quantitas dimensiva
 - Continua
 - Discreta
 - Quantitas virtutis
 - Permanens
 - Successiva
 - Quantitas realiter distinguitur a substantia corporea.

| | | |
|---------------------------|--|---|
| | Notia | |
| | Proprietates | { Habere contrarium
Suseipere magis et minus
Esse fundamentum similitudinis |
| | Species | { Habitus et dispositio
Potentia et impotentia
Passio et patibilis qualitas
Forma et figura |
| III. De qualitate | | |
| | De habitu | { Notio
Species { Entitativus, operativus
Supernaturalis, naturalis
Bonus, malus
Subjectum
Origo |
| | De potentia et impotentia | |
| | De passione et patibili qualitate | |
| | De forma et figura | |
| | Notio | |
| | Elementa | { Subjectum
Terminus
Fundamentum |
| IV. De relatione | Species | { Realis, logica
Transcendentalis, praedicamentalis
Mutua, mixta |
| | | Reales habentur relationes in rebus creatis.
Relatio praedicamentalis realiter differt a suo fundamento.
Corollaria |
| | Actionis notio | |
| | Actionis species | { Creatio, effectio
Immanens, transiens
Instantanea, successiva |
| V. De actione et passione | Passionis notio | |
| | Motus notio | |
| | Motus species | { Motus localis
Alteratio
Augmentum et decrementum |
| | Axiomata | |
| | Loci notio | { Circumscriptive
Informative |
| | Diversi modi essendi in loco | { Operative { Definitive
Incircumscriptive
Sacramentaliter |
| VI. De ubi seu de loco | Idem corpus non potest esse in pluribus locis circumscriptive. | |
| | Duo corpora non possunt naturaliter esse simul in eodem loco. | |
| | Spatii notio | |
| | Spatii species | { Reale
Ideale
Imaginarium |

| | | | | |
|----------------------------------|-----------------------|-------------------|-------------|-------------|
| VII. De quando
seu de tempore | } | Temporis notio | | |
| | | Temporis species | Reale { | Intrinsecum |
| | | | | Extrinsecum |
| | | Æternitatis notio | Ideale | |
| | | | Imaginarium | |
| Æternitatis species | Absoluta, participata | | | |
| Triplex durationis species | Positiva, negativa | | | |
| | Æternitas | | | |
| | Tempus | | | |
| | Ævum | | | |

ARTICULUS I

DE ACCIDENTIBUS IN GENERE.

(17)

I. Accidentis notio.—*Secundum nomen*, accidens dicitur ab *accidere*; est id quod accidit alicui subjecto. *Secundum rem* vero definitur *accidens*: *res seu quidditas cui convenit non esse per se, sed in alio ut in subjecto*. Accidens praedicamentale, de quo nunc agitur, distinguitur contra substantiam. Ut jam diximus loquendo de substantia, quaedam sunt quae semper in alio inveniuntur, ut sunt color et calor, operatio, motus, etc., et de alio praedicantur. Ipsis non convenit esse per se, sed in alio ut in subjecto, et quia ipsis subjectis accidunt, accidentia dicuntur. Inhaerentia tamen actualis subjecto non est de definitione accidentis, quia non est id quod primo in re concipitur, ut dicemus infra, ideoque de definitione accidentis ponitur aptitudo ad inhaerendum subjecto, definitur nempe accidens, non *ens in alio*, sed *res cui convenit esse in alio ut in subjecto*.

II. Accidentis species.—Accidens dividitur in *absolutum* et *modale*.

Accidens absolutum est illud quod novam confert entitatem ipsi substantiae cui inhaeret, v. g.: *quantitas, calor*.

Accidens modale est illud quod vix entitatem, sed potius modum essendi entitatis designat, v. g. : curvitas lineae, celeritas motus, intensitas caloris,

III De distinctione accidentis a substantia.—**Status quaestionis.** Accidens est idem subjecto ac substantia, cum ipsi substantiae inhaereat, et aliquid unum cum ipsa constituat. Non est tamen accidens idem conceptu ac substantia, cum alius sit conceptus substantiae et alius conceptus accidentis ; ideo accidens et substantia ratione distinguuntur. Illi autem conceptus sunt-ne unius ejusdem realitatis, vel utrum alia sit realitas substantiae et alia realitas accidentis ? Quaestio proponitur ergo de distinctione reali inter accidens et substantiam. Cartesius et cartesiani distinctionem realem negant, quam S. Thomas et scholastici affirmant. Sit igitur :

THESIS.—**ACCIDENTIA REALITER DISTINGUUNTUR A SUBSTANTIA.**

1° Quaelibet substantia creata mutabilis est, eadem manente ejus essentia. Atqui nulla realis mutatio hujusmodi haberi potest, nisi admittatur distinctio realis inter substantiam et accidentia. Ergo in rebus creatis, accidentia realiter distinguuntur a substantia.

Major ex experientia quotidiana constat. *Ad minorem.* In omni enim mutatione, distinguere est duos terminos, et transitum subjecti ab uno in alium terminum. Atqui transitus ille fieri nequit, quin subjectum aliquid amittat vel acquirat in uno vel in altero termino. « Omne quod movetur, inquit S. Thomas, quantum ad aliquid manet et quantum ad aliquid transit. »⁽¹⁾ Ergo nulla potest fieri realis mutatio substantiae, quin aliquid reale amittat vel acquirat. Atqui

(1) *Sum. theol.*, p. I, q. 9, a. 1.

eadem manente essentia, substantia non mutatur nisi secundum accidentia. Ergo accidentia sunt quid realiter distinctum a substantia.

2^o Ea quae sunt ad invicem realiter separabilia, etiam ante separationem sunt inter se realiter distincta. Atqui substantia est realiter separabilis ab accidentibus, anima realiter separabilis est a tristitia, aliter esset semper tristis, ferrum separabile est a calore, aliter non posset fieri frigidum. Ergo substantia realiter distinguitur ab accidentibus.

IV. De existentia accidentium sine subjecto. — Status quaestionis. Accidentia et substantia realiter in rebus creatis distinguuntur, sed non est de ratione distinctionis realis quod realiter distincta possint existere separatim. Unde demonstrata distinctione reali inter substantiam et accidens, quaeritur de possibilitate existentiae accidentium sine substantia. Haec quaestio maxime interest, cum fides catholica doceat, in Sanctissimo Eucharistiae sacramento, praesentiam realem Christi Domini sub *speciebus* panis et vini, quae manent post conversionem totalem substantiae panis et vini in substantiam corporis et sanguinis Christi. Ad cuius solutionem notare est:

1^o Quaeritur utrum accidentia possint existere sine subjecto, scilicet sine substantia cui inhaerent.

2^o Qui autem distinctionem realem denegant inter substantiam et accidentia, ut sunt Cartesiani, qui vero actionem Dei supernaturalem admittere nolunt, ut sunt Rationalistae, affirmant accidentia sine subjecto connaturali existere non posse.

3^o Accidentia modalia, et accidentia quae non tantum ut accidentia, sed ut talia accidentia, subjectum requirunt, non possunt sine subjecto existere, v. g., curvitas non potest existere sine subjecto curvo; celeritas separata a motu, cogitatio separata a cogitante, existere minime possunt.

4^o Accidentia autem absoluta realiter distincta a substantia, secundum scholasticos, licet ordinem naturalem dicant ad subjectum connaturale, ideoque non possint naturaliter existere sine tali subjecto, possunt tamen in modo supernaturali et per miraculum, a substantia separari et sine subjecto connaturali existere. Sit igitur:

THESIS.—NON REPUGNAT ACCIDENTIA ABSOLUTA, VIRTUTE DIVINA, EXISTERE SINE SUBJECTO.

1^o Ratio essentialis accidentis non consistit in actuali inhaerentia in subjecto, sed in absentia virtutis propriae ad se sustentandum, ratione cuius indiget subjecto. Atqui illa virtus qua indiget accidens, et quae naturaliter a substantia suppeditatur, potest a Deo suppleri. Ergo non repugnat accidentia virtute divina existere sine subjecto.

Ad maiorem. Ratio enim essentialis unius cuiusque rei est id quod primo in re concipitur, et est ratio explicativa omnium proprietatum quae in re inveniuntur. Atqui id quod primo in accidente concipitur, et est ratio explicativa proprietatum ejus, non est actualis inhaerentia subjecto, sed absentia virtutis propriae ad se sustentandum, unde requirit subjectum ab ipso repetens virtutem qua sustentetur. Etenim si quaeratur cur accidens requirit subjectum, respondetur, quia non habet virtutem sese sustentandi, unde mutuatur virtutem subjecti.

Ad minorem. Non est enim deneganda Deo, primae causae, virtutem quam ipse dedit substantiae.

2^o Deus potest conservare effectus causarum secundarum sine ipsis causis secundis. Effectus enim magis dependet a causa prima quam a secunda. Atqui accidens absolutum sese habet ad substantiam, sicut effectus ad causam secundam sive efficientem sive materialem. Ergo Deus potest conservare accidentia separata a substantia.

3^o Id tantum omnipotentiae Dei impossibile est quod implicat contradictionem. Atqui nulla implicatur contradictio in hoc quod remaneant accidentia absoluta sine subjecto. Ergo virtute divina, accidentia in esse conservari possunt sine subjecto.

Ad minorem. Contradictio autem repeti non posset nisi: vel ex identitate accidentium et substantiae, vel ex essentiali inhaerentia actuali accidentis subjecto, vel ex defectu virtutis sustentantis accidentia sine subjecto. Atqui demonstravimus distinctionem realem adesse inter substantiam et accidentia, et inhaerentiam non actualem sed aptitudinalem esse de essentia accidentis; virtus autem divina supplet virtutem subjecti. Nulla igitur contradictio datur in hoc quod remaneant accidentia in esse separata a substantia.

V. Solvuntur difficultates.

Atqui accidens sine subjecto repugnat. Ergo falsa thesis. Probo antecedens:

1^o Accidens definitur *ens in alio*. Atqui ens in alio nequit esse sine subjecto. Ergo accidens sine subjecto repugnat.

Dist. maj. Accidens definitur *ens in alio*, definitione essentiali, *nego*; definitione descriptiva, *conc.* *Transeat minor, et nego cons.*

Definitio alia est essentialis, quae fit per principia essentiae constitutiva, alia descriptiva, quae fit per ea quae essentiae superadduntur. Constitutum essentiae accidentis non sistit in actuali inhaerentia subjecto, ut diximus, ideoque definitio *ens in alio* quae talem inhaerentiam importat non est essentialis sed descriptiva.

2^o Atqui accidens est essentialiter ens in alio. Ergo.

Accidens naturalem dicit ordinem ad substantiam. Atqui quod naturalem dicit ordinem ad substantiam est essentialiter ens in alio. Ergo accidens est essentialiter ens in alio, ideoque sine subjecto existere nequit.

Dist. maj. Accidens dicit naturalem ordinem ad substantiam tanquam ad subjectum ad quod aptitudinem dicit, *conc.*, tanquam ad subjectum actualis inhaerentiae, *subdist.*: essentialiter, *nego*, secundum ordinationem naturalem, *conc.*

Contrad. min. Quod importat aptitudinem ad substantiam est essentialiter ens in alio, *nego*; quod importat actualem inhaerentiam ad substantiam, *conc.*

Vox *naturalis* potest plura significare, designat enim: quod est a nativitate, sic caecitas dicitur naturalis caeco nato;—quod est alievi essentielle, sic rationalitas dicitur homini naturalis;—quod ab essentia necessario dimanat, sic risibilitas est naturalis homini;—id ad quod sese extendit quaecumque virtus naturalis, sic operatio, effectus, finis proportionatus eujuseumque naturae ereatae, dicuntur quid naturale; et quia in rerum natura, agentia ereata uniformiter agunt, id quod fit secundum consuetum rerum ordinem dicitur etiam naturale. Igitur quando affirmatur: accidens importat ordinem naturalem ad substantiam, non necessario intelligitur iste ordo ut relatio quaedam actualis et essentialis. Ratio essentialis accidentis sistit in hoc quod non habeat virtutem sese sustinendi, ideoque indigeat virtute aliena. Ista autem virtus secundum consuetum ordinem rerum suppeditatur a substantia, unde dicitur accidens naturalem ordinem dicere ad substantiam.

3^o Atqui accidens dicit ordinem essentialem ad substantiam tanquam ad subiectum actualis inhaerentiae. Ergo.

Accidens actu existens et non inhaerens subiecto haberet esse per se. Atqui habere esse per se competit substantiae et non accidenti. Ergo accidens importat actualem inhaerentiam subiecto.

Dist. maj. naturaliter, *nego*, supernaturaliter, *conc.*

Dist. min. Esse per se naturaliter, competit substantiae, *conc.*, supernaturaliter esse per se non potest accidenti competere, *nego*.

Accidens existens sine subiecto est semper accidens et non substantia, quia licet actu sit sine subiecto, tamen hoc ipsi competit per miraculum. Semper de ipso verificatur definitio accidentis, quod est res seu quidditas cui (naturaliter) competit non esse per se, sed in alio ut in subiecto.

4^o Atqui esse per se nec per miraculum ipsi accidenti competere potest.

Esse actu sine subiecto accidenti convenire non potest nisi Deus munere substantiae fungatur respectu ipsius. Atqui repugnat Deum munere fungi substantiae. Ergo etiam per miraculum non potest convenire accidenti esse actu sine subiecto.

Dist. maj. Nisi Deus munere substantiae fungatur, scilicet, nisi Deus sit subiectum accidentis, *nego*, scilicet, nisi Deus effieienter suppleat virtutem substantiae, *conc.*

Contrad. min. Repugnat Deum esse subiectum accidentis, *conc.*; repugnat Deum effieienter supplere virtutem substantiae, *nego*.

Substantia est subjectum accidentis ipsi praebens virtutem qua sustentatur. Deus autem non potest esse subjectum accidentis, hoc enim compositionem importaret; nec quidem hoc requiritur ut accidens sit sine subjecto, quia Deus potest supplere virtutem substantiae efficienter, tribuens accidenti virtutem qua mediante existat ad modum substantiae.

5^o Atqui Deus deberet fungi munere subjecti. Ergo.

Accidens individuatur subjecto. Atqui accidens existens sine connaturali subjecto deberet individuari. Ergo Deus deberet fungi munere subjecti accidentis.

Dist. maj. Accidens individuatur in quantum recipitur in subjecto, *conc.*; nec potest remanere individuatio post separationem per ordinem ad ipsum, *subdist.* naturaliter, *conc.*, praeternaturaliter, *nego.* *Conc. min.* et *nego conseq.*

Forma accidentalis sicut forma substantialis individuatur subjecto in quo recipitur; tamen non repugnat formam jam individuatam individuationem servare a subjecto separatam, secundum quod retinet ordinem ad subjectum in quo fuit. Sic anima humana remanet individua post separationem a corpore, in quantum ordinem retinet ad tale corpus. Item dicendum de accidentibus quae virtute divina existunt separata a proprio subjecto.

ARTICULUS II

DE QUANTITATE

(18)

I. Quantitatis notio.—*Quantitas est accidens extensivum substantiae corporeae in partes.* Quantitas est accidens non autem substantia; est accidens *substantiae corporeae*, quia substantia incorporea seu spiritualis quantitatem proprie non habet; est accidens *extensivum* substantiae *in partes*, quia licet substantia corporea sit de se composita ex forma et materia, ideoque partes essentielles habeat, tamen partes integrantes et quantitativas non habet nisi a quantitate.

II. **Quantitatis proprietates.**—Quinque sunt quantitatis proprietates : 1° *Extensio partium in ipsa substantia*, ita ut una distinguatur ab alia et sit secundum ordinem disposita ; —2° *extensio partium in ordine ad locum*, ita ut quaecumque pars determinatum locum habeat ;—3° *incompenetrabilitas*, vi cujus una pars excludit a suo loco aliam partem ;—4° *divisibilitas*, vi cujus partes separari possunt ; 5° *mensurabilitas*, qua partes numerari possunt, et qua quantitas fit aequalitatis et inaequalitatis fundamentum.

III. **De ratione formali quantitatis.**—Quinque sunt proprietates quantitatis, sed quaenam ex hisce proprietatibus sese habet ut formaliter constitutiva ipsius ? Quidam dicunt essentiam quantitatis in divisibilitate consistere ; alii ipsam reponunt in extensione actuali partium per ordinem ad locum ; S. Thomas quantitatem definiens *ordo partium in toto*,⁽¹⁾ docet quantitatem essentialiter constitui extensione partium secundum ordinem ad ipsam substantiam. Sit igitur :

THESIS.—RATIO ESSENTIALIS QUANTITATIS CONSISTIT IN EXTENSIONE PARTIUM IN ORDINE AD IPSAM SUBSTANTIAM. B

Constitutivum essentiae est id quod primo in re concipitur, et est ratio explicativa omnium aliarum proprietatum. Atqui id quod primo in quantitate concipitur, et est ratio explicativa aliarum proprietatum est extensio partium in ordine ad ipsam substantiam. Ergo ratio formalis seu essentialis ipsius quantitatis est extensio partium in ipsa substantia, seu *ordo partium in toto*.

Ad minorem. Ut facile quidem intelligitur, prius est substantiam habere partes in se, quam extendere partes in loco, et ideo substantia corporea partes extendit in loco,

(1) *Cont. Gent.* lib. 4, c. 65.

incompenetrabilis, divisibilis et mensurabilis est, quia in se habet partes. Igitur id quod primo in quantitate concipitur, et est ratio explicativa aliarum proprietatum est extensio partium in ordine ad ipsam substantiam.

IV. *Quantitatis species.* — 1° *Quantitas* alia est *proprie dicta*, alia *metaphorice* accepta.

Prima est *quantitas corporea* seu *dimensiona* quae dicitur de rebus materialibus ; secunda est *quantitas virtutis*, quae secundum metaphoram transfertur ad significandum gradum perfectionis rerum immaterialium.

2° *Quantitas dimensiona* dividitur in *continuam* et *discretam*.

Quantitas continua ⁽¹⁾ est illa quarum partes sunt unitae ; dicitur *magnitudo*, v. g. : *quantitas arboris, lapidis*.

Quantitas discreta est illa quarum partes sunt separatae, dicitur *multitudo* seu *numerus*, v. g. : *quantitas arenae maris, acervi lapidum*.

3° *Quantitas continua* dividitur in *permanentem* et *successivam*.

Quantitas permanens est illa cujus partes existunt simul v. g. : *quantitas ferri, lapidis*.

Quantitas successiva est illa cujus partes simul non existunt, sed sibi succedunt, v. g. : *quantitas temporis, motus, orationis*.

V. *De distinctione quantitatis a substantia.* — Agitur quidem non de distinctione rationis, sed de distinctione reali inter substantiam corpoream et quantitatem. Cum jam demonstravimus accidentia realiter distingui a substantia, videtur ista quaestio jam soluta ; tamen propterea quod Cartesius posuerit extensionem seu quantitatem constituere

(1) Continua sunt illa quorum ultima sunt unum. Contigua illa quorum ultima sese tangunt.

ipsam essentiam corporum, ideoque denegaverit distinctionem realem inter utrumque, cui sententiae subscribunt post Nominales Lockius et Sensistae, specialis instituitur demonstratio sententiae thomisticae, de reali distinctione quantitatis a substantia corporea. Sit igitur:

10
THESIS.—QUANTITAS REALITER DISTINGUITUR A SUBSTANTIA CORPOREA.

1° Substantia corporea est ex se indifferens ad determinatam extensionem, salvatur enim in majori vel minori extensione. Atqui subjectum de se indifferens ad aliquid non potest illud habere nisi a principio extrinseco. Ergo substantia corporea determinatam dimensionem habet a principio extrinseco, realiter proinde a se distincto. Atqui illud principium nihil aliud est nisi ipsa quantitas substantiam extendens in partes dimensionivas. Ergo quantitas realiter distinguitur a substantia corporea.

2° Substantia corporea est tota in toto et tota in singulis partibus, v. g., substantia aquae est tota in massa aquae, et tota in singulis guttulis, substantia panis est tota in toto pane, et tota in minima panis parte. Atqui quantitas est tota in toto, sed non est tota in singulis partibus. Ergo quantitas realiter distinguitur a substantia corporea.

DE QUALITATE

(19)

I. *Qualitatis notio.*—*Latissimo sensu*, qualitas dicitur quidquid praedicatur de aliquo *in quale*, sive sit substantia, sive sit accidens.

Latori sensu, qualitas dicitur quidlibet genus accidentium quae de substantia praedicantur.

Stricto sensu, definitur *qualitas* : *accidens modificativum seu dispositivum substantiae in seipsa vel in ordine ad operationem.*

Qualitatis proprietates.—Triplex datur qualitatis proprietas : 1^o *habere contrarium*, scilicet aliquam qualitatem sibi privative vel positive oppositam, v. g. : virtus et vitium, scientia et ignorantia, sanitas et infirmitas contrarie opponuntur ; 2^o *suscipere magis et minus*, qualitas enim in majori vel minori gradu in subjecto esse potest, intensionem vel remissionem admittit, v. g. homo est magis vel minus doctus ;—3^o *esse fundamentum similitudinis vel dissimilitudinis*, similia enim proprie dicuntur quae in eadem qualitate conveniunt.

III. *Qualitatis species.*—Quadruplex datur qualitatis species : 1^o *habitus et dispositio* ; 2^o *potentia et impotentia* ; 3^o *passio et patibilis qualitas* ; 4^o *forma et figura.*

IV. De habitu et dispositione.—a) **Habitus notio.**—*Habitus est qualitas secundum quam bene vel male disponitur subjectum aut in seipso aut in ordine ad operationem, v. g.: virtus et vitium. Si autem illa qualitas firmiter inhaereat subjecto ita ut sit ab ipso difficile mobilis, dicitur habitus; si vero illa qualitas facile a subjecto removeatur, dicitur tantum dispositio.*

b) **Habitus species.**—1° *Habitus est entitativus vel operativus.*

Habitus entitativus est qualitas qua subjectum bene vel male disponitur in seipso, v. g., aegritudo, sanitas.

Habitus operativus est qualitas qua subjectum bene vel male disponitur in ordine ad operationem, v. g., scientia, justitia.

2° *Habitus est supernaturalis vel naturalis.*

Habitus supernaturalis est ille qui a Deo homini infunditur praeter exigentias et vires naturae humanae; v. g., gratia habitus entitativus supernaturalis est, et virtutes theologicae sunt habitus supernaturales operativi.

Habitus naturalis est ille qui viribus naturalibus acquiritur, v. g., scientia.

3° *Habitus est bonus vel malus secundum quod bene vel male disponit subjectum, in seipso vel in ordine ad operationem; v. g.: virtus est habitus bonus, vitium habitus malus.*

c) **Habitus subjectum.**—*Habitus entitativus cum disponat substantiam in seipsa, recipitur in substantia tanquam in proprio subjecto. Habitus autem operativi cum disponunt substantiam in ordine ad operationem, immediate subjiciuntur in ipsis potentiis operativis. Tamen non omnis substantia, nec omnis potentia operativa possunt esse subjectum habituum, sed illae tantum quae non determinantur ad unum, ita ut possunt bene vel male sese habere. Unde substantiae non viventes, cum eodem modo semper sese habent vi naturae*

suae, non possunt esse subjectum habituum. Substantiae autem viventes possunt bene vel male sese habere vel in seipsis vel in ordine ad operationem. Plantae et animalia bruta possunt bene vel male sese habere quoad substantiam suam, unde sanitas vel aegritudo de ipsis praedicatur; sed habent operationes determinatas ad unum, ideoque potentiae vegetativae et sensitivae non possunt esse subjectum habituum operativorum. Homo autem potest bene vel male sese habere tum in seipso tum in ordine ad operationem, ideoque potest esse subjectum habituum tum entitativorum, tum operativorum. Illae tamen tantum potentiae hominis possunt recipere habitus quae non determinantur ad unum; ideoque intellectus et voluntas sunt praecipua et immediata subjecta habituum. Dividuntur ergo habitus in *intellectuales* qui perficiunt intellectum, et *morales* qui perficiunt voluntatem.

d/ De habituum origine.—Habitus naturales secundum quamdam inchoationem sese habent in quacumque facultate, in quantum omnis facultas seu potentia inclinatur naturaliter ad proprium objectum, tanquam ad aliquid sibi conveniens; sed secundum suam rationem perfectam habitus illi acquiruntur repetitione actuum, unde axioma: ex repetitis actibus fit habitus. Actus enim saepe repetitus generat facilitatem seu dispositionem ad faciliter et prompte agendum. Habitui vero supernaturales a Deo infunduntur.

V. De potentia et impotentia.—*Potentia* est qualitas proxime habilans substantiam ad operandum, unde definitur: *Principium proximum et immediatum operationis*, v. g.: voluntas, intellectus, visus, etc. Dicitur principium *proximum* et *immediatum* operationis, ut distinguatur a natura, quae est principium radicale, remotum et mediatum operationis. Substantia creata, ut demonstrabitur infra, non agit immediate per se, sed mediante virtute, seu facultate, seu potentia realiter a se distincta.

Impotentia nihil aliud est nisi ipsius potentiae debilitas, sic v. g., visus in sene fit impotens seu debilis.

De diversis animae potentiis seu facultatibus erit sermo in psychologia.

VI. De passione et patibili qualitate.—*Passio*, tertia qualitatis species, est qualitas alterationem inducens in sensu, vel ipsam alterationem consequens, v. g. : frigus, color, pallor ex metu. Si autem ista qualitas sit cito transiens, dicitur *passio* ; si vero sit diu permanens, dicitur patibilis qualitas.

VII. De forma et figura.—*Forma* est qualitas resultans in corpore ex terminatione quantitatis. Dicitur *forma* in rebus artificialibus, v. g. : forma domus, statuæ ; dicitur *figura* in rebus naturalibus, figura hominis. Vulgo tamen unum pro altero assumitur.

ARTICULUS IV

DE RELATIONE

(20)

I. Relationis notio.—*Relatio* est *respectus* seu *ordo unius ad alterum*. Quaedam sunt in rerum natura quae ex se cognosci possunt quin de alia re cogitetur, dicuntur *absoluta*, ut sunt homo, quantitas, etc. Alia autem sunt quae cognosci non possunt quin de alia re cogitetur, et dicuntur *relativa*, v. g. : pater et filius, pater enim qua talis habitudinem seu respectum importat ad filium, sine quo ut pater cogitari nequit. Respectus seu habitudo quam unum ad alterum importat, dicitur *relatio*.

Illud accidens aliquid omnino particulare sibi vindicat prae aliis accidentibus. Etenim alia accidentia secundum rationem suam genericam, et secundum suum conceptum formalem, dicunt aliquid afficiens subjectum in se, et ipsi inhaerens ; relatio autem secundum suam rationem formalem non importat *aliquid* esse in subjecto et ipsi inhaerens, sed potius subjectum *esse ad aliud*, unde definitur ; *accidens* *cujus tota ratio est ad aliud sese habere.*⁽¹⁾

II. Relationis elementa.—Triplex datur elementum necessarium in relatione : subjectum, terminus et fundamentum. *Subjectum* est id quod ad aliud refertur : *terminus* est id ad quod subjectum refertur ; *fundamentum* est ratio propter quam subjectum ad terminum refertur. Subjectum et terminus extrema relationis dicuntur. In relatione paternitatis, pater est subjectum, filius terminus, generatio fundamentum relationis. Quamvis terminus ad relationem sit necessarius, relatio tamen formaliter de ipso non dicitur, sed de subjecto ; est enim relatio habitudo seu ordo *subjecti* ad terminum.

III. Relationis species.—1° Relatio est *realis* vel *logica* seu *rationis*.

Relatio realis est respectus existens in rebus independenter a mentis consideratione, v. g. : paternitas, filiatio, similitudo.

Relatio logica seu *rationis* est respectus quam ratio ponit vel inter conceptus, v. g. : relatio praedicati ad subjectum

(1) « L'être relatif ne peut exister, ni même être conçu sans un autre être corrélatif. La relation unit les deux termes corrélatifs et les oppose tout à la fois. Les accidents absolus sont quelque chose, disaient les scholastiques, *aliquid* ; la relation est quelque chose vers autre chose, *aliquid ad aliquid*. Les accidents absolus sont inhérents à un sujet, « *habent esse in subjecto* » ; l'être de la relation considéré formellement a un *esse ad* ; la raison formelle de la relation, dit S. Thomas, est, « *respectus ad alterum* », la caractéristique du rapport est pourrait-on dire, son *altérité*. » D. MERCIER, *Traité élémentaire. Ontologie*. La relation.

in propositione; vel inter ipsas res, sed sine reali fundamento, v. g. : relatio inter vexillum et determinatam regionem, relatio signi arbitrarii inter signum et signatum.

2^o Relatio est *transcendentalis* vel *praedicamentalis*.

Relatio transcendentalis est ipsa rei absolutae entitas ex sua essentia ad aliud relata, v. g. : relatio animae ad corpus, accidentis ad substantiam, potentiae ad objectum suum, creaturae ad creatorem. Est ordo in ipsa essentia inclusus et inseparabilis ab ipsa, unde dicitur etiam relatio essentialis.

Relatio praedicamentalis, de qua in praesenti articulo agitur, est accidens cuius tota ratio est ad aliud sese habere.

Relatio transcendentalis non est quid distinctum ad ipsa rei essentia, sed ipsamet essentia ad aliud se habens; relatio vero praedicamentalis intelligitur ut aliquid additum essentiae, vi cuius essentia refertur ad aliud.

3^o Relatio est *mutua* vel *non-mutua* seu *mixta*.

Relatio mutua est illa quae importat reciprocationem ordinis ex parte duorum extremorum, v. g. : relatio inter patrem et filium est mutua, quia importat realem respectum patris ad filium, et filii ad patrem.

Relatio mixta est illa quae non importat reciprocationem ordinis inter duo extrema relationis, v. g. : relatio creaturae ad creatorem, cognoscentis ad cognoscibile. Si enim verus et realis datur respectus creaturae ad creatorem, cognoscentis ad cognoscibile, non datur talis respectus Creatoris ad creaturam, et cognoscibilis ad cognoscens.

Relatio mutua dicitur *mutua aequiparantiae* vel *disquiparantiae*, secundum quod est ejusdem rationis, eodemque nomine designatur in utroque termino, vel non. Relatio similitudinis est mutua aequiparantiae; relatio causalitatis est mutua disquiparantiae, v. g. : relatio filii ad patrem est relatio effectus et dicitur filiatio, relatio patris ad filium est relatio causae et dicitur paternitas.

4° Triplex datur fundamentum relationis praedicamentalis in rebus : relationes enim vel fundantur in *quantitate*, et habetur *relatio aequalitatis* ; vel fundantur in *qualitate*, et habetur *relatio similitudinis* ; vel fundantur in *actione et passione* et habetur *relatio originis et causalitatis*. Omnes igitur relationes praedicamentales ad illud triplex genus revocari possunt.

IV. De existentia relationis realis.—Res ad invicem certo referuntur. Iste autem respectus unius rei ad alteram existitne tantum in intellectu nostro, ponitur-ne in rebus ex sola mentis consideratione, vel independenter ab ipsa ? Existuntne relationes reales quarum sit fundamentum reale in rebus ? Negant Nominales, quibus consentiunt quidam recentiores, inter quos Kant et Kantistae. Contra ipsos sit igitur :

THESIS.—REALES HABENTUR RELATIONES IN REBUS
CREATIS.

1° Ubi sunt realia fundamenta relationum, ibi sunt reales relationes. Atqui existunt in rebus creatis realia relationum fundamenta. Ego reales existunt relationes.

Ad maj. Etenim fundamentum est id a quo oritur relatio. Ubi datur realis generatio v. g., requiritur ut sit reale generatum, et realis respectus generati ad generantem a quo accipit esse. Ubi ergo datur reale fundamentum datur realis relatio.

Ad min. Ex experientia constat in rerum natura realia existere fundamenta relationum, existunt reales generationes, reales qualitates in quibus realiter conveniunt quae dicuntur similia, et reales quantitates in quibus realiter conveniunt quae dicuntur aequalia.

2° Confirmatur ex manifesto ordine qui existit in mundo ; ille enim ordo ex subordinatione et coordinatione, seu ex relationibus rerum ad invicem resultat.

V. De distinctione relationis a suo fundamento.—Existunt reales relationes, relationes scilicet quae realiter a subjectis in quibus sunt distinguuntur. Sed in relatione praeter subjectum requiritur fundamentum, unde ulterius quaeritur utrum relatio sit realiter distincta a suo fundamento. Cui quaestioni respondet sequens propositio.

THESIS — RELATIO PRAEDICAMENTALIS REALITER DIFFERT A SUO FUNDAMENTO.

1° Comparatur relatio realis ad suum fundamentum, sicut effectus realis ad suam causam realem. Etenim fundamentum est id a quo oritur relatio. Atqui effectus realiter a sua causa distinguatur oportet; nihil est causa suiipsius. Ergo relatio praedicalis realiter distinguitur a suo fundamento.

2° Illa duo sunt realiter inter se distincta, quorum unum alteri addit novum esse. Atqui relatio addit novum esse supra esse fundamenti. Ergo relatio realiter distinguitur a suo fundamento.

Ad minorem. Relatio est accidens superveniens substantiae mediantibus aliis accidentibus, actione et passione, quantitate et qualitate, quae sunt fundamenta ipsius. Illa autem accidentia sunt res absolutae quae secundum rationem suam dicunt *esse in*, nullo modo *esse ad*, quod proprium est relationis. Unde accidentia quae sunt relationis fundamenta, non possunt rationem reddere ipsius respectus rerum ad invicem, ideoque praeter entitatem fundamenti, alia realitas est admittenda, relationis nempe, qua mediante subjectum, novum esse habet, scilicet *esse ad* aliud.

VI. Corollaria.—1° Relatio est accidens relativum: qua accidens habet esse in substantia cui inest tanquam subjecto; qua relativum non habet esse in subjecto, sed *esse ad* aliud. «Essentia potest quadrupliciter se habere ad esse: vel 1° est

ipsum esse, et hoc de Deo solo dicitur ; vel 2^o habet esse in se, et hoc affirmatur de substantia praedicamentali ; vel 3^o habet esse in alio, et hoc affirmatur de accidentibus absolutis ; vel 4^o habet esse ad aliud, et hoc dicitur unice de praedicamento *ad aliquid* seu de relatione. » ⁽¹⁾

2^o Relatio est minima entitas. « In nobis relationes habent esse dependens, quia earum esse est aliud ab esse substantiae, unde habent proprium modum essendi secundum propriam rationem, sicut et in aliis accidentibus contingit ; quia enim omnia accidentia sunt formae quaedam substantiae superadditae et a principiis substantiae causatae, oportet quod eorum esse sit superadditum supra esse substantiae, et ab ipso dependens ; et tanto uniuscujusque eorum esse est prius vel posterius, quanto forma accidentaliter secundum propriam rationem fuerit propinquior substantiae vel magis perfecta. Propter quod et relatio *realiter substantiae adveniens et postremum et imperfectissimum esse habet* : postremum quidem, quia non solum praexigit esse substantiae, sed etiam esse aliorum accidentium, ex quibus causatur relatio ; sicut unum in quantitate causat aequalitatem, et unum in qualitate similitudinem ; imperfectissimum autem, quia propria relationis ratio consistit in eo quod est ad alterum ; unde esse ejus proprium, quod substantiae superaddit, non solum dependet ab esse substantiae, sed etiam ab esse alicujus exterioris. » ⁽²⁾

3^o Relativa sunt simul natura et cognitione. De ratione enim relationis est ut sit et ut cognoscatur, quod extrema simul ponantur, cum subjectum et terminus sint elementa necessaria relationis. Hoc quidem intelligendum est de relativis formaliter acceptis ; prout nempe materialiter et absolute considerantur prioritatem admittunt unius ad alterum, sic. v. g., pater ut homo est prior filio, sed ut pater, simul est cum filio.

(1) DE MAMA, *Phil. prim. seu Out.*, tract. II. q. V.

(2) S. THOMAS, *Contra gent.*, lib. 4. c. 14.

DE ACTIONE ET PASSIONE

(21)

I. Actionis notio.—Actio in genere nihil aliud est nisi *actuale exercitium causae*; secundum quod est praedicamentum, *actio* definitur: *accidens quo causa constituitur actualiter causans*.

1^o Dicitur *accidens*, aliquid inhaerens substantiae, ideoque ab ipsa realiter distinctum.

2^o Dicitur *quo causa constituitur actualiter causans*. Substantia est principium efficiens seu causa, in quantum habet potentias activas quae sunt principia immediata operationis; sed ipsis habitis, substantia est in actu primo ad agendum, seu in potentia proxima tantum, non constituitur in actu secundo seu actualiter causans, nisi mediante actione, quae ideo etiam dicitur: *actus secundus potentiae activae*.

II. Actionis species.—1^o Actio vel est productiva alicujus rei ex nihilo, et dicitur *creatio*, vel est productiva alicujus rei ex praesupposito subjecto, et dicitur *effectio*, *eductio*, *operatio* seu simpliciter *actio*. Actio autem productiva alicujus ex praesupposito subjecto, educit ex ipso vel formam substantialem, et dicitur *generatio*, vel formam accidentalem, et dicitur *alteratio*.

2^o Actio alia est *immanens* et alia *transiens*.

Actio inmanens, quae propria est viventium, est illa quae manet in ipso principio, seu in ipsa potentia a qua procedit, v. g. : sentire, intelligere.

Actio transiens, quae communis est viventibus et non viventibus, est illa quae transit extra principium a quo procedit, quae recipitur in subjecto prorsus diverso ab eo a quo procedit, v. g. : scribere, secare.

3^o Actio est *instantanea* seu *successiva*, prout fit in instanti, ut creatio, vel successive, ut calefactio.

III. **Passionis notio.**—*Passio*, prout speciale praedicamentum constituit, est *accidens quo subjectum constituitur actualiter recipiens actionem agentis*. Passio igitur opposito modo sese habet ad actionem, est terminus ejus. Actio enim transit ab agente in patiens in quo recipitur, et sicuti in agente datur potentia activa cujus actus dicitur actio, ita in patiente datur potentia passiva seu receptiva cujus actus est *passio*. Unde *passio* dicitur etiam : *actus secundus potentiae passivae seu receptivae*.

IV. **Motus notio.**—Inter actionem et passionem mediat motus qui quidem, secundum quod est ab agente, dicitur *actio*, et secundum quod a patiente recipitur, dicitur *passio*. « Motus autem dicitur *actio* secundum quod est actus agentis, ut ab hoc ; dicitur autem *passio* secundum quod est actus patientis, ut in hoc. »⁽¹⁾

Motus, *latissimo sensu*, accipitur pro quacumque activitate seu actione, v. g., intelligere, velle, dicuntur motus.

Lato sensu, motus est *transitus de potentia ad actuum*, tum in agente, tum in patiente, v. g., generatio et corruptio dicuntur motus.

Stricto sensu, recte definitur *motus* ab Aristotele, *actus existentis in potentia in quantum hujusmodi*.

(1) S. THOMAS, *Phys.* III, lect. 5,

1° Dicitur *actus*.—« Considerandum est quod aliquid est in actu tantum, aliquid vero in potentia tantum, aliquid vero modo medio se habens inter potentiam puram et actum perfectum. Quod est in potentia tantum, nondum movetur ; quod autem jam est in actu perfecto, non movetur sed jam motum est. Illud igitur movetur, quod medio modo se habet inter puram potentiam et actum perfectum, quod quidem partim est in potentia, et partim in actu. »⁽¹⁾ Sic aqua in potentia tantum calida, nondum movetur ; aqua actu calida, jam mota fuit ; sed aqua movetur secundum quod magis et magis participat de calore, in quantum scilicet est actus sed imperfectus respectu prioris status, et in potentia respectu actus perfecti. Ipse igitur actus imperfectus caloris in calefactibili existens est motus, et sic motus dicitur actus.

2° Dicitur *existentis in potentia*. Iste enim actus imperfectus dicitur motus non secundum quod est actus tantum, quin scilicet comparetur ad aliquid imperfectius ut actus, quia tunc non esset motus sed principium seu terminus a quo incipit motus ; dicitur motus in quantum comparatur ut actus ad aliquid imperfectius, unde dicitur *actus existentis in potentia*.

3° Dicitur *in quantum hujusmodi*, scilicet, in quantum in potentia. Iste enim actus ordinem dicens ad aliquid imperfectius cujus est actus, non est quidem motus nisi etiam ordinem dicat ad ulteriorem actum, cujus respectu est in potentia ; aliter enim non esset motus sed terminus ad quem motus. Ad significandum illum ordinem ad ulteriorem actum, additur in definitione *in quantum hujusmodi* seu *prout in potentia*.⁽²⁾

(1) S. THOMAS, III, *Phys.* lect. 2.

(2) « Le mouvement est l'acte d'un être en puissance, en tant que cet être est encore en puissance.

Entre la simple aptitude au mouvement, pure puissance, d'une part, et l'acte complet, qui suppose l'aptitude satisfaite, la puissance réalisée, d'autre part, il y a une réalité intermédiaire composée d'acte et de puis-

« Unde (motus) neque est potentia existentis in potentia, neque est actus existentis in actu, sed est actus existentis in potentia; ut per id, quod dicitur actus, designetur ordo ejus ad anteriorem potentiam: et per id quod dicitur in potentia existentis, designetur ordo ejus ad ulteriorem actum. Unde convenientissime Philosophus definit motum dicens, quod motus est actus existentis in potentia secundum quod hujusmodi. » ¹⁾

V. Motus species.—Motus, *lato sensu* acceptus, idem est ac mutatio, et easdem habet species. ²⁾

Motus autem, stricto sensu acceptus, est triplex, *motus localis* seu *latio*, *alteratio* et *augmentum et decrementum*.

Motus localis est transitus corporis ab uno loco ad alium locum.

Alteratio est transitus subjecti ab una qualitate ad aliam.

Augmentum et decrementum est transitus subjecti ab una ad aliam quantitatem.

VII. Axiomata philosophica.

I^o De actione.—1^o *Operatio sequitur esse*, scilicet. a) Non operatur nisi id quod est; b) quidquid habet esse, habet operationem; c) *modus operandi sequitur modum essendi*, unde si aliqua substantia habet operationem independentem ab alia, habet esse independentem ad ipsa et vicissim; d) operatio proportionatur naturae ejus quod operatur.

sance, c'est le mouvement: elle est *acte*, et, sous ce rapport, présuppose une puissance en partie réalisée; mais elle est encore *puissance*, car le sujet en partie actualisée demeure susceptible d'un acte ultérieur; elle est l'acte d'un sujet en puissance, «actus imperfecti». Tant que l'acte n'a pas commencé, le mouvement n'existe pas encore; aussitôt qu'il est accompli, le mouvement a cessé...

Pour concevoir le mouvement il faut donc avoir en vue une double relation du sujet, l'une avec une puissance antérieure présentement réalisée, l'autre avec un acte encore réalisable; le mouvement est tout à la fois, la réalisation d'une certaine potentialité, et la capacité d'un acte ultérieur plus complet, c'est donc bien l'acte d'une puissance encore en puissance.»
D. MERCIER, *Métaphys. gen.*, pp. 393-394.

(1) S. THOMAS, in III *Phys.*, lect. 2.

(2) Cf. pp. 353 et seq.

2°) *Omne agens agit aliquid sibi simile, scilicet, agit aliquid simile formae qua agit.*

II° De passione.—1°) *Quidquid recipitur ad modum recipientis recipitur, scilicet, juxta gradum capacitatis potentiae receptivae.*

2° *Non datur patiens sine agente, non datur enim passio sine actione.*

III° De actione et passione.—1° *Unus est actus quo agens agit et patiens patitur, unus scilicet est motus qui dicitur actio prout ab agente, et passio prout in patiente.*

2° *Actio est in agente, actio est in passo: actio est in agente ut in suo principio, est in passo ut in suo termino.*

IV° De motu.—1° *Omne quod movetur ab alio movetur, vel ab alia parte suipsius, unumquodque enim movet in quantum est actu, movetur in quantum est in potentia sub eodem respectu; idem non potest esse simul in actu et in potentia respectu ejusdem.*

2° *Actus moventis in moto est motus mobilis, unus enim idemque motus est ab agente seu movente ut actio, et in patiente seu mobili ut passio.*

DE UBI SEU DE LOCO.

(22)

I. Loci notio.—*Ubi est accidens proveniens ex circumscriptione corporis a circumscriptione loci. Locus autem, ab Aristotele definitur: Superficies prima, inimmobilis, corporis ambientis.* (1)

1^o Dicitur *superficies corporis ambientis*, nam locus concipitur ut aliquid ambiens corpus locatum, sicut aliquod receptaculum in quo corpus locatum circumscribitur. Superficies corporis continentis est superficies *concava* prout ambit, circumscribit corpus locatum.

2^o Dicitur superficies *prima*, scilicet immediate ambiens, et immediate continens corpus. Locus enim constituitur non quacumque parte seu dimensione ipsius corporis ambientis, sed extremis dimensionibus seu lineis quibus tangit corpus locatum. Sic distinguitur locus *proprius* a loco *communi* qui plura locata simul continet, ut aula plures homines continens.

3^o Dicitur superficies *inimmobilis*, quia superficies immediate ambiens locatum non habet rationem loci secundum

(1) « Le lieu est la superficie première immobile de l'espace que l'on conçoit comme entourant un corps. »

quod mutatur materialiter, sicut aer circa turrin, vel aqua fluens circa navim in flumine, sed secundum quod formaliter immobilis consideratur per ordinem ad puncta fixa et immobilia, v. g., locus navis est aqua prout immobilis, secundum ordinem ad ripam.

II. De diversis modis essendi in loco.— Ipsa circumscriptione corporis circumscriptione loci, dicitur *ubicatio* seu *localisatio*. Aliquid autem potest esse in loco multiplici modo.

1° *Proprie*, seu *circumscriptive* seu *per modum loci*, scilicet, per commensurationem propriarum dimensionum dimensionibus loci. Cum quidem corpora tantum dimensiones habent, corpora tantum dicuntur esse *proprie* in loco. Res autem incorporeae dicuntur esse in loco *improprie* seu *metaphorice*.

2° *Informative*, scilicet, secundum genus causae formalis, seu formae actuantis locatum, v. g., forma corporis est in loco *informative*, quia informat corpus locatum.

3° *Operative*, scilicet, per applicationem virtutis effectricis ad aliquod locatum, vel ad aliquem locum. Quod quidem fieri potest dupliciter :

a) *Definitive*, si virtus ita uni loco applicatur, ut non possit simul aliis locis applicari, v. g., substantiae immateriales, ut angeli et anima humana, dicuntur esse in loco *definitive*, applicando quidem virtutem suam locato vel loco; sed cum ista virtus est finita, non tamen ubique simul ipsam applicare possunt, ideoque alicui *definito* loco seu locato tantum applicatur.

b) *Incircumscribe*, si virtus omnia loca et locata simul attingat modo quidem infinito; sic Deus est in loco *incircumscribe*, cum sit *ubique*.

4° *Sacramentaliter*, scilicet, mediantibus dimensionibus alterius substantiae, quibus substantia localisata substat

quin sit earum subjectum. Hic modus a theologis ponitur propter specialem praesentiam corporis et sanguinis Christi Domini, in sanctissimo Eucharistiae Sacramento, sub accidentibus panis et vini.

III. De praesentia corporum in loco.—Circa praesentiam corporum in loco duplex moveri potest quaestio: utrum idem corpus possit esse simul in pluribus locis, et utrum plura corpora possint esse simul in eodem loco.

Ad primam quaestionem respondetur dicendo: 1^o Idem corpus non potest esse simul in pluribus locis *circumscriptive*, nec naturaliter, nec per miraculum; hoc enim implicat contradictionem, dimensiones corporis simul *circumscriberentur* et *non circumscriberentur*, ideoque simul esset *locatum* et *non locatum*.

2^o Non repugnat ut idem corpus, per miraculum, esse possit simul in pluribus locis non *circumscriptive*. Id enim quod repugnat est idem corpus esse simul in pluribus locis, ratione propriarum dimensionum quae non possunt simul circumscribi, definiri dimensionibus loci, et sese extendere extra locum; sed non repugnat in se, corpus idem numero esse in pluribus locis, dummodo ratio suae praesentiae possit multiplicari. Sic in Eucharistia, corpus Christi est praesens vi mirabilis conversionis substantiae panis in substantiam corporis Domini; cum autem multiplicari possit haec conversio, multiplicatur praesentia Christi sub speciebus.

Ad secundam quaestionem respondetur: 1^o Duo corpora non possunt naturaliter esse simul in eodem loco. Incompenetrabilitas enim est proprietas naturalis quantitatis, vi cuius corpus locatum excludit a suo loco quodcumque aliud corpus.

2^o Non repugnat in se duo corpora esse simul in eodem loco, ideo per miraculum, seu virtute divina fieri potest. Etenim corpus excludit a loco quem occupat aliud corpus

propter extensionem suarum partium in loco. Atqui extensio partium in loco non est essentialis proprietas quantitatis, sed extensio partium in ipsa substantia. Ergo non repugnat in se corpus quantum, quin partes extendat in ordine ad locum, ideoque quin excludat aliud corpus a loco quem occupat.

IV. *Spatii notio et species.*—Spatium, vulgari notione accipitur ut *receptaculum quoddam corporum locandorum et motuum localium*. Notio spatii affinis est notio loci, tamen non sunt absolute idem locus et spatium. Locus est pars determinata spatii; sed ex eo quod concipiuntur duo loca, intervallum intercedit inter utrumque quod spatium dicitur. Est igitur spatium distantia inter duo loca, vel inter duas partes loci. Locus est superficies prima corporis ambientis, spatium est ipsa dimensio corporis ambientis, quae dimensio intelligitur secundum longitudinem, latitudinem et profunditatem. Corpora igitur in spatio localisationem habent, et motus localis fit secundum quod corpus percurrit spatium seu distantiam inter duo loca; unde facile accipitur spatium ut receptaculum quoddam corporum locandorum et motuum localium.

Spatium est *reale, ideale* seu *imaginarium*. *Spatium reale* est extensio realis existens inter corpora realia. Cum autem inter corpora realia, alia corpora existunt ipsa continentia, v. g., aqua, aer, spatium reale resultat ex serie non interrupta coexistentium corporum, et spatium reale ut limites habet, limites ipsius mundi corporei. *Spatium ideale* est extensio possibilis quem intellectus excogitat dari inter corpora possibilia. *Spatium imaginarium* est extensio possibilis quem fingit phantasia; est forma sensibilis cujusdam spatii indefiniti, in phantasia tantum existens.

DE QUANDO SEU DE TEMPORE

(23)

I. **Temporis notio.** — *Quando est accidens resultans in corpore ex tempore quo mensuratur.* Quamvis autem tempus sit quid notissimum, difficile est dicere quid sit. Unde S. Augustinus dicebat: « Quid ergo tempus est? Si nemo ex me quaerat, scio; si quaerenti explicare velim, nescio. »⁽¹⁾ Tempus est mensura durationis rerum mobilium, unde per ordinem ad motum definitur. Secundum Aristotelem⁽²⁾, *tempus est numerus motus secundum prius et posterius.*

1^o Dicitur *numerus motus*, tempus enim determinamus cum accipimus in motu aliud et aliud, et aliquid inter ea, seu cum intellectus noster accipiendo unum nunc et alterum, quasi numerat prius et posterius in motu. Ergo tempus dicitur numerus seu mensura motus.

2^o Tempus dicitur numerus motus, non quidem numerans seu abstractus, sed numeratus et concretus, ipsis nempe rebus numeratis applicatus, ideoque tempus est *continuum* propter continuitatem rei numeratae.

(1) *Confess.*, l. XI, c. XIV, n. 17.

(2) *Phys.*, l. IV, c. XI, 5.

3^o Dicitur *secundum prius et posterius*, quia tempus accipimus cum unum momentur. concipimus ut *finem* prioris momenti et *principium* posterioris. Unde triplex momentum temporis datur : instans praeteritum, instans praesens, et instans futurum, quae ita ad invicem comparantur, non quasi quid discretum et quorum unum nihil sit alterius, sed quasi quid continuum, in quantum nunc praesens seu instans praesens est simul finis praeteriti et principium futuri. *Nunc* igitur temporis sese habet ut aliquid *fluens*, quod in quantum respondet mobili se habenti aliter et aliter, discernit prius et posterius in tempore, et suo fluxu tempus facit.

« Manifestum est enim quod tunc esse tempus determinamus, cum accipimus in motu aliud et aliud, et accipimus aliquid medium inter ea. Cum enim intelligimus extrema diversa alicujus medii, et anima dicat illa esse duo *nunc*, hoc *prius*, illud *posterius* ; quasi numerando *prius* et *posterius* in motu, tunc hoc dicimus esse tempus. »⁽¹⁾

1^o Tempus est numerus motus localis, continui et uniformis. Tempus sese habet ut mensura omnium rerum mobilium, ut mensura generalis et uniformis. Motus autem localis est omnium motuum sensibilium manifestior, et in omnibus aliis aliquo modo invenitur. Motus autem localis, continuus et uniformis, cujus mensura seu numerus adhibetur ut mensura durationis omnium rerum sensibilium, est motus solaris.

5^o Quia autem tempus *formaliter* non accipitur sine intellectu numerante, tempus realiter existit in rebus propter realem successionem prius et posterius in motu, sed *materialiter* tantum. Etenim e tribus elementis temporis, nunc, praesens tantum actu est, instans praeteritum et instans futurum sunt in memoria vel praevisione intellectus, ita ut tota ratio formalis temporis operatione intellectus perficiatur. Hoc sensu quidem dici potest cum Aristotele et S. Thoma : si non esset anima, non esset tempus.

(1) S. THOMAS, *Phys.*, l. IV, lect. XVII.

II. *Temporis species.*—1° *Tempus est reale, ideale seu imaginarium.*

Tempus reale est duratio successiva motus realis.

Tempus ideale est duratio successiva motuum possibilium quos excogitare potest intellectus.

Tempus imaginarium, est duratio successiva indefinita rerum mobilium quam fingit phantasia. Quemadmodum enim phantasia sibi efformare potest formam sensibilem spatii indefiniti, ita formam sensibilem temporis indefiniti.

2° *Tempus reale est intrinsecum vel extrinsecum.*

Tempus intrinsecum seu *particulare*, est duratio successiva et propria cujusque motus realis, seu cujusque mobilis. Unusquisque motus, unaquaeque res, suum proprium tempus habet.

Tempus extrinsecum seu *universale* est duratio successiva motus qui sese habet ut mensura omnium aliorum motuum, v. g., tempus solare, quod respectu solis est intrinsecum, sed respectu aliorum mobilium seu motuum est extrinsecum.

III. *Æternitatis notio.*—Æternitas opponitur tempori; a Boëtio definitur: *Interminabilis vitae tota simul et perfecta possessio.* ⁽¹⁾

Dicitur 1° *Interminabilis*, scilicet, sine principio et sine fine:—2° *vitae*, quia entis aeterni non est tantum esse, sed vivere;—3° *tota*, non quasi aeternitas partes habeat, sed quia ipsi nihil deest;—4° *simul, tota simul*, ad excludendum omnem successionem, prius et posterius temporis;—5° *et perfecta*, ad removendum imperfectionem ipsius *nunc* temporis, quod quidem sese habet ut fluens; *nunc* autem aeternitatis sese habet ut semper stans, et perfectum;—6° *possessio*, ad innuendum immutabilitatem et indeficientiam aeternitatis: id enim quod possidetur, firmiter et quiete habetur.

(1) *De Consolat.*, lib. V. L'éternité est la possession parfaite et tout entière à la fois d'une vie sans commencement ni fin.

IV. *Æternitatis species.*—1° *Æternitas* alia est *absoluta*, alia *participata* seu *relativa*.

Æternitas absoluta est duratio entis quod excludit principium, finem et successionem : est aeternitas Dei.

Æternitas participata est duratio entis quod quidem habet esse ab alio, sed quod est de se incorruptibile, ideoque finem excludit ; est aeternitas angelorum et animae humanae. Hoc sensu etiam beatitudo dicitur vita aeterna.

2° *Æternitas* est *positiva* et *negativa*.

Æternitas positiva est illa quae competit enti realiter existenti cujus duratio est tota simul, sine principio et sine fine.

Æternitas negativa est illa quae competit alicui prout abstrahit a tempore, cum existere possit in qualibet temporis parte ; « est indifferentia ad existendum in quavis parte durationis indefinitae, » (1) sic essentiae dicuntur aeternae.

V. *Triplex durationis species.*—*Duratio* est *permanentia rei in esse*. Quaedam datur res omnino immutabilis, cujus esse semper idem permanet ; duratio ejus dicitur *aeternitas*. Quaedam dantur res mutabiles et quoad esse et quoad operari ; duratio earum *tempus* vocatur. Tandem quaedam sunt res, medium locum tenentes, quae sunt immutabiles quoad esse, mutabiles autem quoad operari, et duratio earum dicitur *aevum*. *Æternitas* igitur est duratio ipsius entis immutabilis quoad esse et quoad operationem, nempe ipsius Dei. *Tempus* est duratio entium mutabilium quoad esse et operari, nempe rerum corporalium. *Ævum* est duratio entium immutabilium quoad esse, sed mutabilium quoad operationem, nempe angelorum et animarum, seu rerum spiritualium.

(1) LAHOUSSE, *Ontologia*, n. 407

LIBER QUARTUS

DE CAUSIS

Prologus. -- Maximi momenti est tractatus de causis : proprium est enim scientiae per causas res cognoscere. Causae autem possunt considerari vel *in genere*, vel *in specie*, prout nempe causae immediate dividuntur in *efficientem*, *materialem*, *formalem* et *finalem*. Iste igitur liber quartus in quatuor capita distribuitur :

- 1° De causis in genere
- 2° De causa efficiente
- 3° De causa materiali et formali
- 4° De causa finali.

CAPUT PRIMUM

Prologus. — Caput primum unicum habet articulum, cujus materia in sequenti schemate ordinata proponitur.

DE CAUSIS IN GENERE

Principii et principii notio
Causae et effectus notio
Distinctio inter principium et causam
Causarum prima divisio {
Efficiens
Materialis
Formalis
Finalis

ARTICULUS UNICUS

DE CAUSIS IN GENERE

(24)

I. Principii et principiati notio.—Affinis est notio causae notioni principii, unde primo de principio quaeritur. *Principium est id a quo aliquid procedit quocumque modo.*⁽¹⁾ Principiatum est id quod procedit a principio. Ut autem aliquid procedat ab altero requiritur inter utrumque aliqua *prioritas*, ideoque aliqua distinctio, et sic principium secundum nomen significat *principem*, seu quod prioritatem habet.

Aliquid potest esse prius altero multiplici modo: *ordine*, sic punctum dicitur principium lineae; *successione* seu *tempore*, sic aurora dicitur principium diei; *natura*, sic sol dicitur principium lucis; *consequentia*, sic praemissae sunt principia conclusionis; *dignitate*, sic rex dicitur princeps regni; *origine*, sic Deus Pater dicitur principium Filii.

Quidquid igitur aliquo modo praecedat aliud dicitur principium, sed non *sensu stricto*. Ad hoc enim ut aliquid ab alio procedat non sufficit prioritas et distinctio, sed requiritur nexus intrinsecus inter utrumque. Iste nexus potest esse: vel *logicus*, et habetur *principium logicum*, prout ab

(1) S. THOMAS, *Sum. theol.*, p. 1, q. 33, a. 1.

ipso procedit aliqua cognitio, talia sunt principia cognitionis et scientiarum; vel *realis* seu *ontologicus*, et habetur *principium reale* seu *ontologicum*, prout ab ipso procedit aliquod ens reale, tales sunt causae. Ex hoc intelligitur definitio principii ab Aristotele tradita: principium est *id unde aliquid est, aut fit, aut cognoscitur*.

Ad rationem principii, stricto sensu accepti, tria igitur requiruntur inter principium et principiatum: *distinctio*, *prioritas*, *uexus intriusecus*, vi cuius unum dici possit ab altero procedere.

II. Causae et effectus notio.—*Causa est principium vi cuius aliquid producitur*. Effectus autem est id quod vi causae producitur.

Ad rationem causae tria requiruntur: 1° *Distinctio realis* inter causam et effectum; id enim quod producitur non potest convenire in eodum esse cum causa sua.

2° *Ordo dependentiae* effectus a causa; cum vi causae producitur effectus, esse ejus vel fieri a causa pendet.

3° *Prioritas saltem naturae* causae ad effectum; etiamsi enim coexistant effectus et causa, effectus esse habet a causa.

III. *Distinctio inter principium et causam*.—1° Principium latius patet quam causa; principium enim sese habet ut genus respectu causae, ita ut omnis causa sit principium, non autem omne principium, causa.

2° *Distinctio realis* requiritur inter causam et effectum, non autem inter principium et principiatum quae logice differre possunt.

3° Causa importat ordinem dependentiae ex parte effectus, quem non importat principium ex parte principiatum.

4° Causa est prior effectu prioritate reali saltem naturae, principium potest esse prius principiato prioritate logica, vel prioritate originis. Sufficit enim ad rationem principii ordo originis unius ad alterum. « Licet hoc nomen principii,

quantum ad id a quo imponitur ad significandum, videatur a prioritate sumptum, non tamen significat prioritatem sed originem. » (1) In divinis Filius procedit a Patre quin sit prioritas temporis vel nature ex parte Patris.

IV. Causarum immediata et prima divisio.—Quatuor sunt genera causarum : *causa efficiens, causa materialis, causa formalis, causa finalis*. Causa efficiens est id a quo aliquid fit ;—causa materialis est id ex quo aliquid fit ;—causa formalis est id quo aliquid constituitur in determinata specie ;—causa ^{formalis} finalis est id propter quod seu *cujus gratia* aliquid fit. Sic v. g., producitur aliqua statua ab artifice (causa efficiens), ex marmore (causa materialis), figuram seu formam habens qua determinatur ad esse statuæ (causa formalis), propter memoriam alicujus personæ servandam et glorificandam (causa finalis).

Omnes causæ ad unum vel alterum ex quatuor illis generibus reduci possunt, vel causæ dicuntur quin realiter et proprie causæ sint, sic v. g., causa exemplaris, *id ad cujus similitudinem aliquid fit*, reducitur ad causam efficientem, formalem vel finalem ; causa occasionalis, *id ad cujus praesentiam aliquid fit*, vel est mera occasio seu opportunitas agendi, et non est causa, vel allicit ad agendum, et reducitur ad causam finalem.

(1) S. THOMAS, *Sum. t. ol.*, p. 1, q. 38, a. 1.

CAPUT SECUNDUM

DE CAUSA EFFICIENTE

Prologus.—De causa autem efficiente triplex proponi potest quaestio ; quid sit, an sit, quomodo operatur. Triplex igitur erit articulus hujus capituli secundi.

DE CAUSA EFFICIENTE

| | | |
|--------------|--|--|
| | Causae efficientis notio | |
| | Prima, secunda | |
| | Principalis, instrumentalis | |
| | Physica, moralis | |
| | Causa <i>per se</i> , causa <i>per accidens</i> | |
| | Proxima, remota | |
| | Totalis, partialis | |
| | Universalis, particularis | |
| | Necessaria, contingens scu libera | |
| | Univoca, aequivoca | |
| | Agens per naturam, agens per intellectum | |
| | Causa quantum <i>ad fieri</i> , causa quantum <i>ad esse</i> | |
| | Notio | |
| | Duplex actio instrumenti | |
| | De modo essendi virtutis causae principalis in instrumento | |
| | De effectu causae instrumentalis | |
| | Solum instrumentum physicum proprie instrumentum dicitur | |
| | Instrumenti species | Physicum, morale
Artificiale, naturale,
supernaturale
Inanimatum, animatum
Conjunctum, separatum |
| I. De natura | Principium causalitatis | |
| | Cognitio effectus ducit ad cognitionem existentiae causae. | |
| | Cognitio effectus ducit ad cognitionem naturae causae. | |
| | Ex cognitione causae effectus cognoscuntur. | |
| | De ordine causarum | |

II. De existentia { Status quaestionis
 Thesis : Creaturae sive spirituales sive corporales sunt
 vere causae efficientes.
 Difficultatum solutio

III. De modo
 operandi { Status quaestionis
 Philosophorum sententiae
 Thesis : In rebus creatis virtus agendi realiter distinguitur
 ab essentia.
 De actione in distans { Status quaestionis
 Philosophorum sententiae
 Thesis : Actio in distans repugnat.
 Axiomata

DE NATURA CAUSAE EFFICIENTIS

(25)

I. *Causae efficientis notio.*—Causa efficiens est *principium extrinsecum quod actione sua physica alteram producit existentiam.*

1^o Dicitur *principium extrinsecum* : *principium*, quia principium sese habet ut genus cujuscunque causae ; *extrinsecum*, quia causa efficiens est aliquid extra effectum qui producit, unde causa efficiens distinguitur a principiis intrinsicis, a quibus effectus in se constituitur.

2^o Dicitur *quod alteram producit existentiam*, quia effectus causae efficientis est realiter ab ipsa distinctus, in quo causa efficiens a causa materiali et formali distinguitur quae non producant aliquid a seipsis adaequate distinctum ; sunt enim effectui intrinsicae, et ab ipso distinguuntur ut pars a toto.

3^o Dicitur *actione sua physica*, quibus verbis indicatur causalitas propria et formalis ipsius causae efficientis : *producit effectum actione sua physica.* Sic causa efficiens distinguitur a causa finali, quae non actione sua sed bonitate sua allicit agens ad agendum. Actio sese habet igitur ut medium inter causam et effectum, et sicut vinculum, ita ut

non tantum successio, sed verus influxus existat inter utrumque.

4^o A causa efficiendi distinguere est *occasio* et *conditio sine qua non*. *Occasio*, ut diximus, est *id ad cuius praesentiam aliquid fit*, non autem producit effectum, nec ad productionem ejus requiritur. *Conditio* est id quod requiritur ad actionem agentis, quin actione sua effectum causae producat, v. g. : lux non est causa lectionis, sed est conditio requisita. Requiritur vero conditio vel ad disponendum, vel ad applicandum virtutem agentis, vel ad removendum impedimentum. In hoc ultimo casu dicitur *causa removens prohibens*. *Conditio sine qua non* est illa quae absolute requiritur ad actionem agentis, et sine qua agens non potest effectum suum producere.

II. *Causae efficientis species*.—1^o *Causa efficiens est prima vel secunda*.

Causa prima est illa quae tum quoad virtutem qua agit, tum quoad exercitium hujus virtutis, a nulla alia causa pendet, v. g. : Deus.

Causa secunda est illa quae tum quoad virtutem qua agit, tum quoad exercitium illius virtutis, a causa prima pendet, v. g. : creaturae omnes.

2^o *Causa efficiens dicitur principalis vel instrumentalis*.

Causa principalis est illa quae ad effectum virtute propria producendum, alteram causam sibi subordinat, dirigit et movet, v. g., scriptor est causa principalis scriptionis.

Causa istrumentalis est illa quae sua virtute mota vel applicata a causa principali, operatur dispositive ad effectum principalis agentis,—seu, illa quae ad effectum producendum concurrat virtute suae naturae, sed mota et applicata ad agendum ab alia causa, nempe a principali, v. g., calamus est causa istrumentalis scriptionis.

3^o Causa efficiens est *physica* vel *moralis*.

Causa physica est illa quae actione sua physica influit effectum, v. g., qui occidit hominem, est causa physica homicidii.

Causa moralis est illa quae influxu quodam morali, scilicet precibus, consilio, imperio, movet causam physicam ad agendum, v. g., qui mandatum dat homicidii perficiendi, est causa moralis ipsius.

4^o Causa efficiens est *causa per se* vel *causa per accidens*.

Causa per se est illa quae effectum producit ad quem ordinatur natura sua, vel intentione agentis, v. g.: ignis est causa per se combustionis; homo est causa per se occisionis Petri quem sciens et volens intendit occidere.

Causa per accidens est illa quae effectum producit ad quem natura sua non ordinatur, vel praeter intentionem agentis, v. g.: effossio sepulchri est causa per accidens inventionis thesauri; venator belluam occidere volens potest esse causa per accidens occisionis alicujus hominis.

5^o Causa efficiens est *proxima* vel *remota*.

Causa proxima est illa quae immediate effectum attingit, v. g.: homicida est causa proxima homicidii.

Causa remota illa quae mediate effectum influit seu attingit, v. g.: mandans est causa remota homicidii. In his causis valet axioma: *causa causae est causa causati*.

6^o Causa efficiens est *totalis* vel *partialis*.

Causa totalis est illa quae sola in suo ordine effectum ex toto producit, v. g.: equus unus trahens currum.

Causa partialis est illa quae cum aliis causis ejusdem ordinis effectum producit, v. g.: plures equi currum trahentes sunt causae partiales tractionis curri.

7^o Causa efficiens est *universalis* vel *particularis*.

Causa universalis est illa quae effectus distinctarum specierum efficere potest, v. g.: sol, qui lucem, calorem, fecunditatem producit.

Causa particularis est illa quae ad unicam speciem effectuum limitatur, v. g.: arbor qui arborem producit.

8° *Causa efficiens* est *necessaria*, vel *contingens* seu *libera*.

Causa necessaria est illa quae positis omnibus his quae ad agendum praerequiruntur, non potest non agere, v. g.: sol est causa necessaria lucis et caloris, ignis combustionis.

Causa libera est illa quae positis omnibus ad agendum requisitis, potest non agere, v. g.: artifex est causa libera artificiatum.

9° *Causa efficiens* est *univoca* vel *aequivoca*.

Causa univoca est illa quae effectum producit sibi similem secundum speciem in qua communicant, v. g.: pater est causa univoca filii, arbor arboris.

Causa aequivoca est illa quae effectum producit non sibi similem secundum speciem, v. g.: sol est causa aequivoca plantarum, artifex artificiatorum.

10° *Causa efficiens* est *agens per naturam*, vel *agens per intellectum*.

Agens per naturam est illud quae agit forma qua actu est, v. g.: arbor est causa agens per naturam.

Agens per intellectum est illa quae agit per *formam* vel *ideam* intellectu conceptam, v. g.: artifex est causa agens per intellectum.

11° *Causa efficiens* est *causa quantum ad fieri*, *causa quantum ad esse*, vel *causa quantum ad fieri et ad esse*.

Causa quantum ad fieri est illa a cujus actione pendet effectus ad hoc ut ad existentiam veniat, v. g.: architectus seu structor est causa domus quantum ad fieri.

Causa quantum ad esse est illa a cujus virtute effectus pendet ut permaneat in esse, v. g.: soliditas et cohaesio lapidum et lignorum sunt causa domus quantum ad esse.

Causa quantum ad fieri et ad esse est illa a cujus actione pendet effectus et ut ad esse veniat, et ut in esse perseveret, v. g.: ignis est causa caloris aquae quoad fieri et

quod esse, fit enim aqua calida et conservatur calida ab igne ; ita sol est causa illuminationis aeris.

III. De causa instrumentali seu de instrumento.—Causa instrumentalis est illa, diximus, quae sua virtute mota vel applicata ab alia causa nempe a principali, operatur *dispositive* ad effectum principalis agentis.

1^o **Duplex actio instrumenti.**—In instrumento duplex datur actio, ideoque duplex virtus. Una actio est *propria* ipsius instrumenti quam operatur in *virtute propria*, v. g. : *scindere* est actio propria serrae, actio ipsi competens secundum suam propriam formam et virtutem. Altera actio, quae *instrumentalis* dicitur, ipsi instrumento convenit, non ratione propriae formae vel propriae virtutis, sed ratione motionis et virtutis quam accipit a principali agente, unde instrumentum dicitur agere in virtute principalis agentis, v. g. : *facere opus artis* serrae non competit ratione sui, sed in quantum movetur a principali agente.

« Instrumentum habet duas actiones ; unam *instrumentalem*, secundum quam operatur non in virtute propria sed in virtute principalis agentis : aliam *propriam*, quae competit sibi secundum propriam formam, sicuti securi competit scindere ratione suae acuitatis, facere autem lectum in quantum est instrumentum artis. Non autem perficit instrumentalem actionem nisi exerceendo actionem propriam, scindendo enim facit lectum. »⁽¹⁾

Instrumentum tamen constituitur instrumentum non in quantum agit in virtute propria, sed in quantum operatur in virtute principalis agentis ; « est enim ratio instrumenti ut sit movens motum. »⁽²⁾

2^o **De modo essendi virtutis causae principalis in instrumento.**—Virtus principalis agentis non est in instrumento eo modo quo virtus causae primae est in causa secunda. Etenim virtus causae primae recipitur in causa

(1) S. THOMAS, *Sum. theol.* p. 3, q. 52, a. 1, ad 2.

(2) S. THOMAS, *Contra Gent.*, II, c. 21.

secunda secundum *esse permanens*, ita ut fiat propria causae secundae. Virtus autem principalis agentis recipitur in instrumento secundum *esse transiens*, ita ut nunquam fiat ipsius propria; est enim in ipso instrumentum movetur, deficiente motione, cessat virtus. Unde quamvis de ratione instrumenti sit esse movens motum, non omne movens motum est *proprie* instrumentum, sed illud tantum quod ita movetur ut non habeat in se principium sui motus.

«Instrumentum dupliciter dicitur; uno modo *proprie*, quando scilicet aliquid ita ab altero movetur quod non confertur ei a movente aliquod principium talis motus, sicut serra movetur a carpentario, et tale instrumentum est expers libertatis. Alio modo instrumentum *magis communiter* (lato sensu), quidquid est movens ab alio motum, sive in ipso sit principium sui motus, sive non; et sic ab instrumento non oportet quod omnino excludatur ratio libertatis, quia aliquid potest esse ab alio motum, quod tamen se ipsum movet, et ita est de mente humana.»⁽¹⁾

3^o De effectu causae instrumentalis.—Causa instrumentalis effectum nobiliorem se producit, qui quidem non instrumento sed causae principali assimilatur et tribuitur. Tamen ad rationem causae instrumentalis, requiritur ut instrumentum aliquid efficienter agat per ordinem ad talem effectum, unde S. Thomas dicit: «non autem (instrumentum) perficit instrumentalem actionem nisi *exercendo actionem propriam*, sciendo enim (securis) facit lectum.»

Idem etiam significatur, cum in definitione causae instrumentalis dicitur ipsam *operari dispositive ad effectum principalis agentis*. Operari autem *dispositive* non est intelligendum, quasi instrumentum actione propria producat aliquem terminum, qui sit dispositio ad effectum principalis agentis, in subjecto in quo talis effectus producitur. Non sunt enim duae res distinctae, id quod producitur *actione propria* instrumenti, et id quod producitur ab *actione instrumentali* ipsius, sed unicus datur

(1) S. THOMAS, *De Verit.* q. 24. art. 1. ad 5.

effectus qui totaliter producitur ab instrumento et a causa principali ; tamen iste effectus ita producitur, ut sit aliquid, ex parte modi operandi, modificans actionem principalis agentis, quod quidem ex actione propria instrumenti repetitur, et hoc est *dispositive operari* ad effectum principalis agentis, et hac ratione quidem principale agens utitur tali instrumento, quia talem modum operandi intendit.

4° **Solum instrumentum physicum proprie instrumentum dicitur.**—De ratione instrumenti est aliquid conferre propria operatione per ordinem ad effectum principalis agentis, ideoque instrumentum *proprie* dictum non potest esse nisi instrumentum physicum, a cuius actione elevata virtute principalis agentis immediate procedit effectus causae principalis. Instrumentum aliquid conferens praevium actioni productivae effectus, movendo v. g. causam efficientem physicam ad agendum, eam inducendo ad effectum physice producendum, sicut dicitur de instrumento morali, non est instrumentum *proprie* dictum, sed lato sensu et metaphorice acceptum.

5° **Instrumenti species.**—Instrumentum est multiplex :
a) est *physicum* vel *morale*. *Instrumentum physicum* est illud quod per virtutem inferioris ordinis influit in realem et physicam actionem qua producitur effectus. *Instrumentum morale* est illud quod, per bonitatem seu dignitatem sibi communicatam a principali agente, causam efficientem physicam movet ad agendum, eam inducendo ad producendum physice effectum.

b) Instrumentum dicitur *artificiale, naturale* vel *supernaturale* secundum quod inservit artifici, ut malleus et serra, vel naturae, ut manus et pedes, vel Deo, ut aqua in Baptismo.

c) Instrumentum dicitur *inanimatum* vel *animatum*, secundum quod nullo modo agit sed agitur tantum, ut serra, vel ita agitur ut etiam agat, ut homo.

d) Instrumentum est *conjunctum* vel *separatum*, prout causae principali unitur ut manus, vel separatur, ut baculus.

IV. **Causalitatis principium.**—Causalitas est id quo causa constituitur in esse causae, ipse nempe influxus causae in effectum producendum. Influxus autem causae efficientis in effectum ab ipsa productum *principio causalitatis* affirmatur. Illud vero principium vulgo enuntiatur : *nihil fit sine causa, omnis effectus habet causam* ; accuratius exprimitur : *Quidquid incipit esse, causam efficientem habere debet.*

Principium causalitatis distinguitur a *principio rationis sufficientis* : *omne ens habet sui rationem sufficientem.* Illud secundum principium latius patet quam primum, cum quidem sese extendit ad ordinem omnium rerum sive realium, sive possibilem, sive contingentium, sive necessariarum. Principium vero causalitatis verificatur de rebus realibus et contingentibus tantum.

Principium causalitatis etiam distinguitur a *principio motus* : *Quidquid movetur, ab alio movetur*, quod universalius est. Etenim principium motus de omni motu verificatur ; influxus causae efficientis in effectum non est omnis motus, sed quaedam species motus tantum.

Beguelin veritatem principii causalitatis denegavit in Academia Berolinensi. Juxta Kantium, illud principium non esset analyticum, sed *syntheticum a priori*, aliquid igitur menti innatum, subjectivum non autem gaudens objectiva realitate. Hume, Stuart Mill, Comte et positivistae, meram successionem, non autem realem influxum admittentes inter effectum et causam, principium causalitatis sic exprimunt : *omne phaenomenon habet antecedens*, quod quidem idem est ac denegare veritatem hujus principii. Contra hos omnes sit igitur :

THESIS.—PRINCIPIUM CAUSALITATIS EST ANALYTICUM
ET ABSOLUTE CERTUM.

1° Illud principium est analyticum et absolute certum
cujus praedicatum in subjecto per analysim contineri reperi-

tur. Atqui in principio causalitatis, praedicatum per analysim reperitur contineri in subjecto. Ergo principium causalitatis est analyticum et absolute certum,

Ad minorem. *Quidquid incipit esse, vel habet esse a nihilo, vel a se, vel ab alio.* Non habet esse quidem a nihilo : nihilum enim, cum sit non ens, non potest dare esse.-- Non habet esse a se : *a)* antequam sit, esse non habet, et *nemo dat quod non habet*; *b)* antequam sit, agere non potest, *operatio sequitur esse*; *c)* si haberet esse a se, ipsum haberet ab essentia sua prout *possibilis* est; sed si essentia ut possibilis est sufficiens ratio existentiae, omnia possible debent existere, quod experientiae repugnat. Ergo quidquid incipit esse, esse habet ab alio, cujus reali influxu esse recipitur; deficiente enim tali influxu, illud aliud nullam relationem haberet cum eo quod incipit esse, et nullo modo esse ipsi daret. Atqui habere esse ab alio, et habere causam efficientem sui, sunt unum et idem. Ergo in principio causalitatis, praedicatum per analysim reperitur contineri in subjecto.

2^o Consensu omnium confirmatur. Etenim unicuique compertum est, quae de novo fiunt semper dependere ab alio cujus influxu esse recipiunt; segetes sine semine, illuminatio sine luce, cogitatio sine cogitante dari non possunt, et inter illa non est mera successio phaenomenorum, sed realis et verus influxus antecedentis quod dicitur causa, in esse consequentis quod effectus vocatur. Ergo principium causalitatis, quo exprimitur talis dependentia effectus a causa, verum et certum habetur.

V. Cognoscibilitas causae mediante effectu, et vice versa.
—Ea est habitudo inter effectum et causam, et viceversa, ut cognito uno, aliud cognoscatur.

1^o *Cognitio effectus ducit ad cognitionem existentiae causae.* Omnis enim effectus necessario exigit causam. Cognito igitur effectu ut est effectus, statim praesupponi debet existentia causae.

2° *Cognitio effectus ducit ad cognitionem naturae causae, perfecte si causa sit univoca, imperfecte si causa sit ~~aequivoca~~ analoge.*
 Omnia autem quae sunt in effectu ut effectus est, sunt a causa. Atqui nemo dat quod non habet. Ergo ea quae sunt in effectu sunt etiam aliquo modo in causa, formaliter si causa est univoca, virtualiter si causa est ~~aequivoca~~.
 Cognitio igitur effectus ducit ad cognitionem naturae causae, perfecte si causa sit univoca, imperfecte si causâ sit ~~aequivoca~~.

3° Ex cognitione causae, cum certitudine cognoscuntur effectus qui ex ipsa necessario procedunt, quin naturaliter impediri possint, sic, v. g., ortus et occasus solis, eclipsis, in suis causis certo cognoscuntur.

4° Ex cognitione causae, conjecturaliter cognoscuntur effectus qui ex ipsa sequuntur ut in majori parte, quamvis impediri possint ut in minori, v. g., ex ventis et pluviis cognoscitur conjecturaliter futurus coeli status.

5° Ex cognitione causae nullo modo cognosci potest existentia effectus, ad quem causa omnino indifferens sese habet.

VI. De ordine causarum.—1° Causa efficiens movetur ad agendum a causa finali, et causa efficiens movet materiam ad receptionem formae. In ordine causalitatis, prior est igitur causa finalis, secunda, causa efficiens, tertia, causa materialis, quarta, causa formalis.

2° In ordine dignitatis, forma est nobilior materia, cum sit actus ejus. Causa vero efficiens est nobilior causis materiali et formali quae ab ipsa dependent. Tandem, cum agens non agit nisi propter finem qui est perfectio ejus, causa finalis est nobilissima causarum a qua omnes aliae causae dependent.

DE EXISTENTIA CAUSAE EFFICIENTIS

(26)

I. Status quaestionis.—Praehabita notione causae efficientis, quaeritur nunc utrum creaturae sint revera verae causae efficientes, utrum scilicet res aliae aliis succedentes, ita ad invicem ordinentur ut una influat esse alterius. Ipse S. Thomas refert ⁽¹⁾ positionem eorum qui, suo tempore, arbitantes nihil fieri nisi per creationem, dixerunt Deum immediate omnia operari. Hanc sententiam renoverunt Occasionalistae qui, duce Malebranchio, docent res creatas non esse nisi occasiones ad quarum praesentiam Deus omnia immediate operatur. Dicuntur *rigidiores* seu *mitiores*, secundum quod omnibus creaturis etiam spiritualibus activitatem denegant, vel solis substantiis corporalibus.

Sensistae, cum Lokio, Hume, etc, verum conceptum causae efficientis destruunt, dum volunt ipsum explicare per meram successionem phaenomenorum, ita ut inter effectum et causam non sit nisi connexio quaedam extrinseca, non autem intrinseca vi influxus causae in esse effectus.

Ita positivistae, cum Littré, Comte, Taine, veram causilitatem rerum denegant, cum quidem docent conceptum

(1) II. SENT. Dist. 1, q. 1, a. 4.

hujus causalitatis scientiam positivam excedere, et ad metaphysicam, scientiam pure subjectivam, pertinere.

II. Causalitas efficiens rerum creatarum vindicatur.

THESIS.—CREATURAE SIVE SPIRITUALES SIVE CORPORALES SUNT VERE CAUSAE EFFICIENTES.

1° Pulcherrimus in mundo existit ordo rerum ad finem sibi proprium, et ad finem communem totius universi. Atqui iste ordo impossibilis est, nisi omnes creaturae sint vere causae efficientes. Ergo omnis creatura, sive spiritualis, sive corporalis, vera gaudet activitate.

Major ex experientia constat. Omnis enim res proprium suum finem habet, quem consequendo, in finem communem totius universi conspirat.

Minor explicatur. Ordo enim est convenientia plurium in aliqua unitate. Atqui res diversae naturae, ut sunt res creatae, non possunt in unitatem conspirare, nisi secundum quod quaedam agunt et quaedam patiuntur. Etenim unitas plurium habetur vel propter convenientiam in eadem natura, vel propter conspirationem in eundem finem ex mutuis ad invicem actionibus. Ergo ex ipso ordine mundanarum rerum apparet causalitas efficiens rerum ipsarum.

2° Denegare substantiis spiritualibus veram activitatem est adversari evidenti conscientiae testimonio, et ordinem moralem subvertere. Ergo substantiae spirituales sunt vere causae efficientes.

Declaratur antecedens per partes.—*Prima pars.* Etenim unusquisque propria conscientia experitur se habere dominium suae activitatis: illa enim activitas in suo principio, processu et termino, semper a nobis pendet. Testatur igitur conscientia, nos esse veram et propriam causam activitatis nostrae.

Secunda pars. Denegata enim activitate substantiae spiritualis, perit liberum arbitrium, perit ratio meriti et demeriti, nullum amplius datur discrimen inter bonum et malum, ideoque totaliter subvertitur ordo moralis. Imo cum Deus est sola causa efficiens, ad ipsum referenda sunt omnia mala moralia et omnia crimina, quod est absurdissimum.

3° Denegare corporibus veram activitatem, est destruere omnem scientiam, et ad idealismum ducere. Ergo corpora sunt verae causae efficientes.

Prima pars antecedentis manifestatur.—Omnis enim scientia nostra principium suum habet in rebus sensibilibus, a quibus prius cognitis, ad suprasensibilia cognoscenda assurgimus. Atqui res sensibiles cognoscimus mediantibus suis proprietatibus, operationibus et effectibus. Ergo si res sensibiles nulla donantur propria activitate, nullo modo possumus ex effectibus et operationibus suis proprietates et naturam ipsarum cognoscere, et scientia nostra destruitur.

Secunda pars. Jam vidimus in critica, objectivitatem nostrarum cognitionum fundari in hoc, quod sensatio non explicatur nisi actione corporum sensibilium in ipsos sensus. Atqui denegata activitate corporum, ipsa non possunt agere in sensus. Ergo, denegata activitate corporum, nulla remanet ratio demonstrativa objectivitatis cognitionum nostrarum, et habetur idealismus.

Omnes creaturae igitur sunt vere causae efficientes et occasionalismus est falsus.

III. Solvuntur difficultates.

1° Atqui creaturae sunt tantum occasiones ad quarum praesentiam Deus omnia operatur. Ergo falsa thesis, et probo.

1° Deus omnia in omnibus operatur. Atqui Deo omnia in omnibus operante, creaturae nihil agunt. Ergo creaturae non sunt causae efficientes.

Dist. maj. Deus omnia in omnibus operatur tanquam causa prima, *conc.*; tanquam causa unica, *nego.*

Contrad. min. Deo omnia in omnibus operante tanquam causa unica, creaturae nihil agunt, *conc.*; tanquam causa prima, *subdist.* nihil agunt in ordine causae primae, *conc.*; in ordine causae secundae, *nego.*

2^o Atqui Deus omnia operatur sicut causa unica. Ergo.

Activitas efficiens est quid divinum. Atqui quod est hujusmodi non potest convenire creaturis. Ergo Deus omnia operatur tanquam causa unica.

Dist. maj. Activitas efficiens prima et imparticipata est quid divinum, *conc.*; activitas secunda et participata, *nego.*

Conc. minorem et nego cons. et conseq.

3^o Atqui activitas efficiens est quid imparticipabile. Ergo.

Omnis activitas efficiens est creativa. Atqui creatio est actio propriissima Dei quae nulli creaturae convenire potest. Ergo activitas efficiens est quid imparticipabile.

Dist. maj. Activitas efficiens quae effectum producit ex nullo praesupposito subjecto, est creativa, *conc.*; quae effectum producit ex praesupposito subjecto, et dependenter a causa prima, *nego.*

Conc. min., et nego conseq. et conseq.

4^o Atqui repugnat creaturam agere cum causa prima et dependenter ab ipsa. Ergo.

Agens quod operatur sine medio perfectius est quam agens cum medio operans. Atqui Deus est agens perfectissimum. Ergo omnia sine ullo medio operatur.

Dist. maj. Si operans cum medio propter indigentiam utitur medio, *conc.*, si utitur medio propter abundantiam suae bonitatis quae vult communicare rebus activitatem, *nego.*

Conc. min.

Deus, causa prima, utitur creaturis tanquam causae secundae, non propter defectum propriae virtutis, sed propter abundantiam suae bonitatis. Quemadmodum primum ens, esse participatum ipsis creaturis donavit, ita, prima causa activitatem participatam et secundariam ipsis largitus est.

5^o Atqui repugnat Deum operari cum creatura ad eundem affectum producendum. Ergo.

Si Deus et creatura eundem effectum producunt, Deus dicendus est causa partialis. Atqui Deus causa partialis dici nequit. Ergo creaturae non agunt.

Dist. maj. Si agunt in eodem ordine causae, *conc.*, in diverso ordine, *nego.*

Conc. min.

6^o Atqui Deus et creatura eundem effectum producere non possunt in diverso ordine. Ergo.

Deus et creatura eundem effectum producere debent immediate. Atqui hoc fieri nequit. Ergo creatura non potest coagere Deo.

Dist. maj. Immediate immediatione virtutis et suppositi, *nego*, Deus immediatione virtutis et creatura immediatione suppositi. *conc.*

Contradist. min. Repugnat Deum et creaturam eadem immediatione immediate effectum producere, *conc.*, Deus immediatione virtutis et creaturam immediatione suppositi, *nego*.

7^o Atqui ex parte creaturae deest proportio inter effectum et causam. Ergo creaturae agere non possunt.

Mediante activitate creaturarum producerentur substantiae. Atqui actio creaturae esset accidens quod substantiam producere non potest. Ergo creaturae agere non possunt.

Conc. maj.

Dist. min. Accidens ut accidens non potest producere substantiam, *conc.*, ut instrumentum substantiae, *nego*.

Actio creaturae procedit a facultate quae est instrumentum substantiae. Ipsa enim substantia mediante facultate operatur.

8^o Atqui nec ut instrumentum substantiae activitas creaturae effectum producere valet. Ergo.

Actio creaturae, si qua esset, deberet producere formam. Atqui forma cum sit simplex, non fit ex praesupposito subjecto, sed creatur. Ergo actio creaturae nihil producere valeret.

Dist. maj. Deberet producere formam *per se*, *nego*, per accidens, *conc.*

Contradist. min. Forma quae producitur per se creatur, *conc.* quae fit per accidens, *nego*.

II^o. (1) Atqui saltem corpora agere non possunt. Probo.

1^o Agere est vivere. Atqui corpora non vivunt. Ergo corpora agere non possunt.

Dist. maj. Agere actione *immanenti* est vivere, *conc.*; actione *transeunti*, *nego*.

Conc. min.

Vita in actu secundo est ipsa actio immanens quae ideo propria est viventium; sed praeter actionem immanentem, datur actio transiens quae ipsis corporibus convenit.

2^o Atqui omnis actio est immanens. Ergo.

Omnis actio est modificatio agentis. Atqui modificatio agentis est agenti immanens. Ergo omnis actio est immanens.

(1) Cf. LAHOUSSE, *Ontologia*, Nos 671, 672.

Dist. maj. Omnis actio active et principiatiue est modificatio agentis, conc. ; passive et terminatiue, nego.

Conc. min.

Actio immanens est illa cujus principium et terminus sunt in ipso agente ; actio autem transiens illa cujus terminus non est in ipso agente, illa scilicet quae recipitur in subjecto prorsus diverso ab eo a quo procedit. Cum sunt actiones ejus modi, ut calefacere, movere, facile intelligitur quod passive et terminatiue omnis actio non est semper modificatio agentis.

3^o Atqui actio etiam transiens corporibus repugnat. Ergo.

Omne agens agit propter finem. Atqui corpus non potest agere propter finem. Ergo actio etiam transiens ipsi repugnat.

Dist. maj. Omne agens agit propter finem apprehensiue vel executive, conc. Apprehensiue tantum nego.

Dist. min. Apprehensiue, conc. ; executive, nego.

Agens enim est cognoscitivum vel non cognoscitivum ; in primo casu apprehendit finem propter quem agit, in secundo autem non apprehendit. Tamen in utroque casu semper agit propter finem vel a se determinatum, vel determinatum ab alio. Corpora autem agunt propter finem ad quem diriguntur natura, ideoque executive sese habent ad ipsum.

ARTICULUS III

DE MODO OPERANDI CAUSAE EFFICIENTIS

(27)

I. Status quaestionis. -- Substantiae creatae sunt verae causae efficientes et realiter agunt, sed agunt-ne immediate per se nempe per substantiam suam, vel mediate, mediante scilicet aliqua virtute realiter a se distincta? Quaeritur ergo de principio immediato operationis. Jam diximus ⁽¹⁾,

(1) *De subsistentia*, pp. 374 et seq.

duplex esse principium operationis : naturam quae dicitur *principium quo*, et suppositum, quod est *principium quod* operationis. Non agitur quidem in praesenti de *principio quod* operationis, sed de *principio quo*; quaeritur enim utrum suppositum, quod est subjectum cui omnes tribuuntur operationes, agat virtute quae identificatur cum essentia seu natura, vel virtute realiter ab ipsa essentia distincta, utrum scilicet unicum sit principium quo operationis seu multiplex.

II. **Philosophorum sententiae.**—Scotus et scotistae affirmant substantiam esse per se immediate activam, cui sententiae subscribunt dynamistae et atomistae. Scotistae tamen distinctionem formalem ex natura rei admittunt inter substantiam et virtutem agendi, alii autem distinctionem rationis.

Scholastici vero docent substantias creatas habere vires seu virtutes agendi realiter a se distinctas, quae potentiae seu facultates dicuntur, et sunt principia immediata operationum suarum. Illae autem potentiae necessario et ab intrinseco dimanant ab ipsa essentia cujus sunt proprietates. Duplex igitur juxta ipsos datur principium quo operationis, natura et potentia. Cum autem potentia dimanat a natura quae potentia mediante effectum attingit, natura dicitur principium *radicale*, *mediatum* et *remotum* operationis, potentia vero principium *immediatum* et *proximum*.

III. Sententia scholastica demonstratur.

THESIS.—IN REBUS CREATIS VIRTUS AGENDI REALITER DISTINGUITUR AB ESSENTIA.

1° Actus et potentia essentialiter ordinata ad talem actum sunt in eodem genere. Atqui actio, ad quam essentialiter ordinatur virtus agendi creaturarum sicut potentia ad actum, est in genere accidentis. Ergo virtus agendi creaturarum est in genere accidentis. Atqui accidens realiter

distinguitur a rei substantia. Ergo in rebus creatis substantia non agit immediate per seipsam, sed mediante aliqua virtute realiter a se distincta.

Major jam explicata est. ⁽¹⁾ *Minor* autem facile constat. Actiones enim, intellectiones, sensationes, nobis superveniunt et transeunt eadem manente substantia agentis, ideoque sunt realitates accidentales realiter ab ipsa substantia agentis distinctae.

2^o *Potentiae activae* quibus operantur substantiae creatae realiter inter se distinguuntur. Ergo realiter a substantia agentis distinguuntur.

Consequentia est manifesta : quae sunt idem uni tertio, sunt idem inter se.

Ad antecedens. Etenim potentiae activae operationes diversas habent, aliud est enim intelligere, aliud sentire, aliud videre, aliud gustare ; quaedam sunt organicae, quaedam ab organo separatae ; ad invicem mutuam habent influxum, quaedam aliis dominantur et impediuntur. Atqui ista omnia absolute impossibilia sunt nisi potentiae realiter inter se distinguantur. Ergo.

3^o *Proprius actus essentiae est esse, proprius actus virtutis agendi est operari.* Atqui in nulla creatura *operari* identificatur cum *esse*, hoc enim Deo tantum convenit. Ergo in nulla creatura, virtus operandi identificatur cum essentia.

« Manifestum est quod diversi actus diversorum sunt : semper enim actus proportionantur ei cuius est actus. Sicut autem ipsum esse est actualitas quaedam essentiae, ita operari est actualitas operativae potentiae seu virtutis. Unde cum in nulla creatura suum operari sit suum esse, sed hoc sit proprium solius Dei, sequitur quod nullius creaturae operativa potentia sit ejus essentia ; sed solius Dei proprium est, ut sua essentia sit sua potentia. » ⁽²⁾

(1) Cf. p. 296.

(2) S. THOMAS, QQ. DD. De spirit. creat., a. 11.

IV. De actione in distans.—1° Status quaestionis.— Agere in distans est agere in subjectum quod ab agente distat. Agens autem agere in subjectum a se distans dupliciter potest intelligi : *mediate*, scilicet, mediante aliquo tertio, quod potest esse unum vel multiplex, recipiente virtutem seu influxum agentis, eamque passo deferente, v. g., artifex mediante instrumento materiam attingit ; *immediate*, scilicet, nullo tertio mediante. Cum agitur de actione in distans, non quaeritur utrum causa efficiens possit *mediate* in subjectum distans agere, quod quidem est manifestum ; sed utrum causa efficiens possit agere in distans nullo medio intercedente. Insuper non fit sermo de actione immanente, sed transeunte ut per se patet. ¹⁾

2° Philosophorum sententiae. — Dynamistae, asserentes corpora constare elementis simplicibus inter se distantibus et mutuam influxum ad invicem exercentibus, actionem in distans, plerique saltem admittunt.

Peripatetici et scholastici ipsam rejiciunt, requirentes inter agens et passum conjunctionem immediatam suppositi vel virtutis. Immediatio suppositi datur cum agens conjungitur passo, nullo alio supposito intercedente ; immediatio virtutis, cum inter agens et passum aliud vel alia sunt supposita media, sed nulla virtus. Unde inter agens et passum requiritur *contactus sive quantitativus* ²⁾, si sint corpora, sive virtutis.

(1) « *Distance* est ici synonyme de vide absolu. La question qui se pose est de savoir si des corps, séparés l'un de l'autre par un intervalle vide de toute réalité, peuvent exercer l'un sur l'autre une influence réelle. » D. Nys, *Cosmologie*, p. 553.

(2) *Contactus quantitativus* habetur inter duo extensa, quorum extrema sunt simul ; *contactus virtutis*, inter duo quorum unum influit in alterum ipsum reducendo de potentia ad actum.

3° Actionis in distans impossibilitas demonstratur.

THESIS. ACTIO IN DISTANS REPUGNAT.

1° Experientia physicorum hanc legem statuit influxus corporum ad invicem : intensitas influxus unius corporis in aliud eo magis minuit, quo magis crescit distantia inter utrumque, et eo magis crescit, quo magis minuit distantia. Atqui haec lex explicari non potest admissa actione in distans. Ergo actio in distans physice repugnat.

Ad minorem. Variatio enim intensitatis influxus facile explicatur, admisso medio inter agens et passum : illud enim medium partem influxus absorbet et non transmittit influxum nisi deinde in id opae et magis crescit numerus intermediorum, eo magis minuit intensitas influxus. Sed admissa actione in distans, nihil datur inter agens et passum, recipiens influxum agentis, intensitas consequenter eadem semper esse deberet.

2° Virtus activa in atque l subjectum agere non potest, nisi ipsi applicetur, et influxus ejus in ipso recipiatur. Atqui

(1) « Toutes les forces corporelles sont régies par une loi d'application constante dont voici l'énoncé : « L'intensité de l'action qu'un corps exerce sur un autre diminue à mesure que la distance augmente ; elle s'accroît au contraire, à mesure que la distance diminue. » Or ce fait est inexplicable dans l'hypothèse de l'action à distance, prise au sens rigoureux du terme.

« Sans altérer les dispositions internes de l'agent et du patient, faisons varier la distance qui les sépare. Au reste le vide, grand ou petit, n'étant rien, ne peut les modifier.

« L'action, considérée dans l'agent, revêt une intensité invariable et indépendante de la distance, car les êtres matériels, dépourvus de liberté ne changent point, à leur gré, la mesure de leur activité.

« Considérée dans le patient, où rien n'est changé, elle se présente avec le degré d'intensité qu'elle avait dans l'agent. S'il y avait un changement, le milieu seul en serait la cause. Mais le vide n'est rien, et l'action, n'ayant pas à le parcourir, ne peut se disséminer dans l'espace.

« Les variations de l'intensité, attestées par l'expérience, demeurent donc des effets sans cause, à moins de substituer au vide hypothétique la matière continue pondérable ou impondérable. Alors l'amointrissement progressif de l'action relève d'une cause proportionnée, à savoir les résistances croissantes du milieu réelle. » D. Nys, *Cosmologie*, pp. 555, 556.

haec applicatio virtutis activae ad passum nihil aliud est, nisi praesentia ejus immediata secundum immediationem suppositi vel saltem virtutis. Ergo actio in distans absolute repugnat.

Omnis causa debet igitur esse praesens subjecto in quod agit. Haec autem praesentia haberi potest multiplici modo :

1° *Inmediate*, immediatione suppositi, quod fieri potest, *a)* secundum identitatem suppositi agentis et subjecti patientis, sicut in actione immanenti ; *b)* secundum contiguitatem, cum v. g. manus movet lapidem.

2° *Inmediate*, immediatione virtutis, secundum quod virtus causae, mediis interpositis ad subjectum patiens transfertur.

V. Axiomata philosophica.— 1° *Nullum ens est causa suiipsius.* Effectus enim est quid distinctum a causa, et ab actione ejus dependens. Unumquodque autem agit, seu est causa, secundum quod est actu, fit vero seu est effectus, secundum quod est in potentia, fiunt enim quae non sunt actu sed esse possunt. Ergo si aliquid esset causa suiipsius, esset simul in actu et in potentia secundum idem. Coetere fieri est ejus quod non actu est ; igitur si aliquid esset causa suiipsius jam ageret antequam esset, quod repugnat.

2° *Nou datur effectus sine causa, seu Omnis effectus habet causam, seu Quidquid incipit esse habet causam.* Tales sunt formulae variae *principii causalitatis.*

Principium causalitatis cum *principio rationis sufficientis* : *omne ens habet sui rationem sufficientem*, aliquam convenientiam habet ; principium rationis sufficientis latius patet, cum applicari possit non tantum effectibus, sed omnibus entibus. *Ratio* nihil aliud significat hic nisi principium objectivum quo res cognoscitur. Unde dicere : *omne ens habet rationem sui sufficientem* significat, omne ens habere aliquod principium sui constitutivum, quo cognito, ipsum

ens fit nobis cognoscibile seu intelligibile. Principium rationis sufficientis est igitur analyticum : ens et verum seu intelligibile convertuntur ; esse intelligibile, et habere rationem sufficientem sunt unum et idem ; ergo habere rationem sufficientem in notione entis continetur.

3° *Causa est prior suo effectu.* Duplex datur prioritas, alia temporis, alia naturae. In his quae fiunt in instanti, sufficit prioritas naturae ; in his quae fiunt cum motu et tempore, habetur prioritas temporis ex parte causae.

4° *Perfectio effectus praeexistit in causa.* Dicitur a) *perfectio*, non autem *defectus* qui esse potest vel ab indispositione materiae seu subjecti, vel a principio extrinseco impediante actionem causae ; b) illud axioma verificatur de causa *per se* et de causa *principali*, non autem de causa *per accidens*, et de causa instrumentali. Perfectio vero effectus est in causa *eminenter*, si superiori modo in ipsa existat ; *formaliter*, si secundum similitudinem formae ejusdem speciei, ut in causis univocis ; *virtualiter*, secundum quod causa virtutem habeat ipsius producendi, vel ipsam possideat aequivalenter, ut in causis aequivocis.

5° *Effectus suae causae proportionari debet.* Quod quidem non significat perfectionem causae non posse excedere perfectionem effectus, sed effectum non posse excedere perfectionem causae. Illo axiome significatur etiam : effectum requirere causam proportionatam qua effectus est, ita ut effectus per se, causam per se requirat, effectus universalis causam universalem, etc.

6° *Causa causae est causa causati.* Illud axioma respicit causas ordinatas, quae ita sese habent ut una causet *quia mota* ab altera. Hoc quidem verificatur in causis necessariis, sed non in causis liberis, nisi causa libera ipsum effectum causae a se productae intendat, et ob id ipsam causam produxerit, vel si non intendat effectum ipsum praeviderit, et non impediverit cum impedire tenebatur.

7^o *Causa secunda agit in virtute causae primae. Causa secunda applicatur a prima.* Causa enim secunda est illa quae tum quoad virtutem agendi, tum quoad exercitium istius virtutis a prima pendet. Unde virtus agendi causae secundae ipsi ministratur a prima, et a causa prima applicatur ad agendum.

8^o *Causa secunda non agit nisi mota a prima.* Motio causae secundae a prima est accipienda secundum modum et naturam uniuscujusque. « Deus operatur in omnibus, ita tamen quod in unoquoque secundum ejus conditionem ; unde in rebus naturalibus operatur sicut ministrans virtutem agendi et determinans naturam ad talem actionem. In libero arbitrio hoc modo agit ut virtutem sibi ministret, et, ipso operante, liberum arbitrium agat ; sed tamen determinatio actionis et finis in potestate arbitrii constituitur. » ¹⁾

9^o *Causa prima plus influit quam secunda.* Causa enim prima dat secundae virtutem agendi, ipsam conservat et applicat ad agendum.

10^o *Propter quod unumquodque tale et illud magis.* Causae scilicet, ratione cujus aliqua perfectio alicui subjecto tribuitur, magis convenit assignata illa perfectio quam ceteris, v. g. : Deus, ratione cujus homo intelligit, est magis intelligens ; ignis, ratione cujus ferrum est calidum, est magis calidus quam ferrum.

(1) S. THOMAS, II, *Sent. Dist.* 25, q. 1, a. 1, ad 3.

CAPUT TERTIUM

DE CAUSA MATERIALI ET FORMALI

Prologus.—De causa materiali et formali pauca sunt dicenda quae in unico articulo continentur sequenti ordine disposita.

DE CAUSA MATERIALI ET FORMALI

Notio causae materialis et formalis.

Species { Materiae } Prima
 { } Secunda
 { Formae } Substantialis
 { } Accidental

Causalitas materiae et formae

Causa exemplaris.

DE CAUSA MATERIALI ET FORMALI.

(28)

I. **Causae materialis et formalis notio.**—*Causa materialis* est *id ex quo aliquid fit*, v. g. : marmor ex quo fit statua. Materia ex qua fiunt opera artis, ut lignum, marmor, est quid secundum se *indifferens* ad formam artis, quid *in potentia*, quid *determinabile* ; marmor est *indifferens* ad esse statuam vel aliquid aliud, est in potentia et determinabilis. Determinatur autem ad tale esse in quantum actuatur forma artis. Unde *causa formalis* est *id quod constituit rem in determinata specie*, forma seu figura qua marmor fit statua, est causa formalis statuae. Causa materialis est igitur principium passivum, determinabile ; causa formalis est principium activum et determinans.

II. **Materiae et formae species.**—Materia dividitur in *primam* et *secundam*. *Materia secunda* est substantia materialis, in sua natura jam constituta, subjectum mutationum accidentalium, ut lignum, aes, etc. *Materia prima* est principium passivum, indeterminatum, subjectum omnium mutationum substantialium.

Sicut in quolibet artefacto duo facile distinguuntur principia ipsum constituentia in suo esse accidentali, nempe aliquod corpus seu *materia secunda*, puta marmor vel lignum

ad conflandam statuam, et forma seu figura quae efficit ut marmor vel lignum sit haec statua, ita etiam corpora in suo esse substantiali constituuntur ex duplici principio, uno *materiali* quod est passivum, indeterminatum, subjectum omnium transmutationum substantialium, altero *formali* quod est principium activum et determinans materiam primam ad esse determinati corporis, v. g., ad esse ferrum, lignum vel aliud corpus. Forma igitur est duplex alia *substantialis*, alia *accidentalis*. *Forma substantialis* est principium activum et determinans, materiam primam constituens in determinata specie corporis. *Forma accidentalis* est principium activum determinans materiam secundam in determinata specie accidentis. Prima dat esse substantiale, secunda esse accidentale. ⁽¹⁾

Voces materiae et formae, quae proprie dicuntur de artefactis et de compositis physicis, translatae sunt secundum aliquam analogiam ad composita metaphysica, logica et moralia. Cum in ipsis elementum invenitur determinabile et aliud determinans, primum materia dicitur, secundum forma; sic in compositione metaphysica generis et differentiae, genus sese habet ut materia, differentia ut forma; ita in iudiciis et propositionibus, elementum materiale nempe subjectum et praedicatum, et elementum formale, scilicet copulam distinximus.

(1) « Causa *materialis prima* est id ex quo tanquam intrinseco et determinabili aliquid fit in ratione substantiae completae, seu quantum ad *esse primum*: sicut id ex quo fit planta, equus, homo. Causa *materialis secunda* est id ex quo existente et determinabili fit aliquid quantum ad esse accidentale; sicut est materia omnium artificiatorum.

« Similiter causa *formalis prima* seu *substantialis* est intrinsecum determinativum rei quantum ad *esse substantiale* et specificum; sicut anima rationalis in homine. Causa *formalis secunda* vel *accidentalis* est intrinsecum determinativum quantum ad esse accidentale vel adiuuctum; sicut figura in omnibus artificiatibus. » LORENZELLI, *Phil. Met. gen. lect. II, de causis*, II.

III. *Causalitas materiae et formae.*—Materia et forma sunt verae causae, ab ipsis enim pendet esse compositi. Non sunt causae extrinsecae, ut causa efficiens et causa finalis, sed causae intrinsecae, sunt enim principia intrinseca constitutiva compositi.

Causalitas materiae consistit in hoc quod sit *receptiva formae*, quaecum *unitur* ad constituendum compositum.

Causalitas formae consistit in hoc quod *actual* et *informat* materiam ad constituendum cum ipsa compositum. Materia et forma influunt in esse compositi per suam essentiam, sese communicando enim propriam entitatem, compositum constituunt; unde relationem essentialem important ad invicem. Cum forma est complementum substantiae, cujus actus est ipsum esse, ipsa dicitur principium essendi; forma dat esse, in quantum actuando materiam, constituit subjectum immediatum actus essendi.

« Materia est causa formae, in quantum forma non est nisi in materia, et similiter forma est causa materiae, in quantum materia non habet esse in actu, nisi per formam; materia enim et forma dicuntur relative ad invicem: dicuntur etiam relative ad compositum, sicut pars et totum. » ⁽¹⁾

IV. *Causa exemplaris.*—*Exemplar* est *idea in mente praeconcepta ad cujus similitudinem res ipsa conficitur*, v. g., Deus est causa exemplaris omnium rerum, in quantum habet in intellectu suo ideas archetypas ipsarum, artifex in mente sua praehabet ideam ad cujus similitudinem opus artis conficitur.

Exemplar habet rationem causae, positive enim influit in esse causati. Causa autem exemplaris considerari potest ut aliquid ipsius agentis, idea nempe ipsius, et ut sic dici potest habere aliquo modo rationem causae efficientis;

(1) S. THOMAS, *Opusc. De principiis naturae.*

considerari potest etiam ut aliquid quod agens intendit facere, unde « forma exemplaris habet quodammodo rationem finis. »⁽¹⁾ Tamen causalitas ideae exemplaris videtur potius et proprius consistere in hoc quod exemplar sit principium extrinsecum a quo res pendeat ut sit id quod est. Principium autem quo res est id quod est, dicitur causa formalis. Unde causa exemplaris reducitur ad causam formalem sed extrinsecam, et exemplaria vocantur formae rerum extrinsecae.

(1) *De Veritate*, q. 3, a. 1.

CAPUT QUARTUM

DE CAUSA FINALI

Prologus.—De causa finali duplex movetur quaestio, nempe de natura, et de existentia, unde duplex hujus capituli articulus, cujus materia sic ordinata proponitur.

DE CAUSA FINALI.

- | | | | |
|-------------------|---|---|--|
| I. De natura | { | Finis notio | |
| | | Finis species | { |
| | | | Finis operis, finis operantis |
| | | | Proximus, intermedius, ultimus |
| | | | Finis qui, finis cui, finis quo |
| | | | Principalis, secundarius |
| | | | Naturalis, supernaturalis |
| | | | In ordine intentionis finis habet rationem causae. |
| | | | Causalitas finis |
| | | | Axiomata |
| II. De existentia | { | Status quaestionis | |
| | | Thesis: Omne agens agit propter finem sive apprehensive | |
| | | sive executive, et quidem propter ultimum finem. | |
| | | De casu et fortuna | |
| | | De fato | |

ARTICULUS I

DE NATURA CAUSAE FINALIS

(29)

I. **Finis notio.**—Finis τῆλος *secundum nomen*, idem est ac *terminus*, unde quidquid terminat aliquid dicitur finis.

Secundum rem vero, et prout in ratione causae accipitur, *finis est id propter quod seu cuius gratia aliquid fit.*

1° Id propter quod agens agit, est aliquod *bonum*, nam est aliquid appetibile, est enim id quod appetit agens et ad cuius consecutionem operationem suam ordinat. Solum bonum igitur habet rationem finis.

2° Illud bonum propter quod agens agit potest esse cognitum et volitum ab ipso agente, ut in causis voluntariis et liberis ; potest esse cognitum et non volitum, sed instinctu appetitum, ut in brutis ; potest esse naturaliter appetitum tantum ut in entibus non cognoscentibus.

3° Bonum habet rationem finis prout appetitur propter se, si autem propter aliud ad quod ducit appetitur, habet rationem, medii.

II. **Finis species.**—1° Finis dividitur in *finem operis* et *finem operantis.*

Finis operis est bonum ad quod opus ab agente exercitum natura sua ordinatur, v. g. : *finis operis* eleemosynae est sublevamen pauperis.

Finis operantis est bonum quod operans operando intendit, v. g. : qui facit eleemosynam intendere potest vel sublevamen pauperum, vel vanam gloriam, vel aliud bonum quod *finis operantis* dicitur. *Finis operis* et *finis operantis* coïncidere possunt vel non.

2^o *Finis* est *proximus*, *iutermedius*, vel *ultimus*.

Finis proximus est bonum ad quod immediate tendit opus vel operans.—*Finis interuuedius* est bonum ad quod ordinatur finis proximus, quod et ipsum ad bonum superius seu ad fines superiores ordinatur.—*Finis ultimus* est bonum ad quod ordinantur finis proximus et finis intermedius, quod quidem non ordinatur ad aliud bonum, saltem in aliquo particulari rerum ordine. Sic discipulus scholae medicinae studiis vacat, ut scientiam acquirat ; scientiam quaerit ut baccalaureatum, licentiam et doctoratum feliciter subeat ; doctoratus diploma intendit ut medecinae artem exercendum tanquam genus vitae degendae constituat : ars medicinae exercenda est finis ultimus, scientia acquirenda est finis proximus, alia vero sunt fines intermedii.

Finis ultimus est *absolute* et *simpliciter* ultimus, vel *relative* et *secundum quid*. *Finis simpliciter ultimus* est bonum ad quod omnia alia bona ordinantur, et quod excludit quamcumque ulteriorem ordinationem ad aliud bonum, v. g. : beatitudo perfecta est finis ultimus hominis.—*Finis secundum quid ultimus* est bonum ad quod in aliquo ordine rerum alia bona ordinantur tanquam ad terminum, sed quod non excludit ordinationem ad aliud bonum superioris ordinis, v. g. : ars medicinae, in praecedenti exemplo, est ultimus terminus ad quem ordinantur studia discipuli, sed illud bonum ulterius ordinatur ad procuranda illa quae sunt necessaria ad sustentationem vitae medici et familiae ejus ; quae sustentatio vitae requiritur ad exercitium virtutis, quod ad beatitudinem aeternae vitae procurandam ordinatur.

3^o *Finis* dividitur in *finem qui*, *finem cui* et *finem quo*.

Finis qui seu *cujus* est ipsum bonum intentum ab operante ; dicitur etiam *finis objectivus*. *Finis cui* est illud in *cujus* favorem bonum intenditur. *Finis quo* est illud quo acquiritur et possidetur bonum intentum ; dicitur etiam *finis formalis*. Sic qui sibi intendit vitam aeternam virtutis exercitio consequendam, sese habet ut *finis cui*, vita aeterna est *finis qui*, et exercitium virtutis *finis quo*.

4^o *Finis* dicitur *principalis* vel *secundarius*, secundum quod primo et per se, vel secundario et occasione alterius intenditur.

5^o *Finis* est *naturalis* vel *supernaturalis*, prout agens viribus naturalibus ipsum consequi potest, vel auxiliis supernaturalibus indiget ad ipsum consequendum. Beatitudo aeterna gratia Dei consequenda est *finis supernaturalis*.

III. In ordine intentionis *finis* habet rationem causae. —Duplex datur ordo in quo *finis* considerari potest : unus *intentionis* in quo *finis* intenditur, alter executionis, in quo *finis* obtinetur. In ordine intentionis *finis* habet rationem principii ; in ordine executionis, rationem termini. Prius enim intenditur *finis* et postea eliguntur media ad finem ; sed in executione, primo media executioni mandantur, secundo obtinetur *finis*. Ergo *finis* movet agens ad agendum in ordine intentionis, in ordine executionis sese habet ut effectus actionis ejus.

Illud vere et proprie habet rationem causae quod realiter influit in esse effectus. Atqui *finis* in ordine intentionis movet agens ad agendum et ad producendum effectum, ideoque realem influxum habet in esse effectus. Ergo *finis* in ordine intentionis habet rationem causae.

IV. Causalitas *finis*.—Causalitas *finis* consistit in hoc quod movet bonitate sua causam efficientem ad agendum. Ipsa enim bonitas vera seu apparens *finis* allicit appetitum,



MICROCOPY RESOLUTION TEST CHART

ANSI and ISO TEST CHART No. 2



4.5

5.0

5.6

6.3

7.1

8.0

9.0

10

11.2

12.5

14.3

16

18

20

22.5

25

28

31.5

36

40

45



APPLIED IMAGE Inc

1000 East Main Street
Rochester, New York 14604 USA
Tel: 716/462-1100 Phone
Telex: 248688 Applied Fax

et inclinatione quadam trahit agens ad agendum. ⁽¹⁾ « Sicut influere causae efficientis est agere, ita influere causae finalis est appeti et desiderari. » ⁽²⁾ Finalitas seu causalitas finis nihil aliud est igitur nisi *inclinatio* in agente excitata bonitate finis. « Quae tamen inclinatio diversimode invenitur in diversis naturis, in unaquaque secundum modum ejus. Unde in natura intellectuali invenitur inclinatio naturalis secundum voluntatem, in natura autem sensitiva secundum appetitum sensitivum, in natura vero carente cognitione secundum ordinem naturae in aliquid. » ⁽³⁾

V. Axiomata philosophica.— 1° *Finis est causa causarum.*

2° *Finis est primus in intentione, ultimus in executione* ⁽¹⁾.

3° *Qui vult finem, vult media.*

4° *Media sunt propter finem, et propter finem amantur.*

5° *Media sint fini proportionata ; aliter enim non essent media.*

(1) « La cause finale est donc le bien présenté à la volonté. Sa causalité consiste dans l'attrait du bien sur la faculté volitive et dans l'inclination qu'elle y fait naître. » D. MERCIER, *Traité élémentaire, Mét. gén.*, p. 165.

(2) S. THOMAS, *De Veritate*, q. 22, a. 2.

(3) S. THOMAS, *Sum. theol.* p. 1, q. 60, a. 1.

(4) « La fin est toujours la première dans l'intention et la dernière dans l'exécution. Par exemple si l'on veut aller à la chasse, c'est ce qu'on pense le premier et qu'on exécute le dernier, parce qu'il faut auparavant commander les équipages, monter à cheval, aller au lieu destiné, et ainsi du reste. Il n'y a donc rien de plus véritable que cet axiome qui dit que *la première chose dans l'intention est la dernière dans l'exécution*, parce que la première chose à quoi l'on pense et la dernière où l'on arrive, c'est la fin. » BOSSUET, *Traité des causes*.

DE EXISTENTIA CAUSAE FINALIS.

(30)

I. Status quaestionis.—1° Agens tendit ad finem dupliciter : *apprehensive*, cum ipsum intellectualiter seu sensitive apprehendit, et sese movet in eum ; *executive*, quando finem attingit quem nullo modo apprehendit, nec apprehendere potest.

2° Finalitas est duplex : alia *intrinsic*a quae consistit in inclinatione ipsis rebus insita, vi cuius finem prosequuntur ; alia *extrinseca* quae sistit in quadam directione ipsis rebus extrinsecus impressa, vi cuius finem attingunt quin ad ipsum naturaliter ordinentur.

3° Quaeritur, utrum finalitas existat in mundo, utrum scilicet res ~~materialia~~ propter finem intentum agant, vel utrum casu et fato in actionibus suis dirigantur. Materialistae cujusque aetatis existentiam causarum finalium denegant, ita Positivistae qui omnem rerum activitatem viribus mechanicis explicant. Cartesius et Cartesiani non admittunt nisi finalitatem extrinsecam. Deus, juxta ipsos, ordinem universalem efficit et conservat, actione externa suae Providentiae in causas efficientes. Aristoteles, S. Augustinus, S. Thomas et omnes scholastici finalitatem intrinsicam affirmant,

vi cuius res omnes ad finem tendunt apprehensive vel executive.

II. Existentia causarum finalium affirmatur.

THESIS.—OMNE AGENS AGIT PROPTER FINEM, SIVE APPREHENSIVE SIVE EXECUTIVE, ET QUIDEM PROPTER ULTIMUM FINEM.

Prima pars. *Omne agens agit propter finem.* Omnia agentia determinatos producant effectus. Atqui tales determinatos effectus constanter producere non possunt nisi agant propter finem. Ergo omnia agentia agunt propter finem.

Major ex experientia constat. *Minor* facile apparet. Etenim si agentia casu agerent, indifferenter sese haberent ad omnia, et nulla daretur ratio cur unum produceret potiusquam alterum.

« Si agens, ait S. Thomas, non esset determinatum ad aliquem effectum, non magis ageret hoc quam illud. Ad hoc ergo ut determinatum effectum producat, necesse est quod determinatur ad aliquid certum quod habet rationem finis. »⁽¹⁾

2^o Proprium est entis intelligentis sibi proponere finem, ad quem obtinendum sua opera ordinat. Ergo agens intellectuale, Deus nempe et homo agunt propter finem intentum. Atqui omnia alia entia ratione destituta sunt opera Dei vel creaturae rationalis seu hominis, sunt enim res naturales a Deo creatae, vel artefacta ab homine confecta. Ergo omnia alia agentia ratione destituta ad finem ordinantur a Deo vel ab homine intentum, ideoque agunt propter finem.

Secunda pars.—*Apprehensive vel executive.* Etenim entia cognitione capacia agunt propter finem quem apprehendunt, sive libero arbitrio ad ipsum obtinendum sese

(1) *Sum. theol.* I-IIae, q. 1, a. 2.

moveant, ut homines, sive instinctu, ut animalia bruta. Entia vero cognitione destituta finem non apprehendunt, sed exequuntur secundum naturalem inclinationem quem receperunt sive a Deo, si sint res naturales, sive ab artifice si sint artefacta.

Tertia pars.—Omne agens agit propter finem. Ille autem finis vel est proximus, vel intermedius, vel ultimus. Atqui finis proximus ad intermedium, intermedius ad ultimum ordinatur. Ergo omne agens mediate vel immediate agit propter finem ultimum.

III. De casu, et fortuna. *Casus est effectus secutus praeter intentionem agentis.* Effectus secutus praeter intentionem naturae, seu agentis per naturam, dicitur *casus*; praeter intentionem agentis per intellectum, dicitur *fortuna*.

Aliquid evenire potest praeter ordinem vel intentionem causae secundae, quia istae causae sunt finitae, et in actione sua impediri possunt ab aliis; sed praeter ordinem seu intentionem causae primae infinitae, in cujus virtute agunt omnes causae secundae, nihil evenire potest. Ergo respectu causarum secundarum casus admitti potest, non autem respectu causae primae.

VI. De fato.—Fatum nihil aliud est nisi casus prout sumitur pro causa, sic dicitur ordo mundi esse a casu, seu a fato. Hoc sensu *fatum* definitur: *vis caeca necessitate ineluctabili omnibus et singulis agentibus determinatos effectus imperans.* Fatum prout sic a Fatalistis accipitur, non nisi in imaginatione existit.

INDEX RERUM

ELEMENTA PHILOSOPHIAE CHRISTIANAE

AD MENTEM

SANCTI THOMAE EXPOSITA

Lettre-préface v

PROLEGOMENA

De philosophia in genere 1

I

LOGICA

SEU PHILOSOPHIA RATIONALIS

Prolegomena 7

LOGICAE PRIOR PARS

DIALECTICA

LIBER PRIMUS

DE SIMPLICI APPREHENSIONE

| | |
|---|----|
| CAPUT I. De ideis..... | 12 |
| Art. I. De natura ideae..... | 14 |
| Art. II. De divisione idearum..... | 17 |
| Art. III. De praedicabilibus..... | 26 |
| Art. VI. De praedicamentis..... | 30 |
| Art. V. De postpraedicamentis..... | 37 |
| CAPUT II. De terminis..... | 40 |
| Art. I. De natura terminorum..... | 41 |
| Art. II. De proprietatibus terminorum..... | 46 |
| CAPUT III. De definitione et divisione..... | 51 |
| Art. I. De definitione..... | 53 |
| Art. II. De divisione..... | 58 |

LIBER SECUNDUS

DE JUDICIO

| | |
|--|----|
| CAPUT I. De iudicio ... | 62 |
| Art. unicus. De natura et speciebus iudicii..... | 63 |
| CAPUT II. De propositione..... | 67 |
| Art. I. De Natura propositionis..... | 69 |

| | |
|--|----|
| Art. II. De propositionum speciebus..... | 73 |
| Art. III. De oppositione propositionum..... | 80 |
| Art. IV. De aequipollentia et conversione propositionum..... | 89 |

 LIBER TERTIUS

 DE RATIOCINIO

| | |
|--|-----|
| CAPUT I. De ratiocinio..... | 94 |
| Art. unicus. De ratiocinio..... | 95 |
| CAPUT II. De syllogismo..... | 100 |
| Art. I. De natura syllogismi..... | 102 |
| Art. II. De legibus syllogismi..... | 106 |
| Art. III. De figuris syllogismi..... | 113 |
| Art. IV. De modis syllogismi..... | 116 |
| Art. V. De speciebus syllogismi..... | 121 |
| Art. VI. De argumentandi formis quae ad syllogismum reducuntur..... | 126 |
| CAPUT III. De inductione..... | 129 |
| Art. unicus. De inductione..... | 130 |
| CAPUT IV. De syllogismo demonstrativo probabili et
sophistico | 139 |
| Art. I. De syllogismo demonstrativo..... | 141 |
| Art. II. De syllogismo probabili..... | 150 |
| Art. III. De syllogismo sophistico..... | 157 |

LOGICAE SECUNDA PARS

—
CRITICA
—LIBER PRIMUS
—DE CERTITUDINE
—

| | |
|---|-----|
| CAPUT I. De natura certitudinis..... | 162 |
| Art. I. De veritate..... | 164 |
| Art. II. De diversis mentis statibus erga veritatem | 167 |
| Art. III. De certitudine..... | 174 |
| CAPUT II. De existentia certitudinis..... | 178 |
| Art. I. De dogmatismo..... | 179 |
| Art. II. De scepticismo absoluto..... | 182 |
| Art. III. De scepticismo hypothetico | 187 |
| CAPUT III. De causa certitudinis..... | 190 |
| Art. I. De evidentia..... | 191 |
| Art. II. De criterio veritatis..... | 195 |

—
LIBER SECUNDUS
—DE MEDIIS QUIBUS MENS CERTITUDINEM
CONSEQUITUR
—

| | |
|---|-----|
| CAPUT I. De facultatum cognoscitivarum veracitate .. | 200 |
| Art. I. De sensuum exteriorum veracitate | 202 |
| Art. II. De sensibus internis, praesertim de cons-
cientiae testimonio | 211 |

| | |
|---|------------|
| Art. III. De objectivitate idearum..... | 213 |
| Art. IV. De universalibus..... | 219 |
| Art. V. De certitudine primorum principiorum.. | 227 |
| Art. VI. De certitudine judiciorum mediatorum.. | 230 |
| CAPUT II. De auctoritate..... | 233 |
| Art. I. De auctoritate in genere..... | 235 |
| Art. II. De auctoritate divina..... | 243 |
| Art. III. De auctoritate humana..... | 248 |

 LIBER TERTIUS

 DE MODO ORDINATE PROCEDENDI AD CONSE-
 QUENDUM CERTITUDINEM

| | |
|------------------------------------|------------|
| CAPUT I. De scientia..... | 262 |
| Art. unicus. De scientia..... | 262 |
| CAPUT II. De methodo..... | 268 |
| Art. I. De methodo in genere..... | 269 |
| Art. II. De methodo in specie..... | 272 |

 II

METAPHYSICA

 SEU PHILOSOPHIA REALIS

| | |
|---------------|----|
| Prologus..... | 28 |
|---------------|----|

METAPHYSICA GENERALIS

SEU

ONTOLOGIA

Prolegomena..... 282

LIBER PRIMUS

DE NATURA ENTIS

CAPUT UNICUM. De natura entis..... 284
 Art. I. De notione entis..... 286
 Art. II. De actu et potentia..... 293
 Art. III. De essentia et existentia..... 298
 Art. IV. De possibilitate..... 307

LIBER SECUNDUS

DE PROPRIETATIBUS ENTIS

CAPUT I. De proprietatibus transcendentalibus..... 314
 Art. I. De unitate et distinctione..... 317
 Art. II. De veritate et falsitate..... 323
 Art. III. De bono et malo..... 328
 CAPUT II. De universalissimis entium proprietatibus... 333
 Art. I. De pulchro..... 336
 Art. II. De perfectione in se..... 342

| | |
|--|-----|
| Art. III. De finito et infinito..... | 344 |
| Art. IV. De simplici et composito..... | 348 |
| Art. V. De necessario et contingente.. | 350 |
| Art. VI. De immutabili et mutabili... | 353 |

 LIBER TERTIUS

 DE DIVISIONE ENTIS SEU DE CATEGORIIS

| | |
|---|-----|
| CAPUT I. De substantia..... | 357 |
| Art. I. De natura substantiae..... | 358 |
| Art. II. De individuatione..... | 366 |
| Art. III. De subsistentia..... | 373 |
| CAPUT II. De accidentibus..... | 381 |
| Art. I. De accidentibus in genere..... | 384 |
| Art. II. De quantitate..... | 390 |
| Art. III. De qualitate..... | 394 |
| Art. IV. De relatione..... | 397 |
| Art. V. De actione et passione..... | 402 |
| Art. VI. De ubi seu de loco..... | 408 |
| Art. VII. De quando seu de tempore..... | 412 |

 LIBER QUARTUS

 DE CAUSIS

| | |
|--|-----|
| CAPUT I. De causis in genere..... | 416 |
| Art. unicus. De natura et divisione causarum.... | 417 |

| | |
|--|------------|
| CAPUT II. De causa efficiente..... | 420 |
| Art. I. De natura causae efficientis | 422 |
| Art. II. De existentia causae efficientis | 432 |
| Art. III. De modo operandi causae efficientis..... | 437 |
| CAPUT III. De causa materiali et formali..... | 445 |
| CAPUT IV. De causa finali..... | 450 |
| Art. I. De natura causae finalis..... | 451 |
| Art. II. De existentia causae finalis..... | 455 |

INDEX ALPHABETICUS

A

- Abstractio** : def., 15.
Accidens praedicabile, def., 28.
Accidens praedicamentale, def., 34,
— species : absolutum, modale,
384—realiter distinguitur a sub-
stantia, 385—non repugnat accidens
absolutum, virtute divina, existere
sine subjecto, 386.
Actio, def., 35, 402—species : crea-
tio, effectio, 402—immanens,
transiens, 35, 403—instantanea,
successiva, 404.
Actio in distans, 441.
Actus, notio, 293—species : actus
essendi, existendi, 293—primus,
secundus, 294—purus, non purus,
294.
Equipollentia propositionum. no-
tio et leges, 89.
Equivoca, def., 289.
Estimativa, def., 211.
Eternitas, notio, 414—species :
absoluta, participata, 415—posi-
tiva, negativa, 300, 415.
Evum, notio, 415.
Alienatio, def., 50.
Alteratio, def., 39.
Ampliatio, def., 50.
Analogia, def., 289.
Analogia, notio, 20—species : attri-
butionis, proportionis, 20, 21—
Argumentum analogiae, notio, 151
—effectus, 152—utilitas et abusus,
152.
Analysis, def., 15.
Appellatio, def., 49—species : for-
malis, materialis, 49—regulae, 50.
Argumentum apodicticum, 141—a
pari, a fortiori, a contrario, 153.
Ars, def. 339—species : artes me-
chanicae, liberales, 340—pulchrae
artes, 340—De habitudine artis ad
bonum morale, 340.
Associatio idearum, 24.
Attentio, def., 15.
Auctoritas. notio, 235—divina, hu-
mana, 236—effectus, fides, 237—
cognitionem veram et certam facit,
241—Auctoritas divina certitudi-
nem producit et quidem metaphy-
sicam, 244—Auctoritas humana in
re historica certitudinem moralem
producit, 256—Auctoritas sapien-
tium doctrinam certam non facit
sed probabilem, 258.
Augmentatio, def. 39.
Augmentum et decrementum, 406.
Axiomata, def., 147—ex compara-
tione actus et potentiae desumpta,
295—ex notione possibilitatis,
308—de bono, 332—de simplici et
composito, 350, 351—de causa
efficiente, 442—de fine 454.

B

- Bonitas**, def. 328.
Bonum ; notio, 328—species : meta-
physicum, physicum, morale, 329
—utile, honestum, delectabile, 329
—reale, apparens, 329—finitum,

infinitum, 329—materiale, immateriale, 330—naturale, supernaturale, 330—Bonum et ens convertuntur, 330—Bonum est sui diffusivum, 332—Bonum est prius malo, 332—Bonum ex integra causa, malum ex quocumque defectu, 332.

C

Causus, def., 457.

Causa, notio, 417—quomodo a principio distinguitur, 417—causa efficiens: notio, 422—removens prohibens, 423—species: prima, secunda, 423—prineipalis, instrumentalis, 423—physica, moralis, 424—per se, per accidens, 424—proxima, remota, 424—totalis, partialis, 424—universalis, particularis, 424—necessaria, contingens seu libera, 425—univoca, aequivoca, 425—agens per naturam, agens per intellectum, 425—quantum *ad fieri*, quantum *ad esse*, 425—cognitio effectus ducit ad cognitionem causae, 430—creaturae sive spirituales, sive corporales sunt vere causae efficientes, 433—In rebus creatis virtus agendi realiter distinguitur ab essentia, 438—axiomata, 442—causa materialis: notio, 446—materia prima, materia secunda, 446—causalitas materiae et formae, 448—Causa formalis: notio, 446—forma substantialis, accidentalis, 447—causa exemplaris, 448—causa finalis: notio, 451,—species, 451, 452, 453.

Causalitas, notio, 429—prineipium, 429.

Certitudo, notio, 174 species: subiectiva, objectiva, 175—Scientiae, fidei, 175—metaphysica, physica,

moralis, 176—naturalis, supernaturalis, 177—vulgaris, philosophica, 177—Gradus certitudinis, 177—Existencia certitudinis in dubium revocari, nec denegari potest, 179—Certitudo vulgaris circa quasdam veritates est vera certitudo, 180—De causa certitudinis, 190.—Certitudo primorum principiorum, 227—iudiciorum mediatorum, 230.

Circulus vitiosus, def., 160.

Comparatio, def., 15.

Compositio, notio, 348—species: realis, logica, 348—substantialis, accidentalis, 349—essentialis, integralis, quantitativa, 349—Nul- lum compositum potest esse absolute perfectum et infinitum, 349—In omni composito est aetus et potentia, 350—Ens compositum supponit existentiam entis simplicis, 350.

Conceptualismus, notio, 221—refutatio, 222.

Conclusio directa, indirecta, 103.

Concretum, metaphysicum, physicum, logicum, 18.

Condfitio, def., 423—*sine qua non*, 423.

Conscientia, def, 211—sensitiva, intellectiva, 212—veracitas, 212.

Contigua, def. 392.

Continuum, def., 392.

Contradictio, def. 81.

Conversio propositionum, notio, species, leges, 90.

Corruptio, def., 39, 354.

Credibilitas, def., 239.

Criterium veritatis, notio 195, 196—Facultas cognoscitiva et objectum cognitum non possunt dici Criterium veritatis, 196—Criterium veritatum mediatorum non est evidential, 197—Criterium veritatum mediatorum est resolutio earum in sua principia, 197—Quid de generali criterio veritatis? 198.

Critica, def., 8, 159.

D

- Definitio**, quid, 53—species : nominalis, realis, 53—*intrinsicca*, *extrinsecca*, 54—*essentialis*, *descriptiva*, 54—*leges*, 55.
- Demonstratio**, notio, 141—Species : propter quid, quia, 143—a priori, a posteriori, 143—*directa*, *indirecta*, 144—*negativa*, 144—*absoluta*, *relativa* seu ad hominem, 144—*pura*, *emperica*, *mixta*, 145 *praecognita demonstrationis* et *praecognitiones*, 145—*effectus*, 149.
- Dialectica**, def., 8—*divisio*, 11.
- Differre**, toto genere, genere, specie, 29—*numero*, 27.
- Differentia**, def., 28—*suprema infima*, *subalterna*, 28—*ultima*, 29—*diversitati opponitur*, 322.
- Dilemma**, def., 127—*leges*, 127.
- Diminutio**, def., 39.
- Distinctio**, def., 320 — species : *realis*, *logica*, 320—*realis major*, seu *absoluta*, seu *entitativa*, 320—*realis minor*, seu *modalis*, 321—*rationis ratiocinantis*, *ratiocinatae* seu *virtualis*, 321—*rationis ratiocinatae major*, *minor*, 321 — *distinctio formalis scotistarum*, 321 — *distinctio realis verificari potest multipliciter*, 376
- Diversitas**, def., 322.
- Divisio**, def., 58—species : *actualis*, *potentialis*, 59—*essentialis*, *integralis*, *metaphysica*, *potestativa*, *accidental*, 60—*leges*, 60.
- Dogma**, def., 236.
- Dogmatismus**, notio, 177—*refutatio*, 177.
- Dubium**, def., 168—species : *positivum*, *negativum*, 169—*speculativum*, *praeticum*, 169—*dubitationis causae*, 169.
- Duratio**, def. 415—species, 415.
- . E
- Eminenter esse in subjecto**, 343.

- Ens**, def. quoad nomen, quoad rem, 286—species : *ens in actu*, *ens in potentia*, 286—*ens reale*, *ens rationis*, 287—*Notio entis est communissima*, 287—*omnium prima*, 287—*non est generica*, 288—*non est aequivoca*, *nec univoca sed analoga*, 288—*Ens necessarium*, *contingens*, 350 — *Ens rationis* : *notio*, 291—species : *negativum*, *privativum*, *relativum*, 291.
- Enthymema**, def., 126.
- Epicherema**, def., 126.
- Error**, def., 171—*causa*, 171.
- Essentia**, def., 298—*nomina*, 298—species : *physica*, *metaphysica*, 299—*artificialis*, *naturalis*, 299—*dotes* : *necessitas*, *immutabilitas*, *indivisibilitas*, *aeternitas negativa*, 299 — *cognoscibilitas* : *essentiae reales rerum non sunt nobis omnino ignotae*, 300.
- Evidentia**, def., 191—species : *immediata*, *mediata*, 192—*intrinsicca*, *extrinsecca*, 192—*objectiva*, *subjectiva*, 193—*metaphysica*, *physica*, *moralis*, 193—*habitus evidentiae ad certitudinem*, 194—*evidentia veritatis*, *credibilitatis*, 192, 193, 239—*evidentia attestationis*, 239.
- Exemplum**, prout est argumentatio, 153.
- Existentia**, def., 301—*distinguitur realiter ab essentia*, 301—*difficultates solvuntur*, 305.
- F
- Factum**, def., 236.
- Falsitas**, def., 166, 326—species : *metaphysica*, *logica*, *moralis*, 167, 326—*nulla res dici potest formaliter falsa per ordinem ad intellectum divinum*, 326—*nulla res proprie et per se, sed per accidens tantum falsa dici potest per ordinem ad intellectum humanum*, 327.

Fatum, def., 457.
Fides, def., 237—obscuritas objecti fidei, 238—praequisita ad actum fidei, 239—cum scientia comparatur, 240.
Figura, species qualitatis, def. 35, 397.
Figura syllogismi, notio, 113—numerus, 113—leges, 114-115.
Finis, notio, 451—species: operis, operantis, 451—proximus, intermedius, ultimus, 452—finis cui seu cuius seu objectivus, finis qui, finis quo seu formalis, 453—principalis, secundarius, 453—naturalis, supernaturalis, 453—in ordine intentionis finis habet rationem causae, 453—Causalitas finis, 453—Omne agens agit propter finem, 456.
Finitum, def., 344.
Forma (species qualitatis) def., 35, 397.
Formaliter esse in subjecto, 343.
Fortuna, def., 457.

G

Generatio, def., 39, 354—Generatio unius est corruptio alterius, 354.
Genus, def., 27—supremum, infinitum, subalternum, 28—proximum 28.
Gestus, def., 43.
Gustus aestheticus, 339.

H

Habitus: praedicamentum, def., 36—species qualitatis: notio, 35, 395—entitativus, operativus, 395—supernaturalis, naturalis, 395—bonus, malus, 395—subjectum, 395—origo, 396.
Historia, def., 237.

Hypothesis, notio, 155—principium, 155—utilitas, 155—effectus, 155—leges, 156.

I

Idea, def., 15—diversa nomina, 16—comprehensio et extensio, 16—species: positiva, negativa, 17—abstracta, concreta, 18—realis, logica, 18—simplex, composita, 19—singularis, universalis, particularis, 19—distributiva collectiva, 19—univoca, analoga, 20—transcendentalis, 22—intuitiva, abstractiva, 22—directa, reflexa, 22—clara, obscura, 23—distincta, confusa, 23—completa, incompleta 23—adaequata, inadaequata, 23—identicae, diversae, 24—associatae, insociatae, 24—sociabiles, insociabiles, 25—De idcarum objectivitate, 213.
Idealismus, historia, 205—refutatio, 206.
Identitas, notio, 319—species: realis logica, 319—cum similitudine et aequalitate comparatur, 320.
Ignorantia, def., 167—species: negativa, privativa, 167—causae, 168
Ignorantia elenchi, 159.
Improbabilitas, notio, 170.
Individuationis principium; sententiae philosophorum, 366—sententia S. Thomae demonstratur, 367—solvuntur dubia, 371.
Individuum, def., 367, 370.
Inductio, notio, 131—species: completa, incompleta, 131—vulgaris, scientifica, 131—inductionis scientificae processus, 131—fundamentum, 134—leges—135—cum syllogismo comparatur, 136—inductio scientifica apud Aristotelem et S. Thomam, 137.
Infinitum, def., 344—species: actualc, potentiale, 344—absolutum,

relativum, 344—negativum, privativum, 345—Notio infiniti haberi nequit per continuam additionem finiti ad finitum, sed habetur per totalem subtractionem limitum a finito, 345—Numerus actu infinitus repugnat, 347—multitudo, magnitudo, seu qualitas quaecumque creata actu infinita repugnat, 347.

Instrumentum, actio duplex, 426—virtus, 426—effectus, 427—species : physicum, morale, 428—artificiale, naturale, supernaturale, 428—inanimatum, animatum, 428—conjunctum, separatum 428.

Intellectus, diversa nomina, 227—intelligibilitas circa prima principia, 225.

J

Judicium, notio, 63—materia et forma, 64—praerequisita, 64—varia nomina, 64—species : prudens, temerarium, 64—analyticum, syntheticum, 65—syntheticum a priori, 66.

K

Kant, doctrina exponitur, 214—refutatur, 217.

L

Latio, def., 39.

Loci dialectici, 150.

Locus, notio, 408—diversi modi essendi in loco, 409—Idem corpus non potest esse simul in pluribus locis circumscriptive, 410—Dua corpora non possunt esse simul in eodem loco, 410.

Logica, def., 7—divisio, 8—inventor, 9—utilitas, 9.

M

Malum, notio, 330—species : physicum, morale, 331—naturae, poenae, 331—Existentia mali, 331—mali causa, 331.

Maxima, def., 151.

Memorativa, def., 211.

Metaphysica, def., 281—divisio, 281

Methodus, notio, 269—species : analytica, synthetica, 269—generalis, specialis, 272—leges, 270—utilitas, 271—scientiarum physicarum, 270—methematicarum, 273—n.oralium, 274—philosophicarum : auctoritatis, 276—cartesiana, 187, 276—ontologica, 276—rationalistica, 276—ideaistica, 276—emperica, 276—eclectica, 276—scolastica, 276—analytico-synthetica est vera methodus philosophica, 277.

Modus habendi, def., 39.—per inhaesionem, continentiam, possessionem relationem, juxtapositionem, 39.

Modus syllogismi, notio, 116—modi possibili, 116—utiles, 117—perfecti, 118—modorum symbola, 118—reductio modorum imperfectorum ad perfectos, 118—reductio per impossibile, 119.

Monumenta, def., 237.

Motus, def., 39, 404—species : generatio, corruptio, 39, 354—motus localis, alteratio, augmentum et decrementum, 39, 406.

Multitudo, def., 322—opponitur unitati, 322—actu infinita repugnat, 347.

Mutatio, notio, 353—species : intrinseca, extrinseca, 353—substantialis, accidentalis, 353—generatio, corruptio, 354—elementa, 354.

N

Natura, quid, 299—cum essentia et quidditate comparatur, 299—supposita opponitur, 374.

Naturale multiplici modo dicitur, 389.

Necessarium, def., 350—absolute, hypothetice, 350—ens necessarium est causa entis contingentis, 351.

Nomen, def., 69.

Nominalismus, exponitur, 221—refutatur, 222.

Numerus, def., 347—infinitus repugnat, 347.

O

Objectum, materiale, 2, 263—formale, 3, 263—formale quod, formale quo, 263—formale quo specificat scientiam, 264.

Occasio, def., 423.

Occasionalismus, 432.

Ontologia, notio, 282—divisio, 283.

Operatio sequitur esse 406.

Oppositio, def., 37—relativa, contradictoria privativa, contraria, 37—oppositio propositionum : def., 80—fundamentum, 81—species ; contradictoria, 82—contraria, subcontraria, subalterna, 83—oppositio gradus, 87.

Oratio, def., 71—species : perfecta, imperfecta, 71—enuntiativa, deprecativa, imprecativa, interrogativa et vocativa, 71.

Ordo, def., 337.

P

Passio, (species qualitatis), def., 35, 397.

Passio, (praedicamentum), def. 35, 404.

Patibilis qualitas, def., 35, 397.

Perfectio, def., 341—species : absoluta, relativa, 341—totalis, par-

tialis, 341—essentialis, ex fine, accidentalis, 342—simpliciter simplex, secundum quid, 343—est in subjecto formaliter, virtualiter, eminenter, 343.

Persona, def., 375—falsae definitiones, 380.

Petitio principii, 160.

Phantasia, def., 211.

Philosophia, def. 1—objectum, 2—divisio, 3—utilitas, 4.

Polysyllogismus, def., 128.

Possibilitas, notio, 307—species : intrinseca seu absoluta, extrinseca seu relativa, 307—physica, moralis, 308—principium extrinsecum a quo pendet, 309—Possibilitas intrinseca non pendet ab actuali rerum existentia, 310—ab intellectu humano, 310— a potentia divina, 310— a libera Dei voluntate, 311—pendet formaliter ab intellectu divino, et fundamentaliter ab essentia Dei, 311.

Postpraedicamenta, notio et numerus, 37.

Postulatum, def., 147.

Potentia, notio, 35, 293—species : objectiva seu logica, subjectiva seu realis, 294—receptiva, operativa, 294, 396—naturalis, obedientialis, 295—activa, passiva, 295.

Praedicabilia, notio et numerus, 26—species, 27.

Praedicamenta, notio, 30— numerus, 31—discrimen a praedicabili, 32—conditiones ut res sit in praedicamento, 32—esse in praedicamento, *directe, indirecte, reductive*, 33.

Principium, notio 417—quomodo a causa distinguitur, 418—causalitatis, 429—rationis sufficientis, 422.

Principia demonstrationis, inde monstrabilia, secundum quid, 147—axiomata, positiones, 147—suppositiones, postulata, 147—principia communia, propria, 148

—analytica, synthetica, 148—
 contradictionis, identitatis, medii
 exclusivi, 292.
Principiatum, def., 417.
Prioritas, def., 38—temporis, natu-
 rae, consequentiae, ordinis, digni-
 tatis, 38, 39.
Probabilitas, def., 170.
Propositio, def., 71—materia et
 forma, 72—de primo, secundo,
 tertio adjacente, 72—elementa :
 materia, forma, quantitas, qualitas,
 72—species : necessaria: im-
 possibilis, contingens, 73—affir-
 mativa, negativa, 73—vera, falsa,
 74—universalis, particularis, sin-
 gularis, indefinita, collectiva, 74
 —universalis metaphysica, phy-
 sica, moralis, 75—simplex, com-
 posita, 75—simplex incomplexa et
 complexa 75—aperte composita :
 copulativa, causalis, discretiva,
 relativa, 76—occulte composita seu
 exponibilis : exclusiva, exceptiva,
 comparativa, reduplicativa, 79—
 categorica, hypothetica, 78—con-
 ditionalis, disjunctiva, conjunctiva,
 78—absoluta, modalis, 79—pro-
 prietates : oppositio, 80—propo-
 sitiones contradietoriae, contra-
 riae, subcontrariae, subalternae,
 83—aequipollentia : notio et leges,
 89—conversio : notio, species et
 leges, 90—propositio *per se* nota,
 nota *quod se, quod nos*, 148.
Proprium, def., 28.
Pulchrum, notio, 336—elementa,
 336—species : ideale, reale, 338—
 spirituale, sensibile, 338—intellec-
 tuale, morale, 338—naturale, arti-
 ficiale, 338—sublime, venustum,
 gratiosum 338—facultas pulchri
 perceptiva, 339.

Q

Qualitas, def., 35, 394—species habi-
 tus et dispositio, 35, 395—potentia

et impotentia, 35, 396—passio et
 patibilis qualitas, 35, 397—forma
 et figura, 35, 397—proprietas,
 394.
Quando, def., 36, 412.
Quantitas, notio, 34, 390—proprieta-
 tes, 391—ratio essentialis, 391—
 species : dimensiva, virtutis, 392—
 continua, discreta, 34, 392—per-
 manens, successiva, 34, 392—reali-
 ter distinguitur a substantia, 392.
Quidditas, def., 299.

R

Ratio, (pro essentia) 299—facultas
 intellectiva, 227—in judiciis me-
 diatis *per se* errare non potest, sed
per accidens, 231—(ad modum
 causae) 442.
Ratiocinium, notio, 95—elementa,
 96—leges, 97—principia, 98—spe-
 cies : deductivum, inductivum, 98.
Rationalismus, exponitur, 244—re-
 futatur, 245.
Realismus, platonicus, 221, 222—
 ontologicus, 221, 222—empe-
 ricus, 221—temperatus, 222, 223.
Reflexio, def., 15.
Relatio, def., 34, 397—elementa, 398
 species : realis, logica, 398—trans-
 cendentalis, praedicamentalis, 399
 —mutua, mixta, 399—aequiparan-
 tia, disquiparantiae, 399—aequa-
 litatis, similitudinis, originis et
 causalitatis, 400—reales relationes
 habentur in rebus creatis, 400—
 relatio praedicamentalis realiter
 differt a suo fundamento, 401.
Retorsio argumenti, 144.
Revelatio, possibilitas, 243.

S

Scepticismus, notio, 182—species :
 universalis, particularis, absolu-
 tus, hypotheticus, 182—historia,

- 183—refutatur scepticismus absolutus. 183—solvuntur dubia, 185—exponitur et refutatur scepticismus hypotheticus, 187, 188.
- Scientia**, notio, 149, 263—cum fide comparatur, 240—objectum materiale et formale, 263—principium speciffentivum, 264—species : speculativa, practica, 264—subalternans, subalternata, 266—
- Scriptura**, def., 44.
- Sensus communis**, def., 211
- Sensus naturae communis**, def., 248—*intra* limites proprii objecti gignit certitudinem, 249.
- Sensus externi**, notio, 202—objectum sensibile, 203—sensibile *per se*, *per accidens*, 203—sensibile commune, proprium, 203—conditiones requisitae ad perfectum sensuum exercitium, 203—habitus sensus ad sensibile proprium, 203—ad sensibile commune, 204—ad sensibile *per accidens*, 204—sensus externi sunt veraces, 206.
- Sensus interni**, notio, 211—numerus, 211.
- Signum**, def., 41—formale, instrumentale, 41—naturale, arbitrium, 42—speculativum, praeticum, 42.
- Similitudo**, notio, 320—perfectissima, perfecta, imperfecta, 320.
- Simplex**, def., 318—absolutum, relativum, 349—ens simplicissimum est infinitum et perfectum, 350.
- Simplex apprehensio**, def., 14.
- Simplicitas**, def., 348.
- Simultas**, def., 39.
- Situs**, def., 35.
- Sophisma**, notio, 157—species : aequivoactionis, 157—amphibologiae, 158—compositionis et divisionis, 158—accentus, 158—figurae dictionis, 159—accidentis, 159—a simpliciter ad secundum quid, 159—ignorantiae elenchi, 159—petitionis principii, 160—consequentis, 160—non causae ut causae, 160—interrogationis, 160.
- Sorites**, def., 126—leges, 127.
- Spatium**, notio, 411—species : reale, ideale, imaginarium, 411.
- Species** (praedicabilis) def., 27—suprema, infima, subalternata, 27—essentia vocatur species, 298.
- Statistica**, 153.
- Subjectivismus** empiricus, 205, 206—Kantii, 214-217.
- Subsistentia**, def., 378—est quid realiter distinctum tum a natura singulari, tum ab existentia, 379.
- Substantia**, def., 33, 359—falsae definitiones, 360—ratio essentialis, 362—species : prima, secunda, 33, 34, 362—completa, incompleta, 362—incompleta in ratione substantialitatis, in ratione speciei, 363—simplex, composita, 363—corporea, materialis, immaterialis seu spiritualis, 363—Reales existunt substantiae, 364—pro essentia sumitur, 299.
- Suppositio**, def., 46—species : materialis, formalis, 46—realis, logica, 46—absoluta, personalis, 46—singularis, universalis, particularis, 47—distributiva, collectiva, 47—disjunctiva, disjuncta, 47—regulae, 48.
- Suppositum**, def., 374—distinguitur a natura : philosophorum sententiae, 375—realis distinctio vindicatur, 376—constitutiva suppositi, 380.
- Suspicio**, def., 169.
- Syllogismus**, def., 102—elementa, 102—principia, 104—utilitas, 104—leges, 106—figura : def., 113—numerus, 113—leges, 114—modus : def., 116—modi possibili, 116—utiles, 117—perfecti, 118—modorum symbola, 118—reductio modorum, 118—reductio per impossibile, 119—species : scholasticus, oratorius, 121—simplex, compositus, 121—absolutus, modalis, mixtus, 122—categoricus,

hypotheticus, 122—conditionalis, disjunctivus, conjunctivus, 122, 123, 124, 125—expositorius, 125—probabilis, 150—vis syllogismi vindicatur, 231.
Synthesis, def., 15.

T

Tempus, notio, 412—species: reale, ideale, imaginarium, 414—intrinsecum, extrinsecum, 414.
Terminus, notio, 42—species: categorematicus, syncategorematicus, 44—simplex, complexus, 44—univocus, analogus, aequivocus, 44—absolutus, connotativus, 45—positivus, negativus, 45—proprietas, 46—terminus major, minor, medius, in syllogismo, 103.
Testis, def., 536—species: idoneus, inidoneus, 236—ocularis, auritus, 236—coevus, posterior, 236.
Testimonium, notio, 237—species: orale, scriptum, monumentale, 237—historicum, dogmaticum, 237—necessitas seu maxima utilitas, 241—auctoritas testimonii, 244—oralis, 250—scripti, 253—monumentalis, 255—historici, 255—dogmatici, 258.
Totum, def., 58—species: actuale, potentiale, 58—essentiale, integrale, 59—methaphysicum, physicum, 59—morale, artificiale, potestativum, accidentale, 59.
Traditio oralis, def., 237—positis conditionibus, certitudinem producit, 251.

U

Ubi, def., 35, 408.
Unicitas, def., 317.
Unitas, def., 317—species: numerica, transcendentalis, 317—simplicitatis, compositionis, 318—substantialis, accidentalis, 318—naturalis, artificialis, moralis, 318—realis, logica, 318—numerica, specificata, generica, analogica, 318.
Universale, notio, 219—species: metaphysicum, logicum, 220—quoad rem conceptam, quoad modum concipiendi, 221—philosophorum sententiae de natura universalium, 221 et seq.
Univoca, def., 289.
Unum et ens convertuntur, 319.

V

Verbum, def., 70.
Veritas, def., 164, 323—primo et essentialiter dicitur secundum ordinem ad intellectum divinum, secundario et accidentaliter, secundum ordinem ad intellectum humanum, 323—species: metaphysica, logica, moralis, 165, 324—fundamentalis, 324—omnis veritas a Deo pendet prima veritate, 325—Veritas logica in simplici apprehensione semper habetur, sed imperfecte, 165—perfecte habetur in iudicio, 166—Veritas propositionum contradictoriarum, 84—contrariarum, 85—subcontrariarum, 86.
Verum et ens convertuntur, 325.
Virtualiter esse in subjecto, 343.
Vocabulum, def., 43.

